

Library
of the
University of Toronto



STILLMAN DRAKE

277/10

encl. Intelle. 1/10

Cap. 31-33
233

120 NF

89

A. 291

Bellandus 20X-5

CC 70

DURET

2617



DISCOVERS,

DE LA VERITE.

DES CAUSES ET EFFETS,
DES DIVERS COUUS,
mouvements, flux, reflux, & saieure
de la Mer Oceane, Mer Mediterranee
& autres Mers de la terre.

*Par M. Claude Duret Conseiller du Roy, & Pre-
sident au siege Presidial de Moulins
en Bourbonnois.*

A Monseigneur de Bellicure,
Chancelier de France.



A PARIS,
Chez Jacques Reze, au Mont Saint Hilaire,
pres la cour d'Albret.

M. DC.

Digitized by the Internet Archive
in 2024 with funding from
University of Toronto



A TRES-ILLVSTRE ET
TRES-VERTVEUX SEIGNEVR,
MESSIRE DE BELLIEVR,
Chancelier de France.

MONSEIGNEVR,
*Les faueurs qu'il a pleu à vostre grandeur
m'impairtir depuis cinq ou six ans en plu-
sieurs & diuerses fois tant à Lyon, Paris,
qu'en ceste ville de Moulins, sans les auoir
aucunement meritè enuers vous par au-
cuns miens seruites tres-humbles, m'ont, comme par vne ne-
cessité, pour la continuelle memoire que l'en ay, à bonne &
iuste occasion, & auray toute ma vie, du tout contraint d'o-
ser prendre ceste hardiesse de presenter tres-humblement à
vostre grādeur MONSEIGNEVR, ce mien petit Dis-
cours de la Verité des Causes & Effects des diuers
cours, mouuemens flux & reflux & saleure de la
Mer Oceane, Mer Mediterranee, & autres Mers
de la terre. Lequel Discours pour la grandeur & sublimi-
té de son subiect, les grandes & diuerses diuersitez, &
contrarietez des opinions des anciens, & modernes Philoso-
phes, Historiens, Cosmographes, Geographes, Topographes,
Astrologues, Mathematiciens, Theologiens, Voyageurs, Na-
uigateurs, & autres perscrutateurs des secrets plus cachez
de la nature, deduits & rapportés au vray en iceluy avec la*

E P I S T R E.

resolution sur chacune d'icelles, i'ay principalement esleu & choisy, comme plus ie ne diray pas, digne, mais conuenable à vostre Grandeur, & sublimité d'esprit, entre autres mien Discours composez durant les guerres dernieres, l'vn De l'Origine, accroissement, grandeur, perfection, excellence, decadence, & ruine des Langues Hebraique, Chaldaique Syriaque, Arameene, Tangique, Abyssine Arrabesque, & autres infinies langues anciennes lesquelles en general & particulier ont eu au temps iadis cours & vogue par cest vniuers, des Aucteurs qui ont plus eloquemment escrit en icelles, & des liures qui se treuuent composez en icelles, mais non encor imprimez, avec la deduction de toutes les langues qui sont a present vsitees, & parrees par toute la terre. Vn autre, de l'histoire de certains Zoophytes ou Plant-Animaux cest à dire plantes vivantes & sensitiues, comme les animaux, avec les pourtraits d'icelles au naturel, choses incroyables ou plustot miraculeuses en nature, non veues ny cogneues par aucuns des anciens Aucteurs Hebrieux, Grecs, Latins, Chaldees, Arabes, & autres, ains seulement par certains modernes Voyageurs & Nauigateurs Hespagnols, Portugais, François, Polonois Anglois & autres. Vn autre Des Artifices, ou inuentions de plusieurs beaux ouurages ou manufactures vtilles & necessaires à la vie humaine, non pratiquez par nos Maistres des Mestiers du iourd'huy, le renouvellement de l'usage desquels, est demonstre clairement pour ir estre assement explique par nosdicts Maistres & Mestiers. Et l'autre, de la Verité du iuste & parfait calcul des Cours & mouuements presens, des dixieme, neuuisme, & huictieme Cicux, ensemble des estoilles fixes, & Planettes. Lesquels Discours i'espere (aydant Dieu) mettre en brieuf en lumiere, s'il vous plaist Monseigneur, daigner m'honorer de tant, de vouloir receuoir d'aussi

EPISTRE,

bon œil ce present Discours, que de tresbon cœur & affection
se l'offre à vostre Grandeur, pour un perpetuel tesmoignage
du tres-humble service que ie vous ay voué, & vouë toute
ma vie. Ie vous supplie donc tres humblement, Monsei-
gneur, de le vouloir benignement recevoir, puis que sous la
faueur de vostre Nom immortel & illustre dignité i'ay osé
entreprendre de le mettre en lumiere. Ce faisant

MONSEIGNEUR, Ie prieray le souuerain Crea-
teur vouloir, Vous maintenir longuement en vostre
Grandeur & prosperité. A Moulins en vostre tres-
humble Maison ce Septembre 1600.

*Vostre tres-humble & tres-obeissant
seruiteur,*

CLAVDE DVRET.

BOVRBONNOIS.

TABLE DES CHAPITRES.

- D**E la diuision du monde & de la Region celeste & elementaire. chapitre 1. pag. 1.
De la forme du Ciel ou du firmament. chap. 2. pag. 5.
Du nombre & quantité des cieux. chap. 3. p. 10.
De la Region des quatres Elemens en general & de la terre. chap. 4. pag. 17.
De la forme de la terre. chap. 5. pag. 23.
Si la terre est mobile ou immobile. chap. 6. p. 27.
De la quantité & mesure de la rondeur & diametre de la terre. chap. 7. pag. 34.
Si la terre a vn, deux, ou trois centres diuers. chapitre 8. pag. 39.
Que cest l'element de l'eau comme iceluy appartient à la perfection du monde & sans lequel element le monde ne pouuoit estre ne subsister. cha. 9. p. 52.
Que l'element de l'eau est rond. chap. 10. pag. 66.
Comment & pourquoy la terre a esté descouuerte de l'eau. chap. 11. pag. 69.
S'il y a plus d'eau que de terre. chap. 12. pag. 91.
De la generation de la Mer. chap. 13. pag. 108.
Du lieu de la Mer. chap. 14. pag. 118.
Si la Mer est plus haute & esleuee que la terre ou la terre plus haute & esleuee que la Mer. chap. 15. pag. 128.
Des diuers noms & appellations de la Mer. chap. 16. page 141.
Descriptions particulieres de la Mer Oceane, Meditteranee, Mer Rouge, Mer Persique & Caspie. chap. 17. pag. 148.
Des diuers cours & mouuemens en general tant de

T A B L E.

- la Mer Oceane , Mer Mediterranee', Adriatique,
que autres. chap.18.pag.153.
- Des causes & effects des flux & reflux de la Mer
Oceane , Mer Mediterranee, Mer Adriatique, &
autres. chap.19.pag.185.
- Des causes & effects de la saleure de la Mer. chap.
20.pag.293.
- Des proprietiez & vtilitez de l'eau marine & du sel.
chap.21.pag.330.
- De l'origine & cause des courtes des fleuves & ri-
uieres. chap.22.pag.338.
- Des causes & effects des coullemens des eaux sur la
terre & des courantes des eaux dans la Mer. chap.
23.pag.363.
- Des causes & effects de la source & inondations du
Nil. chap.24.pag.369.
- D'aucuns autres fleuves ou Riuieres lesquels croîs-
sent & décroissent ainsi que le Nil incogneus des
anciens. chap.25. pag.382.
- Des vicissitudes & mutations de la terre, en mer, &
de la Mer en terre, & autres choses faisant à ce
propos. chap.26.388.
- Des causes & effects des deluges , & combien il y a
eu de deluges en la terre depuis le commencement
du monde iusques a present. chap.27.pag.396.
- De l'Arche de Noë. chap.28.pag.407.

EGO SUM DOMINVS DEVS, qui conturbo
Mare, & intumescunt fluctus eius, Dominus exercituum
nomen meum. Elaias. Cap. LI.

Ego Deus circumdedi Mare terminis meis, & posui vectem
& ostia, & dixi, usque huc venies, & non procedes amplius,
& hic confringes tumentes fluctus tuos. Iob. Capite
XXXVIII.

Deus circumdabat Mari terminum suum, & legem po-
nebat aquis, ne transirent fines suos. Salomon Prou. VIII.

Tu Domine Deus, dominaris potestati Maris, motum
autem fluctuum eius tu mitigas.
Dauid Psal. LXXXVIII.

Mirabiles elationes Maris, mirabilis in altis Dominus.
Idem Psal. XCIII.

Mare moueatur & plenitudo eius. Idem. Psal. XCVIII.

Qui descendunt Mare in manibus facientes operationem
in aquis multis, ipsi viderunt opera Domini, & mirabilia
eius in profundo, dixit, & stetit spiritus procellae, & exalta-
ti sunt fluctus eius, ascendunt usque ad Calos, & descendunt
usque ad abyssos. Idem. Psal. CVI.

Iesus Christus Dominus noster. imperauit Mari,
& Ventis, & facta est tranquillitas magna. Math. VIII.
Marc. IIII. Luc VIII.

Dominus Iesus Christus super Mare ambulauit.
Iohan. VI.



DE LA DIVISION DV MONDE, ET DE LA REGION CELESTE ET ELEMENTAIRE.

CHAPITRE PREMIER.



O V T E ceste grande masse du Monde, est vne belle ordonnance, & assemblée des corps Celestes, & terrestres, embrassant deux grandes & admirables Regions; l'vne celeste, naïfue, luisante, & nette, laquelle depuis le bas orbe de la

Lune, iusques au concaue du Ciel supresme, contient les orbes, Cieux, & cercles imaginez des Estoiles fixes, & les rondes & courbees allees des sept Planetes; par lesquelles orbes & allees les corps celestes vont, & reuiennent, & de leurs diuers cours & mouuemens, causent aux hommes, & aux animaux, la diuersité des anneés, des saisons, des inois, des iours, des nuicts: & de leur secrette & cachee vertu, alterent la nature des quatre Elemens, à sçauoir le feu, l'air, l'eau, & la terre; Et par traicts de temps changent l'ordonnance & police des choses inferieurs,

en engendrant nouueaux effectz, & abolissant les premiers & plus anciens. L'autre region, est elementaire, laquelle depuis le bas orbe de la Lune, iusques au centre de la Terre, accolle & embrasse ces quatre Elemens, le feu, l'air, l'eau & la terre: Lesquels engendrent, gardent, & nourrissent diuinement les hommes, les animaux, les oyseaux, les poissons, les arbres, les plantes, les herbes, les metaux, les pierres, & toutes les autres choses visibles & maniables; & qui neantmoins se tiennent subiectes aux Corps celestes & premieres qualitez, par le vouloir & consentement de la premiere cause, qui est Dieu le Createur, lequel fit & crea ceste admirable structure du Monde d'un rien, & de son seul Verbe & parole; afin d'y loger la nature humaine, pour estre par apres sa diuinité admiree, sanctifiée, & louée, par les œuvres & creatures. Mais quoy que nous ayons deduit cy dessus, si ne deuons nous croire les nuages, ténèbres, esclairs, & autres choses sublimes estre faictes en la premiere & celeste region, ains icelles aduenir, (au iugement des plus doctes philosophes & Mathematiciens) quasi au milieu de la plage élémentaire. Ce que le subtil Vitellio, liu. 10. Theoreme 60. preuue fort doctement par ses lignes optiques, disant les nuages se reculer de la terre de 52000. pas; qui font 26. lieues Françoises; Contre lequel Auteur, aucunx personages modernes maintiennent qu'iceux nuages s'eslongnent inegalement par fois plus loing, par fois plus pres, de ladite Terre, plus loing de 772000. pas, qui font 386. lieues Françoises: Car les vapeurs de la Terre peuuent gagner ceste hauteur, & là se cōuertir en nuages & pl⁹ pres de 288000. pas qui font 144. lieues Françoises. A quoy s'accorde H. Cardan, liu. de la lumiere & clarté: par ce moyen

Plin liu.2. cha. 13. de son histoire naturelle, est bien loing de son cōpte, lequel alleguant Posidoine dōne seulement à la hauteur des nubes 3000. pas, qui font 40. stades, ou cinq milliers d'Italie à 125. pas pour stade, & huit stades, pour millier. Et est ceste premiere regiō que nous auōs appellé cy dessus celeste, naïue, luisante, & nette, nōmee du cōsentement de tous les Philosophes, *Quintessence*, pource qu'icelle ne tenant rien des quatre Elemens, est totalement exempte de toutes qualitez elementaires, pour estre faite d'une matiere tres luisante, pure, paisible, & voisine à une nature aëree, claire, & nette; à ceste cause appelée des Grecs *Æther*, de nous Region *Ætheree* luyuant l'auctōrité du grand Prophete Moysé au Genèse, qui dict, *La lumiere a esté faicte*, c'est à dire, toute ceste grande contree celeste: laquelle pour le certain avec tous ses corps endureroit de grandes contrarietez, si elle estoit aucunement subiecte aux quatre Elemens: Car la cōtrarieté d'icelle, produiroit vne dissolution, & la dissolutiō engēdreroit vne brieue ruine ausdits corps celestes, lesquels ne montent iamais cōtremer, cōme font les deux Elemens legers, le feu, & l'air, & ne deualent contrebas, cōme les plus pesans l'eau, & la terre, ains se remuēt, virent & tournent en rōdeur, à cause dequoy iceux ne sont subiects à corruption, & alteration; & ne vont par contrainte d'Orient en Occident, comme plusieurs personages estiment; Car telle cōtrainte causeroit quelque violence amie de mortalité & corruption: mais sont portez & cōduits au gré du premier Ciel, avec toutesfois leurs propres & naturels mouuemens, qui temperent aucunement la vitessē & rapidité du premier; estant tres-certain (au rapport d'Auerroes) que ce pre-

mier Ciel remuë les autres, non violement, mais en la sorte & maniere que le cœur faiët remuer les autres parties du corps humain: lequel cœur ayant premierement prins force de vie, la distribue aux autres membres, pour estre remuë & nourry avec eux. Ce qui a meu aucuns Philosophes anciens & modernes considerans les belles raisons de Platon, Aristote, Philon, & quelques autres, de dire que les corps celestes, & leur noble region ne pourront empirer ne endurer la derniere conflagration qui doit alterer & ruiner les corps elementaires. Mais les Theologiens anciens tels que sainët Basile hom. 1. & 3. sur le Genese, Theodoret en ses Commen. sur le 8. chap, de l'Epist. aux Romains, Damascene liur. 2. de la foy Orthodoxe chap. 6. S. Chrysosto. homel. 9. & 10. au peuple d'Antioche: Justin martyr respondant aux questions des Gentils, quest. 93. 94. 95. & en son opusculc contre Aristote, & Irenée liu. 4. chap. 26. Sainët Ambroise liure 1. Hexamer. chapit. 6. & Gennadius liure des traditions de l'Eglise, chapitre 7. appuyez sur plusieurs auctoritez de la saincte Escriture tiennent qu'iceux corps celestes endureront vne fin finale par le feu, à tout le moins vn renouvellement, & renouation, par ce qu'iceux ne sont capables de raison, ny d'intelligence comme les Esprits immortels; Et d'autant que toutes choses engendrees, comme veut Democrite, doiuent endurer corruption; Ce n'est de merueille si le monde ayant esté faiët & formé, ainsi que les Hebrieux, Platoniciens, & Chrestiens croient: doit en fin endurer quelque corruption, ou bien quelque grande alteration. Ce que semble auoir creu le mesme Aristote au liure du Ciel & du Monde, & infinis autres

anciens Philosophes, desquels i'ay faict mention aux chapitres 24. & 25. de mon Discours de la verité des causes & effects des decadences, mutations, changemens, conuersions, & ruines des Monarchies, Empires, Royaumes, & Republiques: ausquels chapitre il est traicté si le Monde fut faict & créé au signe du Monton, qui est au mois de Mars, ou au signe des Balances qui est au mois de Septembre, & si le Monde ne durera que six mil ans entiers, comme l'escriuent aucuns Hebreux, & s'il a esté statué par l'Eternel certains periodes ou fins aux choses de cest Vniuers.

De la forme du Ciel, ou du Firmament.

CHAP. II.

Nous ne deuons aucunement mettre en doute selon l'opinion des plus grands & excellens Philosophes anciens & modernes, que le Ciel qui couure & embrasse toutes choses faictes & créées dedans sa concauité, ne soit rond, & spherique, ainsi qu'une boule faite au tour: Ce qui se preuue en premier lieu par nostre veüe qui n'a aucun empeschement, n'object, que le seul Firmament: Secondement par nos yeux, que le diuin Platon au Timeé a dict auoir esté faict pour descouurir les corps celestes, lesquels yeux, ont cogneu & monstré au Ciel certain nombre d'Estoiles ioignant nostre Pole Septentrional, qui ne se leuent & ne se couchent iamais, ains tournoyent tousiours lentement à l'entour dudit Pole: Ce pendant que certaines autres Estoiles qui sont ioignant ou sous

L'Equateur tournent tout autour de la terre, plus soudainement & viftement : Ce qui nous doit persuader de croire nostre Pole estre vn vray gond & puiot, sur lequel le Ciel estant de forme ronde, se tourne, & vire incessamment. Tiercement nous voyons vne infinité d'Estoiles fichees au Ciel estre portees soubs terre, tandis qu'une autre infinité se leue, & puis se couche, & ce pendant les premières se releuent, & qui plus est sans changer de leur lieu, & place, suivent sans cesse leurs estroictes sentes & voyes : Ce qui nous doit rendre assurez, que ces mouuemens tant iustes & ordinaires ne peuvent aduenir, sinon autour d'un corps rond, & Spherique: A cause dequoy il faut donc que nous confessions le Ciel auoir figure ronde. Quartement nature ne peut au dire d'Aristote liu. 4. chap. 7. des choses naturelles endurer vn lieu qui soit vuide & totalement desnüé de tout corps (estant vn lieu vuide ce ou aucun corps ne se peut voir ne sentir) ce que nous deuons entendre non seulement des corps apparens & materiels, mais aussi des corps inuisibles, & toutesfois sensibles, comme de l'air & du vent: & est impossible qu'un lieu soit sans quelque corps : Parquoy nous ne deuons nous esbahir, si les corps celestes sont tellement rangez & conjoincts qu'il n'est possible que l'un lasche l'autre: Et si le Ciel estoit tout plat & faict de trois, à quatre, à cinq, ou six Angles, certainement le vuide auroit lieu durant la conuersion, & contournement dudit Ciel: Ce que n'estant, il faut donc que nous concluons qu'il est de forme ronde & spherique. En cinquiesme lieu selon Platon au Timee, le Ciel est le premier & le plus parfait de tous les Corps, & estant la figure ronde &

Spherique la plus parfaite, ferme, & capable de toutes les figures; C'est donc bien raison de bailler au Ciel vne forme ronde, ou spherique. D'auantage nous voyons le Ciel se reculer esgalement de la terre, que si iceluy auoit autre figure que ronde, nous voirrions visiblement les Estoiles par fois plus grandes, par fois plus petites, à mesure qu'elles se reculeroient, ou s'approcheroiēt de la terre: Ce que n'aduenāt, faut cōclurre le ciel estre tout rond, & spherique. Que si on nous obiecte q̄ nous voyōs les corps celestes en leur leuant ou couchant se monstrier plus pleins & plus gros qu'ils ne sont en la ligne du Midy, nous respondrons qu'il s'en faut prendre aux fumees & vapeurs de la terre, lesquelles respendues en l'air sur la plaine face de la terre, entre nostre veuē & les Estoiles dissipent & respendent les rayons desdites Estoiles, de sorte que leurs corps semblent à la veuē plus gros & lourds que la verité ne permet, mais il ne nous en faut esbahir: Car si, au rapport de Vitellio liure 10. Theoreme 42. entre la chose apperceuē, & nostre veuē se met vn corps espais, & transparent, lors la veuē fera accroire aux ignorans, que les extremittez de la chose apperceuē, sont plus larges qu'ils ne le sont au vray, & que la pointe optique qui paruiēt à leurs yeux se monstre plus ouuerte: A cause dequoy la chose apperceuē semblera plus grande, de sorte que quelque chose jettee au au fonds d'une eau bien claire & nette, se montrera à la veuē plus large, qu'elle ne l'est au vray: Aussi l'Aristote a bien recogneu que les choses se monstrent à la veuē plus grandes, regnant le vent de Midy, qu'elles ne sont durant le vent de Bize, parce que l'un pour estre humide & chaud, engrossit l'air d'hu-

miditez australes, & l'autre pour estre froid & sec, le purifie & rend plus clair & liquide: Et afin que no^s n'oublions en cest endroit à deduire ce qu'il faut, nous apprendrons que les Philosophes anciens auant Platon ont diuisé le huitiesme Ciel en 360. parties, chacune desquelles contenant, au dire de Iule Firmique, vingt-vn mille quatre cens stades, par ceste supputation le Ciel entier s'estendra en rondeur sept millions sept cens quatre mille stades, qui sont neuf cens soixante-trois mille, estendant le mille pour huit stades, ou mille pas: vray est que les modernes Astronomes tiennent que ce huitiesme Ciel a de tour & circonference plus de cent trente-trois millions de lieues, à deux mil pas la lieue, au pas Geometrique. Quelques-vns pensans estre plus aduisez que les autres, disent que ce Ciel a de circuit deux cens quarante & cinq millions, sept cens nonante & vn mille quatre cens quarante lieues. Quat au Firmament, quelques modernes Astrologues asseurent que chaque poinct d'iceluy faict en son cours & mouuement durant chaque heure du iour 42398437 $\frac{1}{2}$ milliaires, & ce a cause qu'en 24. heures iceluy faict 1017562500. milliaires: Ce qui faict qu'à grand peine peut-on comprendre en l'esprit ceste si grande celerité de son cours & mouuement. Car icelle est telle que chaque poinct d'iceluy Firmamēt, faict en chacune heure, autant de chemin qu'un homme, sans cesse marchant feroit en 2904. ans, encor qu'iceluy homme fit tous les iours sans faillir, quarante milliaires. Ce qui semble incredible: Car le cours & mouuement de ce poinct du Firmament est plus viste que n'est celuy d'un traict ou d'un oyseau quel qu'il soit, lequel en l'espace de tēps qu'un Aue

Maria seroit recité, seroit 176660. milliaires, c'est à dire, parcoureroit toute la terre depuis l'Orient iusqu'à l'Occident souz l'Equateur, plus de sept fois, ven que la circonference de la Terre qui est selon lesdits Astrologues cy dessus, de 22500. milliaires, est contenue plus de sept fois en ce nombre 176660. Laquelle velocité excède tout humain iugement: mais tout ce que dessus pourra estre compris avec quelque facilité, si on considere attentiuement qu'à grãd peine peut-on reciter durant le quart d'une heure. 60. Aue Maria, & durant vne heure entiere, deux cens quarãte: Et de là on peut inferer que le temps qu'on peut reciter vn seul Aue Maria est $\frac{1}{40}$. d'une heure: Car c'est sans doute qu'un point de l'Equateur au conuexe du Firmament faict 176660. milliaires en $\frac{1}{240}$ d'une heure: veu qu'en vne heure il fait 42398437 $\frac{1}{2}$ milliaires, ainsi que nous auons desja deduit cy dessus: parquoy il est de necessité que le traict ou l'oysseau fust aussi 176660. milliaires, c'est à dire, par cours plus de sept fois la terre, en l'espace de temps d'un Aue Maria, s'il vouloit suiure le cours & mouuement dudit Firmament. Et à plus proprement parler, telle est la velocité d'iceluy cours & mouuement dudit poinct du Firmamēt en vne heure, que seroit celle d'un traict, ou d'un oysseau, qui depuis l'Orient iusques en l'Occident parcoureroit toute la terre soubs l'Equateur mil huit cens octante & quatre fois, à cause que le circuit de la terre contenant selon l'opinion des dessusdicts Astrologues 22500. milliaires est contenu en 42398437 $\frac{1}{2}$ milliaires (qui sont faicts en vne heure par cedit poinct de l'Equateur) autant qu'il y a d'vnitez en ce nombre de 1884. & vn peu plus: Laquelle cele-

rité est fort difficile d'estre comprins de première rencontre. Iean Fernel en sa Cosmographie, liure 1. chap. 11. ne s'accorde a ce que i'ay deduiet cy dessus, tenant que chasque point dudit Firmamēt faisoit. 3079603. milliaires, 208 $\frac{2}{5}$ pas & tout le tour & circonference dudit Firmament 110865755. milliaires 46 $\frac{4}{7}$ pas : quelques autres ne suiuent ne les vnes ne les autres des opinions cy dessus deduites, mais en parlent tout autrement, ainsi que deduiet I. Bodin en sa refutation des opinions de Iean Vuer, & est aussi par moy traicté és chapitres 8. & 9 de mon Discours de la verité des causes, & effects, des decadences, mutations, changemens, conuersions, & ruines des Monarchies; Empires, Royaumes, & Republiques, cy dessus allegué.

Du nombre & quantité des Cieux.

CHAP. III.

LEs premiers & plus anciens Astronomes Egyptiens, & Chaldees suiuis depuis par Platon, Aristote, Hipparque, & autres, voyans ces estoilles fixes, & arrestees en vn mesme Ciel, estre esgallement distantes les vnes des autres, parceque elles ne changeoient de place au point qu'elles se leuoient, ou se couchoient, conclurent incontinent que le Ciel Estoilé n'auoit qu'un seul mouuement, lequel ils nōmerent le premier Ciel mouuant, parce qu'il amenoit quant & soy d'une incroyable visteüe, tous les orbes, & corps inferieurs d'Orient en Occident, de sorte que le tout & ses parties se trouuoient au mesme endroit Oriental, d'où ils estoient partis en. 24.

heures qui font vn iour naturel. Quelque temps apres, iceux mesmes Astronomes voyans le Soleil, la Lune, Saturne, Iuppiter, Mars, Venus, & Mercure, ne se leuer, & coucher en vn mesme endroit de l'horizon, ou finiteur, & ne garder mesme hauteur, estât paruenus a la ligne du midy, ains par fois iceux s'aprocher, par fois sereculler, du Soleil, s'aduiserēt & arresterēt q̄ ces 7. corps celestes auoiet leurs mouuements propres, & totalement cōtraires à leur premier mouuant, à cause dequoy ils arresterent, que tout le chef d'œuvre celeste contenoit seulement huit Cicux. Et les premiers qui vindrent à prendre garde que le Ciel Estoilé estoit porté quelque peu durant le cours de quelques annees d'Occidēt en Orient furent Arsatil, & Timocare fleurissans 330. ans deuant l'aduenement de nostre Seigneur Iesus Christ, deux cens ans apres lesquels, Abraque, & Hipparque approuuerent ce mouuement, & depuis mieux encote Agrias en Bithynie, Milée ou Menelas, Geometre Romain, Ptolomée Alexandrin, & puis Mahomet, Tinen, Aratenſe fils de Acharrane, lesquels voyans clairement que le Ciel Estoilé estoit porté entre les deux puiots de l'Ecliptique, & non de l'Equateur d'Occident en Orient, d'un degré en cent ans, & que la totale reuolutiō du Firmament se pouuoit parfaire en trente six mil ans, conclurent suiuant l'opinion de leurs predecesseurs, & leurs ordinaires obseruations, que le Ciel Estoilé auoit double mouuement: Ce qu'estant iceux voyoient aussi estre impossible qu'un seul & simple corps se remuast de soy mesme en deux diuerses sortes, attendu qu'un corps simple n'a iamays qu'un simple & propre mouuement, il leur fut necessaire adiouster vn au-

tre Ciel: qui estant par dessus le Firmament, fist le neuſieme Ciel, & ce afin que le mouuement tardif du Ciel Estoilé fut propre à soy, & le iournal propre au neuſieme Ciel qui emportast quant & soy le Firmament & tous les autres corps celestes en 24. heures: A ceste occasion le neuſieme Ciel fut appellé d'eux le premier mobile ou mouuant. Les Astronomes qui sont venus apres ne voulans ſuiure ceste opinion approuuee par les ſuſdits perſonnages & autres leurs adherans, ont pour les obseruations & raiſons ſuiuantes, conclud vn dixieme Ciel eſtre du tout neceſſaire, ſi nous ne voulons demenſurer la diligence d'iceux Astronomes qui apres les deſſuſdicts, ont examiné de plus près les allées & venues du huiſtiesme, & neuſiesme Cieux. Car premierement iceux prindrent garde que le mouuement des Estoilles fixes n'eſtoit point eſgal, ains par fois plus ſoudain, & par fois plus tardif: Secondement ils ſ'aduiferent que pluſieurs Estoilles, qui eſtoient lors proches de la ligne Equinoctiale, deçà l'Equateur, ſe retiroient vers le Pole artique, & au contraire celles qui eſtoient de la ſuſdit ligne Equinoctiale, ſ'approchoient d'icelles, ſe reculans du pole antartique: par exemple l'Eſtoille qui eſt au bout de la queue de la petite Ourſe, laquelle marque noſtre Pole artique eſtoit au temps d'Hypparque a. 12. degrez eſlongnée dudit Pole, & maintenant en eſt ſeulement eſlongnée de quatre degrez ou vn peu moins: Meſme l'Eſtoille du huiſtiesme Ciel qui eſt a la premiere corne du Belier anticippe & deuanſe au iour d'huy de 29. degrez, & 36. tant de minutes ce poinct equinoctial que le Soleil touche de ſon centre pour rendre au Moys d'Auril la nuit

estigalle au iour, ainsi que remarquent fort bien plusieurs Astronomes modernes en leurs escrits, disans que du temps de Thales de Milese qui fleurissoit 240. ans deuant la mort d'Alexandre le grand, ceste Esttoile precedoit le point equinoctial d'esté, presque de deux degrez, & que au tēps de Methō Atheniē qui viuoit. 132. ans apres lesdits Thales, ceste dicte Esttoile estoit presq. ioincte audit poinct equinoctial au tēps de Timocare quarāte & vn an apres la mort dudit Alexandre icelle estoille suiuoit le poinct du equinoctial, de deux degrez, au temps d'Hipparque, 156. ans apres Timocare icelle estoit reculee dudit poinct de 4. degrez, 9. minutes: du temps de Menelaus. 224. ans apres ledit Hipparque de 6. degrez. 12. minutes, au temps de Ptolomee. 41. an apres ledit Menelaus de 6. degrez. 40. minutes du tēps d'Adlatagne. 741. ans apres Ptolomee de 18. degrez & 2. minutes du tēps d'Alfonce de 23. degrez. 48. minutes, du temps de Veruere 262. ans apres Alfonse de 26. degrez & 54. minutes. Et en ce temps de vingt-neuf degrez & quelques minutes ainsi que i'ay ia dict. Et qui est chose bien plus esmerueillable, le grand escartement ou declinaison du Soleil, c'est a dire la plus grande distance, qui soit entre l'Equateur, & le Tropique d'esté, est subiecte à changement, parceque du temps d'Hipparque, & Ptolomée, elle estoit de 23. degrez. 51. minutes, 20. secondes, du temps de Purbache, & Jean montroyal de 23. degrez. 28. minutes, du tēps de Erasme Reinholt, & Orōce Finée de 23. degrez 29. minutes: & au tēps present de pres de 24. degrez. Pour rendre dōc raison de telle variété, & pour sauuer l'irregularité du huietiēme Ciel, iceux Astrologues modernes ont esté contrains ad-

iouſſer oultre le neuſieſme Ciel, encor vn dixieme lequel ayant vn ſimple & ſeul mouuement nomm   Journal, ſeroit d'Ori  t en Occident, dur  t 24. heures, ſon cours entre les deux puiots du monde, traifſnant quant & ſoy tous les Cieux, orbes, & Corps celeſtes, voire les Elemens plus legers, cependant que le neuſieſme Ciel portera lentement d'Occident, en Orient le Ciel Eſtoil  , lequel pour eſtre veu par fois tardif, par fois chaſtif, par fois aduanc  , par fois recul  , parſois allant vers le Nort, parſois vers le midy, retient a ſoy vn propre mouuement, que iceux Aſtronomes modernes ont appell   tremblant ou trepignant, qui ſe fai  t moyennant deux petits cercles, leſquels ſont imaginez par l'entiere reuoluti   des deux premiers poin  ts, du Mou‐ton, & des Balances, qui ſont fantasiez au Firmam  t & tournent au concaue du neuſieſme Ciel, tout autour de ces deux poin  ts qui ſont au meſme Ciel, mais le remuement de ces deux petits cercles eſt ſi tardif qu'il ne ſcauroit faire en vn an, plus de troys minutes, & cinq ſecondes, & toute ſa reuolution en ſept mil ans, dont il aduient que l'Ecliptique propre & vraye ſente du Soleil, qui eſt imprimee au Firmament ſe peut approcher, ou bien reculler de l'Ecliptique du 9. Ciel,    meſure que les deux chefs ou points du 8. Ciel vont deuant, ou apres les poin  ts du neuſieſme: Et tel mouuement eſt cauſe que pluſieurs Eſtoiles, de Midy ſe treuuent par laps de temps, du coſt   du Septentrion, & tout au rebours celles qui ſont vers le Septentrion, du coſt   du Midy voire aucuns perſonnages modernes ont eſtim   qu'il y auoit non ſeulement vn dixieſme Ciel ſurnomm   cryſtallin, mais encor vn onzieſme, appell   Empiree, ou ignee; non proprement pour aucune

sienne qualité chaleureuse, mais à cause de l'indicible splendeur, dont il est illustré, comme siege destiné pour l'éternelle demeure de Dieu, des Anges, & des saints bien heureux: ce que preuue clairement par textes & interpretations de la sainte Esriture, le grand Ican Pic de la Mirande. 2. partie de l'exposition de l'Heptaple apres Rabbi Maymon liure. 2. Nemore Habuquin A ce propos les Cabalistes Hebreux outre le 8. Ciel qu'ils appellent en leur langue *Galgat Hamazaloth*, font mention d'un autre Ciel neufiesme, qu'ils nomment *Galgat Hamekif* sphere tournoyante, ou premier mobile, qui fait son mouuement entier, se disent ils, en vingt cinq mille deux cens ans, & encor par dessus ces Cieux, vn autre Ciel. 10. empiree appellé de eux *Galoyal Hasechel* Sphere d'intelligence comme moyenne entre la matiere & la forme, entre le mouuement & le repos, & entre le temps & l'éternité. Ce que confirment S. Thomas 1. part. quest. 66. art. 3. *Alensis*. 2. part. quest. 6. memb. 1. Le Maistre des sentences en la 2. dist. 2. M. Albert au traicté de quatuor coeuis quest. 4. art 13. & 2. part. sum. tract. 3. quest. 12. *Valdanic*. en la sōme liu. 4. *Guillelmus* 1. part. de vniuerso. *Regid*. en son Hexa. liu. 2. chap. 36. suiuant Strabo en sa glos. Ordin. sur le 1. du Genesé. Bede en ses Comm. sur le 2. du Genesé. S. Basile homel. 2. & 3. Hexam. S. Damascé. liu. 2. de la Foy Orthodoxe chap. 6. S. Clement en son 1. & 2. liu. des Recognit. Theodoret quest. 11. sur le Genesé. S. Hilaire sur le psalm, 122. Athanas. Chrysosto. & Theophil. sur le chap. 8. de l'epistre aux Hebreux, & aussi Rupert. liu. 1. chap. 6. sur le Genesé, & quelques autres. De ce que dessus nous apprendrons donc que les Astronomes modernes depuis les anciens

fusnommez ont estably dix Cieux mouuans, dont les huiët plus bas sont le huiëtiefme Ciel: Le Ciel du Planete Saturne, le Ciel de Iupiter, le Ciel de Mars, le Ciel du Soleil, le Ciel de Venus, le Ciel de Mercure, & le Ciel de la Lune: & les 9. & 10. Cieux imaginez & fantasiez par eux pour defendre & sauuer par iceux l'inconstâce & varieté du Firmament, qui n'est encor si bien examinee & calculee; que les plus curieux desireroient ainsi que tres-doctement ont remarqué Augustin Ricce, Albert Pighe, Iean de montroyal, Erasme Reinolt, Purbach, & infinis autres Astronomes de ce temps en leurs œuures comme ie le deduits amplement aux chapitres 8. & 9. de mon Discours de la Verité des causes & effects des decadences, mutations, changemens, conuersions, & ruines des Monarchies, Empires, Royaumes, & Republiques. Quelques-uns des anciens Philosophes & Theologiens sans s'arrester à ce que dessus ont diuisé tous les Cieux en trois, à sçauoir, en outre-mondain, celeste, & sublunaire, appellans le premier Intellectuel, ou Angelique, lequel contient le grand Dieu viuant avec les Anges & Intelligences celestes: Le celeste, celui qui est composé des Orbes & Spheres celestes, appelé communément Ciel: & le sublunaire celui que nous habitons, lequel contient toutes les choses qui sont dessous la concavité de la Lune, comme les Elemens, les hommes, & toutes les choses qui sont dessus & dedans la terre.

*De la region des quatre Elemens en general;
& de la Terre.*

CHAP. III.

LE curieux Plutarque liure 2. chap. 6. des Opinions des Philosophes escrit que les naturels tiennent que la Creation du monde commença à la Terre, comme étant le centre d'iceluy monde, d'autant que le commencement d'une Sphere est le centre: Pythagoras au Feu & au cinquiesme Element; Empedocles, que le premier qui fut séparé fut la quintessence, le second fut le Feu, apres lequel la Terre, de laquelle estât un peu estroitement serree par l'impetuosité de la reuolution, s'ouurit l'eau, laquelle s'euapora en air: Et que le Ciel fut fait de la quintessence, le Soleil du Feu; & que des autres Elemens furent cōstipez & cōposez les corps terrestres & voisins de la terre: Platon que ce monde visible a esté formé au moule & patron de l'Intellectuel, & que du monde visible l'Amme a esté faite la premiere, & apres elle, ce qui est corpulent: ce qui est du Feu & de la Terre le premier, & ce qui est de l'Eau & de l'Air le second: Pythagoras que des cinq figures des corps solides, lesquelles s'appellent aussi Mathematiques, du Cube, qui est le Corps quarré à six faces a esté faite la Terre: de la Pyramide, le feu: du Corps à huit faces, qui est l'Octaedre, l'air: de l'Icosaedre qui est le Corps à vingt faces l'Eau, & du dodecaedre qui est le Corps à douze faces, la supresme Sphere de l'Vniuers: Platon mesme en ceste opinion suit Pythagoras, ainsi que deduit le mesme Plutarque en son Traicté des

questions Platoniques. Le grand Hipocrate, & apres luy Galien ont prouué, que l'opinion de ceux qui n'ont creu qu'un Element, estoit ridicule & absurde; Les vns disoient que l'eau estoit Element vnique & que ce qu'on appelloit la Terre, n'estoit autre chose qu'une Eau espaisie, & resserree, l'Air estant eau estendue, & relaschee, & le Feu encor Eau plus estendue, relaschee ou subtiliee en extremité. Aucuns autres personnages ont esté, qui n'aduouians l'air que pour vnique Element du Tout, disoient que l'air subtilié est ce que nous nommons Feu; l'air espaisi moyennant eau: & resserré ou espaisi plus estroictement, Terre. Aucuns autres n'ont receu pour Element que la Terre nommee de nous Eau, Air, & Feu, selon que plus ou moins elle est subtiliee ou esclarcie: mesme il s'en est trouué qui ont asseuré qu'il n'y a Element que le Feu, surnomé d'Air, Eau, ou terre, selon qu'il est espaisi & resserré: mesmes que le Feu estaint s'exhale & transmué en air. En quoy iceux ont grandement erré, ne recognoissans que leur preuue tendoit à la reciproque transmutation de l'un en l'autre, & non à restraindre les quatre sous vn seul Element. Mesme l'historien Nicætas en ses œuvres rapporte que le Feu n'est autre chose que la lumiere, de laquelle les Astres sont seulement le receptacle. Les Hebreux discourans les principes & Elemens du monde alleurent que la matiere est signifiée par leurs 22. lettres ou caracteres, comme la forme par les poincts & les effets de la forme en la matiere par les accens: mais pource qu'en la matiere celeste ils recognoissoient sept Planettes, ausquelles ils attribuent 7. de leurs lettres de double prononciation, Beth, Chimel, Daleth,

Caf, Pe, Resch, & Thau ; & 12. signes au Zodiaque representez par ces 12. lettres qui ne se prononcent qu'en vne sorte, He, Vau, Zaïn, Heth, Theth, Iod, Lamed, Num. Samec, Ain, Thade, & Kof ; & ne leur en restant plus que trois, ils estimerent la matiere Elementaire estre distinguee en trois substances seulement à chacune desquelles ils attribuerent vne de ces trois lettres. à sçauoir, Schin, au Feu, Mem, à l'Eau, & Aleph, à la Terre; ne tenant l'air que pour vne colie seruant à coller & engluer les trois elemēs ou substances elementaires ensemble. Qui plus est, quelques Thalmudistes ont pensé que la terre soit principe de tout, parce que Moysē dict, qu'au commencement la terre estoit, *Tohu, & Bohu*, c'est à dire, selon leur interpretation, matiere sans forme, & capacité de receuoir ladite forme, en quoy gist l'estre de toutes choses, comme vrayement de celle premiere masse que Dieu crea au commencement, qui estoit *Tohu & Bohu*, ce que les Grecs ont tourné en leur langue ἀόζατος & ἀκατασκευάστος, les Latins *inanis & vacua*, & en François, sans forme & vuide, sont procedez les Elemens par l'ordonnance de la parole de Dieu. Mais sans plus nous arrester à infinies autres curiositez touchant les Elemens remarquées par Aristote, liure du monde, & 1. liu. des Meteor. Galien liu. des Elemens. H. Cardan liu. 2. de la subtilité, le Cardinal Contaren, en ses liures des Elemens, Ponthus de Thyard en son premier Curieux, nous descendrons tout presentement au plus bas d'iceux, comme le plus gros, lourd, & pesant de tous les autres, à sçauoir, la Terre, laquelle est assise, plantee, & arrestee au milieu de l'air, faisant le milieu & le Centre de tout cest vniuers, ainsi que nous

traicterons plus amplement par cy apres: Et comme le feu & l'air pour leur legereté s'entretiennent, de meisme l'eau & la terre pour leur pesanteur & foiblesse s'entr'accollent. Et comme l'air serre, encloist & soustient le feu, semblablement la terre enferme & soustient l'eau: Et si l'air est plus pesant que le feu, & l'eau plus pesante que l'air, & la terre plus que l'eau, il s'ensuit que le feu comme le plus leger de tous les Elemens, est en la suprefme region elementaire, & la terre comme la plus pesante est au plus bas. Et si l'humidité s'approche plus du corps pesant que du leger & si les choses humides sont volontiers lourdes & pesantes, ne faut s'esbahir si l'eau & l'air s'entrelacent, en sorte que les exhalations & vapeurs humides de la terre s'incorporent avec l'air; lesquelles vapeurs ne sont autres choses qu'une eau respanduë parmy l'air. Homere appellant ceste eau volante, le grand fleuve Ocean qui enuoloppe toute la terre: & Philon, que c'est ce fleuve du Paradis terrestre, qui arrose toute la terre, & la rend capable de toute mixtion: Et attendu que toutes choses qui sont composees de mixtion ou meslange, s'engendrent en ceste region elementaire, & que le meslange se faict moyenant les Elemens, ne se faut esbahir si nature faict plustost descendre les Elemens vers le milieu, que remonter contremont, à cause dequoy la terre endure dedans & dehors l'eau, & le feu materiel, dont procede la nourriture, augmentation, & conseruation des corps mixtionnez & viuans sur icelle. Et en consideration de ces choses, la terre fut nommee par les Anciens, mere de toutes choses; Et combien qu'icelle demande la compagnie des autres Elemens, toutesfois elle s'aime mieux avec l'E-

lement plus humide qui est l'eau : Car tous deux as-semblez donnent matiere au corps, & forme parfaite d'un corps mixtionné. Car sans vne bonne quantité de terre, vn corps ne se peut fortifier, & les parties de la terre ne se pourroient assembler, ains se diuiseroient & separeroient en parcelles, si l'humidité n'y estoit appelée. A cause dequoy l'eau & la terre sont ordinairement ensemble, comme les deux principaux Elemens, qui par la force & la chaleur du Soleil & des Astres font vne mixtion, & la mixtion faiçt rarifier & enfler la terre par dehors, comme le leuain faiçt la paste, dont procede sur le dessus de la terre vne saison arrestee, de naissance de toutes sortes d'arbres, plantes, herbes, & fruiçts. La terre estant assise au milieu & centre de l'air, & du monde, se rend la plus lourde & la plus pesante de tous les Elemens, & pour sa pesanteur est telle, qu'elle n'a aucun remuement, & est tousiours froide, seiche, constipee, & massiue. Et comme le feu est le plus rare, & le plus leger de tous les Elemens, semblablement la terre est la plus pesante & plus espaisse, à cause dequoy elle n'est aucunement transparente, ains totalement opaque, & inhabile à tout remuement, & par consequent immobile: Il y a toutesfois eu quelques certains personnages qui luy ont donné ame, parce qu'elle est mere des choses mixtes, & par expres des animees, estât icelle pleine de douces eaux, comme vn corps viuant plein de sang: Et tout ainsi que le sang courant par les arteres & veines, nourrit les mēbres & entretient la chair, de mesmes les douces eaux arrousent & nourrissent les biens de la terre. Le corps viuant & remuant n'est iamais sans chaleur vitale, la terre n'est aussi iamais sans chaleur

aetherée, ny sans exhalation celeste, prouenant des rayons du Soleil & des Astres, qui enuoloppent & eschauffent icelle de toutes parts : Et cōme vn corps viuant ne peut estre debout sans os, de mesme la terre est garnie de rochers poinctus, de hautes montagnes, & de gros coustaux, qui la rendent plus ferme, plus solide & moins subiecte aux grandes creuasses & hideuses ouuertures : & comme le mesme corps humain est décoré & couuert de barbe, cheueleure ou toison, de mesme les grandes forests, les bois, les halliers, buissons, & bruyeres seruent à la terre d'vne belle barbe, cheueleure, ou fourreure. Et ainsi que le mesme corps humain viuant chasse puis retire à soy l'air & le vent. Pareillement l'air ou attiré, ou de son gré, à cause que naturellement il deualle pour sa pesanteur, vient à se jecter & pousser dans les entrailles de la terre, desquelles il sort quelquesfois avec de grandes impetuosités, dont prouiennent les vents furieux, qui l'esbranlent & l'esroulent : Voire mesme aucuns personnages ont osé dire que le Flux & Reflux iournal la Mer n'estoit autre chose que la respiration de la terre, laquelle en lieu d'air engorge & desgorge deux fois en 24. heures les eaux de la Mer Oceane, ainsi que ie diray plus amplement par cy apres aux chapitres 18. & 19. de ce present Discours.

De la forme de la Terre.

C H A P. V.



TH A L E s grand Philosophe Grec, & ceux qui approuuoient son opinion, disoient qu'il n'y auoit qu'une terre apparente, laquelle les Stoiques faisoient finie. Xenophane Colophonien renoit que contre bas dessous nostre partie habitable, icelle terre estoit estendue en vne profondeur infinie, & qu'elle estoit conrée du feu & de l'air: Metrodorus disoit que la terre estoit la vase & la lye de l'eau: Le mesme Thales cy dessus & les Stoiques ont esté d'accord de sa forme ronde, cōtre l'opinion d'Anaximandre qui la figuroit en forme de colonne, & d'Anaximene qui la disoit estre plate comme vne table: d'Heraclite, qui la croyoit estre faicte comme vn bateau: d'Empedocle qui luy donnoit la figure d'une plate forme, & d'autres resueurs, qui la faisoient comme vne Pyramide: aussi pertinement que Leucippe, la descriuant en tympane, ou forme de tabourin: & Democrite, qui alleuroit qu'elle estoit creuse au milieu, & tendue en largeur à la forme d'un plat ou canal. Car semblant à iceux personnages estre vne proposition manifeste que deux cercles ne se peuuent entre-couper en ligne droicte, & voyant que le Soleil à son leuer & coucher sembloit estre coupé en ligne droicte, sans cōsiderer par les reigles de perspectiue, ce que la distance peut en l'apparence des figures, iugerent la terre plate, & non ronde. Et possible sous telle persuasion quelques signalez Autheurs Ecclesiastiques

ont doubté de la rondeur de la Terre & & des Antipodes contre l'opinion de sainct Clement disciple des Apostres en ses œuvres : & entre les Autheurs Ecclesiastiques qui ont doubté de cela, Lactance & sainct Augustin tiennent les premiers rangs : Ce qu'ils ont fait au iugement des plus doctes pour reprimier la vaine curiosité de certains Philosophes de leur temps, lesquels sembloient croyant les Antipodes vouloir introduire vn nouveau Euangile. Et quand iceux Autheurs Ecclesiastiques auroient fermement tenu ceste opinion, ils sont facilement excusables, parce que les apparéces qui les persuadoiét de nier ces choses n'estoient encores affoiblies, annullees, ny conuaincues par l'experience certaine des voyageurs & nauigateurs Portugais. Espagnols, & autres. Et pour retourner à ce que cy dessus nous auons premis de la forme de la terre, nous remarquerons que les Pythagoriciens qui ont esté les Philosophes plus estimez & fauorisez entre les Grecs au temps jadis, ont creu, principalement l'opiniastre Oecete, que ceste masse terrestre estoit vne Estoile fichee au Firmament sans cesse tournoyât & par son tournoyement rencontrant le iour & la nuit successiuement à l'opposite de laquelle y en auoit vne autre, surnommee Antichthone. Il y a eu d'autres personnages qui par les eclypses Lunaires plus frequentes que les Solaires ont conclu qu'il y a plusieurs terres tournoyantes incessamment, & par opposition, inuisibles à nos yeux, & non senties par nos sens : mais la plus commune & plus aſſeuree opinion des Philosophes & Astronomes, tant anciens que modernes, est que la terre est vne masse elementaire droitement disposce enuers le

Ciel, comme seroit vn poinct seruant de centre à vne circonference, autrement si elle estoit plus prochaine d'une part du Ciel que de l'autre, les Estoiles de sa partie voisine se monstreroient plus grandes, & les Orisōs ne couperoiēt les grands cercles celestes en deux parts ou parties, ny le Zodiaque, laissant tousiours six signes dessus nostre hemisphere, & six dessous cōme Euclide le preuue au .i. des theoremes des Phænomenes & Ieā de Sacrobosco en sa sphere: Parquoy nous ne deuons apprendre qu'il est tres certain & indubitable que la terre n'a autre forme ne figure que ronde, pour plusieurs grandes raisons & considerations trop longues à deduire pour le present; Lesquelles on pourra veoir es œuures des anciens & modernes Philosophes & Astronomes: Que si quelqu'un nous obiecte que les haultes montaignes, les rochers pointus, & les profondes vallées semblent empescher la rondeur de la terre, nous luy respondrōs que toutes ces choses sont de si petite consideration, au respect de toute la masse de la terre qu'elles n'empeschent nullement sa rotondité: Car la terre ressemble à vne grande & grosse boule de pierre esbauchee & lourdement taillee sans aucune façon & polisseure, laquelle celuy estimera bien polie & faicte au tour, qui la verra de loing, pourueu aussi qu'elle ne soit si lourdement taillée, que celuy qui la voudra contempler de l'œil, perde le iugement de son diametre ou de sa rondeur: Et comme vn petit vermisseau qui marcheroit sur ceste boule, ne verroit autre chose à son petit iugement que des monts & des vallées ainsi ceste rondeur terrestre qui est tresgrande & tresuaste en comparaison de nos petits corps, semblables a ce petit vermisseau au respect d'une

boule, est incomprehensible à nos yeux, ioinct que le plus haut feste & coupeau de la plus grande montagne du monde mesuree à plombs iusques à son pied, ne scauroit excéder dix stades ainsi que l'a maintenu Eratosthene par la raison de ses diopres, démontrant par viues raisons que la proportion de la terre à dix stades est cōme 1. a 18000. stades & pour plus grande demonstration du dire cy dessus si nous auions vne roüe ou vn cercle de mile ou deux mil pas de tour & circonference, & que nous venissions à couper & mettre à part vn pied ou deux d'icelle roüe en cercle, ce pied ou deux pieds ne nous sēbleroiēt ils pas estre droicts? en cas pareil nous ne scaurions iuger par nostre œil de la rondeur de la terre, encor que nous fussions au sommet de la plus haute montagne du monde, ains dirions que celle portion de terre qui se presenteroit à nostre veüe, seroit toute platte & vnie, qui en vouldra veoir d'auantage lise Aristote liure 2. du Ciel chapitre 13. & 14. Plin. liu. 2. chap. 2. 64. & 76. Plutarque liure 3. des opinions des Philosoph. chap. 11. ptolomee liure. 1. de sa const. math. & en l'almageste S. rabo liur. 1. de sa geograp. Euclide liur. 1. de ses elemens, Mauile liu. 1. de son Astron. & plusieurs autres auteurs citez par Stofler en ses Commēt. sur la sphere de proclus avec lesquels faut conioindre Oronce chap. 6. de son 1. liur. de la sphere du monde Iean de mesme au. 1. liur. de ses Instit astronom. chap. 18. 19. & 20. ricolonius en sa sphere, & Pontus de Thyard en son Curieux.

Si la Terre est mobile ou immobile.

CHAP. 6.

ARistote liure. 2. chap. 12. du Ciel & Plutarque liur. 2. chap. 11. & liur. 3. chap. 13. des opinions des Philosophes & au liure de la forme de la Lune escriuent que Philolaus Pythagoricien, Nicete Syracusien, Heraclides Pontique, Ecphante Pythagoricien, Eudoxe, Cleante, & quelques autres anciens Philosophes Grecs maintenoient que d'autant que la terre est ronde, plus aysement nous la deuons croire muable; qui plus est l'opiniastre Oecete (ainsi que j'ay remarqué au chap. precedent) tenoit que la terre estoit vne estoile fichee au ciel sans cesse tournoiant & par sôtour noyemēt recōtrāt le iour & la nuict successiuemēt. Mais ces opiniōs cōme erronees & mē songeres sont confutees de la plus grande partie des Physiciens & Mathematiciens, desquels la plus asseuree opinion est que icelle terre ne se meust aucunement, mais demeure en sa place au milieu & au centre de cest Vniuers, soubstenue en repos, possible par balancement d'Equilibre naturel & non par l'ayde de l'eau; sur laquelle ainsi que disoient les disciples de Thales de Milese elle nage, comme nous voyons que faict le boys sur la riuere. C'est pourquoy Aristote en certain lieu de ses escrits a dit ce que s'ensuit Qui
,, eroiroit que toute la pœsante Masse terrestre fut
,, soubstenue de l'eau plus legere, veu que la moindre
,, partie de la terre mise sur l'eau, soudain s'en va au
,, fonds d'icelle? Mesme faueur de creance rencon-

trera la comparaiſon d'une Clepsydre ou arrosoir de Iardin mise en auât par les philosophes Anaxagore, Anaximene, & Democrite, pour preuuer la terre immobile à raisõ de sa forme platte qui ne la laisse bouger par ce q̃ l'air pressé sous elle, & impuissât de trouuer sõ issue par tât massifue reserrée elpeſſeur, la souſtiét quelqs modernes persõnages curieux de nouueutez ont tenu que il est pl^r credible la terre se mouoir q̃ les Cieux, parce que par l'opiniõ plus cõmune & asseuree des Philosophes, tout ce qui est dessus la Lune, est eternal, non perissable, ny subiect au dommage d'aucune mutation, & au contraire ce qui est en l'inferieure & basse partie de l'Vniuers est tout caduque perissable, & agité par ordinaires mutatiõs, lesquelles demonstrent que là haut tout est constant & sans mouuement, & ça bas tout est muable, & inconstant; D'abondant nous ne deuons douter, que mouuoir n'est autre chose que remuer d'un lieu en vn autre, ou pour le moins nous ne pouuons nier que mouuement ne se face en lieu, & le Ciel estant de routes parts estendu en conuexité infinie du tout vniuersel, quels lieux pour se mouuoir d'un lieu en en autre luy peut on imaginer, ou quel lieu vnique se peut comprendre outre tout? Car il ne plaist aux susnommez de donner au Ciel vne fin, ou vn bout outre lequel autre chose se treuve: Puis les mesmes susnommez adioustent qu'il est plus croyable que nature n'a enueloppé la terre de l'eau, & de l'air, sinon que pour luy laisser par ces glissantes, & liquides substances, facile, & non empesché chemin pour se mouuoir. D'abondant iceux mesmes disent que tout mouuement est faict par pesanteur, & la priuation de mouuement par legereté, ce que confessé,

ils concluent par consequent que la terre pesante se meust, & non le Ciel, auquel la legereté & priuation de poix est particuliere: encores sert aux dessusdits en argument par comparaison, au iugement de quelques vns plus subtils & argus, la forme du petit monde l'homme, duquel la teste parfaicte de plus de beauté, est ornee d'iceux, comme le haut du grand monde est orné d'Estoiles & dans la teste logent la raison, la fantasie, la memoire & la volonté, comme dans le Ciel, Dieu, & les esprits eternels: & toutefois la teste ne chemine point, mais bien les pieds comparez assez proprement à la terre plus basse partie elementaire du grand Monde. Ioinct que l'homme seul animal diuin & doüé de raison n'est capable de mouuement, qu'autant que il habite en ceste terre: Car apres que sa partie meilleure a delaisé le corps, il demeure en repos immobile; & que tout ainsi qu'en l'homme & en tous les animaux, le cœur logé au milieu est premier mouuement & source de tout mouuement; aussi la terre au milieu du grand monde, qui est animal selon Timee, se meust & est source de tout mouuement, pour esmouuoir les autres Elements a generation: mesme il y a quelques vns qui afferment que tel a esté l'aduis du Timee & du diuin Platon, assés qu'aucunes choses se font tousiours, & si ne sont iamais, cest adire les inferieurs & elementaires, fraisles, caduques, inconstantes, & continuellement poussees en euidente mutation. Il y en a d'autres qui alleguent entre plusieurs raisons qu'il est plus raisonnable par vn cōsentemēt naturel a celuy qui est necessiteux, de aller chercher desirer, & inuoyer ayde & secours, qu'à celuy duquel l'ayde depend, de suiure ou aller chercher à qui

bien faire: & que par ce moyen le Ciel ne peut par le moyen de la terre rien adiouster à sa perfection, & qu'il n'y a aucune apparence en luy de necessite ou inclinatio qui le pousse à chercher la terre, à laquelle au contraire la lumiere & la viuifiante vertu celeste, est tant necessaire qu'il est aysé à croire que l'appetit ou inclination naturelle la pousse à rechercher d'un mouuement les parties du Ciel commodés à luy rechanger les saisons & dōner cause aux generatiōs qui la rendent vtile & feconde: en quoy est la fin de son estre: dont tant de herbes & fleurs amys du Soleil, & esmeues selon que elles souffrent ses rayōs, portent assez bon tesmoignage. Toutesfois au iugement des plus doctes & sçauans, les raisons des personages cy dessus tendāts à preuuer que la terre se meust au cētre des Cieux immobiles, demeurēt mois fortes contre les inconueniens cōceus par les diuers mouuemens des Estoiles, Planettes & lumieres, desquelles les vnes sont veues en mesme tēps aller d'Oriēt en Occidēt, & les autres d'Occidēt en Orient, & quelquefois du Midy au Septētrion, & du Septētrio au Midy ainsi que i'ay deduit amplemēt cy deuāt: & à ce que i'ay dit cy dessus, ne peut suffisammēt respōdre la cōparaizon du bateau voguant qui semble ne bouger, & que les arbres & les riuages cheminēt, Mesme il y en a qui ont voulu dire qu'en cōsideratiō de ce mouuemēt les Hebrieux ont appellé en leur langue, *La terre, Arctis*, du verbe Hebrieu *Ruts* qui signifie courir. A ce propos Archimede grād Mathematiciē Grec en son discours du denōbrement de l'arene ou sablon de la mer. faict mentiō que vn Aristarque Samien Philosophe Grec viuant. 300. ans deuant Iesus Christ alleuroit en son temps que la terre

se mouuoit en 24 heures autour du Soleil & n'estoit au cētre du mōde: Plutarque au traicté des questiōs Platoniques escrit que Timéus ainsi que j'ay desia remarqué cy dessus, auoit opinion que la terre se remuoit aussi bien que le Soleil, & la Lune & les autres cinq lanettes qu'il appelle *instrumens du temps* à cause de leurs conuersions, & tenoit qu'il ne failloit pas imaginer ne fabriquer la terre comme si elle fut ferme & immobile sur l'aixieu qui passe à trauers tout le mōde, ains l'imaginer mouuāte & tournāte à l'entour, cōme depuis Aristarque & Seleuque l'ont demonstré, l'un en le supposant seulement & l'autre l'affirmant à certes, outre ce que Theophraste escrit que Platō sur sa vieillesse se repentit d'auoir donné à la terre le milieu du monde, place qui ne luy estoit pas conuenable. En ce siecle Cælius Calcagninus sçauāt persōnage Italiē a tenu ceste opiniō qu'il a deduit assez elegamment en ses œuures; Apres lequel Nicolas Copernic vn des plus subtils Mathematiciens de nostre aage d'une dexterité & admirable subtilité a renouellé ceste dictē opiniō, attribuant au cētre du mōde le Soleil immuable, & de mesme fermé le 8. Ciel à l'extreme conuexité de la rōdeur mondaine, disposant au reste six spheres mobiles. La premiere plus prochaine de la sphere des Estoi les fixes a Saturne, qui acheue son cours en 30. ans, soubz luy estant Iuppiter mobile d'une reuoluzion de 12. ans qui embrasse Mars, duquel le cours ne dure que deux ans, au quatriesme lieu il loge la Sphere qui se tourne en vn an, en laquelle comme dans vn Epicycle la terre & toute la Region elementaire avec le globe de la Lune est contenue: Plus approchant du centre il met le cercle

de Venus de 9. en 9. mois recōmençant son cours, dedans lequel en 180. iours Mercure accomplit entierement le sien, ayās tous ces cercles le Soleil pour leur centre. Aussi Marcian Capelle en son Astronomie a pensé que ces deux derniers Planettes ont dās le Soleil leur centre, a l'entour duquel ils tournent, & non a l'entour de la terre: ce que le mesme Copernic n'a oublié bien que ce soit sans seruir a ses Hypotheses: Car selon Martian par eschange Venus & Mercure sont ores l'un, ores l'autre, plus contigus du Soleil: Mais Copernic faiēt continuellement Mercure plus voisin. Tous les plus sçauans qui ont veu & leu les œuvres de ce personnage asseurent à bon droict que iceluy pour excuser seulement certains inconueniens qu'il descouuroit aux demonstrations des mouuemens des Estoiles fixes & des planettes, & mesme du Soleil & de la Lune, renouuela & introduisit ceste tres estrange proposition, laquelle toutefois il ne creut iamais estre vraye en son entendement. C'est pourquoy nous tiendrons pour tres-certain & indubitable que icelle terre est vn element pesant, froid & sec, lequel est immobile tēdant plus a la forme ronde, qu'à autre, cest à dire estant de nature pour estre ronde, si l'inesgalité des montaignes & valles ne luy semblent empescher sa rondeur, ainsi que j'ay deduit au chapitre precedent: Et ce à cause que toute chose doit estre estimée telle que de sa nature & inclination elle l'est nonobstant que quelque action contraire & accidentale la façonne autrement. Que si la terre estoit mobile & non les Cieux il s'ensuiuroit mille & mille incōueniens & absurditez estranges trop longues à deduire pour le present, lesquelles on pourra veoir dās les

les œuvres des anciens, & modernes Mathématiciens & Astronomes, & dans mon Discours de la Verité des causes & effets des decadences, mutations, changemens, conuersions & ruines des Monarchies, Empires, Royaumes, & Republiques, chap. 6. avec lesquels Autheurs s'accorde l'autorité de l'Ecriture sainte en Daud, Pseaume 18. où il est escrit q̄ le Soleil fait sa course à l'entour de la terre immobile, & au Pseaume 74. l'ay confirmé & arresté les Colonnes de la Terre, & au Pseaume 92. Dieu a arresté le rond de la terre, qui ne sera point esbranlé, & au Pseaume 103. où il est porté que la terre solide a eu de Dieu ferme stabilité & fondement, & que tant qu'elle durera, elle s'arrestera toujours en l'air liquide, & n'enclinera iamais, en Iosué chapit. 10. faisant mention du Soleil arresté à la requeste de Iosué, en Esaye, chapit. 38. disant que le mesme Soleil fut arresté pour assurer la guerison de Ezechie, en l'Ecclesiaste, chapit. 1. où il est porté que la terre se tient toujours eternellement au milieu, & que le Soleil se leue & se couche, aussi tost qu'il est paruenue en son lieu. Au Paralipomenon chap 16. Dieu a fondé l'orbe & rond de la terre immobile, en Iob, chap. 26. qui a pendu & colloqué la terre sur rien: c'est à dire, qui a mis & colloqué la terre au milieu du Monde, & la fait demeurér immobile, sans aucun autre fondement, ou adminicule & ayde d'aucun autre corps.

De la quantité & mesure de la rondeur & Diametre de la terre.

CHAP. VII.

L'Infatigable curiosité del'esprit des Anciens Philosophes a biē osé rechercher par plusieurs & diuers moyēs le vray de ceste si grande & haute difficulté de la quantité & mesure de la terre; Laquelle se treuue facile à toute premiere apprehēsiō de grād & haut iugemēt, si le rapport de ces Philosophes anciens d'une part & portion d'une 3. cens 60. partie du Ciel, est accordée entre eux à quelq̄ mesure de la terre cōstituee milieu & cētre a la circōferēce celeste. Et doibt on scauoir q̄ la terre a esté diuersemēt mesuree par ces Philosophes tātost par schœnes de 60. stades selon Herodote, ou de 40. selō Pline, tantost par stades pythiques de deux cens pas, ou olympiques de 120. pas ou Italiques de 125. pas, autrefois par mille Italique de 8. stades de mesme region, Autrefois par 46. stades qui mōtēt 5. mille 7. cēs 50. pas, autre fois par parasanges de 30. stades cest à dire 3. mille 7. cens cinquante pas. Les modernes Astronomes Allemans ont tenté ceste mesme experience par lieüe Germanique de 32. stades Italiques, les François par lieüe françoise de 12. stades, en mille cinq cens pas ou de 16. stades deux mille pas. Toutes mesures diuerses, mesmes pour la diuersité des pas d'ifferemment estendus de deux, de deux & demy, de trois, de 4. de cinq ou de six pieds, qui forment au iugement de plus doctes de grandes cōtrarietēz entre tous les Aucteurs qui ont parlé de ceste matiere. Aristote liur. 2. du Ciel deduiēt que certains anciens Philosophes attribuās à chaque degré

de la terre 1111. stades cest adire 38. $\frac{8}{9}$ milliers ou milliaires tenoiēt q̄ le circuit de la terre cōtēoit selō ceste supputatiō. 400000. stades qui fōr. 50000. milliaires Eratostene, au rapport de Cleomede liu. 1. des meteo- res de Macrobe en ses Cōment. sur le 1. liur. du songe de Scipiō, & de I. de Sacrobosco. 1. liur. de sa sphere, rapporte à vne trois cens soixantieme partie du Ciel 700. stades de la terre cest à dire 87. $\frac{1}{2}$ milliaires pour produire 250. & deux mille stades qui sōt 3500. mille ou milliers biē quinze mil sept cēs 50. lieües de rō- deur, à prendre pour la lieüe seize stades, & pour le degré du Ciel enuiron quarante trois lieües Hip- parque, au dire de Pline, adioustant à cest Eratost- thene vingt cinq mille stades, en dōne pour l'entiere circōference deux cens septante & sept mille, qui font 34625. milliaires ou bien dix & sept mille trois cens douze lieües & demy, & au degré du Ciel sept cens soixante & neuf stades & quelques pas: ce grand Ptolomee voyant qu'il deffailloit beaucoup de choses aux demonstrations de ses predecesseurs s'ayda d'un singulier Instrument nommé Meteoros- cope, pour la speculation des choses celestes & su- blimes, lequel est fait de six plus grandes aimilles representans les grāds cercles du Ciel ainsi que apres Theon le Mathematicien sur l'almageste le dedui- sent Iean de Montroyal liure. 1. proposit. 2. de son Epitome, & Gaspar Peucer en son discours de la dimension de la terre, & avec cest instrument & la parfaicte doctrine Geometrique, mesme des Triangles il trouua que vn degré terrestre cōtenoit seulēmēt 5. cēs stades ou 62. $\frac{1}{2}$ milliers & par cōsequēt la ron- deur de la terre selon l'assemblement de telle mul- tiplication de cent octante mille stades vallans

22500. milliers Italiques reduits à onze mille deuxcēs cinquante lieues Francoyses. Alphragan Alcmaun Thebit, & quelques autres attribuans à chasque degré de la terre $453\frac{1}{1}$ stades, c'est a dire $56\frac{2}{1}$ milliers disent que toute la terre selon ceste supputation cōtient 163200. stades, cest a dire 20400. milliers Iean Fernel en sa cosmotherrie ayāt tenté telle chose par vne sienne particuliere inuention, & par ce moyen attribuant à chasque degré de la terre $544\frac{2}{3}$ stades cest a dire $68\frac{381}{400}$ milliers, tient que la terre a de tour $196114\frac{31}{25}$ stades ou biē $24514\frac{39}{100}$ milliers. Les plus recens nauigateurs & Pilottes qui ont nauigé au long & large l'Ocean asseurent que à vn degré de la mer, il conuient rapporter 224. stades, c'est a dire 53. milliers, & que selon ceste supputation toute la terre contient. 152640. stades ou bien 19080. milliers. Les modernes Astronomes Allemans se seruans de leurs lieues Germaniques fort diuersement, selō les contrées où ils demcuroiēt, attribuēt tātost. 480. stades tantost. 640. tantost 690. à vn degré de la terre pour le faire reuenir à guise de leurs lieues Germaniques. L'usage d'aucuns de nos Mathematiciens Francois, se sont persuadez que chasque degré de la terre contenoit. 25. lieues de France, & par ce moyen que l'entiere rondeur du globe de la terre auoit neuf mille lieues Françoises mais nos lieues fort diferētes & dissemblables les vnes aux autres, laissent ceste mesure à vn grand & fascheux doute; c'est pourquoy les plus curieux desireroient vn autre Dionysiodore qui apres sa mort nous escriuit, ce qu'il en auroit trouué, au deffaut duquel ils maintiennent que les opinions des Astronomes cy dessus alleguees

ne peuuent qu'estre accompagnées de beaucoup d'incertitudes, considéré mesmement que la terre & l'eau ne font qu'un globe, d'où est procédée l'opinion d'Orphée & d'Homere qui croyoient la terre estre vne Isle enuironnée de l'Océan: Et ne se font les Astronomes susnommez contentez seulement de vouloir comprendre & rapporter la mesure de la rondeur de la terre, ains aussi la mesure de la grandeur de son Diametre: Car l'Aristote a dit que iceluy Diametre contenoit $127272 \frac{2}{11}$ stades, ou 15909. $\frac{2}{11}$ milliers: Eratosthene tiét que iceluy auoit 80181. $\frac{2}{11}$ stades ou 10022. $\frac{2}{11}$ milliers Hiparque que iceluy a 88136. $\frac{4}{11}$ stades ou 11017. milliers Ptolomée, que iceluy contient $57272 \frac{2}{11}$ stades ou 7159. $\frac{2}{11}$ milliers, Alphragan Alcmæun Thebit & leurs suivans que iceluy a 51927. $\frac{3}{11}$ stades, ou bien 6490. $\frac{10}{11}$ milliers, Jean Fernel que iceluy contient 62400. $\frac{2}{275}$ stades, ou bien 7800. $\frac{2}{22}$ milliers. Les plus modernes Astronomes ayans suiuy les vestiges de ce qu'a escrit Theon le Mathematicien Grec en ses Commentaires sur la grande Syntaxe de Ptolomee tiennent que suiuant l'opinion trefasseurée de ce grand Archimede, tout cercle a troys fois son diametre, & presque vne septiesme partie d'iceluy Diametre, & par ainsi que la proportion dudit Diametre a son tour est comme de 7. à 22. Car 22. comprend troys fois 7. & $\frac{1}{2}$ ce qu'estant que pour trouuer ledit Diametre de la terre il faut multiplier à part les 180000. mille stades, ou. 22500. milliers Italiques, que le Ptolomee cy dessus a dict la rondeur de ladite terre contenir, par ce nombre de 7. puis inciser le nombre produit par. 22. Le Diametre des stades cō-

tiédra 57272. stades $\frac{16}{22}$ ou $\frac{8}{11}$ Le Diametre des milliers rédra 7159. milliers $\frac{2}{22}$ ou $\frac{1}{11}$ Le Diametre des lieües françoises 3579 $\frac{12}{22}$ ou bien $\frac{6}{11}$ & disent encor iceux modernes que presupposé le rond de la terre se pouuoit inciser diametralement par le milieu en deux parties esgales, si nous voulons sçauoir le cōtenu de son parterre & de son plan rond, il faut multiplier par son midiametre 28636. la moitié de son demicercle qui faict 90000. stades, le produict qui est 2577240000. stades monstrera par stades toute la mesure du plus grand plan de la terre, que si on pose que la rondeur de la terre soit esgalle & vnüe de tous costez, on sçaura aysement cōbien de stades contiēt toute la superficie, si on multiplie par 4. son plan rōd 2577240000. ou biē si on multiplie sa circonferēce ou son tour qui est 180000. par son diametre 57273. le produit qui est 10308960000. stades monstrera tout l'enue'oppement ou superficie de la terre. Que si on veut sçauoir tout le massif, & l'espe'sseur de la masse d'icelle terre, faut multiplier la superficie 10308960000. par la 6. partie de son diametre qui est 9544. le produit 98388714240000. stades dit cōbien de stades contient tout le massif de ladite terre: que si on veut sçauoir cōbien il contient de pas faut multiplier cubiquement vn stade vallant 125. pas, on aura le Cube 1953125. par ce Cube faut multiplier le massif nouuellement trouué, on aura 19216545750000000000. cest à dire, cent nonante & deux trillions, cent soixante & cinq mille de billions, 400. 50. & 7. billions 5. cens mille de milliōs de pas à 5. pieds Romains pour pas. Toutes ces mesures & dimensions enseignant à vn chacun la maniere de trouuer la

circonference & le tour & le diametre & le plus grād & large plan, ou superficie, & le massif ou espaisseur d'un corps rond & spherique le plus grand & vaste qu'on pourra penser & imaginer en l'entendement & outre cela incitent grandement à admirer le grād & admirable createur des Cieux & de la terre, laquelle terre combien que soit d'une grandeur & vastité si enorme & estrange cōme i'ay discouru cy dessus, toutefois si ne sert elle que de cētre & de milieu, & de petit point à tout cest Vniuers.

Si la terre a vn, deux, ou trois centres diuers.

CHAP. VIII.

NOus auons veu au chap. precedent que aucuns des Anciens & modernes Philosophes & Astronomes ont pensé que la terre se mouuoit & non les Cieux, mais que l'opinion plus asseurée & plus fauorisee de grādes auctoritez & raisons estoit, que les Cieux se meuuent, & que la terre demeure tousiours ferme & immuable au centre & au milieu du monde : Car en tout mouuement il est necessaire & infallible que quelque chose demeure au milieu qui soit centre & milieu du corps lequel se meust à l'entour : Qui plus est, il faut que tout corps rond, comme est le monde, aye vn centre ou milieu, & que ce qui est au centre où au milieu ne se meue aucunement : autrement il ne demeureroit point au cētre ou au milieu

Cela donc qui est centre ou milieu du monde, qui est rond, est la terre ferme & immobile, ainsi que les plus grands & sçauās Mathematiciens & Astronomes anciens & modernes ont prouué par plusieurs raisons & argumens trop longs à deduire en cest endroit, estant aux Cieux demeuré la nature & propriété de eux mouuoir en mouuemens diuers par vne grande sagesse & prouidence diuine: Ces choses ainsi premises nous apprendrons que quelques vns des Philosophes anciens ont asseuré que la terre & l'eau n'ont vn mesme centre, mais deux diuers distincts & separez, & qu'à ceste cause la terre & l'eau ne font vne mesme sphere, ains deux diuerses, distinctes & separees: Mais que au commencement du monde la terre, & l'eau auoient esté créées rondes & concentriques à l'entour du centre du monde, & puis que l'eau s'en separa d'vn coité, & que elle fut amassée & accumulée avec vne grande tumeur en la partie opposite, la terre estant neantmoins demeurée immobile au centre de l'Vniuers, tenans les susnommez consequemment que par ceste separation d'eau de la terre il fut faict deux globes distincts & diuisez entre eux à sçauoir l'vn de la terre, & l'autre de l'eau, encor que aucun d'iceux globes n'apparoisse tout entier mais se entrecoupent entre eux. De laquelle opiniō cy dessus il s'ensuit qu'il faut poser deux cētres, l'vn de tout l'Vniuers que les Philosophes cy dessus disent estre le mesme que le cētre de la terre, & l'autre le cētre de l'eau: Mais ceux qui ont tenu ceste opinion ne peuuent nier & par raisons & par experience que tant la terre, que l'eau sont rondes & spheriques. Que si on leur obiecte que par ce moyē il aduiendra que l'eau sera cōtenue par violēce

& qu'il pourra aduenir qu'elle pourra couurir toute la terre; ils respondront que l'eau par vn benefice supernaturel ou miracle de Dieu ne peut couurir toute la terre: Ce qu'elle feroit si elle suiuiot du tout son naturel, qui est de couler vers les lieux bas & inferieurs. Les autres au contraire constituans deux mesmes Globes de la Terre & de l'Eau, ne veullent rien admettre de supernaturel, mais croient que au commencement du monde par le commandement de Dieu non seulement l'eau, mais aussi la terre se retira du centre du monde, & que l'eau n'est contenuë supernaturellement qu'elle ne coule aux lieux plus bas & inferieurs, & qu'elle ne couure toute la terre: A cause dequoy les susmentionnez, cōstituent trois Centres, à sçauoir l'vn de tout l'Vniuers, l'autre de la Terre, & l'autre de l'Eau: & la cause pourquoy les dessusdits personnages font deux Globes de la Terre & de l'Eau est telle, à sçauoir qu'ils pensent que l'eau est beaucoup plus grande que la terre; & qu'à ceste cause si l'eau estoit concentrique à la terre, elle la couuriroit toute entiere: Et ce d'autant que par les raisons de Geometrie deux Cercles ou Globes inegaux ne peuuent pas estre ensemble concentriques que le plus grand ne contienne en soy le plus petit: mais l'vne & l'autre des opinions cy dessus deductes peuuent estre debatues au iugement de quelques Autheurs modernes: Premieremēt à cause que les personnages cy dessus mentionnez s'aydent sans aucune nécessité de miracles: Secondement, à cause que cependant qu'ils taschent de defendre toutes choses auoir esté & estre ainsi naturellement constituees, ils ne peuuent esuiter, qu'il ne soit concedé estre vne chose supernaturelle, de ce

que le centre du môde, n'est le centre de la terre, à laquelle terre iceluy centre est naturellement deu, à cause de sa tres-grâde grauité. Outre-plus ainsi que poursuient les mesmes personnages. Cela est du tout contraire, à l'experience de dire, la terre n'estre colloquee avec l'eau au centre de tout l'Vniuers, d'autant qu'il est certain que tant la superficie connexe de la terre, que de l'eau est esgalement distante du centre du monde. Et en ce que les dessusdits ont voulu dire que l'eau est plus grande que la terre; si cela est vray, il faut aussi selon leur dire qu'ils confessent necessairement qu'il conuiendra referer & rapporter plus de stades & de milliers à chaque degré de la Mer ou de l'eau; qu'à chaque degré de la terre: mais le rond de la terre est diuisé en autant de degrez qu'est le rond de l'eau, ainsi comme l'est le cercle du Ciel: Par consequent donc si l'eau est plus grande que la terre, il faut que les degrez de l'eau soient plus grands que les degrez de la terre; & que ces degrez de l'eau contiennent plus de stades & milliers que ceux de la terre; Le contraire dequoy est verifié par les Pilotes & voyageurs modernes, lesquels tiennent que les degrez de la terre & de l'eau contiennent pareils stades & milliers. D'abondant si l'opinion des mesmes personnages estoit vraye, on ne pourroit assigner à aucune partie de la terre des Antipodes, & ce à cause qu'il s'ensuiuroit que la plus grande partie de la terre opposée à ceste nostre partie habitable, fut couuerte toute d'eau: Ce qui n'est ainsi que ont escrit les nauigateurs Portugais & Espagnols, lesquels asseurent qu'en plusieurs parties, voire par tout le continent de la terre & de la mer il y a des Antipodes. Qui plus est, si l'eau n'estoit esgalement

(selon l'opinion des dessusdits) distante du centre del'Vniuers, mais estoit esleuee grandement, il s'ensuiuroit qu'un Nauire sortant de quelque port que ce fut, monteroit, & s'approchant de ce mesme port descendroit, & en ceste façon durant pareil & semblable vent soufflant, descendroit plus vistemement audit port, qu'il ne monteroit dudit mesme port : Ce qui ne se faict : Et qui plus est encor, ce mesme Nauire estant constitué hors les ports ne pourroit aucunement s'arrester, que de son propre mouuemēt il ne retournast au mesme port, attendu que toute chose graue & pesante tend au bas & au centre : Et finalement ce que lesdicts susnommez taschent d'en- uiter, à sçauoir que l'eau couuriroit toute la surface de la terre si elle n'estoit contenuē de la vertu supernaturelle, ils ne l'esuient aucunement. Car veu que il est tres-certain par les nauigations des Portugais & Espagnols y auoir des Antipodes en la terre, & que tout l'Ocean soit semé de plusieurs Isles, si l'eau delaissee en sa naturelle condition, couloit & fluoit pour couvrir selon l'opinion des dessusdicts ceste terre habitable, certainement de plus en plus ceste partie que noz Antipodes habitent, seroit descouuerte, ensemble les Isles qui sont audit Occeant. Et pendant que ceux cy dessus alleguez s'efforcent de demonstrier que l'eau delaissee en sadite premiere cō- dition pourroit couvrir toute la terre, ils posent que icelle descouuriroit du tout l'autre partie : Ce qu'on ne croit deuoir estre par eux concedé : Et le mesme s'ensuiuroit en la seconde opinion, pourueu que Dieu colloquast derechef ces deux Elemens à l'en- tour d'un mesme centre : Car lors selon ceste mesme opiniō la terre seroit toute couuerte d'eaux. A cause

dequoy à plus forte raison ceste partie qu'habitent nos Antipodes, demeureroit descouuerte d'eaux; mais il semble que les deliussdits peuuent respondre nos Antipodes, & les Isles contenues en mesme circonférence avec toute la Terre, & la Mer entre deux Isles en quelque part que ce soit, estre enleuees en rumeur & enleuement; d'où si icelle Mer descouloit, elle couuriroit toute la terre, mesme celle des Antipodes, ensemble toutes les Isles de ladite Terre. Mais au iugement des Autheurs modernes cy deuât alleguez, ceste response n'est vraye; Premièrement, parce que s'il estoit ainsi, l'eau n'auroit vn mesme & pareil centre, ains chaque tumeur & enleuement d'eau estant entre deux Isles auroit son propre centre: Ce qui est contre l'opinion de tous les anciens & modernes Astronomes. Qui plus est, il s'ensuiuroit si quelqu'un estoit constitué en quelque Isle, de laquelle à grande peine il peut voir vne autre Isle posée loing de luy, s'il n'aigeroit vers icelle, se retirant d'autant plus de ceste Isle, laquelle lors qu'il estoit au port il voyoit à grande difficulté il deuiroit mieux & plus vistemment la voir, à cause que selon qu'il a esté dict cy dessus, partant de ceste Isle il monteroit sur vne montagne d'eau. Ce qui est contraire à toute experience: Car si on voit à grande peine vne chose en Mer d'un certain lieu d'icelle assez proche moins, la verra-on d'un lieu plus distant & esloigné. C'est pourquoy les modernes cy dessus mentionnez rejettans toutes les opinions par nous deduictes cy haut, assurent que la terre & l'eau ne font qu'un mesme & pareil Globe, ou plustost ce qui est mesme chose, ont vn mesme centre commun, qui est centre de tout l'Vniuers. Et est le centre de

tout l'Vniuers, ce qui est de tous costez également distant du Ciel, & par consequent tient le lieu infime du monde, estant tel de sa nature, que toutes choses graues descendent de leur nature vers luy, si elles n'en sont empeschees; à cause dequoy iceluy centre non mal à propos est appelé par les Astronomes. Centre de grauité ou pesanteur: car toutes les choses graues & pesantes de leur nature desirent d'estre au lieu inferieur, ainsi qu'il appert par experience, & par la raison naturelle. Et n'y a pas plus grande raison pourquoy les choses graues & pesantes desirent de leur nature d'estre plustost là hors le centre du Monde, qu'en cest endroit, veu que toute partie esloignée du centre, est plus proche du Ciel, & par consequent en lieu plus haut & eminent, d'où il s'ensuit que l'eau estant graue & pesante, coule tousiours de sa propre nature si elle n'est empeschee, aux lieux bas & inferieurs, afin qu'elle puisse environner esgalement le centre de tout l'Vniuers, pour n'estre vne partie d'icelle, plustost que l'autre en lieu superieur: Ce qui est contre la nature d'icelle. Donc selon l'opinion des susdits Autheurs modernes c'est chose asseurée tant la superficie conuexe de la terre que l'eau estre de toutes parts esgalement distante du centre de tout le Monde; & pour ceste cause que l'un & l'autre cêtre de ces deux Elemens est vn & semblable, à sçauoir, le centre de l'Vniuers: Et ce en telle sorte que la superficie conuexe de l'un ne coupe aucunement la superficie de l'autre: mais la superficie conuexe de l'eau, est continuée avec la superficie conuexe de la terre; & est faicte vne mesme & ipareille superficie des deux superficies. Ce qu'un chacun de bon entendement

pourra croire, au dire desdits modernes, s'il veut considerer le naturel del'vn & l'autre Element; & poursuiuent lesdits susnommez qu'il n'y a rien plus certain que le centre de la terre, de l'eau, & de tout l'Vniuers est vn & semblable, & qu'à cette cause il est faict & constitué vne mesme & pareille Sphere, ou vn mesme & pareil Globe de la terre & de l'eau: Car si ces deux Elemens faisoient deux diuers Globes, iceux ne pourroient auoir vn mesme centre, à cause que l'vn entrecouperoit l'autre, tout ainsi que deux Cercles s'entrecoupons ne peuvent auoir vn mesme centre: Mais les Autheurs qui sont de contraire opinion respondent par ceste raison estre seulement colligé, le centre de tout l'Vniuers estre le centre de la grauité de la terre & de l'eau, vers lequel l'vn & l'autre de ces deux Elemens tendent naturellement, & non estre iceluy le centre de la grandeur d'iceux Elemens. Car vn mesme & pareil corps peut auoir le centre de sa grandeur diuers du centre de sa pesanteur, & appelle-on le centre de la pesanteur d'un corps, le poinct lequel tend tousiours perpendiculairement au centre de tout l'Vniuers en quelque forme & maniere que ce corps soit suspendu librement; ou bien selon la definition de Pappus: c'est ce poinct posé dans vn corps graue, par le moyen duquel ledit corps suspendu se repose & garde la position qu'il auoit au commencement, & n'est tourné & viré en rond par son contournoyement: à cause dequoy tout corps ou rond, ou d'autre forme a cêtre de grauité. Mais le centre de la grãdeur, est ce poinct esgalement distant de toutes ses parties extrêmes; lequel proprement est au seul corps Spherique, mais improprement aux corps reguliers, & cedit poinct

qui est en quelque corps que ce soit, est le centre de la grandeur dudit corps, lequel est le centre de la Sphere qui peut estre figuree & imaginee à l'entour d'iceluy corps. Et ces deux centres sont vns & pareils au corps Spherique, qui est vniforme en gravité, comme par exemple en vne Sphere de plomb ou de fer : mais au corps Spherique difforme en gravité comme en vne Sphere partie de bois, partie de plomb ou de fer, autre est le centre de pesanteur, autre le centre de grandeur : Car au milieu de ce Globe il y aura vn centre de grandeur ; mais le centre de la pesanteur sera le poinct existant en la partie plus grave, lequel poinct seroit conjoint avec le centre de tout l'Vniuers, & seroit faict semblable, si ce corps non empesché estoit porté vers iceluy : Et ainsi les Autheurs cy dessus disent le centre de tout l'Vniuers estre le centre de la pesanteur de la terre & de l'eau, à cause que par experience l'un & l'autre de ces Elements tendent vers ce centre, & sont de differente pesanteur. Mais le centre de la grandeur de la terre, estre autre que celuy de la grandeur de l'eau, ou plus tost l'un & l'autre centre de la grandeur tant de la terre que de l'eau, estre diuers du centre de tout le monde, qui est le centre de la pesanteur. Il y a autres Autheurs qui disent, quoy que maintiennent les dessusdits, qu'il faut necessairement poser tant en la terre qu'en l'eau vn mesme centre de pesanteur & grandeur. Car veu qu'il est certain par la consideration de l'un & l'autre de ces Elements, que le centre de l'Vniuers vers lequel toutes choses sont portees de quelque costé qu'elles procedent, ainsi qu'il a esté remarqué cy dessus, soit le centre de pesanteur ; il est clair & evident que iceluy est mesme

centre de pesanteur , à sçauoir le centre de l'Vniuers , & ce en la terre & en l'eau : à cause de quoy ces deux Elemens font vn mesme Globe , & qu'il y aye vn mesme centre de pesanteur & grandeur en la terre , les Autheurs cy dessus le veulent ainsi prouuer. Si on pese toutes les choses pesantes qui sont enuoyees d'un lieu haut vers la superficie de la terre , elles font en eux pareils & semblables angles en icelle , & ne sont portez par equidistance , ainsi qu'il semble de premiere abordée , parce qu'ils s'assemblent au centre de l'Vniuers , qui est centre de pesanteur , donc mesme est le centre de la grandeur de la terre que le centre de la pesanteur ou de l'Vniuers. Ce que les dessusdits veulent prouuer par l'experience des niveaux des maçons & charpéniers , lesquels ne sont penchans , ny inclinans , ny en vne , ny en autre partie , mais se trouuent estre également droict sur la superficie de la terre : Car de quelque part qu'ils soient mis vers la terre , iceux font tousiours angles pareils & esgaux avec elle , & tousiours le fil de cesdicts niveaux est au diametre du Ciel & de la Terre ; autrement les edifices ne pourroient longuement demeurer debout : Ce que demonstre amplement Aristote au second liure du Ciel : & veulent les Autheurs cy dessus prouuer particulièrement qu'en l'eau il y a mesme centre de pesanteur & grandeur : Car veu que l'eau n'estant empeschée coule tousiours de sa propre nature aux lieux bas & inferieurs , ainsi que l'experience le montre , il est de necessité sa superficie conuexe estre également distante du centre de sa pesanteur : Et ce point duquel toutes les parties conuexes sont esgalement distantes , est par definition le centre de sa gran-

grandeur. Donc le centre de la pesanteur de l'eau, ne peut estre diuers du centre de la grandeur: & prouuent ainsi les dessusdits la majeure: si la superficie conuexe de l'eau estoit plus eslongnee d'une part que de l'autre, du centre de la pesanteur, ou de l'Vniuers; ceste partie plus eslongnee du centre de la pesanteur ne couleroit aux lieux bas & inferieurs, lesquels sans doute sont ceux qui sont plus proches du centre de la pesanteur de la terre ou de l'Vniuers: Ce qu'estant contraire à la nature de l'eau, il faut donc au iugement des dessusdits, que le centre de la grandeur & pesanteur de l'eau soit vn & semblable. Ce qui faict qu'il faut conclurre, selon l'opinion des cy dessus nommez, veu que la terre & l'eau ont vn mesme centre de pesanteur, à sçauoir le centre de l'Vniuers, vers lequel l'un & l'autre de ces Elemens tendent tousiours naturellement, que l'un & l'autre facent vne Sphere, ou vn mesme Globe, & non deux Globes, s'entre-coupanz mutuellement: & ne seroit iamais faict qui voudroit rapporter par le menu les diuerses raisons & demonstrations qu'apportent les Vns & les autres Autheurs tant anciens que modernes en leurs escrits, pour prouuer que la terre & l'eau n'ont qu'un mesme cêtre, partie desquelles raisons & demonstrations sont amplement deduiçtes dans la Cosmotheorie de I. Fernel, & dans les Commentaires de Christophle Clavius sur la Sphere de Sacrobosco. Mais les modernes Pilottes qui ont veu & consideré toutes les Mers au long & au large de cest Vniuers, ne se sont voulus arrester aux raisons & demonstrations cy dessus pour eüiter plusieurs inconueniens & absurditez qui aduiendroient, si la terre & l'eau n'auoient qu'un mesme & pareil cêtre!

Car comment & pourquoy la terre seule occuperoit elle le centre, & non l'eau; laquelle eau est seulement estendue sur la superficie de la terre? Et comment & pourquoy la terre & l'eau estant disformes en pesanteur, auroient-elles vn mesme centre de pesanteur & grandeur? Qui plus est, n'est-il pas vray que les parties de la terre descouuertes d'eau sont moins pesantes que les parties couuertes d'eau, à cause de l'air enfermé aux caueux, & à cause de la chaleur du Soleil qui les desseiche continuellement? Et veu donc que le cētre de la pesanteur en vn corps grandement pesant, est en la partie plus pesante d'iceluy, le centre de la pesanteur de la terre fera plus prochain des parties couuertes d'eau, que des parties qui en sont descouuertes: Ce qui faict que le centre de la pesanteur de la terre, est diuers du centre de sa grandeur: C'est pourquoy ces Pilotes ont à bon droict asseuré qu'en la terre il y a trois centres; Le premier le centre de la masse de toute la terre vniuerselle, laquelle en toute son existence, est le vray poinct ou milieu de cest Vniuers; Le second le centre de la grandeur & vastité de la terre: Le troisieme le centre de la pesanteur, ou du poix de la terre. Ce que presuppposé, faut, au dire desdicts Pilotes, noter & remarquer en ce faict quatre choses dignes de cōsideratiō; La premiere que le centre de la grandeur & vastité, & le centre de la pesanteur ou poix de la terre ne sont vn mesme centre; d'autant que (ainsi que i'ay desja dict) la Terre est diuersement pesante en plusieurs de ses parties, pour autāt qu'une partie d'icelle est couuerte d'eaux, & l'autre descouuerte: La seconde, que le centre de la pesanteur de la terre n'est proprement au milieu

du Firmament : car si nous imaginõs que la terre fut partie & diuisee en deux parties esgales, lors la partie qui seroit descouuerte d'eaux surmonteroit en grandeur celle qui ne seroit descouuerte: La troisieme le centre de la grandeur de la terre, & le centre du Firmament ne sont vn ; car la terre n'est esgallement couuerte d'eaux, dont (ainsi que disent les surnommez Pilottes) il s'ensuit qu'on doit vraiment croire qu'il y a trois Centres distinguez en la terre: Le premier, le Centre de la masse de toute la Terre vniuerselle ; Le second, le Centre de la grandeur & vastité de la terre; & le troisieme le Centre de la pesanteur ou du poix de la terre: Le quatriesme chose digne de consideration, est que le Centre de la masse des eaux, & de la terre, est au milieu du Firmament, car telle masse est vn corps pesant, & non empesché; Et ainsi le centre de la pesanteur n'est au milieu du monde, par lequel est de nature pesant; Mais nous ne laisserons pource que dessus est deduit de tenir que la terre est au milieu du Mõde, à cause qu'elle est partie de l'amas, lequel est au propre milieu de cest Vniuers pour la beauté & decoratiõ d'iceluy, & cõme du tout vtile & necessaire à l'habitatiõ & nourriture des hommes & de tous les animaux. Mais telle qu'elle est, Senèque l'a descrit fort bien Exorde de ses Questions naturelles. *Quàm iuuat inter hybera ipsa vagantem diuitum pauimenta ridere, & totam cum auro suo terram: non illud tantum dico, quod egeſſit & ſignandum monetæ dedit, ſed & illud, quod in occulto ſernat poſteriorum auaritia. Nec poteſt ante contemnere porticus & lacunaria ebore, aurõque ſulgentia, & conſiles ſyluas, & deriuata in domos flumina, quàm totum circumeas cælum & terrarum orbem ſuperne deſpiciens anguſtum, & magna ex*

*parte opertum mari, etiam ea parte, qua exiat, latè squalidum
 & aut vstum, aut rigentem, sibi ipse dicat : hoc est pun-
 ctum quod inter tot gentes ferro & igni diuiditur. O quam
 ridiculi sunt mortalium termini. Punctum sane illud est in
 quo nauigamus, in quo bellamus, in quo regna disponimus,
 &c. Pline liure .chapit. 68. en dict ce que s'ensuit,
 Mundi punctus, neque enim, &c.*

*Que c'est l'Element de l'Eau, comme iceluy appartient à la
 perfection du Monde, & sans lequel Element
 le Monde ne pouuoit estre ne subsister.*

CHAP. IX.



N T R E tous les Anciens & moder-
 nes Philosophes, le grand Cardinal
 Contaren liure second des Elemēs,
 me semble auoir mieux & plus per-
 tinēment definy l'Element de l'Eau
 disant; L'eau vn des Elemens mis
 „ & colloqué sous l'air, vers le Centre du Monde, à
 „ quelque peu de legereté, à cause qu'il est sur la Ter-
 „ re, & est toutesfois absolument graue, presque en
 „ telle & pareille sorte, que nous auons dict cy des-
 „ sus l'air estre absolument leger; mais ainsi que ie
 „ penst, l'Eau est plus graue, que l'air n'est leger, à
 „ cause que l'air en sa propre Sphere a ceste grauité
 „ de laquelle nous auons faict mention cy dessus, par
 „ le moyen de laquelle il est osté quelque peu de sa
 „ legereté; mais l'eau a ceste plus grande grauité en
 „ sa propre Sphere, que l'air, laquelle grauité ainsi
 „ qu'elle resiste à la legereté de l'air, de mesme elle
 „ semble adiouster à la grauité de l'eau: A ceste cause

„ à bon droit vn chacun peut dire l'eau estre plus
„ graue, que l'air n'est leger. D'abondant l'eau est de
„ sa nature tres-froide & grandement humide, & la
„ raison persuadera fort facilement à vn chacun, qu'il
„ n'est pas possible de trouuer en aucun lieu de l'eau
„ pure, ainsi qu'il est impossible de trouuer del'air pur:
„ Car l'eau est tousiours affectee de l'air, & encor de
„ plus en plus de la terre assemblee & amallee en
„ rond. Et les exhalations attirees de la terre en haut
„ par la force des corps celestes estant resoultes sont
„ mellees avec l'eau: Et aussi les pluyes, les vents, les
„ roses, & autres de ce genre, qui tombent de l'air
„ dans la Mer, infectent sans doubte l'eau, & s'il
„ faut ainsi dire, la corrompent: Et par ce moyen ie
„ suis persuadé, selon les sens consones à la raison,
„ de croire, qu'il ne se peut trouuer en aucun lieu de
„ la Terre aucune eau pure. De faict nous cognois-
„ sons toute sorte d'eau estre affectee au goust de
„ quelque saueur, laquelle est faicte par le moyen de
„ certaine admixtion de partie terrestre avec l'hu-
„ mide aqueux: Et qui est-ce qui doute toutes les
„ Mers estre salees? mesme il y a des Lacs, & des
„ Fontaines salees & ameres procedans de la Terre.
„ Aucunes ont le goust d'alun, les autres de Bitume,
„ en telle sorte que toute Eau entraine avec soy la
„ nature de la terre par dessus laquelle elle coulle,
„ & aussi encor que les Eaués douces n'ont aucune
„ saueur forte, toutesfois icelles ont sans doute quel-
„ que saueur occulte & agreable. Et des choses cy
„ dessus deduites vn chacun peut se persuader toute
„ l'Eau de la terre estre impure, & estre impossible de
„ trouuer en quelq lieu de la terre, de l'eau pure, si ce
„ n'est par aduenture que quelqu'un vucille dire qu'il

„ y a de certaines tres-petites particules insensibles.
„ d'eau pure, mellees avec l'eau de la Mer, des Lacs,
„ Fleuues & riuieres, à quoy ie ne voudrois repu-
„ gner trop opiniatremēt, ny adherer aussi trop le-
„ gerement, & qu'il y en aye ou en puisse auoir, cela
„ est indifferent, pourueu qu'on concede qu'elles
„ soient tres-petites & insensibles, Platon a voulu ce
„ Tartare situé dans le milieu de la Terre estre le
„ vray Element de l'eau, & le lieu propre d'iceluy,
„ duquel ainsi que d'une fontaine toutes les Eaux,
„ toutes les Mers, les Lacs, Fleuues, Riuieres, & Fon-
„ taines sourdent & procedent ainsi que par deux
„ canaux & conduits: Ce que les Egyptiens & Chal-
„ dees ont semblé croire, en telle façon qu'aucuns
„ ont dit Moyse en auoir autant creu, quand en par-
„ lant au Genese du deluge vniuersel il a fait mentiō
„ du grand abyssme: Au contraire duquel l'Aristote
„ a pensé les Mers estre l'Element de l'Eau, & en icel-
„ les le lieu de l'eau y estre attribué de nature: & re-
„ fere ce personnage les origines des fontaines &
„ fleuues à d'autres causes, ainsi que ie le deduiets
„ amplement aux chapitres 13. & 22. subsequens.
Cecy premis nous apprédrons que les mesmes Egy-
ptiens & Chaldees tenoient la terre au commence-
ment du Monde auoir esté cachée sous les eaux, les-
quelles le Soleil, c'est à dire, l'Esprit de Dieu s'esten-
dant pour rendre la terre seiche & apparente, fit la
separatiō des vnes aux autres Eaux, à sçauoir celestes
& elemetaires, disposees en tel ordre que dessus &
dessous les corps etherez, elles seruent de refroidir
& humecter la chaleur du feu, qui sans telle tēpera-
ture auoit desja tout consommé d'un embrasemēt in-
extinguible. Et en ce qu'iceux Egyptiens & Chal-

dees ont dit des eaux elemētares & inferieures, c'est chose assez cōneuë de to⁹ pour estre icelles exposees aux yeux d'un chacun de nous. Et quant aux celestes la saincte Escriture au Genese les designe & nomme assez clairement, comme le remarque N. de Lyra en sa glos. sur ce chap. apres S. Ambroise, liu. 2 chap. 3. Hexame. S. Basile homel. 3. de Opificio mundi, saint Chrysostome, Hippolite, Seuerian, Theodoret, Bede, Iustin martyr, & plusieurs autres en leurs œuvres. Et les Cataractes & portes du Ciel decloses & ouuertes pour l'inondation du deluge ne peuuent au dire des Rabins Hebrieux autrement s'exposer que pour ces eaux celestes, disans iceux que le mot Hebrieu *Schamaim*, signifiant en leur langue les Cieux, procede du mot Hebrieu *Scham*, qui est à dire, là, où, en ce lieu, *Maim*, Eaux. Mais sans s'arrester à ces curiositez nous apprendrons selon Plutarque au traité lequel est le plus vtile le Feu ou l'Eau, que l'Element del'eau estant vn bien complet & parfaict en soy-mesme, & vn des quatre Elemens en a produict vn cinquiesme, qui est la Mer, non moins vtile presque que pas vn des autres, tant pour plusieurs causes que principalement pour le commerce: car estat parauāt la vie de l'homme sauuage & sans cōmunication des vns aux autres, cest Element là l'a conjoincte & renduë parfaicte, apportant communication & amitié des vns aux autres par mutuel secours & reciproques donations des vns aux autres. A ce propos Heraclitus dict en vn certain passage, si le Soleil n'estoit, la nuit ne seroit point; aussi pourroit on bien dire, que si la Mer n'estoit point, l'homme seroit le plus feroce animal; plus necessiteux, & le moins respecté du monde, mesme que sans l'Element de l'Eau, les

mesmes hommes, les animaux à quatre pieds les oyseaux, les poissons, les reptiles, les arbres, les Plantes, les herbes, & generally toutes les autres choses qui se voyent en cest Vniuers, ne pourroient auoir estre & viure sans iceluy Element, ainsi que preuue le mesme Plutarque au lieu sus allegué. A ce propos Hesiodé en sa Theogonie a dict, que l'Eau auoit esté le commencement & principe de toutes choses par luy appelée *χαὸς ὡς ἀπὸ τῆς χύσεως χυτὸν γὰρ τὸ ὕδωρ*, *id est velut ab effusione, siquidem fusilis fluitansque aqua est* : C'est pourquoy le mesme Plutarque au traicté d'Isis & Osiris a escrit que Homere l'ayant appris des Egyptiens cy dessus nommez, a tenu que l'eau estoit le principe de toute chose, parce que Osiris est l'Ocean, & Isis est Thetys, qui nourrit & allecte tout le monde : car les Grecs appellent la projection de semence, *Apousian*, & la commixtiō du masle & de la femelle, *Synousian*, & *Hys* en Grec signifie fils, qui est deriué de cemot *Hydor*, qui vaut autant cōme Eau, & *Hysay* signifie pleuuoir, & surnōment Bacchus *Hyes*, comme qui diroit, maistre & seigneur de l'humide nature, qui n'est autre chose que Osiris : Le mesme Autheur, au traicté lequel est le plus vtile, le Feu ou l'Eau ; preuue que l'Eau a esté premiere que les Dieux, & qu'icelle leur a donné estre & naissance. Qui plus est, iceluy mesme Autheur liure 1. chap. 3. du Discours sien des opinions des Philosophes rapporte que Thales de Milese affermoit que l'Eau estoit le principe de l'Vniuers, disant que toutes choses estoient composees d'Eau, & qu'elles se resoluoient aussi toutes en eau : Ce qu'il coniecturoit par vne telle raison : C'est que premieremēt la semēce est le principe de tous les Animaux,

laquelle seméce est humide, ainsi est-il vray semblable que toutes autres choses aussi ont leur principede l'humidité. Secondement que toutes les sortes de plantes sont nourries d'humeur, & fructifient par humeur, & qu'adelles en ont faite, elles se dessèichét. tiercement que le feu du Soleil mesme & des Astres se nourrit & entretient de vapeurs procedantes des eaux, & par consequent aussi tout le monde: cest pourquoy Homere supposant que toutes choses sont engendrees de l'eau dict

L'Ocean est Pere de toutes choses.

Puis le mesme Aucteur au chap. 4. ensuiuant rapportant l'opinion de ceux qui disoient le monde auoir esté composé & formé de figure ronde par les Atomes indiuisibles ayans vn mouuement fortuit, & non consulté ny proposé, & se mouuans treslegerement & continuellement, lesquels estant plus petits, ronds polis & labiles furent repoussez & reiectez contremont, & les plus gros & plus pesans deuallez en bas & au fond; & que ainsi de ces Atomes deuallez en bas & au fond, la terre s'en engendra: & de ceux qui monterent contremont, le Ciel le feu & l'air. Mais que à l'entour de la terre y ayant encore beaucoup de matiere comprise & espeëe par les battemens des vents, & les halenes des Astres tout ce qui y estoit de plus delice & plus menue figure fut espraint, & engendra l'Element de l'eau, laquelle estant de matiere fluide, s'en coulla auual vers les lieux creux & bas, qui la pouuoient comprendre & contenir, ou bien l'eau d'elle mesme s'arrestant creusa & caua les endroiets qui estoient dessous elle.

Le mesme Aucteur li. 2. chap. 6. du mesme discours a deduiet que Empedocle assenroit que en la creatiō du monde le premier qui fut séparé fut la quintessence: le second, le feu, apres lequel la terre, de laquelle estant vn peu estroittement serrée par l'impetuosité de la reuolution, sourdit l'eau, laquelle s'evapora en air: & que le Ciel fut faict de la quintessence, le Soleil du feu, & que des autres Elemens furent constippez & composez les corps terrestres & voisins de la terre: Platon à ce propos dit que du feu & de la terre comme des premiers & necessaires elemens: tout le monde a esté concreate, affin qu'il fut visible & palpable: la terre luy donnant la grauité & la fermeté, & le feu la forme, la couleur & le mouuement: & les deux autres natures & elemens qui sont entre ces deux extremes, à sçauoir l'air & l'eau amollissans & temperans la grande dissimilitude de l'vn & l'autre des deux bouts ont assemblé & meslé par leur moyen la matiere premiere: Pindare en ses ceuures dit ces mots L'eau est le meilleur element, Hesiodé cy dessus allegué, s'accorde à ce dire quand il escrit *Le Chaos* a premier que tout esté, entendant cest Aucteur par ce *Chaos* selon la plus part des anciens, l'element de l'eau, à cause que icelle s'espend facilement, C'est pourquoy Promethéus a dict,

Sans feu pouuoit, non sans eau la vie estre.

Le mesme Plutarque au traicté de la face qui apparoist dedans le rond de la Lune enseigne qu'on ne doibt croire que des parties du monde la terre soit gisante ou elle est, pour y estre tombée par sa pesan;

reur, ny que le Soleil aye esté par sa legereté poussé contremont comme vn outre ou vn ballon plein de vent, qui estant au fonds de l'eau seroit venu incontinent au dessus, n'y comme croyoit Metrodore natif de Chió, que les autres Astres comme ayāt esté mis en vne balance, eussent tendu par leur legereté ou grauité, aux lieux où ils sont situez maintenant: mais que la raison ayant dominé en la constitution du monde les vnes parties dudit monde, à sçauoir les Astres comme des yeux esclairans, ont esté attachez au Ciel, ne plus ne moins qu'au front du monde pour tourner continuellement: & que le Soleil ayāt la force & la vigueur du Cœur, enuoye par tout & distribue comme du sang & des esprits, sa chaleur & sa lueur: Et la terre & la mer sont au monde ne plus ne moins que le ventre & la vessie au corps d'un animal, & la Lune qui est entre le Soleil & la terre comme le foye ou quelque autre molle partie des intestins, entre le cœur & le ventre transmet icy bas la chaleur des corps superieurs, & attire à l'entour d'elle les vapeurs qui montent d'icy en les subtiliant par vne maniere de concoction & de purgation. Par ces discours cy dessus il est donc sans doute & difficulté, selon l'opinion des Philosophes surnommez que l'Element de l'eau appartient à la fabrique du monde, & à sa beauté & perfection: Car le monde ne pourroit estre accompli sans iceluy Element, parce que si il n'y auoit commencement des eaux, il n'y auroit eau simplemēt & si il n'y auoit eau simple n'y auroit aussi aucun mixte & composé en ce mode: Et ainsi il ne pourroit estre, ou auoir aucunes choses de celles qui s'engendrent en l'eau; Aussi s'il

n y auoit de l'eau, on ne trouueroit nul corps continué & conglutiné: D'où s'ensuit que s'il n'y auoit commencement des eaux, la generation mondaine se destruiroit, & par consequent tout ce monde. D'abondant s'il n'y auoit commencement des eaux, on ne trouueroit point tous les assemblemens des contraires qui sont possibles par ainsi la nature defaudroit au necessaire & deffaiillant la vertu au necessaire, l'eau seroit empeschee en l'action, dequoy aduiendroit que n'ayant commencement des eaux, l'œuvre de nature periroit, & par ainsi cest Vniuers. A cause dequoy nous pouuons conclure que l'element de l'eau est tre-vtile & tres-necessaire pour la sustentation du monde, ainsi que le preuue & conclud tresbien apres M. T. Ciceron liure 2. de la nature des Dieux, le mesme plutarque au traicté lequel est le plus vtile le feu ou l'eau, & que le confirment S. Ambroise liur. 3. Hexam. chap. 5. S. Basile Homel 4. Theodoret serm. 2 de la prouidēce 6. Nazianzene oraison 2. de la Theologie & a escrit l'Aristote au 2. des meteores que les eaux qui sont en la mer & en la terre s'engendrent principalement en la partie du Septentrion, ce qui est à dire selon l'opinion des plus sçauans Philosophes que grāde partie de l'eau de la mer & de la terre s'engēdre du costé du Septentrion: passage lequel Albert le grād explique fort bien au 2. du Ciel traicté premier, & au 2. des meteores traicté 3. chap. 6. quand il dit que la mer court du Septentrion au Midy, & que la cause pourquoy icelle semble estre plus haute en Septentrion, que au Midy, est parce que le froid du Septentrion produit & engendre plus d'eau que la mer ne pourroit contenir en l'espace, distance & hauteur

de ses rines, & que l'eau qui est au Midy se consume & diminue par l'ardeur & chaleur du Soleil. Ce qui a meu les Stoiques de dire que la mer Oceane est la pasture du Soleil, ensemble les vapeurs & exhalatiōs ainsi que remarque Plutarque au 2. liur. chap. 23. des opinions des Philosophes. Par ainsi, poursuit le mesme Albert aux lieux susalleguez, vne partie de l'eau du Septentrion repousse l'autre vers le costé qui est plu. bas & pourtant se meut accidente'lement du lieu de sa generation, parce que elle estant humide, court pour estre retenue au sec: Et la raison subtile, que les plus grands & excellents esprits peuuent donner pourquoy l'eau se consume tant en la partie de Midy, est que le Soleil se meut tousiours, ou bien est meü en son moyen orbe ou defferent autrement cercle eccentrique & non concentrique à la terre cest à dire que le cercle a vn autre centre, que le centre de la terre de sorte que le diametre de ce cercle eccentrique du Soleil passant par entre les deux, cest à sçauoir par son propre & particulier centre, & par le centre de la terre; la plus grande partie du diametre est à vn costé, & la moindre en l'autre, au respect du centre de la terre: Par ainsi on peut conceuoir par raison de Geometrie qu'il y a plus grande longueur du diametre lors que le Soleil est en son auge qui est à present au signe du Cancrè, lieu auquel iceluy Soleil est plus distant & eslongné de la terre qu'il puisse estre en autre temps de l'année, & que la moindre longueur dudit diametre est lors que ledit Soleil est en l'opposite de son auge, qui est à present au signe de Capricorne lieu auquel iceluy Soleil est le plus prés, de ludit terre qu'il le puisse estre en autre saison de l'année. D'où il appert que le So-

leil s'approche de beaucoup plus pres de ladicte terre en la partie du midy, que en celle du Septentrion: Ce qu'estant ce n'est de merueille si son approchement eschauffe tellement l'eau de la mer au Midy, qu'il la diminue ou consume, voire la brusle & ard grandement en cest endroi: ce qu'il ne peut faire au Septentrion pour en estre fort distant & eslongné: non que les terres qui sont sous le Septentrion soient plus hautes que les autres terres qui sont sous le Midy à cause dequoy les eaux ne pouuans s'arrester vers les terres qui sont sous iceluy Septentrion fluent & decoulent vers celles qui sont sous le Midy comme semble l'auoir creu, apres Leucippe & Democrite anciens Philosophes au rapport de Plutarque liur. 2. chap. 12. des opinions des Philosophes. Hierome Cardan en son liur. 2. de la subtilité en voulant interpreter les parolles de l'Aristote cy dessus allegué. contre lequel Cardan discourt fort excellement l'ulcres Cæsar de l'Escale en la trente sept quarante deux & quarante trois. exercitations contre le mesme Cardan enseignant que la plus grand part des grâds fleuves de la terre courent du Septentrion au Midy dans la mer, aucuns autres du Midy au Septentrion dans la mesme mer, plusieurs autres de l'Orient en l'Occident, & autres de l'Occident en l'Orient dans la mesme mer, sans estre aucunement astraîns & necessitez de descouler du Septentrion au Midy comme du lieu plus haut & esleué, au plus bas & inferieur de la terre. A laquelle opinion à adheré Vicomercatus en ses Comment. sur le 2. liure des Meteores d'Aristote. Et pour faire ample preuue de ce que dessus, c'est chose tres assuree que plusieurs grands & spacieux fleuves de la

terre, procedans des terres qui sont sous le Septentrion, viennent à descendre tant dans les palus meotides, anciennement appelez *Temerinda*, mere de la mer, à present par les Circaſſes mer de Zabac, que dedans la mer Caspie ou Syrcaniene, nommée maintenant par les Parthes Bachan, & par les Tartares *Chunalinſcomoria*, & Chelucel: Les Palus Meotides viennent par apres à deſcharger leurs eaux dans la mer Pontique, & ce par vn cours & conduit viſible, & ladite mer Caspie vient par vn ſeſſe ſouſſerraine à ſe deſcharger en la meſme mer, & icelle mer Pontique vient à tomber dans l'Aegée, & ceſte cy en la mer Mediterranee au contraire de ces fleuves & mers, Le Nil procedant des Montaignes de de la Lune au Royaume de Goyame aux terres qui ſont ſous le Midy, & le grand fleuve Niger prouenant des montaignes de Bet, aux meſmes terres, viennent à ſe lancer avec grande quantité d'eaux dedans la mer Occidentale: Et qui eſt choſe bien plus remarquable des meſmes terres il prouiét deux fleuves aſſez grands & amples, l'un au Royaume de Mozambique, & l'autre au Royaume de Maui-congne, leſquels viennent à ſe deſcharger dans l'Ocean Ethiopique le Boryſthene, le Rha en la Tanne prouenans des meſmes terres ſous le Septentrion coulent vers le Midy en la mer Pontique & Palus Meotides & au contraire d'iceux les fleuves Duuine & Pezcore ſi grands & ſpacieux fleuves naiſſans es meſmes terres ſous le Septentrion & Tartarie viennent à eux ierter & deualer dans la mer Septentrionale au deſſous du Pole Septentrional. Dans la terre de Labrador il y a vn grand & ſpacieux fleuve nommé par les habitans du pays *Totontean*, lequel ſe vient à deſcharger vers le cercle du Cancre

en la mer de Sur, & dans la prouince de Quint au Peru le grand fleuve Maragnô se descharge vers l'equinoctial dans la mesme mer de Sur. Et sans aller rechercher les fleuves des estranges contrees & regiôs n'en auons nous pas en nostre Europe qui font le semblable? les riuieres de Sene & de Loyre & du Rhin ne descendent elles pas vers le Septentriôn dedans l'Ocean, & au contraire d'iceux le Rhosne ne coule il pas vers le Midy dâs la Mer Mediterranee? La Draue & le Danube ne coulent ils pas vers l'Orient dans la mer Pontique, & le Pô ne coule il pas vers le mesme Orient dans la mer Adriatique? Par les exemples cy dessus deduiçts il est seulement donc tres-certain que par toute la rotondité de la terre il y a certains lieux & endroiçts plus hauts & esleuez que les autres, desquels les eaux coulent & descendent dans les lieux plus bas & inferieurs, comme dans leurs principes: lesquels on nomme les fleuves & la mer: Voyez pierre Messie en sa seconde partie de ses diuerses leçons chap. Combien l'eau est necessaire à la vie humaine, avec l'excellence de cest element. Vn certain personnage moderne en a ainsi parlé en vers fort excellens.

*L'eau n'esteind seulement la flamme iette-esclairs,
L'eau n'abbat seulement le fier orgueil des airs,
Ne mine les rochers, ne sappe les montaignes
Et ne va rauageant la gloire des Campaignes :
Ains telle est la grandeur de l'ondeux element
Qu'on le peut esgaller au doré Firmament:
Veu que sur les planchers de l'astrée estendue*

Du crystal flottant l'essence est espandue,
Que l'eau est le miroir, & patron qui comprend
Icy bas, ce qu'en haut les Cieux ont de plus grand:
Le Ciel voulté contient les eaux quint-essencees,
On boit les crasses eaux dans la Mer ramassées
Le Ciel roule tousiours, la Mer semblablement
Qui monte & qui descend flotte eternellement.
Le Ciel d'un pers azur sa face a peincturée:
D'une mesme couleur on void l'onde azurée:
La matiere du Ciel est un crystal luisant.
La matiere del'eau est un crystal glissant:
Nulle corruption n'atteint l'arche Estoilée
Thetis pour cest effect est d'une humeur salée:
Le Ciel darde à nos champs sa vitale chaleur,
La Mer verse en nos champs sa radicale humeur,
L'eau donc contient le Ciel, & le Ciel contient l'on-
de,

Tout l'Vniuers le Ciel, & l'onde ce bas monde.
Le bouillonnant Neptun est pere des vapeurs:
Les vapeurs font tomber les larmeuses humeurs:
Les humeurs donnent estre aux sources fontanie-
res,

D'où naissent les ruisseaux; des ruisseaux les rui-
res,
Qui serpentent la terre, auant que retourner
Dormir dans le giron de leur mere la Mer.

CHAP. X.

LEs plus doctes Philosophes anciens & modernes ont tenu que pour les mesmes raisons & demonstrations que nous auôs cy dessus deduiçt, pourquoy la terre doit estre iugée ronde, de mesme nous en deuons croire & dire de l'eau, laquelle sans difficulté est ronde: d'autant que icelle eau est vn corps homogenee, duquel, au dire de Plin liur. 2. chap. 65. de son histoire naturelle, les parties sont telles que le tout, & icel les parties, ainsi que les gouttes & grains de rosee qui sont sur les feuilles & herbes, appettent naturellement la forme ronde, par consequent donc le tout est tel, que icelles parties desquelles il est composé sont? Mais ceste opinion au rapport de Maurolic en son 1. dialogue de la Cosmographie n'est vraye au iugement des plus subtils qui tiennent que les gouttes d'eau & grains de rosee qui sont sur les feuilles & herbes fuyans la siccité ou seicheresse, comme leur ennemye & contraire, ayment par vne naturele & vniuerselle propēsiō, la figure rōde, à fin que elles se cōseruēt plus lōguemēt, car la figure rōde & spherique est commode à cest effect. A cause que ses parties sont plus vnies & assemblees, que des autres figures: d'où nous voyons le gouttes d'eau & grains de rosee qui viennent à perdre leur forme ronde & spherique estre vistemēt & facilemēt corrompues, & destruittes. Mais autre chose est en l'Element entier de l'eau, lequel semble n'appetter de sa nature

la figure ronde, que pour garder esgallement son cōtrepois en s'inclinant vers le centre de la terre, ayāt iceluy Element en soy vne inclination naturelle à la rotondité, pour se garder & conseruer, laquelle inclination procedde de la forme specifique d'iceluy Elemēt mesme laquelle doibt suiure aussi bien tout l'Elemēt entier d'icelle, que les parties d'icelle. Aristote au 2. liure du Ciel a preuue que l'eau est spherique pour ceste raison. & ce à cause qu'il faudroit si il estoit autrement, icelle auoir aucunes de ses parties plus remotes & recullees du centre de la terre: ce qui seroit cause que icelle de sa propre nature ne conflueroit aux lieux bas & inferieurs, ainsi que on voit iournellement qu'elle fait. Ce qui cause par cōsequent que icelle est ronde, & ce d'autant que la terre, sur la surface de laquelle est estendue & espanchee, est ronde; autrement, si le contraire estoit, icelle eau ne coulleroit pas aux lieux bas & inferieurs. Et affin que nous puissions comprendre fort aysement par demonstration que l'eau a vne tumeur, & est ronde Chalcidius sur le Timee de Platon & Ptolomee liure 1. cha. 4. de son Almageste seront par nous amenez en ieu disans Posons vn signe au bord & riuage de la Mer & que vn Nauire parte de ce bord & riuage & s'eslongne tellement en pleine mer, que l'œil de celuy qui est dās ce Nauire ne puisse veoir ce signe, lors l'œil de celluy qui sera au haut dudit mas pourra bien veoir ce signe; & n'estoit la tumeur & rotōdité de l'eau, l'œil de celluy qui est au pied dudit mas deuroit plustost veoir cedit signe, quel l'œil de celluy qui est au sommet dudit mas, ainsi qu'il appert par la demonstration des lignes tirees de l'un & l'autre des yeux cy dessus deduietz

iufques audit figne. Le grand Archimede faißt vne excellente demonſtration de noſtre dire, au 1. liure ſien des choſes qui ſont portees par l'eau: par laquelle demonſtration il preuue non ſeulement l'Ocean & les autres Mers, mais auſſi toute eau & toute humidité cōſiſtēte ſur la terre auoir figure rōde & ſphérique, de la q̃lle le cētre eſt tel q̃ le cētre du mōde, vers lequel toutes choſes graues ſont portees de leur propre nature: Et aſſeure premieremēt ce perſonnage la nature de l'eau & de l'humidité eſtre telle, que ſes parties eſtās eſgallemēt exiſtentes & cōtinuees en elles meſmes, la moins preſſée, eſt expulſee & chafſee par la plus preſſée, & vne chacune partie d'icelles eſtre preſſée par l'eau & humidité eſtant au deſſus d'icelle perpendiculairement, ſi l'eau ou humidité deſcend en quelque endroit, ou eſt preſſée & comprimée par quelque autre: ce que par experience on pourra veoir eſtre vray & certain, quand on preſſera ou de la main, ou de quelque eau ou humidité eſpanchée par deſſus, quelque eau ou humidité eſtant au deſſous, car lors les parties d'icelle eau ou humidité eſtant au deſſous ceddent à celles qui ſont deſſus: & par ce moyen eſtant ainſi comprimées & ſerrees elles coulent & ſont pouſſées en auant. Qui plus eſt ce meſme perſonnage enſeigne que ſi quelque ſurface, eſt couppee par vn meſme poinct en vn plan & que la ſection ſoit la circonſerence du cercle, ayant pour ſon centre iceluy poinct, par lequel il ſoit coupé en plan, ceſte ſurface ſera ſphérique, de laquelle le centre ſera ce meſme poinct, ce que enſeigne par demonſtration en figure ceſt autheur au lieu ſuſ-allegué, lequel on pourra aller veoir, ſans que ie m'amuſe plus particulièrement à la repeter.

Donc par ce que nous auons discoursu cy deuant nous retiendrons pour proposition certaine & asseuree, que la terre & l'eau sont rondes & spheriques: Et ne faiçt rien de dire que les montaignes & les collines empeschent la rondeur de la terre, d'autant que c'est chose tresasseuree que les mōtaignes n'ont aucune proportion qui empesche la terre d'estre ronde: que si on estime qu'icelles empeschent quelque peu, on doit croire que cela n'est n'on plus que des cloux en la rouë d'une charrette, lesquels empeschent fort peu la rondeur d'icelle rouë. Et affin que nous ne laissiōs rien passer digne de remarque, nous noterons qu'une chose se peut dire ronde en deux manieres, l'une est reguliere, qui est quand toutes lignes droictes tirees du centre à la circonference, sont esgalles: & pour le vray la terre n'est pas parfaitement ronde en ceste maniere: mais autrement la chose ronde irreguliere, est quand toutes les parties ne sont esgalement distantes du milieu, & en ceste façon nous debuons estimer la terre estre ronde.

Comment & pourquoy la Terre a esté descouuerte de l'eau.

CHAP. XI.]



Nous auons peu apprendre par ce que nous auons deduit cy deuant au chapitre huiſtiesme & autres precedens, que ſelon l'opinion des plus grands Philoſophes en preſuppoſant la nature & condition des quatre Elemens qui ſont le feu, l'air, l'eau, & la terre, la terre eſt aſſiſe & arreſtée au centre & au plus bas de ce monde, & que par ce moyen l'eau qui eſt à l'entourde la ſurface de la terre, eſtant de ſa nature du tout coullante, & fluide, deueroit du tout couvrir & enuironner la Terre, comme le feu entourne & enuoloppe l'air, l'air couvre & enuironne du tout la terre & l'eau par enſemble. Que ſi il ſemble cela auoir deu eſtre ainſi faiſt en ce monde, il ſera tres-apropos & conuenable à mon iugemēt de traicter en ce chapitre, Comment la partie de la terre, qui eſt deſcouuerte d'eaux, l'a eſté au commencement du monde, ſçauoir ſi c'eſt naturellement, ou par miracle, ou par autre façon, ou moyen, veu qu'il ſemble à pluſieurs grāds perſonnages que ſi l'eau de la Mer, & les autres eaux des Paluds, marets, fleuues, Riuieres, Ruiſſeaux, & Fontaines, qui coullent au long & au large de la ſurface de la terre, s'eſtendoient du tout ſelon leur nature ſur la ſurface de la terre, elles couucriroient ſans doute toute la terre, & pour entrer en matiere ſā yſer de repetition & reditte des choſes par nous diſcouruës au chap. 8. cy deſſus, nous dirons que certains anciēs Philoſophes tenoient, au rapport d'Ariſtote liure 2. des Meteores, qu'en vn certain temps la terre fut

toute couuerte & noyée sous les eaux & que petit à petit icelles eaux consumées par la chaleur du feu, veindrent à laisser à d'escouuert les terres à present apparentes, croissantes de iour en iour, comme l'eau diminue, iusques à ce que icelle eau sera en fin esuanouye, & desseichée du tout. Et à bien passé plus auant le mesme Aristote cy dessus, au 1. des Meteo- res, quand il a dict que la Mer est où a esté autrefois la terre seiche & aride, & que où à present est la Mer, sera en fin la terre seiche & aride. A ce propos Albert le grand au deuxiesme des Meteo- res chapitre deuxiesme dict ce que s'ensuit, nous
„ voyons que l'ordre des Elemens est posé en telle
„ maniere, que tousiours le conuexe de l'un, est
„ ioinct & serré au creux & concaue de l'autre: & ce
„ par tout ce qui enuironne sa rondeur. Et puis
„ qu'il est ainsi naturellement, il s'ensuit que la ter-
„ re a esté quelque temps couuerte d'eau. Qui plus
„ est tout corps a naturellement vn lieu propre,
„ lequel il faut qu'il remplisse, car autrement il y
„ auroit chose superflue en la nature: parquoy
„ appert que la superficie de la terre est le propre
„ lieu des eaux. Car elles se meuent conti-
„ nuellement en ce lieu. D'autre part quand deux
„ Elemens ne conuiennent en aucune qualité qui
„ s'appelle communement symbole, il est ne-
„ cessaire qu'ils s'assemblent par vn moyen. Or puis
„ que la terre, & l'air n'ont aucune conuenance,
„ s'ensuit qu'il faut qu'ils s'assemblent par vn moyé
„ qui est l'eau, laquelle tient participation des deux:
„ d'où on peut mōstrer q̃ la terre a esté naturellemēt
„ toute couuerted'eau. On pourroitdemāder icy pour
„ quoy la rōdeur des Elemēs vint plustost à faillir en

„ l'eau, qu'aux autres Elemens? sur quoy on respond
„ que Dieu & nature n'ont iamais rien fait en vain,
„ mais tousiours pour le mieux. Or dôques puisque
„ Dieu a fait l'homme, & toutes autres choses par
„ sa seule grace & volonté, il laissa ceste partie de la
„ terre descouuerte, à fin que les hômes & les ani-
„ maux se gardassent & conseruaissent en leur estre
„ & condition. Mais pour respondre à ceste opinion
cy dessus rapportée par l'Aristote, 2. des Meteor.
nous tiendrons pour tout asseuré qu'il est impossi-
ble que icelles eaux couvrans en certain temps tou-
te la terre, ayans esté petit à petit consumées par la
chaleur du feu fort distant & eslongné de la terre,
ayent laissé à descouuert les terres à present appa-
rentes croissantes de iour en iour, comme l'eau di-
minue: d'autant que si cela estoit vray, il est sans dou-
te que depuis cinq mil tant d'ans que les Auteurs
anciés ont remarqué les lieux & endroicts des Mers
& des eaux en la terre, tels qu'ils estoient de leurs
temps, & sont à present iceux lieux & endroicts des
Mers & des eaux, seroient de beaucoup changez &
diuersifiez, quoy que ce soit icelles Mers & eaux se-
roient diminuees de beaucoup, voire du tout per-
dues & desseichées pour le present: Veu & considéré
mesme, que la chaleur du feu a tousiours agy & agist
encor en ce temps, ainsi que il a fait aux siecles pas-
sez. Quelques autres Philosophes anciens ont tenu
que la grande seicheresse de la terre agissant conti-
nuellemēt en l'humidité aqueuse, reiette & repous-
se l'eau des parties de la terre, lesquelles sont main-
tenant descouvertes d'eaux, voire diminue l'eau, ou
luy resiste tellemēt, que elle ne couure du tout toute
la terre; comme nous voyons, quand il se trouue

de l'eau espandue en quelque lieu poudreux & sec, qu'il demeure quelques places, lesquelles ne sont couuertes d'eau, pour la resistance que faict la seicheresse à l'humidité, comme deux proprietéz en soy du tout contraires & dissemblables; & que cela soit adueni en aucunes parties, & non en autres, les susnommez Philosophes disent que cela a esté par l'influence de certaines Estoiles qui sont de vertu froide & seiche, principalement de celles qui sont aux parties du Pole Arctique, lesquelles ont telle force & puissance sur les choses inferieures qu'elles poussent & chassent des terres Septentrionnales habitables, l'Océan, & les Eaux, & les contraignent en telle sorte qu'elles ne peuvent courir toute la surface de la terre. Mais contre ces opinions comme non vrayes, aucuns autres Philosophes ont dict, comment se pourroit il faire qu'il y eust de telle seicheresse & force de la terre qu'elle eust esté assez suffisante à chasser dehors, & separer les eaux naturellement? Et puis quelle influence de certaines Estoiles de vertu froides & seiches eust peu faire & operer le mesme? veu que tout cecy est vouloir deuiner, ce qui ne se peut sçauoir, & encor moins prouuer par aucunes raisons ou demonstrations. Qui plus est, il ne se trouue aucune raison, par laquelle vne partie de la terre soit plus seiche que l'autre, & que celle là se descouure, & non l'autre, estât tout cest Element, ensemble toutes ses parties d'une mesme nature & propriété, qu'il estoit au commencement du Monde. Et puis quand il y auroit en la terre de la seicheresse, comment y en auroit il en telle quantité qu'elle peut resister à vn si grand, puissant, & plus fort Element qu'est celuy de l'Eau: &

puis, qui est celuy qui ne sçache fort bié que la seiche resse ne repousse de soy l'humidité, ains l'attire & la reçoit, ainsi qu'on voit aux cendres & autres matieres seiches & arides; Quant à ce qu'on pourroit dire de l'influence cy dessus des Estoiles qui sont aux parties du Pole Arctique, lesquelles poussent l'Ocean & les eauës des terres Septentrionnales, & les côtraignent en telle sorte qu'elles ne peuent courir toute la surface de la terre; Nous ne deuõs nous y arrester, d'autât que ceux qui n'ignorent la Cosmographie & Geographie sçauent fort bien qu'il y a plusieurs terres descouuertes d'eaux, aussi bien du costé du Midy & vers le Pole Antartique, comme il y en a du costé de Septentrion, & vers le Pole Arctique nostre. Aucuns autres personnages croyans la quantité de l'eau estre plus grande que la terre auoient opinion que l'eau à cause de sa grande grosseur & amplitude, repousse par sa grauité la terre hors son lieu naturel, & qu'icelle occupe le cêtre du Môde, en telle sorte que la terre semble comme nager en la Mer, & dans les eaux: Et ceux qui tenoient ceste opinion pensoient toute la terre estendue vers le Pole Arctique estre descouuerte d'eaux, & l'autre partie qui est vers le Pole Antartique estre toute couuerte d'eaux, ainsi que j'ay desja remarqué cy dessus. Ce qui est du tout faux & inepte en terme de Cosmographie & Geographie. Aucuns autres ayans opinion l'eau estre de beaucoup, voire dix fois aussi grande que la terre, assurent toute la terre estre comme vne esponge, en signe dequoy ils disent qu'incontinent on trouue de l'eau en tous lieux d'icelle quand on la fouit & caue, & qu'elle est pleine de cauernes & côcautez, à cause desquelles il aduient que les eaux sont entremeslees avec la terre, & sont receuës en ses creux & conca-

uitez : à cause dequoy il demeure sur la terre moindre partie d'eau que n'est la terre : Ce qui cause que ce n'est de merueille, que l'eau ne peut plus couvrir toute la surface de la terre : & de ceste opiniõ ont esté plusieurs Peripateticiẽs se faisans accroire que l'Aristote en auoit esté de mesme. Et encor qu'on concedast estre dedans la terre de tres-grands creux & cõcauitez ; si n'accordera-on pas qu'il soit possible, l'eau estre dix fois plus grande que toute la terre : Car par ceste raison encor que tout le Globe de la terre fut Eau, il ne se pourroit faire qu'une plus grande portiõ de l'eau, qu'est la terre fut sur la terre, veu encor que neuf parties des dix de l'eau, restassent ; mais c'est chose tres-certaine que l'eau est de beaucoup plus petite que la terre, ainsi que nous traicterons cy apres. Les autres disent que ce que certaine partie de la terre est ainsi descouuerte de l'eau, vient à cause que la terre quand au centre de sa grãdeur n'est point au centre du Monde, mais en est vn peu detournée à costé, & que pour ceste cause toute ceste quantité qui est à present descouuerte d'eau, l'a esté ainsi pour ceste raison. Mais ceste raison au iugement des plus anciens clairs voyans, est la plus debile & foible de toutes les autres, parce que ceux qui tiennent ceste opinion, ne peuuent penser & croire autre chose sinon que la terre est hors de son lieu : Et quand on voudroit confesser cela, se seroit venir sans doubte aux mesmes & plus grandes difficultez de traicter sur cecy, comment la terre auroit peu demeurer & demeure encor à present ainsi, si cela seroit & est par miracle, ou par la seule nature, & comment l'eau & la terre meslee ensemble, se repoussent en ceste façon l'une l'autre, qui seroit entrer en

vn Labyrinthe fort intriqué & embrouillé, duquel on ne pourroit aisément sortir. Le grand Cardinal Contaren liure second des Elemens à voulu rendre vne telle raison de la Terre descouuerte de l'eau.

„ La Terre situee au plus bas & infime lieu du Mon-
„ de, ou plustost au centre d'iceluy, est tres-graue &
„ pesante, en laquelle il n'ya aucú signe de legereté,
„ & est aussi seiche & froide, & la plus dense & plus
„ constipce de tous les Elemens; Et ainsi que la ra-
„ rité du feu est plus grande, qu'en tous les autres, de
„ mesme la densité de la terre est plus grande; & en-
„ cor la Terre est de sa nature non lucide ny diapha-
„ ne, mais la plus opaque & obscure & la moins apte
„ à tout mouuement & remuement; à cause de-
„ quoy elle demeure tousiours immobile; & facile-
„ ment pouuons nous persuader qu'il se pourra bien
„ trouuer pres du cétre du Monde, de la Terre pure
„ non affectee d'autre qualité, & non meslee avec
„ autres corps, ainsi qu'est le feu pur, pres le conca-
„ ue du Ciel. Car veu que ceste partie de Terre ne
„ touche aucun corps à elle contraire, par lequel elle
„ puisse estre affectee, & avec lequel elle puisse se
„ mesler, & que là elle soit tres-opaque & obscure,
„ ce n'est de merueille si par long espace de temps
„ elle demeure en cest endroit pure & non affectee
„ d'autres corps & qualitez: Vray est qu'on doit se
„ souuenir de croire qu'il est impossible qu'une chose
„ corruptible, puisse estre à iamais immortelle: à
„ cause dequoy il est credible qu'il pourra aduenir
„ quelque iour par vne tres-grande force de tréble-
„ mens, & autres accidens de ceste sorte, que la for-
„ ce d'un autre corps pourra paruenir iusqu'au cen-
„ tre d'icelle, par le moyen dequoy les parties d'ice-

„celuy centre seront tellement affectees, qu'elles
„seront remuees de leur lieu, & seront corrompues
„par autres parties qui entreront au lieu & place des
„autres: Ce qui est credible deuoir aduenir dans
„quelques siecles. Donc la Terre grandement con-
„stipee vers son centre, est pure, & correspond au
„feu par quelque proportion, à sçauoir du graue au
„leger; & tout ce qui est de reste dessus les parties
„d'icelle proches de son centre, a en soy beaucoup
„d'eau meslee, & aussi quelque peu d'air: Car les
„Mers sont contenues dans les concauitez de la ter-
„re, & y a sous la Terre de tres grandes cauernes
„esparrees deçà & delà au long & au large d'icelle,
„pleines d'eau, & d'air, à cause dequoy la plus gran-
„de partie de la terre est eminente sur les eaux. Ce
„qu vn chacun peut croire auoir esté fait à bon
„droict par vn tresgrand ouurier de toutes choses
„pour & à cause du salut des animaux, lesquels
„pour la necessité de respirer, & la qualité de leur
„nature ne pouuoient estre autrement engendrez
„nourris, & alimentez. Et encor que (si on contem-
„ple la nature des Elemens graues & legers par eux
„mesme) toute la terre deust estre de tous costez
„couuerte d'eau, ainsi q l'eau est enuironnee de tou-
„tes parts de l'air, & l'air du feu: Toutesfois pour &
„à cause de la fin qui est la cōseruation des animaux
„parfaits, il a esté fait par nature, outre le lien de ces
„corps, que ceste superficie de la terre aye esté emi-
„nente: Et tout ainsi comme au petit Monde, à sça-
„uoir en l'homme, plusieurs choses sont consti-
„tuees outre la nature de la matiere, à cause de la
„fin, à sçauoir la partie anterieure de la teste & l'os
„tres-dur & grandement terrestre, & pesant, mis &

„posé en la suprefme partie de l'homme. D'abon-
„dant outre ceste raifon prinfe de la fin de l'hom-
„me on en peut non mal à propos amener vne au-
„tre : Car veu que non feulement les rayons du So-
„leil, de la Lune, & de toutes les autres Eftoiles,
„mais auffi de toutes les lumieres du Ciel s'affem-
„blent en vn fur le cẽtre du Monde, ou l'eau atteint
„la Terre, il eft par ce moyen de neceffité par la
„force des Eftoiles eftre faict quelque mixtion de la
„Terre & de l'Eau, & par vne forme & facon de le-
„uain du terreftre Element, ceste exterieure partie
„de la terre eftre renduë & faicte rare, extenuee &
„enflee ; Ce que nous voyons ordinairement eftre
„faict en la confection du pain, auquel y a du le-
„uain. De faict toute la science de cultiuer les chāps
„& terres, confifte en ce qu'elle enseigne par les
„labourages, fumages, & facons, à faire enfier la
„Terre, & la rendre rare, ouuerte à l'air, à l'eau, aux
„rayons du Soleil, & autres commoditez des fai-
„çons de l'an, afin que par le moyen & ayde de telles
„choses, les Arbres, les Plantes, & herbes puiſſent
„apporter les fruićts qu'ils doiuent de leur nature.
„Par conſequent donc la Terre eftant enuironnee
„de l'Eau, faicte & renduë enflee par la force de la
„chaleur des corps celeſtes, & l'humeur aqueuſe
„d'icelle, enſemble les parties terreſtres eftans re-
„ſoultes en vapeurs & exhalations, la ſuperficie d'i-
„celle Terre a eſté pouſſee de tous coſtez vers ſa
„partie exterieure, en telle facon qu'en pluſieurs
„lieux de l'eau, icelle eſt eminente par deſſus icelle,
„& contient dans ſoy de grandes cauernes toutes
„pleines d'eau & d'air. A ce moyen par la raifon
„de la fin, la nature & la ſituation des choſes ont

esté accommodees Ce que la nature faict tous-
iours tres-prudemment : Et n'y a aucun qui me
puisse persuader ceste opinion d'aucuns doctes
personnages estre vraye, à sçauoir que la superficie
de l'eau & de la Mer est plus haute & esleuee, que
ceile de la terre, & que l'Element de l'eau est, par
certaine force diuine cōtenu & empesché de cou-
rir de tous costez la Terre. De faict la raison &
les sens me persuadent de croire qu'il n'y a en cest
Vniuers aucune chose violente qui puisse estre
perpetuelle. Et veu que de tous costez de la Terre
les fleues & les riuieres se vont rendre & deschar-
ger en la Mer, sans doute il est tres-certain que la
Mer est plus basse & inferieure que la Terre sur la-
quelle nous sommes. Pour ces causes donc, la ter-
re est plus haute que la Mer, encor qu'on puisse
dire pour quelqu'autre raison que l'eau enuironne
de tous costez la Terre : Car veu que l'air que nous
attirons tous les iours par respiration, est tousiours
de tous costez plein d'infinies vapeurs, & qu'icel-
les sont vne disgregation d'eau, neantmoins par
cette mesme raison ceste superficie de la Terre non
occupee des Mers est enuironnee des Eaux, c'est à
dire, des vapeurs qui sont comme dict est, vne eau
separee & rendue plus rare. Et de ceste question
expedice, nous pourrons fort facilement en esclar-
cir vne autre : Veü qu'il doit estre & auoir vne tel-
le proportion entre tous les Elemens qu'ils soient
esgaux selon la matiere, & que l'eau soit de beau-
coup plus rare que la Terre, par consequent l'Ele-
ment de l'Eau doit estre beaucoup plus grand que
ladite Terre. Toutesfois puis qu'en ces temps par
la nauigation des Portugais & Espagnols il est cer-

„ tain que l'Ocean est enuironné de tous costez de
„ la Terre, il appert clairement que ladite Terre est
„ non seulement plus petite que l'Eau en la portion
„ par nous declaree cy dessus, mais aussi plus grande.
„ Ce qui causera que nous dirons à bon droit que
„ toute la quantité de l'eau de cest Vniuers n'est cō-
„ tenuë en la Mer, mais que la plus grande force d'i-
„ celle est en la Terre dans les grandes cauernes d'i-
„ celle. Donc toute ceste Terre que nous habitons,
„ laquelle est arrosée de tant de fontaines, fleuues, &
„ riuieres, & laquelle est reuestue en tant d'endroits,
„ d'arbres, plantes, & herbes est pleine d'eaux, com-
„ me vne espōge mouillée en eau; Outre-plus l'Ele-
„ ment de l'Air est tout plein de vapeurs, à cause de-
„ quoy Homere dict en ses Poëmes ; *Le fleuue Ocean*
„ *enuironner de tous costez la Terre* : A ceste cause, nous
„ pouuons asseurément dire que si toute l'Eau du
„ monde estoit assemblee en vne, qu'icelle seroit
„ de beaucoup plus grande que la Terre, & qu'il y
„ auroit telle proportion entre ces deux Elemēts,
„ par laquelle le monde pourroit estre maintenu
„ perdurable. Et toute ceste Terre, laquelle par la
„ diuine prouidence, & par la vertu des corps cele-
„ stes est éminente en ce centre pardessus les eaux,
„ est constituée ainsi qu'un animal, afin qu'elle fust
„ meise de toutes les choses mixtes, & principale-
„ ment des viuantcs; de faict icelle est remplie de
„ douces eaux, ainsi que l'animal est de sang, lequel
„ estant espars par toutes les veines nourrit tout le
„ corps. De mesme l'humeur aqueuse esparse par
„ les fontaines, fleuues, riuieres, ruisseaux, conduits,
„ & canaux de la Terre : arrose & nourrit toute la
„ terre, & comme le corps vniuersel de l'animal est
„ conserué

conserué par esprit, de mesme la Terre contient dans soy beaucoup de vapeur etherée & exhalation ignée, avec lesquelles estant meslée elle peut engendrer & distribuer aliment à toutes choses. De faict l'air de son libre mouuement entre dans les pores & ouuertures de la Terre, quand le chemin luy est ouuert: Car ainsi que nous auons demonstté cy dessus l'air est facilement attiré en bas, à cause que la nature est plus inclinée à la grauité qu'à la legereté; mesme la partie ignée meslée avec la vapeur est portée en bas vers la Terre, & aussi l'exhalation ignée est engendrée de la Terre par la force du Soleil & des Estoiles. Et pareillement les Vents soufflans dans les cauernes de la Terre sont enflammés par vn tres vehement mouuement, & engendrent des flammes, ainsi qu'il apparoist au mont *Ætna* de *Cicile*, & aux Isles *Eoliennes*; Par ce moyen les fontaines chaudes sortent de la Terre, à cause que l'eau passe par des lieux ignées & terres sulphurées. Et aussi toute ceste terre vniuerselle habitable a ses os, comme les ont les animaux, par lesquels os estant soustenuë & appuyée elle n'est facilement fenduë ny entreouuerte, c'est à sçauoir, ces grandes montagnes presque continues; Lesquelles ainsi, que ie croy ont esté produictes par vne certaine esmerueillable prouidence & art de nature, tant afin qu'elles sousteinssent la Terre, qu'afin que les fleuues & riuieres veinssent à soursdre d'elle; lesquels apportent vne tres-grande vtilité à toutes les choses de ce monde vniuersel qui sortent & sont alimentées de la Terre: & seruent de beaucoup à l'vsage de l'humain lignage. Et ne chercherons plus longue-

„ ment les causes & la matiere desquelles ces mon-
„ tagnes ont esté faictes & produictes : mais fei-
„ gnons qu'à present ce Monde inferieur aye esté
„ fait, ou bien aucune partie d'iceluy: Et cōbien que
„ selon l'opinion des Peripateticiens le monde soit
„ perpetuel, toutesfois les parties alternativement,
„ naissent & finissent. Donc q̃lque partie de la Terre
„ soit esleuee, soit toute ceste Terre habitable, soit
„ qu'icelle soit produicte des Eaux, & ce par la force
„ cy dessus premise des corps celestes & chaleur en-
„ gendree en elle; Il est sans doute qu'icelle sera pro-
„ duicte en inegale superficie: Car ceste vniforme
„ espeece conuient aux choses celestes, non terre-
„ stres, esquelles y a beaucoup de priuation & mul-
„ titude. Par consequent en ceste inegale superficie
„ aucunes parties seront plus basses & autres plus
„ hautes. Ce qui est facile à cognoistre à l'experiance
„ par ceux qui voyagent sur la Terre: Car outre les
„ ballons, & collines, les Terres hautes & basses,
„ chaque Terre continente situee entre deux Mers,
„ s'esleue gradement en haut par son milieu, & puis
„ peu à peu des deux costez s'abaisse vers lesdictes
„ Mers: Ce que i'ay cogneu estre ainsi tant en Ale-
„ magne qu'en Espagne. Et pour le mōstrer partant
„ de Venise, quand ie veins à marcher depuis ceste
„ nostre Mer Adriatique, vers l'Allemagne i'obser-
„ ue par les sens selon la raison de mon chemin, que
„ la Terre s'esleuoit tousiours peu à peu iusques à
„ ceste pleine en laquelle est situee la ville d'Aus-
„ bourg; & de là partant pour aller vers Cologne,
„ i'obserue que la Terre s'abaissoit peu à peu ius-
„ ques vers l'Ocean: Ce que pareillemēt i'ay cogneu
„ estant en Ambassade vers l'Empereur en Espagne

„ pour nostre republique retournant de Toledé si-
 „ tuez au milieu du continent de ceste Prouince , en
 „ nostre-dicte ville de Venise : Car i'apperceu ceste
 „ Cité de Toledé estre plus haute & esleuee que les
 „ champs de Cathelongne & de Barzelonne. Donc
 „ cela estant ainsi , ces parties de la Terre, lesquelles
 „ sont plus esleuees que les autres, à sçauoir qui con-
 „ tiennent en elles de l'eau, & grande quantiré d'ex-
 „ halarions terrestres, & qui ont ainsi esté faictes par
 „ la force de la chaleur, deuiendront en fin par l'a-
 „ ction & force de l'air, pierres & rochers, sans fai-
 „ re mention en cest endroit de la force celeste, la-
 „ quelle est la premiere ouuriere de tous les corps
 „ mixtes, & plus cōmodément on pouroit dire ceste
 „ chaleur estre semblable à l'Ame nutritiue qui con-
 „ uertit partie de l'aliment en os , autre partie en
 „ chair, nerfs, & cartilages, afin que de toutes ces
 „ parties l'animal soit faict & paracheué tout en-
 „ tier. Donc de ces choses les causes sont operatri-
 „ ces des mouuemens, lesquels peu à peu sont dimi-
 „ nuez par la force des pluyes & des Vents, & alter-
 „ natiuement par l'opposition de la matiere, laquel-
 „ le est apte à estre couuerte en rochers, sont aug-
 „ mentez, ainsi que nous auons veu en plusieurs
 „ pierres, aucuns Lacs, & en certains lieux de la ter-
 „ re, estre ceste force & puissance de se conuertir en
 „ pierres & rochers. Les Rabins ou Theologiens
 „ Hebrieux asseurent qu'au commencement que
 „ Dieu crea le monde, auant qu'il dict, *Que la terre se*
 „ *descouure*, & qu'elle se descouurit : & auant qu'il
 „ creast les arbres, les plâtes, les herbes, les animaux,
 „ & l'homme en la Terre, qui fut la cause finale pour
 „ laquelle icelle Terre se descouurit, à la seule parole

„ de son Createur, l'eau l'environnoit de toutes
 „ parts sans qu'aucune partie d'icelle fut descouuer-
 „ te d'Eau, comme l'air couure & environne toute
 „ l'Eau & la terre, & l'air est couuert & enuelpé
 „ du feu. Laquelle chose outre que la raison natu-
 „ relle le confesse, & mesme l'Aristote au liure des
 „ choses merueilleuses, quād il dict que la Mer cou-
 „ uroit au commencement du Monde la Terre com-
 „ me plus haute qu'elle: mais que Dieu la fit retirer,
 „ afin qu'icelle Terre fut descouuerte pour l'vsage
 „ des Animaux, & de l'homme, & encor mieux au
 „ liure du Monde, concluant qu'il y a vne prouidē-
 „ ce diuine, parce que la Terre est descouuerte des
 „ Eauës, & que la Mer comme plus haute eust peu
 „ couvrir la Terre sans icelle prouidence diuine. La
 „ sainte Escriture au Genese preuue cela indubita-
 „ blement: disant le Seigneur Dieu le Createur, *Que*
la Terre se descouure, & qu'on voye la Terre: Par lesquels
 propos on peut comprendre que sans doute la Terre
 au parauant ceste parole diuine, estoit toute couuer-
 te d'Eaux: Et ont bien passé plus auant quelques
 Thalmodistes quand ils ont asseuré, mais peut estre
 avec trop de hardiesse ou temerité, que quand Dieu
 le Createur n'eust commandé, comme i'ay dict cy
 devant, que la Terre se descouure, & qu'on voye la
 Terre, ce qui fut incontinent fait, que neantmoins
 peu à peu par la seicheresse de la Terre, & par certai-
 ne influence celeste, icelle eust esté avec certain tēps
 naturellement descouuerte des Eaux, comme elle
 l'est à present: Mais ceux qui sont bien versez aux
 secrets de la nature scauent fort bien que ceste sei-
 cheresse, ou influence celeste cy dessus ne peuuent
 auoir esté assez suffisantes pour descouvrir la Terre

en peu ny en certain, ou beaucoup de temps, si miraculeusement. Cela n'eust esté fait, comme il a esté ; mais bien que ceste seichereffe & influence celeste seroient quelque peu suffisantes pour la garder & conseruer ainsi naturellement, en presupposant toutesfois le miracle en son descouurement, parce que c'est chose certaine en terme de Philosophie, qu'il faut moindre force, vertu, & puissance, pour conseruer & maintenir vne chose en son estat, que pour la mettre premierement en cest estat, comme nous voyôs souuent qu'un hôme suffit à soustenir & porter vn fardeau ou quelque poix dessus luy, lequel ne le pourroit hausser de Terre, & se le charger seul sans l'ayde d'un autre, sur ses espaules, Ceux qui ayans espuisé tous les secrets de la Philosophie veulent rendre raison de toutes choses naturellement, tiennent que la Terre a trois Centres diners, ain si que i'ay rapporté cy deuant au chap. huietième, à sçauoir vn centre de toute sa masse, vn cêtre de grandeur & vastité, & vn centre de sa pesanteur, ou de son poix, & qu'à ceste cause l'eau estant ronde comme la Terre, pource qu'elle estant aussi pesante de son naturel, mais non tant que la Terre, elle ne laisse pas neantmoins de tendre tousiours en bas vers le centre de la pesanteur de la terre, & trouuant de l'épéschement en la terre vient à enuironner icelle, & s'estendre tout à l'entour d'elle, & ainsi se faire ronde; & estant la terre telle à cause de ce que dessus est dict qu'elle n'est esgalement pesante de tous costez, mais est de quelques parts cauerneuse, vuide & seiche & legere, & d'autres parts epesse, massiue, & pesante, d'où il s'ensuit qu'icelle Terre n'estant selon sa grandeur, esgalement pesante, que son centre de

pesanteur, n'est le centre de sa grandeur. Et pource que l'eau à cause de sa pesanteur cherche de s'approcher au centre de la pesanteur de la terre, sans auoir esgard au centre de la grandeur dicelle Terre, il s'enfuit & semble estre de necessité naturelle que la terre demeure en certains endroits descouuerte d'eau, laquelle cherche d'aller tousiours en quelque lieu ou elle soit plus pres du centre du Monde, qui est le centre de la pesanteur, ou du poix de la terre : Mais sans nous arrester à aucunes des opinions cy dessus discouruës, nous croirons à la seule verité de l'escri-ture saincte, laquelle assure qu'au commence-ment du monde la Terre se descouurit en ce qui est à present descouuert, & par la seule parole diuine. ainsi qu'il est escrit au premier du Genese, où il est porté ces mots, *Se rassemblent toutes les Eaux qui sont sous le cie en vn lieu, & se descouure la Terre* : A ceste cause nous tiendrons pour indubitable que par la force & puissance de ladite parole diuine, l'eau & la terre se meirent en la maniere qu'elles sont à present, & ainsi sont demeurees & demeureront tousiours iusques à la fin du monde ; & deslors demeurera & demeure encor descouuert en la Terre, ce qui fut & est besoin pour l'habitation, des animaux & des hommes, mais de dire & soustenir qu'il y aye eu quelques causes & raisons naturelles, lesquelles ayent eu part à cest œuvre & effect (parce que Dieu soustient & conserue plusieurs choses par le moyen des causes secôdes & naturelles lesquelles il a créées & ordonnees immediatement au commencement du monde) ce seroit vne chose assez perilleuse & dangereuse en terme de Religion, puis que la saincte Escriture n'en faict aucune mention, ains l'attribuë

absolument à Dieu le Createur non seulement au susdit chapitre premier du Genèse, mais en plusieurs autres lieux, comme au chapitre 8. des Prouerbes, où il est escrit que Dieu marqua le lieu de la Mer, & donna loy & commandement aux Eaux, afin qu'elles ne passassent leurs bornes & limites: Et en vn autre endroit, *Qui est-ce qui a enfermé les Eaux comme en vn bastiment ?* où il faut entendre, *La puissance de Dieu*, & plus clairement encore au Pseaume. 32. ayant assemblé les Eaux de la Mer comme dans vn sac, & aynt mis les abysses d'icelle en ses thresors; & au Pseaume, 103. Toy Seigneur as assigné les bornes aux Eaux, lesquelles elles ne passeront, & moins retourneront à couvrir la Terre; & en Iob chapitre 28. Le grand Dieu qui a faict vn poix aux vens, & a pesé en sa balance les Eaux: Par lesquels passages il est clairement preuue, ce que nous auons deduit cy dessus, à sçauoir que les Eaux couuroient toute la Terre au commencement du monde, & que par le seul commandement de Dieu icelle Terre fut descouuerte des Eaux; & qu'icelles ne retourneront plus à couvrir toute la Terre: Et d'autant que cest œuvre ou plustost miracle se doit attribuer à Dieu seul, il n'est besoin que nous cherchions autres causes ou raisons cy dessus discouruës. Mais il me semble voir quelques subtils personnages dire, en cest endroiect, que non seulement la Terre se descouurit au commencement du Monde par miracle, ains qu'encor à present elle demeure miraculeusement ainsi descouuerte, & que tousiours Dieu faict miracle & chose supernaturelle en la gardant & conseruant en cest estat. Ce qui n'est pas ainsi (comme disent les dessusdits) parce que la seule parole ou com-

mandement de Dieu suffit, car les Eaux & la Terre demeurent maintenant sans nouveau miracle, avec le seul premier, & iceluy seul suffit pour les continuer ainsi, sans aucun autre; veu que les choses créées naturellement ne sont desobeyssantes comme l'homme, auquel pour son inclination & promptitude à desobeyr, il est vrile & nécessaire d'ordonner & defendre souuentefois vne mesme chose: Il y a encor quelques autres personnages, lesquels presupposans cecy estre veritable, à sçauoir que le descouurement de la Terre a esté ainsi faict au commencement du Monde par miracle (combien que Dieu n'en face de nouveau pour la soustenir) & qu'estant comme on dict, la force de ce premier precepte suffisante, tiennent qu'il semble qu'il se pourroit dire que les eaux de la mer estâs ainsi forcées & violement diuisees & empeschées d'environner la Terre, eussent esté apres leuees de leur lieu & situation naturelle que icelles auoient premierement; lesquels personnages se trompent grandement en leur opinion, parce qu'on doit plus tost consideter l'opposite, à cause que si la seicheresse de la Terre, ou l'influence celeste eussent faict separer les Eaux par force, alors iceux eussent peu dire que force & violence faisoient cecy. Puis qu'une créature forçoit l'autre de laisser son propre & naturel lieu; mais cecy ayant esté faict par la parole & commandement de Dieu lequel est Createur, entreteneur & gouuerneur de toute nature humaine, & n'ayant les choses plus de propriété, d'inclination, de force, & de lieu que ce qui depend de sa diuine volonté, on ne peut dire que ce soit chose violente que l'exécution du commandement de sa parolle, demeurâs les eaux

au lieu par luy ordonné, encor que icelles enuironnent toute la terre, comme elles faisoient au commencement du Monde, veu & considéré que nous ne pouuons dire que ce soit chose violente & contraire à l'inclination naturelle, ce qui procede de la volonté & commandement du Roy & monarque de la nature, duquel nous sçauons & croyons tous que toutes les choses de cest Vniuers dependent & sont gouuernées & disposées avec vne tres-grande & admirable sagesse & prouidence, non plus vrayment, mais encor beaucoup moins, que si on disoit que vn quidam feroit violence en sa maison, en ordonnant qu'on changeast vn coffre d'une place en autre, pour certaine cause & raison, en telle sorte que nous deuons croire pour indubitable que les eaux ne recoiuent aucun tort ne violence pour ne circuir & enuironner la terre, ains demeurer en obeissance separees & diuisees d'icelle, iusques à ce que si cest le bon plaisir de Dieu, quant à la fin & consommation du monde tout ce qui sera sur la terre sera dissipé & consommé par le feu, n'ayans plus affaire de lieu, de rechef il leur cōmandera que elles viennent à enuironner encor vn coup toute la terre, comme elles faisoient au commencement du monde, saint Iean Damascene liure second de la foy Orthodoxe chap. 9. & 10. & Iaques de Valence en ses œuures ont escrit qu'au commencement du monde Dieu crea la terre toute ronde & spherique, sans aucunes concauitez, montaignes, eminences & vallons, & toute enuironnee d'eaux, & par apres quand Dieu dit *que les eaux s'amassent en un lieu*, que pour & à cause de la vie & habitation des animaux & des hommes il fut faict par le vouloir

diuin des creux & cōcauitez en la Terre, dās lesq̃lles toutes les eaux s'assemblerent comme dans vn amas & congregation, & que plusieurs Mers en diuerſes parties de la terre veindrent à ſourdre & ſe mettre en euidence, & que de ces parties de terre extraictes les montaignes furent faiçtes. Ce que confirme le grand Iules Scaliger exercit. 43. contre Cardan de la ſubtilité. Apres lediçt Cardinal Contaren liure 2. des Elemens ainſi que nous auons rapporté cy deſſus, Et y a aucuns qui adiouſtent à ce que deſſus qu'au commencement du Monde les eaux furent tref-rareſ, mais qu'apres qu'elles furent par le commandement de Dieu condensees & receues en ſeldiçts creux & concauitez, en telle façon qu'il n'eſt eſmerueillable icelles eaux eſtre à ceſt heure moindres que la terre: mais comment & pourquoy cela à eſté faiçt les Theologiens nous commandent de ne nous en enquerir par trop auant, ains de croire cōme Chreſtiens que la terre & l'eau font vn globe, à cauſe de quoy ce n'eſt de merueille ſi icelle eau n'environne toute la terre, ains ſeulement certaines parties de icelle, & qui plus eſt ne la peut de ſa nature coullante & fluide enuironner du tout, à cauſe que tant elle que la terre ont vne & pareille ſuperficie conuexe, & toutes deux par leur peſanteur tendent naturelle-ment vers le centre de tout ceſt vniuers.

S'y il y a plus d'eau que de terre.

CHAP. XII.

AVcuns Peripateticiens ont escrit selō la doctrine d'Aristote liure second de la generation chap. 6. que la proportion decuple cest à dire dix fois redoublée est en la composition des Elements, en telle façon que l'element de l'eau est dix fois plus grand que la terre, l'Element de l'air dix fois plus grād que l'eau, & l'Element du feu dix fois plus grād que l'air. Mais veu que la terre & l'eau ont vne mesme superficie cōuexe, & que la partie de la terre descouuerte de l'eau, est plus grande, ou bien qu'il n'y a moins de parties de la terre descouvertes de l'eau, que couuertes d'icelle ainsi que nous deduirons cy apres, la faulseté de ceste doctrine apparoit clairement: Car tant s'en faut que selon ceste opiniō l'eau soit plus grande dix fois que la terre, que au contraire plustost la terre surmonte l'eau en grandeur & proffondité quoy qu'en dient au contraire Paul Ægidius liure 2. hexamer chap. 24. & Burgensis sur le 1. chap. du Genese: Car icelle proffondité de la terre s'estend iusques au centre, & contient plus de 3500. millieres, & la proffondité de la mer est à grande peine de deux ou trois milliaires & cōmunement n'excede vn demymilliaire ainsi qu'ōt rapporté les Pilottes & nauigatiōs modernes lesquels ont avec la sōde tēté & expérimenté les pl^r grās goufres & proffondités de la Mer Oceane: de fait si no^v voulōs traicter ceste matiere en Geometriē nous dirōs q̄ si les Elemēs gardoiēt vne cōtinuelle proportiō decuple, tout le cōposé des Elemēs cōtiēdroit seulement 4. fois la terre cōme il apert en ceste cōtinuelle proportiō decuple

I. 10. 100. 1000. Car tous ces nōbres colligez & amassez en vn font. **IIII.** Ce qui est du tout fausement & remerairement dict, d'autant que le semidiametre de toute la Region elementaire, cest à dire la distance depuis le centre du monde iusques au concaue de la Lune, contient le semidiametre de la terre 303. Et qui plus est ceste distance selon aucuns est plus grande: Parquoy tout le diametre de la sphere des Elemens contiendra autant de fois tout le Diametre de la terre, veu que telle est la proportion des diametres que des demy diametres: Or par ce que les Spheres sont en la proportion triplique des diametres, il aduient que toute la sphere des Elemens contient la sphere terrestre 35937. ainsi qu'il appert en ces nombres 133. 1089. 35937. Et faut adiouster selon l'opinion des dessusdits que la distance du centre du monde iusques au concaue de la Lune contiendrait seulement dix fois le demy diametre de la terre & vn peu plus, affin que selon la reigle de la proportion triple, la Sphere des Elemens cōprenne la sphere de la terre. **IIII.** ainsi qu'il est deduit cy dessus, & par ce moyē it s'ensuiuroit nostre œil estre seulement distant & esloigné de l'orbe de la Lune de neuf semydiametres de la terre; ce qui est contre l'opinion de tous les Mathematiciens & Astronomes. Que si quelqu'un dit, comme les dessusdicts Peripateticiens, ceste proportion decuple deuoit estre entendae des diametres ou semydiametres des Elemēs & non de la quantité ou grandeur des corps, cela fera encor beaucoup plus absurde premierement parce qu'il est tres-faulx que la distance de la Lune à la terre contienne **IIII.** demydiametres de la terre veu que cela est contre l'opinion des Mathematiciēs

& Astronomes, à cause que à grande peine le Soleil est de tant eslongné du centre du Monde: Et puis les Spheres ayans la proportion triple des diametres il s'ensuiuroit de la que l'eau seroit plus grande mille fois que la terre, & que toute la Sphere des Elemens auroit à l'esgard de la terre telle proportion q̄ ce nôbre 1000000000. auroit a 1. ainsi qu'il apert en ces nôbres 1. 100. 1000000. 1000000000. Ce qui est du tout faux & inepte : Car qui est-ce entre tous les Mathematiens & Astronomes qui aye iamais dict l'eau estre plus grande mille fois que la terre, veu qu'au contraire la terre est plus grande que l'eau & ce à cause de la petite profondeur d'icelle eau, ainsi que ont obserué curieusement les Pilotes & navigateurs cy dessus alleguez : Ce qui demonstre l'opinion des Peripateticiens susnommez estre faulse & erronnee. Alexandre Picolomini en son discours de la quantité de la terre & de l'eau, I. Fernel liure 1. de sa Cosmotheorie, Barocius liu. 1. chap. 2. de sa cosmographie, Christophle Clavius en ses cōmentaires sur la sphere de Sacrobosco, & Nonius Marcellus en son traicté sçauoir si la terre est plus grande que l'eau, passent bien plus auant quād ils asseurent que les Elemens n'obseruent seulement ceste proportiō decuple, mais mesme que ils n'ont aucune proportiō continue : & ne faiēt au contraire l'auctorité d'Aristote cy dessus allegué par lesdits Peripateticiens disant que d'une poignée de terre ils s'engendrent dix poignées d'eau & d'une poignée d'eau dix d'air, & aussi d'une poignée d'air, dix de feu, ce que ce Personnage a entendu de la quantité des Elemens par laquelle vn Element surpasse l'autre, ou bien par forme d'exemple, ou a creu, ainsi qu'il le faut entendre

au iugemēt des plus doctes, que si de toute la quantité de la terre il se deuoit engendrer de l'eau, l'eau seroit portée dix fois plus grande que la terre, & ainsi des trois autres Elemens, non qu'à la verité & par effect les Elemens qui sont à present ayent telle proportion decuple; Car par ce moyen la matiere deuroit estre e'gale en tous les Elements ce que n'a onques asseuré l'Aristote cy dessus allegué: que si il estoit ainsi ce seroit contre l'experience & verité, car non seulement l'eau est moindre que la terre, ainsi que nous auons dict, mais qui plus est l'air semble en plusieurs parties estre plus petit. Car estant vray semblable que la region ærienne est celle seulement en laquelle les vapeurs prouenans de la terre & de l'eau, mesme les plus subtilles ont leur retraicte, veu que il n'y a plus grande raison que elles puissent estre plustost en vne partie de l'air qu'en vne autre, si il y en a aucune, & que la plus haute esleuation de vapeurs soit de 52. milliaires ou environ, ainsi qu'escriuent Alhazen liur. 7. de sa perspective, Vitellio liur. 10. proposition. 60. & Pierre Nonius liure des crepuscules, il s'ensuit qu'il faut dire la haulteur ou profondeur de l'air contenir cinquante deux millieres ou environ & non plus en telle sorte qu'en si grande distance & interualle de la terre soient les cōfins de l'air & du feu. Mais nous ne deuons ignorer que les vapeurs & exhalations de la terre pourroient monter plus haut, n'estoit la siccité & chaleur du feu qui y resiste ce que peu de personnes ont encor iusques à present congneu & remarqué. Ces choses estans ainsi: nous trouuerons donc facilement de combien est plus petit l'air que la terre &

le feu, car veu que le diametre de la terre selon Pto-
lomee contient presque 3579. millieres, & tout le
diametre 7158. milliaires, la distance depuis le centre
de la terre iusques au conuexe de l'air contiendra
3631. milliaires, & tout le diametre du Globe com-
posé de la terre, de l'eau & de l'air 7262. milliaires
par certains preceptes nous entrerons plus auant
& trouuerons le plus gtand cercle de chasque Glo-
be tant de celuy qui est de la terre & de l'eau, que
de celuy de la terre de l'eau & de l'air, & par ce moyé
la solidité de l'un & de l'autre Globe: car si nous
multiplions ensemble 7158. le diametre de la terre
& de l'eau par 3. $\frac{1}{7}$ nous trouuerons la circonferen-
ce du plus grand cercle de la terre & de l'eau estre
de 22496. $\frac{4}{7}$ milliaires: La moitié duquel 11248.
 $\frac{2}{7}$ si est multipliee par 7579. demy diametre de la
terre, le plus grand cercle du Globe terrestre sera de
milliaires quarrez 40257614 $\frac{4}{7}$ Lequel s'il est encor
reduit en $\frac{2}{3}$ de tout le diametre de la terre, c'est à di-
re en 4772. la solidité du globe terrestre sera pro-
duite de milliaires cubiques 192109336734 $\frac{6}{7}$ Et de
rechef si nous multiplions 7262. le diametre du
globe constitué tant de la terre, de l'eau, que de
l'air par 3. $\frac{1}{7}$ Nous trouuerons la circonferance
du plus grand cercle de ce globe contenir 22823.
 $\frac{3}{7}$ milliaires, la moitié duquel 11411. $\frac{5}{7}$ si est re-
duitte en 3631. le demy diametre de ce mesme glo-
be de la terre de l'eau & de l'air, le plus grand cer-
cle de ce mesme Globe sera produit de milliai-
res quarrez 41435934 $\frac{4}{7}$ Lequel si de rechef est

multiplié en $\frac{2}{3}$ de tout le diametre de ce mesme Globe: cest à dire en 4841 $\frac{1}{3}$ La solidité de ce mesme Globe sera produite de milliaires cubicques 200605171238 $\frac{1}{21}$ Et si de ceste solidité, la solidité, de la terre & de l'eau trouuee est substraicte le reste sera la solidité de l'air de milliaires cubicques 8495834503 $\frac{13}{21}$ Par ce que dessus est discouru il appert donc que la proportion de la terre & de l'eau estant ensemble rapportée à l'air seul, est plus grande que 22. à 1. Et au contraire plus petite que 23. à 1. d'abondant nous dirons qu'a cause que le demy diametre du concaue de la Lune contient 120630 $\frac{5}{7}$ milliaires & vn peu moins, & tout le diametre 241261 $\frac{3}{7}$ milliaires: Si nous multiplions ce diametre en $3\frac{1}{7}$ Nous trouuerons la circonference du plus grand cercle de la sphere des Elemens contenir 758250. $\frac{10}{49}$ milliaires la moitié duquel 379125 $\frac{5}{49}$ si est reduite en 120630. $\frac{5}{7}$ demy diametre du concaue de la Lune, le plus grand cercle de la sphere des Elemens sera de milliaires quarrez 457341131862 $\frac{284}{343}$ lesquels si nous multiplions de rechef en $\frac{2}{3}$ de tout le diametre de la mesme sphere à sçauoir en 160840 $\frac{2}{21}$ nous trouuerons la solidité de la mesme sphere Elementaires, cubicques 7355921325133313 $\frac{3461}{7203}$ cest à dire de milliers 7355921325133313 $\frac{1}{2}$ ou a peu pres & si par ce que nous auons deduit cy dessus nous auons treuue la solidité du Globe de la Terre, de l'Eau, & de l'air, il s'ensuiura la solidité de l'Element seul du Feu estre de milliaires cubicques, 73557207199620 $\frac{1}{42}$ D'où il appert l'Element du feu auoir proportion

tion à la Terre plus grande que 38289. a. 1. & plus petite que 38090. a. 1. & le mesme feu, à l'air auoir proportion plus grande que 86580. a. 1. & plus petite que 86580. a. 1. en telle sorte que si ce Globe composé de la Terre & de l'Eau est posé 23. La quantité de l'air sera presque comme 1. & le feu au contraire comme presque 865803. & ne faisons en ceste supputation compte ne estat des parties & parcelles qui ne font & constituent vne vnté: lesquelles choses ont esté ainsi par moy discouruës assez profusément afin que nous enseignions aux Lecteurs combien temerairement les Peripateticiens susnommez ont tenu que les Elemens gardoient entr'eux vne proportion decuple; Que si quelqu'un veut soustenir en cest endroit l'air s'estendre outre 52. milliaires encor que les vapeurs & exhalations ne paruiennent iusques là, comme l'asseurent P. Nouius en son traité des Crepuscules Alhazene liure 7. de sa perspective, & Vitellio liure 10. proposition. 60. de sa perspective, & ce à cause d'une grande seicheresse, & chaleur de cest air, il y aura dispute pour le nom: car ce qui est par trop sec & chaud dessus l'air est censé & réputé pour feu ainsi que l'escriit l'Aristote amplement en plusieurs & diuers lieux du 1. des Meteores, lesquels ie ne reciteray particulièrement à present afin d'euitier prolixité, non plus que ce qu'escriit à ce propos Nonius Marcellus en son discours si la Terre est plus grande que l'eau. Et la raison naturelle qu'on peut alleguer pour preuuer qu'il y a plus de Terre descouuverte d'Eau, que de couuverte, est, puis qu'aux deux inferieurs Elemens, & principalement en la Terre il est manifeste & apparent les choses mixtes, animees & inanimees estre plus tost engen-

drees, nourries, & conseruees, qu'aux autres Elements; il est donc raisonnable de dire la Terre estre plus grande que l'Eau principalement pource que l'Eau a moins de parties aux corps mixtes, que la Terre: De faict l'eau selon l'opinion d'Aristote n'est necessaire pour autre consideration en la production des choses, sinon entant qu'icel' e a besoin de la Terre, afin que le parties d'icelle Terre estans arides & seiches, soient ensemble conioinctes, vnies, & conglutinees, & par l'humidité de l'eau persistent ainsi conioinctes, vnies, & conglutinees longuement. Et que cela soit vray qu'aux choses mixtes il y aye tousiours plus de Terre que d'Eau, il est manifeste tant en l'opacité des corps, laquelle entre tous les Elements est attribuee à la Terre seule; que en la resolution & corruption des corps en laquelle demeure plus grande partie de la Terre, que des autres Elements. Ces choses ainsi par nous discourues nous amenerons à l'autorité de Plutarque non vraye lequel au traicté de la face qui apparoist dedans le rond de la Lune escrit que les plus anciens Philosophes tenoient que la terre n'est pas toute habitee, ains vne petite portion d'icelle, comme si c'estoiét quelques promontoires & quelques demy Isles sortans hors de la Mer pour y faire naistre, nourrir, & viure les herbes, les plantes, les arbres, les animaux, & les hommes, & que le reste en est desert & inhabité, ou pour les grandes froidures, ou pour les excessiues chaleurs, & que la plus grande partie en est couuerte & submergee au dessous de la grande Mer Oceane, à cause dequoy vn ancien Poëte Grec a dict:

L'ocean dont les hommes & les Dieux,

Sont engendrez de son corps spacieux:

La plus grand part du rond terrestre couure.

A ce propos Platon, Aristote, P. Mela, Iul. Selin, Pline, Ptolomee, & infinis autres anciens fausement ont escrit & asseuré en plusieurs lieux de leurs escrits que la plus grande partie de la Terre estoit couverte de l'eau & de la Mer & q̃ tout ce qui estoit estendu sous la Zone Torride & vers les Poles du Monde estoit du tout occupé par ce grand & vaste Element de l'Eau & de la Mer. Ce qui n'est vray aucunement, attendu que les Pilottes & navigateurs modernes assurent que la plus grande partie de la Terre est decouverte de l'Eau & que grande partie de ce qui est esté du sous la Zone Torride, & vers les Poles du Monde est terre ferme habitee de plusieurs gēs & nations, à propos dequoy faut voir Scaliger *exercit.* 44. Aucuns Philosophes modernes entre lesquels est H. Cardan, liure 2. de la subtilité ont asseuré l'Eau n'estre tant grande ne digne de consideration au regard de toute la Terre: mais toutesfois à cause que petite Eau est dessus la terre, par ce que de sa legereté, icelle couure au dessus de la superficie de la Terre tout ce qui est bas & inegal en icelle; à cause dequoy icelle Eau faisant & produisant ce grand & vaste Ocean, & tant de Mers, Paluz, Lacs, Fleuves, & rivières, est estimée plus grande que toute la Terre; & disent les personnages cy dessus, que si nous auons esgard seulement au circuit & tour de la Mer que peut estre, cela se trouuera vray, mais que quand nous regarderons à la profondeur, il ne s'y trouuera aucune comparaison, considéré qu'il est manifeste, l'Eau n'auoir profondeur notable sinon aux gouffres de la Mer, & qu'aux paluds, lacs, fleuves, & rivières

il n'y a profondeur de mil pas au plus; laquelle profondeur comparée à celle de la terre est comme vne goutte de sueur à la grandeur d'un homme, & que dedans les gouffres l'eau est aucunement profonde, parce qu'il est raisonnable tel lieu estre remply plus tost d'eau que d'air leger, & que la terre est donc solide dessous, & qu'en la partie d'icelle vn peu d'eau est espandue pour cause de la cavitè, en autres lieux d'icelle vn peu d'air, & que si l'eau estoit vn Element tant grand; il faudroit comme en la terre, ainsi que grande partie de la Mer, il n'y eust point de fonds; à cause qu'il est tres-certain que nul vestige du fond de l'Eau apparoiroit aux humains si elle auoit pour mille pas, mille fois mille pas, ou le double de ce qui est raisonnable: si elle auoit autant de magnitudo qu'ils estiment, & qu'attendu que le fond de l'eau apparoißt clairement, excepté aux gouffres & abysses plus profonds, il est manifeste que l'eau est à peine la millieme partie, & peut estre beaucoup moindre partie de toute la Terre. Et poursuit le mesme H. Cardan vn peu apres que l'Eau donc a esté faicte petite, afin qu'il fust laissé vn lieu pour habiter aux hommes & aux animaux, & qu'icelle temperast par sa frigidité la vie d'iceux, & pour autant que ceste generation de choses mixtes & composees estoit seulement necessaire au dessus de la terre, que pour ceste cause afin que l'eau occupast la seule superficie & le dessus de la terre, ou il falloit qu'iceux hommes & animaux fussent engendrez & nourris, vn peu d'eau a esté faicte dessus icelle terre, & que pour autant qu'à la longueur des temps & des ans il y eust danger qu'icelle eau ne fut consumée par l'Air & par les rayons du Soleil elle a esté doüee d'un

cours & mouuement perpetuel , estant tres-vraye que les eaux non remuees , se corrompent & empuantissent ; & conclud en fin ce personnage que l'eau au regard de la terre est petite, à cause que si elle estoit tant grande que on diët, ou qu'elle fust cachee sous la terre ou estant mouuee elle exciteroit vn mouuement perpetuel de la terre, ou estant en repos elle seroit puante ; Or veu que nous ne voyons nel vn nel'autre, il est impossible que l'Eau aye vne grandeur esgale à la Terre, & qu'elle soit au bas de la Terre, ains y en a beaucoup dessus icelle: mais pour autant que la Terre est le siege des animaux, & le centre du monde, à l'entour duquel se meuuent les Astres, & qu'elle est le fondement de toutes choses, elle a eu assez suffisante grandeur, cōbien que comparee au circuit du Ciel, ce n'est qu'un petit point; ce que confesse le mesme Cardan liure 1. chapitre 2. de la varieté des choses. Plutarque en la vie de Paul Emile a escrit, que les Geometres Grecs asseuroient que la Mer n'estoit plus profonde, ny les montagnes plus hautes que de dix stades, c'est à dire, 1250. pas Le grand Iules Cesar de la Scale en ses Exercitations 38. & 40. contre Cardan declare qu'il a tousiours esté d'opinion qu'il y a moins d'Eau que de Terre, mais il ne veut accorder audit Cardan que l'Eau à cause de sa legereté couure au dessus de la surface de la terre tout ce qui est bas & inegale en icelle; d'autant que si cela estoit vray, il s'ensuiuroit sans doute que toutes les Eaux, fleuves, riuieres qui prouiennent des montagnes & lieux plus hauts de la terre occuperoient & inonderoient tous les lieux bas, inegaux, & inferieurs de ladicte terre, & par ce moyen que toute la terre seroit à la lon-

guez des ans toute couuerte d'Eaux ; & enseigne par demonstration ce sçauant personnage que la face de l'eau , laquelle exposée à nos yeux est estendue en la Mer , est presque double à l'extresme superficie de la Terre descouuerte del' Eau , & que la plus grande profondeur de l'eau excède raremēt quatre vingts pas. en plusieurs lieux vingt pas , en aucuns, six pas, & en peu de lieux, cent pas, & que la hauteur de la plus grande superficie de la terre est fort grande en comparaison de la superficie de l'eau, ceste hauteur de la terre entant qu'elle se retire de ladite superficie de l'eau estant plus grande vingt fois que la profondeur de l'eau. A ce propos les modernes Pilotes tiennent que la terre est de beaucoup plus grande que l'eau, à cause que la profondeur de la terre iusques à son centre a 35000. mille, & la profondeur de la Mer ne paruiet iusques à deux ou trois mille, ainsi qu'ils en ont fait experience par la sonde en pleine Mer. Le grand Cardinal Gaspard Contaren liures des Elemens, l. Fernel liure 1. chap. 2. de sa Cosmographie, Alexandre Piccolomini en son discours de la quantité de la Terre & de l'Eau : Christophle Clavius en ses Commentaires sur le premier liu. de Sacrobosco Barocius liure 1. chap. 2. de sa Cosmographie, & quelques autres preuent par plusieurs raisons certaines & indubitables qu'il y a autant ou plus de Terre descouuerte d'Eau, que de couuerte d'eau. Ce que n'a nié F. Vicomercatus en ses Commentaires sur le 2. des Meteores d'Aristote, & les Auteurs des Commentaires du College Conimbricense sur le liure 3. du Ciel d'Aristote. Iean Bodin chap. 5. de sa Methode de l'histoire dict qu'il semble à celuy qui contempera de pres le tour de la Terre, qu'il y a au-

tant de circonference de terre occupee d'eau, qu'il y en a de descouuerte d'eau, & que la grandeur & magnitude des terres & des Mers est esgale, mais que ceux qui auront veu & leu Esdra^s feront doute de ce que dessus, attendu qu'iceluy a dict que Dieu a descouvert six parties de la terre, & qu'il a colloqué l'Eau, en la septiesme partie, & qui est vne chose plus absurde, ce que les anciens Peripateticiens on tenu, à sçauoir que la Terre est dix fois plus petite que l'Eau, ce que s'il estoit vray, il faudroit la terre, (afin que autre chose que la superficie ne touchast le centre du Monde) estre du tout inondee & submergee des Eaux, si la terre n'estoit plus grande sept fois que le Globe de l'eau, ainsi qu'il appert par la raison du Cercle à son diametre. Ce mesme Autheur liure 2. du Theatre de la Nature dict, qu'il est bien difficile de dire iusques en quel lieu la Terre est couverte des Eaux, ou comment elle en est descouuerte, car ce qu'a dict Pline liure 2. chapitre 67. de la terre vniuerselle solide, & amallee en rond qu'il a creu estre occupee des Eaux par moitié est faux, veu qu'il y a grande partie de la Terre descouuerte des Eaux en tous les endroi^{ts} de cest Vniuers, que s'il y a lieu de coniectures i'estime la depression de la Terre dans les Eaux estre egale au poids des Eaux qui l'environnent ainsi qu'un Naui^{re} chargé sur les Eaux, lequel a autant de parties occupees des Eaux, qu'est le poids des Eaux, lesquelles estant à l'entour d'icelle cedent à sa dimension: Car il a esté experimenté plusieurs fois que les plus profonds gouffres de la Mer excèdent rarement la profondeur de quatre stades, & au contraire les montagnes plus grandes excèdent en hauteur 28. stades, & par ce moyen la se-

priésime partie de la Terre seroit couuerte des Eaux. Et est cela à mon aduis le secret mis en auant par Esdras liure 4. chap. 6. auquel il escrit que les Eaux occupent la septiesme partie de la Terre, & seroit absurde de rapporter la septiesime partie des Eaux à la superficie de la terre couuerte des eaux, veu que par la Geographie des modernes nauigateurs l'un & l'autre de ces deux Elemens semblent auoir presque vne mesme & pareille superficie. Il y a quelques autres Autheurs modernes lesquels alleurent que toute la Terre est partie & diuisee en deux parties comme deux Isles, à sçauoir depuis le Promontoire Callaique appelé par ceux du païs, fin de terre iusques au Cathay & l'autre depuis la bouche des Terres des Sines iusqu'au destroit de Darien : mais ceste demonstration n'est vraye pour plusieurs raisons & considerations discourues par Iules l'Escale en son Exercitation. 37. contre Cardan de la Subtilité. Les grâds Pilotes de ce temps disent qu'il y a dessous le Cercle du Cancre beaucoup de Terre & peu de Mer pour estre grande partie des terres fermes de l'Afrique, Asie, & nouveau monde situees au dessous d'iceluy Cercle, & au contraire dessous le Cercle de Capricorne beaucoup de Mer, & peu de Terre, pour y estre grande partie de l'Ocean Oriental, Occidental, & Mer Athlantique, situez au dessous d'iceluy cercle, & que autant qu'il y a d'eau dessous le Pole Septentrionnal, il y a presque autant de terre dessous le Pole Meridionnal; & qu'il y a mutuelles & reciproques vicissitudes aux Lacs, aux Isles, aux destroits de Mer, aux Ithmes, aux seins de la Mer, & promontoires & aduancemens de la terre, lesquels semblent s'aduancer en auant dans la Mer, avec des

poinctes pour oster, & empescher, ce que la Mer occuperoit autrement, comme si iceux vouloient se reseruer Empire & puissance sur la Mer. Et que cela soit, l'Espaigne ne s'aduance elle pas beaucoup par vne poincte fort obtuse vers le Midy; le Chersone-se Cymbrique ou de Danie ne s'estend il pas beaucoup vers le Septentrion, la Schondanie vers le Midy: l'Italie ne s'aduance elle pas beaucoup en pointe plus que les autres vers la Mer mediterrancee, & la Sicile encor plus que l'Italie de laquelle elle semble estre cōme arrachee: l'Istrie mesme a quelque chose de pareil & semblable au Chersone-se Cymbrique: mesme tout ce qui est estendu depuis le coing de Guber iusques au Promontoire Gardac ou est Mer, & de l'un & de l'autre au promontoire ou Cap de bonne esperance, est vn vray triangle: Et est pareille la proportion de l'aduancement des Arabies entre le sein Persique & d'Erythree, si on la considere depuis Balsara iusques à Sues: & comme tel que est le Chersone-se doré qui est depuis Bengala iusques à Tiga, & ce qui est depuis l'un & l'autre iusques à l'Isthme ou de troit de Queda, non moindre est ce qui est estendu depuis l'entree du fleuve Indus, iusques au Royaume de Tarnasary, & ce qui est de l'un & l'autre part iusques au promontoire de Comori, tel & semblable est celuy qui est depuis Gingere iusques à Masule: mais le plus grand & notable aduancement de terre qui soit en mer est celuy qui est depuis le beau Promontoire iusques à l'Isthme de Darien, & de là ce qui est iusques au deitroit de Magellan: & de l'autre partie ce qui est depuis Zangar iusques à ce mesme Isthme, & de là iusques à ce mesme deitroit. Par ce que dessus est deduit on peut considerer la

sageſſe & prouidence de nature laquelle a ſupplée à vn endroict & quartier de la terre ce qui deffaut à vn autre, & a faiçt que les Mers & les terres fermes ſemblent eſtre correfpondantes les vnes aux autres par proportion & equalité. Vn certain perſonnage moderne lequel ſe vante auoir veu & couru tout le monde aſſeure en ſes eſcrits que depuis le Royaume de Galice, la fin occidentale duquel a en longitude 4. degrez 23. minutes iuſques à la region de l'Indie orientale nommee Cathay, la terre ferme ſe treuve auoir de longitude. 240. degrez 55. minutes, & que la diſtance des extremes eſt de 236. degrez 32. minutes leſquels ſi on multiplie par 68 nombre de milliers Italiques ſe rapportans à vn chacun deſdits degrez toute la longitude de la terre depuis vn bout d'icelle iuſques à l'autre ſe trouuera eſtre de 16084. milliers Italiques, leſquels on peut facilement paſſer ſans entrer aucunement en Mer, & ſeroit le chemin plus tortueux & auſſi plus long, ſi on vouloit paſſer par les monts Hyperboreés & fleuues Tanais quant à la latitude d'icelle terre ferme elle eſt telle les parties de la Scythie & Noruege ſont eſtendues vers le Septentrion iuſques à 63. degrez, depuis leſquels on peut aller & paſſer touſiours à pied par la Sarmatie, Armenie, & Iudee iuſques en Egypte & Ethiopie n'y eſtant que ce petit deſtroit de terre qui ſepare la Mer rouge de la Mediterranée, & le continent de la terre d'Ethiopie eſt fort eſtendu & long tirant vers le Midy iuſques à ceſte poinçte de terre nommee par les Pilotes modernes Cap de bonne eſperance, ayant preſque 40. tant de degrez de latitude meridionale & eſtant la diſtance des extremes

presque de 111. degrez , ce chemin terrestre correspondant à ceste distance sera de 7548. milliers Italiques : l'Amerique (comme elle est congneue à present) que les nauigateurs modernes asseuroient estre la quatriesme partie de la terre , a selon l'opinion des susdits nauigateurs de latitude presque 525. milliers Germaniques où 2100. milliers Italiques & de longitude 750. milliers Germaniques, ou 3000. milliers Italiques. Voire aucuns nauigateurs asseurent icelle estre de beaucoup plus grande qu'il n'est deduit cy dessus, & que à la longueur du temps il se descouurira beaucoup plus de terre qu'il n'en est congneu de present. Les Isles les plus remarquables qui sont semees par cy par là au long & au large de la Mer sont selon l'opinion des mesmes nauigateurs au nombre de 328. sans faire conte d'une infinité d'autres petites Isles telles que celles qui sont au nombre de 1378. à l'entour de la Taprobane & infinies autres qui sont estendues à la coste du bord de l'Amerique vers l'Afrique, sans côter plusieurs Syrthes lesquels si on veut conioindre aux Isles & à la terre ferme on trouuera que la superficie de la terre est presque aussi grande que celle de l'eau & de la Mer : ce qui est aisé à veoir & iuger par les Globes terrestres, mappemondes, & cartes de Geographie. Voyez ce qu'escriuent de ceste matiere Rhodigin liure vingt sixiesme chapitre quatorze Benoist Ariamontain en son Phaleg où des regions des Gents chapitre 4. Hector Pintus en ses Commentaires sur le 1. chapitre du Prophete Daniel citent l'auctorité de Dauid Pseume 23. & du Prophete Esaie chapitre 35. Baptiste Ramusio en sa preface sur la nauigation de la mer rouge aux Indes & André

Theuet liu. 1. chap. 3. de sa Cosmographie ensemble
I. Bodin liur. 2. de son theatre de nature lequel a as-
seuré que la proportiō de la grauité de la terre à l'eau
est telle que est, 92. a. 76. ou bien qu'est 16. a. 13. ainsi
que les curieux qui en ont faict l'experience ont
trouué.

De la generation de la Mer.

CHAP. XIII.

LAristote au liur. des Meteores a esté bien
empesché de resoudre si la Mer estoit
eternelle, ou engendrée, & perissable,
Auerroes au 2. des Meteorol. chap. 1. a dict
ce que s'ensuit de ce point *Mare aeternum est secundum
speciem, secundum partem generabile, & corruptibile*, H.
Cardan au 2. de la subtilité en a parlé assez mal à pro-
pos selon l'opinion du grand I. C. Scaliger exercita-
tion 52. contre ledit H. Cardan de la subtilité. Les
anciens Theologiens Grecs Orphee Homere &
Hesiode au rapport d'Aristote liure 2. des Meteores
tenoient qu'il y auoit dans la terre des fontaines les-
quelles estoient principe & origine de la Mer, iceux
Theologiens croyans peut estre que la terre estoit
la plus grande partie de l'Vniuers, & que toutes les
autres parties estoient faictes & creées à cause d'icel-
le comme le plus honorable principe de toutes les
autres. Mais qui voudra considerer de pres ceste opi-
nion, ne la treuera veritable: premierement parce
que toutes les eaux sont ou coulantes comme les
eaux de fontaines, fleuues, & riuieres, ou non cou-
lantes, mais arrestees, comme les eaux des paluz,

Estangs, & puits, & autres semblables faictes & arrestees par la main de l'homme, la Mer n'est coulée de sa propre nature, ne faicte de la main de l'homme, & n'y a apparence manifeste qu'il y aye en icelle des fontaines: donc lesdicts fontaines ne peuvent estre principe & origine de la Mer. Secondement à cause qu'il y a plusieurs Mers en la terre qui n'ont rien de commun les vnes avec les autres ainsi que la Mer rouge, la Mer Hircaniene, & la Caspiene dedans & à l'enuiron desquelles il n'y a aucunes fontaines pour estre le principe & origine d'icelles. Plutarque liur. 3. des propos de table chap. 16. a laissé par escrit que Anaximander & Diogenes anciens Philosophes Grecs tenoient suiuant les regles de la nature que le lieu où est à present la terre descouuerte de l'eau, fut au commencement du Mōde toute couuerte d'eau, mais qu'à la lōgueur des temps les vents & le Soleil, venans à desseicher l'eau, ce qui est demeure à esté & est encor la Mer laquelle se diminue de iour en iour par vn desseichement, & sera au iugement des personages susnommez en fin desseichée du tout: ce que semble auoir creu l'Aristote au 1. des meteores disant qu'il y a vne ordinaire & perpetuelle vicissitude en toutes les parties de la terre comme en toutes les autres parties de l'Vniuers, & que aucunes parties de la terre en vn temps sont descouuertes d'eau, en vn autre temps couuertes d'eau & que là où la Mer est à present, a esté au parauant terre ferme chose que on a voulu preuuer par l'Egypte qu'on dict autre fois auoir esté occupee de l'eau ainsi que Hellade la region des Argiues & Mycene au temps de la guerre de Troye & que si on ne

peut congnoistre & comprendre sensiblement ces choses , cela prouient de la longueur des temps & des ans ausquels cela aduiet , & de la briuefueté de la vie humaine, laquelle est subiecte à plusieurs infirmittez naturelles comme de famine , peste , guerre , & autres incommoditez & miseres, lesquelles empeschent de remarquer ces choses si exactement & particulièrement. Strabo liure premier de sa Geographie, Pline liure deuxiesme de son histoire naturelle , & Ouide liure quinsiesme de sa metamorphose en ont autant escrit. Le mesme Strabo cydessus allegué liure seiesiesme de sa geographie a dict que la terre est vn Element fort dense & solide situé au milieu du Monde, lequel l'eau enuelope & environne non du tout mais autant qu'il en faut pour la nourriture des hommes, des animaux, arbres , plantes & herbes , & qu'à cause que toutes les choses de cest Vniuers sont continuellement muees & changees : la terre en est de mesme , laquelle est tantost muee & changee en eau, tantost en terre ferme : & que tout ainsi que ces differences se trouuent en la terre ferme, à sçauoir que l'une soit creuse, l'autre solide, l'une pierreuse, l'autre terrestre & dense, de mesme la terre se treuve en humide essence, estant aucune d'icelle salee, aucune autre, douce, & bonne à boire, l'autre salubre, l'autre dangereuse & pernicieuse, à cause dequoy (poursuit le mesme Strabo) on ne doit trouuer estrange si aucunes parties de la terre maintenant habitees, ont esté autrefois couuertes d'eau, & celles qui sont maintenant couuertes d'eau, ont esté autrefois habitees Mais si nous voulons con-

siderer de près ceste opinion, pour les raisons que nous deduirons amplement en ce chapitre, nous ne la trouuerons veritable. Anaxagore & Metrodore ont bien passé plus auant, quand ils ont creu que la Mer n'estoit autre chose qu'une certaine sueur que la terre eschauffee par les rayons du Soleil produisoit, & que icelle Mer estoit salée, à cause que la sueur est salée. Mais qui est ce qui ne voye que ceste comparaison n'est vraye? attendu que la Mer est presque aussi grande que la terre, ainsi que j'ay curieusement remarqué au chapitre precedent, & que par ce moyen elle ne peut estre la sueur de la terre, veu que la terre ne sue, ainsi que les corps des Animaux, & que elle n'est composee des quatre humeurs, & n'est remplie de superfluité d'alimens comme les animaux, ains est un corps du tout simple, opaque & froid, lequel ne peut engendrer de la sueur. Le diuin Platon en son Phedon & autres à sa suite ainsi qu'a bien remarqué le grand Cardinal Contaren liure deuxiesme des Elemens, ont tenu que la terre estoit percee & trouee, & que par ce moyen elle contenoit le Tartare qui est le principe & origine de toutes les eaux & de la Mer, lequel Tartare tout remply d'eaux pousse & lance dehors les eaux, puis les attire: & que vers iceluy comme vers leur principe, toutes les eaux de la terre coulent & fluent de tous costez & de toutes parts d'icelle. Ce que les Egyptiens & Chaldeens ont creu en leur Theologie: C'est pourquoy aucuns ont osé asseurer que Moyse en auoit autant creu quand faisant mention du deluge Vniuersel,

adueni du temps de Noe il eſcrit & faiſt mention du grand abyſme duquel la plus grande partie des eaux d'iceluy deluge ſortirent : Mais ceſte opinion n'eſt non plus vraye que les precedentes, premierement parce que les eaux ſemblent ne couler en vn meſme lieu: ce qu'il faudroit eſtre ſi ce que deſſus eſt dit, eſtoit vray: ſecondement les eaux ne coulleroient moins ſur la terre, que deſſous au lieu où iceluy Tartare tendroit: tiercement il ny auroit occaſion pourquoy l'eau eſmeue du dehors audict Tartare fut reiettee & repouſee pour la ſeconde fois en haut: quaterement il y auroit touſiours vne meſme eſgalité d'eaux, & faudroit que icelles fuſſent eſgalles hors l'eau, afin que elles ne s'occupaſſent cinquiement les fleuues ne ſont veus eſtre terminez en aucun endroit de la terre, mais ſont apperceus fluer & couler en la Mer, en laquelle ils ſe terminent, autrement iceux ſembleroient deuoir eſtre terminez en tous lieux, à cauſe que en iceux le Tartare ſembleroit paruenir: que ſi les fleuues ſemblent couler à trauers les cōduits de la terre, cela prouiet d'autre cauſe. Aucuns autres perſonnages diſent que ſi le lieu naturel de l'eau eſtoit le Tartare dans les entrailles de la terre, ou aupres du centre d'icelle, ſelon la raiſon de nature, l'eau ſeroit plus grāue que la terre, à cauſe que le lieu naturel de l'eau ſeroit dedans la terre, iouxte ſon centre, les aucuns ne nient qu'il n'y aye dedans les entrailles de la terre, de tres grandes cauernes pleines d'air, & d'eaux, de quoy ſont foy certains tremblemens de terre leſquels ruinent quelquefois des prouinces & des montaignes toutes entieres: à cauſe de quoy on voit quelquefois des terres eſtre ruinees, des Iſles eſtre engloutties,

& d'autre

& d'autres terres sourdre, & des Isles naistre en la Mer, & aux fleuves & riuieres, & ainsi comme iceux Auteurs n'approuuent ce Tartare de Platon, aussi ne veulent-ils nier qu'il n'y aye dedans de grandes cauernes de la terre, vne grande quantité d'Eaux, sous lesquelles la terre est comprimee iusques à son centre, ou elle demeure arrestee ferme de sa nature. Qui plus est, il est certain que par le dedans de toute la Terre il y a force Eau incorporee; car si on vient à faire vne fosse en la terre en quelque endroit que ce soit, incontinent de tous costez il viendra en ceste fosse de l'eau, laquelle premierement estoit meslee avec la terre, & comme en repos en icelle: D'abondant si on veut essayer d'oster & espuiser l'eau d'un puits, on trouuera que tant plus on en tirera, d'autant plus il en viendra des entrailles de la terre: mesme l'air proche de la terre est tout plein d'eau, à sçauoir plein de vapeurs & exhalations humides & aqueuses, lesquelles ne sont autres qu'une disgregation ou separation d'eau, ou plustost vne eau rareficee, à cause dequoy Homere a dict, que le fleuve Ocean enuironnoit toute la terre, & est toute ceste eau qui se trouue dans la terre & l'air, douce & non salee, à cause dequoy Philon en son discours de la facture du monde a tenu que Moyse, en parlant au Genese, qu'au milieu du Paradis terrestre y auoit vne fontaine, de laquelle procedoient les quatre Fleuves qui arrosoient toute la terre, n'auoit voulu donner à entendre autre chose que ceste abondance d'eaux douces qui sont autres que celles de la Mer, lesquelles Dieu auoit osté du dedans de la terre, & qui estans meslees & esparles parmy toute la terre, causoient la generation & fluxion des fontaines, fleuves, riuieres, &

ruisseaux par toute la surface de la Terre, pour & à cause de la mixtion & generation de toutes les choses mixtes & composees, & pour la nourriture & aliment des hommes & des animaux. Les Theologiens Hebrieux, Grecs, & Latins asseurent vnanimement qu'au commencement du Monde la Mer fut faicte ainsi qu'elle est à present par le commandement du seul Dieu viuant, icelle estant auparauant confuse & meslee avec les autres Elemens. Ce que tesmoigne la saincte Escriture au 1. chap. du Genese, où il est escrit qu'au troisieme iour de la Creation du Monde, la Mer fut par le cmandement de l'Eternel mise & colloquee au lieu où elle est à present: Que si quelques-vns alleguent au contraire ces propos du chap. 2. du mesme Genese, *Le Seigneur n'auoit encor faict pleuuoir sur la Terre, mais il y auoit une fontaine sortant de la Terre, laquelle arrosoit toute la surface de la Terre*, lesquels propos semblent denoter que la Mer laquelle enuironne toute la terre procede de certaine fontaine ou source intestine de la terre, d'où est procedé peut estre ceste opinion de Platon cy dessus du Tartare: on respondra que ce passage doit estre ainsi entendu selon l'opinion des Rabins, de saint Augustin, Hugo de saint Victor, & autres, à sçauoir qu'au parauant que les pluyes celestes humectassent & arrossassent la Terre, en lieu d'icelles la fontaine ou fontaines prouenans du fonds de la terre arrosoient en plusieurs & diuerses parties d'icelle toute la surface de la terre, ou bien selon l'opinion de Delyra, Egubinus, & Lippomanus, ce passage doit estre ainsi expliqué sous ce nom de fontaine la vapeur ou exhalation qui montoit des lieux inferieurs pour espancher la pluye, & arroser la terre, doit

estre enrenduë, ce que les mots Hebreux semblent denoter, *Veed laale min haarez*, c'est à dire, la vapeur ou l'exhalation sortoit de la terre. De tout ce que dessus nous tiendrons pour tout assuré, fondez sur plusieurs passages de la sainte Escriture cy deuant par moy alleguez au chap. 11. de ce Discours qu'au commencement du Monde les eaux estoient meslees avec les autres Elemens, ou bien couuroient toute la surface de la terre, & que par le seul commandement de Dieu, elles se retirerent au lieu où est à present la Mer. Sainct Iean Damascene liure 2. de la foy Orthodoxe chapit. 9. & 10. & Iacques de Valence en ses œuvres ont bien passé plus auant quand ils ont dit qu'au commencement du Monde Dieu crea la Terre toute ronde & spherique, sans aucunes concaitez, montagnes, eminences, & vallons, mais toute enuironnee d'Eaux, & par apres quand Dieu dict ces mots : *Que l'Eau s'amasse en vn lieu*, que pour & à cause de la vie & habitation des hommes & des animaux, il fut faict par le vouloir diuin des creux & concaitez en la Terre, dans lesquelles toutes les Eaux s'assemblerent comme dans vn amas & magazin, & que plusieurs Mers vindrent à sourdre & se mettre en euidence en plusieurs & diuerses parties de la Terre, & que de ces parties de terre extraictes pour faire des creux & concaitez en icelle, les montagnes furent formees. Ces choses ainsi par nous discourues feront que nous rapporterons en cest endroit des vers d'un grand & excellent Poëte de ce temps touchant ceste matiere & esclarcissement d'icelle :

*Tous ces monts escarpés, dont les cimes cornues
Voisinent l'espeſſeur des vagabondes vues,*

Soubs les flots premiers ne cachoient leurs dos bossus,
Et la terre n'estoit qu'un mareſt paresſeux:
Quand le Roy de ce tout, qui liberal, deſire
Nous bailler comme à fief du bas monde l'Empire,
Commanda que Neptun, rongeanſt à part ſes flots
Deſcouruſt promptement de la terre le dos:
Et qu'il ſe contentaſt que cy deuant ſon onde
Auoit un iour entier occupé tout le monde:
Comme apres que le Ciel s'eſt en pleurs tout fondu,
Le flot baueuſement ſur la plaine eſtendu:
Fait des champs une Mer, puis ceſſans tous rauages
D'un inuiſible pas quitte les labourages
D'un bæuſtiraſſe contre, en ſoy-meſme ſe boit,
Et reſtraint ſa largeur dans un canal eſtroit.
La Mer quitte ce iour montagne apres montagne,
Coſtant apres coſtant, campagne apres campagne:
Et dans le ventre creux d'un plus petit vaiſſeau
Entonne viſtement de toutes parts ſon Eau,
Soit qu'au commencement l'imparſaiete lumiere
Euſt attiré beaucoup de ceſte humeur premiere
Es lieux plus eſleuëz, afin qu'au ſecond iour
Dieu d'icelle formaſt tant de Cieux faiets autour,
Soit que le Tout-puiſſant fiſt de nouueaux eſpaces
Pour y loger ſes flots, ſoit qu'ouurant les creuaſſes
Et des monts & des champs, il luy pleuſt d'enfermer
Soubs Terre quelque bras d'une ſi large Mer:
Sox que preſſant ces Eaux, dont les rares brouees
Sembloient couurir ce tout d'un manteau de nuees:
Il les emprisonna dans le clos de ces bords,
Contre qui l'Ocean perd ores ſes efforts
Sans les oſer franchir: car la vertu diuine
Cognoiſſant ſa nature incoſtante & mutine
L'embouſcha de ce frein, & contre ſes fureurs

*Rempara pour iamais l'Element porte-fleurs,
Tant qu'on void quelquesfois des vagueses montaignes
Qui d'un flot abayant menacent les campagnes,
Se perdre en blanche escume, & se creuant au bord
N'oser rien attenter hors leur moste ressort.*

A propos dequoy faut veoir I. Cesar Scaliger exercit. 43. Et afin que nous ne laissions rien à dire en ce chapitre, nous remarquerons que l'Aristote en ses Meteores ha à bon droict creu que la Mer estoit le lieu de l'Element de l'Eau à elle ordonné par nature, & que de la Mer prouenoient & procedoient comme de leur principe & origine les Lacs, fleuves, riuieres, ruisseaux, & fontaines de la terre; ayant iceluy personnage plus creu au liure des choses merueilleuses qānd il dict que la Mer couuroit au cōmēcement du Monde toute la Terre, comme plus haute qu'icelle, mais que Dieu la fit retirer où elle est à present, afin qu'icelle Terre fust descouuerte pour l'usage des hommes & des Animaux. Et que la Mer ne soit le lieu de l'Element de l'Eau les sournomez le confirment, à sçauoir saint Basile homel. 4. Hexamer. saint Hierosme sur le 1. chap. de l'Ecclesiaste, Isidore liure 1. des origines, chap. 4. saint Iean Damascene liure 2. de la foy orthodoxe chap. 9. Lauther du liure de la cognoissance de la vraye vie chapitre 27. Hugues de saint Victor en ses Comment. sur le Genese. Saint Thomas 2. des Sentences, dist. 14. quest. vniue, Albert liure 2. des Meteores, traitté 2. chap. 11. Denys sur le 8. chap. des Prouerbes, Pline liure 2. chap. 65. Philon Iuif au liure de l'Opifice du Monde, & autres. Et quant à ce que l'Aristote & autres Autheurs cy dessus mentionnez ont dict de la mutation & changement des fleuves, riuieres, & de

la Mer, lesquels à la longueur des temps & des ans viendront à estre du tout muez & changez, & en fin estre du tout desseichez. Cela n'est aucunement vray semblable, d'autant qu'il est tres certain tant par la lecture des escrits de Moyse, Mercure, Orphee, Homere, que autres anciens Autheurs Grecs, Latins, & autres modernes que les fleuues & riuieres plus grands & remarquables de la terre, ensemble la Mer ont à present les mesmes & pareilles sources & courses qu'ils auoient y a trois quatre & cinq mille tant d'ans, & pourtant ne sont aucunement alterez, muez, ne desseichez, & ne le seront encor en aucune sorte ou maniere à la longueur des siecles, sinon lors du grand iour de la fin & consommation de cest Vniuers, comme le confirment les Theologiens Hebrieux, Grecs, Latins, & autres.

Du lieu de la Mer.

C H A P. XIII.



Ly a trois principales opinions touchât le lieu de la Mer. La premiere est de ceux qui ont dict que la Mer est estendue & esparse à l'entour de la Terre, & environne sa rondeur & circonference, & que la Sphere de l'air est à l'entour de la Mer, & la Sphere du feu à l'entour de l'air, & que le Soleil est tousiours porté en vn continuel & perpetuel mouuement, & se nourrist & alimente de l'humidité plus subtile & plus douce des Eaux, laquelle il esseue & attire en haut pour se nourrir & alimenter, & sans

laquelle iceluy feroit du tout reduit à neant, & que ceste humidité des eaux est l'aliment & la pasture d'iceluy Soleil plein de feu, & des autres Astres. Ce que semblent auoir creu Ciceron, liure 2. de la nature des Dieux, Pline liure 2. de son histoire naturelle, Macrobe sur le second liure du Songe de Scipion: Seneque liure 6. des questions naturelles: Sainct Ambroise liure premier Hexameron, & Isidore liure 3. Mais il n'y a pas beaucoup d'apparence à ceste opinion, Premièrement parce que ceste humidité plus subtile & plus douce des Eaux qui est attirée en haut tous les iours par le Soleil ne paruient iusques à luy, ny aux autres Astres, ains seulement iusques à la moyenne Region de l'air, où estant elle y demeure quelque temps, & en fin retombe & chet en terre reduite en rosee, pluye, neige, gresle, & autres de telles especes. La sage & prouidente nature agissant & faisant tousiours ces choses en vne ordinaire vicissitude, & circulaire action, ainsi que le remarque Aristote au 1. liure des Meteores. Secondement la similitude du feu attribuee au Soleil ne luy conuient pas, car le feu ne se nourrist pas d'une continuelle humidité & seicheresse, & n'est icelle demeurante tousiours pareille & semblable, mais est continuellement faite nouuelle, que si cela estoit au Soleil non seulement en vn iour (ainsi qu'il disoit Heraclite) le Soleil ne seroit pareil & mesme, mais seroit fait ieune & nouueau. Troisièmement ainsi que le feu eschauffant l'Eau, l'euapore, de mesme le Soleil esleue & attire en haut les vapeurs, mais quand le feu eschauffe l'Eau, Esleuant les vapeurs d'icelle, il ne se nourrit pas de ces vapeurs, de mesme il en est du Soleil. Quartement, si ce que dessus estoit

vray, toute ceste grande multitude de Cieux, tant & tant d'Estoiles ensemble les Planetes, lesquels ont vn perpetuel & ordinaire mouuement, comme le Soleil, n'auroient ils pas vne mesme nourriture & aliment qu'iceluy Soleil, & si cela estoit, comment tant & tant de nourriture & aliment se pourroit-il trouuer en cest Vniuers pour nourrir & alimenter tous ces Cieux & corps celestes? La seconde opinion, est celle du diuin Platon au Phedon, de laquelle nous auons parlé au chapitre precedent, tenant la Terre estre percee, & dans vn sien gouffre, auoir vn lieu, nommé le Tartare, lequel est le principe & origine de toutes les Eaux de la Terre, & de la Mer, & qui pousse & lance tantost hors de soy les Eaux, puis tantost les reçoit & attire à soy; toutes les Eaux de la Terre retournans de tous costez vers iceluy, comme vers leur principe & origine: Mais ceste opinion n'est vraye pour les raisons amplement par moy alleguees au chapitre precedent, où ie renuoye les Lecteurs beneuoles. La troisieme opinion est de certains Philosophes lesquels ont dict la Mer estre le principe des Eaux, & que d'icelle Mer, tous les Lacs, fleuves, riuieres, fontaines, & autres Eaux de la Terre procedoient, & retournoiét par apres en icelle, & que le lieu de la Mer, estoit le propre lieu des Eaux, & que tout ainsi qu'il y a vn lieu propre & particulier à l'Element du feu, à l'Element de l'air & de la terre, de mesme il y a vn lieu à l'Element de l'Eau, & que ce lieu de l'Element de l'Eau est la Mer, laquelle est le principe & origine de toutes les Eaux, & de laquelle prouiennent & procedent tous les fleuves, riuieres, & fontaines de la Terre, lesquels par apres s'en reuont & retournent

en icelle. Que si on dit que il n'y a pas beaucoup d'apparence que les fleuves, riuieres & fontaines qui ont leurs eaux douces & sauoreuses, ayent leur principe & origine de la Mer qui est salee, iceux Philosophes cy dessus respondent que ces eaux sont coulees & mondifiees par la terre, comme à trauers vn crible ou vn linge, laquelle les rend douces & agreables à boire: Mais ceste opinion ne peut contenter quelques personages pour les raisons subsequentes la premiere, à cause qu'il n'y a aucune chose en cest Vniuers laquelle sorte de son propre gré & mouuement de son lieu naturel, mais tous les fleuves, riuieres, & fontaines se vont rendre dans la Mer, comme en leur lieu naturel: donc iceux ne sortent d'icelle de leur gré & mouuement. La seconde, le principe est plus simple que son composé, & les eaux des fleuves riuieres & fontaines sont plus simples que les eaux de la Mer, donc iceux fleuves riuieres & fontaines n'ont leur principe & origine d'icelles eaux de la Mer. La troisieme, on ne voit ces lieux caues & sous terrains par lesquels il faut dire que ces fleuves riuieres & fontaines remontent & retournent de la Mer vers leur sources: la quatrieme, la terre qui est aux bords de la Mer est tousiours beaucoup plus solide & massifue que aucune autre terre ainsi que on peut veriffier par les tremblemens de terre lesquels ne se font & n'adiennent que peu ou point du tout aux bords de la Mer & par consequent il n'est pas à croire qu'il y aye en ces bords des ouuertures ou concautez, pour faire passer soubs terre les fleuves riuieres & fontaines de la terre. La cinquieme l'eau estant graue & pesante, ne monte pas de sa nature & propriété en haut, ce qui se verifie par les cours des

eaux des fleuues, riuieres & fontaines, qui sont tousiours en pente, & descendēt dedans la mer, ce qu'estant iceux donc ne remontent & retournent vers leurs sources: que s'il estoit autrement, ils y remonteroient & retourneroient, & ne descendroient pas tousiours en la mer comme ils font. De fait les fleuues, riuieres & fontaines de la terre prouiennent des montaignes & lieux plus hauts & eiminents en icelle, & sans nous arrester en cest endroit de deduire en ce chapitre plusieurs autres diuerſes opinions touchant ceste matiere nous tiendrons pour tout asſeuré que tout ainſi qu'à l'Elemēt du feu il y a vn propre & particulier lieu, à ſçauoir le cōcaue des Cieux: à l'Elemēt de l'air: le cōcaue de l'Element du feu: de meſme le lieu de l'Elemēt de l'eau, eſt le cōcaue de l'air: à cauſe de quoy le lieu, qu'à preſent la Mer enuironnant la terre, occupe, eſt le lieu propre de l'eau, & non de la Mer: & tout ce qui eſt doux & ſubtil en la Mer, à cauſe de ſa legereté eſt attiré & porté en haut par la chaleur de l'air & du Soleil, & tout ce qui eſt amer gros & terreſtre demeure en la terre à cauſe de ſa peſanteur, & ce au lieu de l'element de l'eau à preſent appellé, la Mer, à cauſe comment diſent les Latins en leur langue, que *manet deorſum*. Et tout ainſi que l'aliment prins & receu par les Animaux en leur ventre, tout ce qui eſt doux & ſubtil en iceluy aliment, eſt par l'acſion & vertu du chaud eſpādu en chacun de leurs membres pour leur nourriture, & ce qui eſt gros, terreſtre, & amer, comme vne ſubſidance, eſt repouſſé au fonds de leur dict vêtre, qui eſt comme lieu principal du tout, encor que le plus doux & ſubtil en ſoit dehors, de meſme il eſt

en l'Element de l'eau, qui est la Mer. A ceste cause toutes les eaux qui sont sur & en la terre viennent à fluer & se descharger en la Mer, comme au vray lieu de l'Elemēt de l'eau, lequel icelle Mer occupe au lieu où elle est à present dans vn lieu grandement creux & caué. Et les raisons que les plus grands & excellēs Philosophes amenant, pourquoy tant & tant de lacs fleuves, riuieres, ruisseaux, & fontaines coulans & fluans dans la Mer, ne rendent icelle plus grande qu'elle est tousiours, sont que iceux Lacs, fleuves, riuieres, ruisseaux & fontaines procedans de leurs sources fort estroittes & petites au pris de la Mer, venās à eux descharger & espandre dans vn lieu tresgrand & spacieux tel qu'est celuy de la Mer, viennent à eux resoudre & estendre incontinent en long & en large en icelle, en telle façon que ils ne peuuent aucunement accroistre ne agrandir icelle Mer : qui plus est autant que iceux Lacs, fleuves, riuieres, ruisseaux & fontaines amenant & entresnent d'eaux douces en la Mer, autant l'air, le Soleil, les vents & les nues en attirent en haut de la Mer. Le Poëte Lucrece a fort bien chanté cecy disant en ses vers.

*Principio Mare mirantur non reddere maius
Naturam, quo sit tantus decursus aquarum:
Omnia quo veniant ex omni flumina parte
Adde vagos imbreis, tempestatesque volanteis
Omnia quæ Maria ac terras, sparguntque, rigantque
Adde suos fontes, tamen ad maris omnia summam
Guttai vix instar erunt vnius ad augmen
Quo minus est mirum, mare non augescere magnum*

*Præterea magnam Sol partem detrahit æstu:
 Quippe videmus enim vestes humore madentes
 Excicare suis radijs ardentibus Solem:
 At pelago multa & latè substrata videmus,
 Proinde licet quamuis ex vnoquoque Sol
 Humoris paruum delibet ab æquore partem:
 Largiter in tanto spacio tamen auferet undis.
 Tum porro venti magnam quoque tollere partem
 Largiter in tanto spacio tamen auferet undis:
 Tum porro venti magnam quoque tollere partem
 Humoris possunt verrentes æquora Ponti,
 Vna nocte vias quoniam persæpe videmus
 Siccari, mollisque luti concreescere crustas.
 Præterea, docui multum quoque tollere nubes
 Humorem magno conceptum ex æquore Ponti:
 Et passim toto terrarum spargere in orbe
 Cum pluit in terris, & venti nubila portant.
 Postremò, quoniam rarò cum corpore tellus
 Est, & coniuncta est, oras maris undique cingens:
 Debet, ut in mare de terris venit humor aquar:
 In terras itidem manare ex æquore salso
 Percolatur enim virus, retròque remanat
 Materies humoris, & ad caput amnibus omnis
 Confluit, & c.*

A ce propos Albert le grand sur le 2. des meteores
 traicte pourquoy la Mer ne s'augmente, & ne s'es-
 pand sur toute la terre, puis que tant de fleuves, ri-
 uieres & fontaines s'y vont rendre & lancer conti-
 nuellement dict, que icelle Mer ne reçoit aucun ac-
 croissement ny aggrandissement, parce que elle est
 le naturel magazin & receptacle de toutes les'eaux,
 & le vray lieu de leur repos & retraicte: ce qu'estant
 vn lieu ne peut repousser n'y empescher, ou estre

fâché de l'entree de la chose qui par nature doit estre en luy, car naturellement le lieu se doit conformer avec ce qui l'encloist, ainsi que la Mer qui est capable pour receuoir en elle tous les fleuues, riuieres, & fontaines, & neantmoins ne se desborde pour leur entree, & ne s'augmente pour quelque reception d'eaux qui courent & s'auallent en icelle. D'abondant la Mer ne se desborde aucunement à cause qu'elle est tant grande & vaste que les fleuues, riuieres & fontaines au respect d'elle, ne sont comme vn rien, pour dire vray, à l'accroissement & augmentation d'icelle ou plustost cela aduient à cause des continuels flus & reflux de la Mer qui luy sont naturels & propres, lesquels font exhaler vne partie des eaux d'iceux fleuues, riuieres, & fontaines, lesquelles sont plus subtiles & legeres pour estre exhalees & portees en haut: ou bien que il y a en la Mer à cause de sa saleure vne certaine naturelle force & chaleur, par lesquelles du fonds d'icelle sont continuellement portées en haut des vapeurs, lesquelles se resoluent en air. Qui plus est parce que la chaleur & ardeur du Soleil & l'air du vent consomment tant d'eau que combien que la Mer en engendre en soy continuellement, & que les fleuues, riuieres, & fontaines de la terre y descendent tousiours, cela faict que elle ne s'augmente & accroist aucunement. Que si quelqu'un en cest endroit deduit que la Mer au temps du deluge montoit quinze coudées par dessus les plus hautes montaignes de la terre, tellement que toute la terre fut couuerte des eaux; nous luy respondrons que les eaux qui couvrirent au temps dudit deluge la terre, n'estoient les eaux de la Mer, lesquelles pour lors ne sortirent de leurs limites & bornes,

mais que icelles eaux prouenoient de deux lieux ou endroits, aſçauoir des fenestres & cataractes du Ciel qui s'ouurirent, cest a dire des nuees & vapeurs celestes, & des fleuves, riuieres & fontaines de la terre: lesquels se desborderent tellement que icelle terre en fut toute couuerte (comme dit l'escriture sainte) continuant mesme que apres iceluy deluge finy Dieu enuoya tant de grands, forts, & vehemens vêts que les eaux furent diminuees & consommees, & la terre retourna en son premier & ancien estat. Iules Cæsar Scaliger en son exercitation 46. traictât apres H. Cardan qui auoit nié les fleuves, riuieres, & fontaines de la terre proceder & prouenir de l'air, ou bien plustost de la Mer, comme l'a escrit le sage Salomon, a demonstré par viues & fortes raisons que la Mer, est celle seule qui produit & engendre tous les fleuves, riuieres & fontaines de la terre, comme estant les eaux de la Mer, & les eaux lesquelles de leur premiere nature & essence coulent dans iceux fleuves, riuieres & fontaines, vnes & pareilles les vnes aux autres. Les eaux estât par la force & compresſiõ des eaux marines, poussees & agitees dás iceux fleuves, riuieres & fontaines par les conduits & cõcautez de la terre: les modernes Pilotes & nauigateurs qui ont contemplé de pres les fonds, bords & riuages de la Mere tiennent que la terre enuironnée de la Mer est vn corps cauerneux & spongieux, voire tout troiié & pertuisé, ayant vne infinité de Canaux & cõduits tant en sa superficie, qu'à trauers son corps et ses parties, au moyen dequoy les grands fleuves et riuieres qui naissent et procedent des fontaines et petites sources fort eslongnees et distantes de la Mer, et qui auant que s'y rendre, rencontrent et en-

traisnent avec eux infinis petits fleuves, riuieres, torrens ruisseaux et fontaines, n'augmentent et n'agrandissent pourtant la Mer, laquelle enuoye et distribue vne infinité d'eaux à toutes les parties de la terre par les conduits & canaux d'icelle, et que quād aux pluyes et neiges qui tombēt de la basse et moyenne region de l'air, que cest comme vn eschange ordinaire et continuel de l'air, rendant a la Mer ce qu'il a emprunté pour vn temps d'elle. Et est ceste doctrine prouenue et procedee des Hebreux ainsi qu'on pourra veoir en Dauid Pseaume 24. en l'Eclesiaste chapitre 1. en Esdras. liure 4. chapitre dernier, en Philon Iuif liure de l'opifice du Monde, l'opinion desquels a esté suiuiue et embrassée de Thales de Milese, Platon, Seneque, Pline et autres anciens Philosophes contre l'Aristote liure 2. chapitre 2. des meteores. Ce qu'a tres doctement enseigné George Agricola liure 1. *De ortu subterraneorum*: & apres luy Jean Bodin liure second de son theatre de la nature, quoy que s'efforce de prenuer le contraire apres Aristote F. Vicomercate Milanois en ses Cōment. sur le liure 2. des meteores d'Aristote, Voyez ce que i'escri cy apres au chap. 22. subsequēt.

*Si la Mer est plus haute & esleuee que la terre,
ou la terre plus haute & esleuee que la Mer.*

CHAP. XV.



Ous auons demonstté au chapitre precedent que l'Ocean ou la Mer occupe le lieu de l'Element de l'eau en cest amplitude de Mer Orientale, Occidentale Septentrionale & Meridionale où on ne voit guere q de l'eau en grande & immense quantité: que si il y a quelques Isles semées par cy par là en icelle Mer, Icelles ne sont rien en comparaison de tant & tant d'eaux vastes & infinies qui sont en icelle: Ce que presuppposé nous sçaurons que l'Aristote liure. 1. des meteores, Ciceron liure 2. de la nature des Dieux, Pline liure sixiesme chapitre 66.67. de son histoire naturelle, Canus en sa premiere partie des Commentaires, Burgenfis & Catarinus en leurs Commentaires sur le 1. chapitre du Genese, saint Thomas 1. partie quest. 69. article 1. Campanus en ses Comment. de la premiere partie & quelques autres Autheurs anciens & modernes ont asseuré que la Mer estoit plus haute & esleuee que la terre pour plusieurs raisons. La premiere (disent ils) en l'Eclesiaste chapitre premier & au Pseau-me vingt quatre il est escrit que les fleues & riuieres de la terre, ont leur source & origine de la Mer, puis retournent & s'en reuont en icelle, pour encor recommencer leur course: Lesquels passages,

passages demonstrent qu'icelle Mer est plus haute esleuee que la Terre, d'autant que si la Mer estoit plus basse & inferieure, iceux fleuves & riuieres ne pourroient d'icelle Mer paruenir par des Canaux & conduicts sousterrains iusques à leurs sources qui sont la plus part aux festes des montagnes, que premierement ils n'allassent contre leur nature & inclination, & ne pourroient par leurs courses se rendre en icelle Mer, veu qu'il n'apparoist par quel moyen iceux pourroient estre portez par ces canaux & conduicts sousterrains iusqu'à leurs-dictes sources. Mais nous respondrons à ceste premiere raison qu'il est tres-certain au iugement de plusieurs grands Philosophes que les plus grands fleuves & riuieres de la Terre prennent leur origine de la Mer, & montent par ces canaux & conduits sousterrains iusques à leur source, cōbien que ce soit contre leur nature & inclination, parce que les terres par où ils doiuent passer, boient les eaux, & les attirent & succent à elle comme des esponges par la force & influence du Soleil & des autres Astres qui en sont la cause principale: Ce qui a meū saint Thomas en la 2. dist. 14. quest. 1. article 5. d'asseurer ces cours & mouuemens desdicts fleuves & riuieres ne deuoir estre estimez violēns & contre nature, parce que comme dict Auerroes, ils sont grandement correspondans à la nature & à l'ordre des corps lesquels estās inferieures doiuent suiure l'impression des superieurs. Qui plus est, nous pouuons dire que par la grande force & compression des Eaux qui sont en ce grand & vaste corps de la Mer, les Eaux des Fleuves & Riuieres sont poussees & portees continuellement à trauers ces canaux & conduicts sousterrains à leurs-dictes

sources quoy qu'elles soient le plus communément aux festes des montagnes pour puis apres couler & descendre le long de la surface de la Terre dans icelle Mer. La seconde raison disent les meismes personages cy dessus. si la terre estoit plus haute & esleuee que la Mer, ce seroit contre l'ordre de l'Vniuers, qui n'est autre chose qu'une disposition de choses pareilles & dissemblables donnant à chasque chose son lieu & place, ainsi que le confirme saint Augustin liure 19. .chap. 13. de la Cité de Dieu, & s'ensuiuroit que les Elemens, la Terre, & l'Eau ne garderoient leur lieu naturel, veu que la nature veut, que l'un cōme plus grād(pesant, & par consequent moins noble, soit soubmis à l'autre, & l'autre comme plus leger & subtil, & aussi plus noble, soit plus eminent & par dessus l'autre; & non l'un & l'autre estre mellez par ensemble en confusion: Mais nous respondrons à ceste seconde raison, que n'y la Terre, ne la Mer ne sont du tout en leur vraye & naturelle situation, veu que la nature de la Terre & de la Mer requiert qu'une soit du tout dessus l'autre, & l'autre l'environne de tous costez; & encor que cela soit, nous ne deuons pourtant estimer que pour ceste chose il y aye aucune defectuosité en la beauté & perfection de cest Vniuers, veu que cela a esté ainsi fait & ordonné du Dieu viuant, pour & à cause d'un plus grand bien, à sçauoir pour la commodité & habitation de l'hōme, qui est la fin & le but du Monde corporel & visible. La troisieme raison, ceux qui sont en pleine Mer tirans vers les bords & riuages d'icelle, semblent veoir iceux bords & riuages de beaucoup plus bas & inferieurs que la Mer, & tant plus ils s'approchent d'eux, d'autant plus les choses

plus hautes & esleuees en iceux se demonstrent & apparoiſſent à leurs yeux. Mais nous respondrons auſſi à ceste troiſieſme raiſon, que les ſens & iuge-
mens humains ſe trompent grandement en ceste ex-
perience, laquelle prouient de la couleur d'iceux
bords & riuages de ladite Mer, lesquels tirent ſur la
couleur atre & noire; Ce qu'eſtant iceux ſemblent
aux yeux humains eſtre plus bas & inferieurs que la
Mer; tout ainſi que les choſes noires & obſcures
aux peintures ſemblent eſtre plus baſſes & inferieu-
res, comme le confirme Aphrodiſee. Probleme,
queſtion 47. Et les conſiderations qu'ameinent les
perſonnages ſuſnommez, comment la Mer eſtant
plus haute & eleuee que la Terre, & la nature de
l'Eau d'icelle Mer coulante & fluide, ne couure à
à tous momens la Terre, ſont telles; à ſçauoir,
que cela aduient a cauſe de la propenſion qu'icelle
Eau de la Mer a de ſ'amaſſer & aſſembler en figure
ronde; Ce qui eſt aſſez ſuffiſant au dire d'iceux per-
ſonnages, pour empeschier qu'icelle ne deſcende &
couure la Terre; ainſi que les gouttes d'eau pendan-
tes aux toits des maiſons lesquelles demeurent là,
& ne tombent pourtant en bas; ou bien que cela
prouient de ce que l'Eau de la Mer de ſa propre na-
ture ſe reſoſe en ſon propre lieu, à cauſe qu'il n'y a
en ce monde aucune choſe violente qui puiſſe lon-
guement durer en vn lieu, & qu'il n'y a nulle necen-
té que l'ordre conſtitué par la nature ſoit peruerſy
& renuerſé; ou bien qu'il y a au Pole Septentrion-
nal certaines Eſtoiles fixes, lesquelles ſouſtien-
nent par leur grande force & vertu la Terre, & em-
peſchent qu'icelle ne ſoit inôdee par l'Eau de la Mer
plus haute & esleuee que la terre; mais ſi cela eſtoit,

ce seroit chose violente, & faudroit que ces Estoiles fussent du tout fixes et immobiles, et qu'opposites les vnes aux autres, aucunes d'icelles soustinsissent l'Europe souz le Pole Arctique, les autres le país du Bresil opposite à l'Europe, et ainsi des autres : Quelques vns ne se contentans de ces raisons en ameinent d'autres, à sçauoir, qu'il y a deux centres diuers tant en la Terre qu'en l'Eau, c'est à dire, que l'Element de l'Eau, n'est concentrique, mais eccentrique au regard de l'Vniuers et de la terre; et qu'à ceste cause iceluy Element de l'Eau ne couure toute la terre : Mais si cela estoit vray, l'un de ces centres seroit autre que le centre du monde, et seroient iceux deux milieux de gravité, et les parties de la Terre ne pourroient apparoir en regions opposees, lesquelles se voyent en plusieurs endroits de la Terre qui sont Antipodes les vnes aux autres. Quelques autres Autheurs veulent que la Terre soit soutenue de l'air enclos aux cauernes d'icelle : Ce que s'il estoit vray, il faudroit constituer aussi l'une et l'autre chose violente, à sçauoir, la Terre soustenue en l'air haut, et l'air retenu et enclos aux fosses et cauernes : et faudroit si cela estoit que les cauernes fussent tres-grandes pour soustenir l'Asie, l'Europe, l'Afrique, nouveau monde, et Isles qui sont par cy par la en la Mer. Et si cela estoit, toute la Terre ne seroit qu'une cauerne, et si ce seroit vne chose tre-esmerueillable, qu'une si grande et vaste masse telle que celle de la Terre ainsi entr'ouuerte de cauernes ne vint à tomber ou incliner en quel qu'une de ses parties, et que toutes les Eaux de la Mer & de la Terre ne vinssent à descendre en telles cauernes : de dire, comme aucuns que la terre n'admet l'Eau, a

cause du Pole Septentrional, parce que la Terre est en cest endroit plus haute, il n'y a grâde apparence, d'autant que si cela est vray, il faut que la Terre ne soit ronde, mesmement sous l'Equateur; & que telle hauteur n'aye comparaison à la difference du lieu de la Terre & de l'Eau. Les autres referent tout ce que dessus à la seule puissance diuine, laquelle de soy sans autres moyens empesche que la Mer plus haute esleuee que la Terre, ne couure icelle Terre de ses Eaux, & ce pour & à cause de l'habitation des hommes & des animaux; Ce qu'iceux veulent prouuer par les Escriptions saintes, au Pseume 104. *Super maria fundauit eam, & super flumina preparauit stabilitatē suam.* Seigneur, tu as posé un terme & limite aux Eaux, lequel elles n'outrepasseront, & ne retourneront couvrir la Terre; Le Paraphraste Chaldeen *terminum posuisti fluctibus maris, quem non transgredientur.* En Hieremie chap.5. *I'ay posé à la Mer l'arene pour borne & limite par moy commandee eternellement*, lesquels elle n'outrepassera; Et en Iob, chap. 38. *Qui est-ce qui a enfermé la Mer dans des limites, lors qu'elle couuroit la Terre, à sçauoir le Seigneur;* Sainct Basile à ce propos homil.4. *Hexamer. Ne aqua è locis quæ ipsam susceperant affluens fusim exundaret, atque ita ex alijs alia compleret loca, ac totam hoc pacto continentem terram stagnantib. tandem undis, & alluentib. inuolueret, iussa est in unum se colligere locum.* Et vn peu apres *Alioquin quid prohiberet mare rubrum sua exundanti alluue irumpere in uniuersam Aegyptum quæ ipso mari tanto est concauitate depressior, seque mari, quod Aegypto adjacet, coniungere nisi creatoris præcepto tanquam compedib. astricto coerceretur.* François Vallesse, chapitre 53. de la sacree Philosoph. a esté de ceste opinion, tenant outre plus que la Mer est à present au lieu principal

auquel elle fut ordonnée du Dieu viuant lors de la creation du Monde, qu'il luy donna deslors le sablon & les riuages par le deffous, & l'air & brouillards & l'obscurité par le dessus qui luy seruent comme de bandes & d'arrests dans lesquels elle est retenuë du tout sans pouuoir couvrir & inonder la Terre, ainsi qu'aſſeure le Sage Salomon, chap. 8. de ses Prouerbes. Mais nous tiendrons pour tout aſſuré si nous voulons prendre de pres garde à l'explication de ces passages, que par iceux la seule puissance diuine n'est reſcommmandee en ce, qu'elle empesche que la Mer estant plus haute & esleuee que la Terre, ne se desborde sur la Terre, mais bien que ceste puissance diuine est deprimee & deprime la Mer, & l'aenfermee dans les cauernes de la Terre, combien que de sa nature elle deust couvrir toute la surface d'icelle; Ce que demontrent clairement ces paroles du Pſeau.

„32. ayant amassé & amoncellé ainsi que dans vn
 „ſac les Eaux de la Mer; & au chap. 8. des Prouerb.
 „Par certaine Loy & circonuolution il bordoit ou bornoit les
 „Abysmes, & posoit loy & terme aux eaux, afin qu'elles
 „ne passassent leurs fins & bornes: Au contraire des Personnages susnommez R. Kimhi sur le Pſeume 106. ou 107. Et sur le premier chapitre du Zonas. Sainct Hierosime en ses Commentaires sur le Pſeume trente-deuxiesme, Sainct Chrysostome homelie 9. au peuple d'Antioche, Sainct Augustin en ses Commentaires sur le Pſeume 135. Sainct Iean Damascene liure 2. chap. 9. & 10. de la Foy Orthodoxe, Ægidius liure 2. Hexamer. chap. 27. le Cardinal G. Contaren liure 2. des Elements, & en son Discours de la diminution de la Terre: Lippomanus, Caietanus, & Houcala en leurs Commentaires sur le 1. chapitre de

Genese, G. Genebrard en ses Commentaites sur le 23. Pſalme, & quelques autres Auteurs modernes ont à bonne & iuste occasion tenu que la Mer n'estoit plus haute & esleuee que la Terre. Premièrement, parce qu'il est tres-certain que la Mer n'est point detenüe & empeschee par le seul Dieu viuant, d'occuper & couvrir toute la Terre, d'autant que la diuinité administre & gouuerne toutes les choses par luy faiçtes & créées en cest Vniuers; en telle sorte qu'il leur laisse faire & agir leurs propres & naturels mouuemens & actions, ainsi que le confirme fort bien saint Augustin liure septiesme chap. 30. de la Cité de Dieu: Secondement ne peut seruir la propension que les personnages cy dessus ont allegué, l'Eau de la Mer auoir de s'amaſſer & assembler en figure ronde ainsi que les gouttes de l'Eau pendâtes aux toicts des maisons, d'autant qu'encor que l'Eau ayme la figure ronde, & soit aussi ronde de sa nature & existence ainsi que nous auons amplement demonſtré au chap. 10. de ce Discours, toutesfois si ne deuons nous croire icelle Eau affecter tellement ceste figure ronde, qu'estant en toutes ses parties fort haute & esleuee par dessus la terre elle soit suspendue en l'air sans couler & se desassembler: Ce qu'on voit aux gouttes d'Eau qui se font rondes, lesquelles conseruent tant & si longuement la figure ronde, que cest appetit ou desir qu'appette l'union de leurs parties, n'est point surmonté & empesché par d'autres gouttes nouuelles, lesquelles sont comme accroissemens de plus grand poix & grauité à icelles. Que s'il estoit vray qu'icelle Mer fût plus haute que la Terre, il s'ensuiuroit que la nature d'icelle seroit de couvrir toute la terre, & que si elle en

estoit empeschée par le seul Dieu viuant, elle souffriroit vne perpetuelle & ordinaire force & violence; Et peut-on dire & soustenir si la Mer estoit si haute & esleuee en l'air, que le Globe d'icelle vint à entrecouper celui de la terre, il n'y auroit aucunes Isles, bancs, escueils en icelle Mer: Tiercement, il est tres-certain qu'un Nauire poussé & agité en Mer par pareils & esgaux vents va plus viftement quand il descend, à cause de son poids naturel qui le pousse en bas, & y va plus tardiuement, quand il monte, à cause de son poids qui resiste à ce cours & mouuement. Donc s'il estoit vray que la Mer fust suspenduë & esleuee en l'air, toutesfois & quantes qu'un Nauire partiroit du port, poussé & agité par vents pareils & esgaux en montant en pleine Mer, il iroit plus lentement & tardiuement; Et au cōtraire, s'en retournant au port, il iroit plus viftement & subitement, à cause qu'il descendroit. Qui plus est, venans les vents & les mouuemens de la Mer à cesser; ce nauire ne pourroit demeurer qu'il ne descendit incontinent au port ainsi qu'une pierre poussée d'un lieu haut & eminent ne peut qu'elle ne descende incontinent en bas. Quartement les Pilotes & navigateurs faisans voile de Portugal pour aller en la nouuelle Espagne, ont cogneu clairement & apperement qu'ayans nauigé quinze degrez, le Soleil s'est d'une heure plustost leué & couché, que lors qu'ils estoient en Portugal; Ce qui ne seroit, si la Mer estoit suspenduë en l'air, ou si icelle estoit plus haute & esleuee que la Terre; Car le Soleil deuroit s'apparoistre plustost en Mer outre iceux degrez, ainsi qu'il faict à ceux qui montent sur vne haute monta-

gne, lesquels encor qu'eslongnez grandement de l'Orient, neantmoins voyent premierement le leuer du Soleil en iceluy Orient. Cinquièmement, la Terre & l'eau font vne Sphere comprise & terminee en vn mesme & commun cercle. Donc l'Eau n'est plus haute & esleuee en vn autre Globe distinct & separé de celuy de la terre: l'Antecedent de ceste proposition est preuue par plusieurs demonstrations de Mathematique & principalement parce que l'eau & la terre cherchent vn mesme & pareil centre, veu que l'vn & l'autre estant pendus en l'air sont portez en bas tous empeschemens cessans par vne mesme ligne, que si ils auoient diuers centres sans doute l'vn & l'autre chercheroient diuers chemins pour aller vers le bas: Qui plus est cela est preuue par les Eclipses de la Lune. Car en quelque lieu du Ciel que la Lune recoit Eclipe on voit vne seule ombre en son corps & en sa face, & y en deuroient auoir deux si icelle receuoit eclipse par l'obiet des deux Globes de l'eau & de la terre. Donc par les raisons & considerations cy dessus deduites nous tiendrons pour tout asseuré que les personages cy dessus ont à bonne & iuste occasion tenu que la Mer & les eaux d'icelle ne sont plus hautes & esleuees que la terre. Cecy despeché il nous reste à prouuer que la terre est plus haute & esleuee que la Mer & les eaux d'icelle, Tous les fleuues, riuieres & ruisseaux de la terre courent & descendent iournellement vers & dans la Mer, ce qui ne se pourroit faire, si la terre qui tend & est vers la Mer estoit basse & inferieure: & si icelle Mer n'estoit constituee en lieu plus

bas & inferieur : qui plus est les Isles lesquelles ne sont autre chose que des parties de terre plus hautes & esleuees que les eaux de la Mer demonstrent assez la verification de ceste propositiō, d'abondant ceste proposition est du tout verifiee par les escritures „, sainctes à sçauoir par le Pseaume 23. Dieu a fondé „, par dessus la Mer le rond de la terre & au Pseaume „, 135. qui a rendu ferme la terre par dessus les eaux, „, & au Pseaume 106. ceux qui descendent avec des Nauires en la Mer. Que si en cest endroiēt on demande comment la terre a esté plus haute & esleuee que la Mer: on peut respondre que Dieu au commencement du Monde fit vne grande cavitē ou vn grād creux ou sein en icelle terre en laquelle cavitē, creux ou sein il fit retirer les eaux d'icelle, & que des ce tēps là la terre demeura ou est demeurēe tousiours plus haute & esleuee que la Mer & quoy que nous ayons deduit cy dessus que la terre & l'eau ne font & constituent qu'un globe neantmoins les lecteurs beneuoles scauront que nous n'auons entendu parler d'un globe parfait & absolu selon la rotondité de Geometrie, le centre duquel est fait par pareils & esgaux rayons esgallement distans de leur circonference, mais bien d'un Globe, auquel encor que il y aye quelques eminences & cautez, routes fois icelles sont peu considerables à la grandeur & vastité de iceluy Globe ainsi que nous auons amplement demonstré au chapitre septiesme de ce discours. quelques personages modernes tiennent que la Mer est fort profonde au milieu, & fort legere aux bords & rinages, ce qui cause que le milieu attirant comme plus pesant les eaux qui sont aux bords, ne

peut causer par sa pesanteur aucune inondati^on surtout la terre, quelq^s autres ont dit qu'en vn tēps la terre fut toute couverte d'eaux & que petit à petit depuis les eaux consumées par la grande ardeur & chaleur du Soleil, ont laissé à descouvert les terres à present apparentes croissans de iour en iour, comme l'eau diminue iusques à ce que elle seradesseichée du tout : mais ne faisans pas beaucoup d'estat de ces opinions des personages modernes comme n'estant vrayes & certaines, nous tiendrons pour tout asseuré que l'Element de l'eau est rond ainsi que la terre, & estant iceluy grandement pesant encor qu'il ne le soit autant que la terre neantmoins il ne laisse pas de tendre tousiours en bas vers le centre & trouuant l'empeschement de la terre vient à l'environner & s'estendre tout autour & ainsi se faire du tout rond, que si on obiecte qu'on voit clairement que l'eau n'environne de tous costez la terre, ains seulement en quelques parties, on peut respondre que la terre n'est esgallement pesante de tous costez, ains qu'elle est de quelque costé, cauerneuse, vuide & seiche & d'autre costé espesse, pleine & solide, & consequemment d'un costé plus pesante & d'autre plus legere : parquoy il s'ensuit que la terre n'estant selon sa grandeur esgallement pesante, que son centre de pesanteur, n'est le centre de sa grandeur. Et parce que l'Element de l'Eau à cause de sa pesanteur cherche de s'approcher au centre de la pesanteur, sans se soucyer du centre de la grandeur de la terre, il s'ensuit que la terre demeure en certains endroicts descouverte d'eau, laquelle de sa na-

turelle inclination cherche d'aller en quelque lieu ou elle soit plus près du centre du monde, qui est le centre de la grauité & pesanteur de la terre. Cest pourquoy vn grand Poete de ce temps a escrit en ses œuures.


- „ *Vois la verte rondeur du terrestre Element*
- „ *Qui tient le plus bas lieu comme vil excrement*
- „ *Et marc de l'uniuers, que la sage nature*
- „ *Entoure obliquement d'une perse ceinture:*
- „ *Ou plustost que la Mer couure de toutes parts*
- „ *Si ce n'est quelques poincts confusement espars*
- „ *Car l'ondeux Ocean se laisse aller, humide,*
- „ *Dans les creux, plus proffonds de l'Element solide:*
- „ *Et cherche en l'inegal de sa vaste rondeur*
- „ *Le centre de son poids, & non de sa grandeur.*

Plusieurs autres choses dignes d'estre veües touchant ceste matiere que i'obmets pour euitier prolixité sont traictees par Aristote liur. 2. du Ciel chap. 4. du Ciel & liur. 2. des meteor. chap. 1. & 2. par Pline liure 2. chap. 45. & 65. Cælius Rhodiginus liure 26. chapitre 14. apres Plutarque liure 1. de l'opinion des Philosophes chapitre & au traicté de la face qui apparroist dedans la Lune, H. Cardan liure 2. de la subtilité & liure neuuesme de la varieté, Piccolomini liure premier de la sphere chapitre 7. Pierre Messie en son dialogue de la terre, François Vallese chap. 53 de sa sacrée Philosophie, Oronce chapitre 4. du 7. liure de la margarite Philosophique, Stofler en ses Comment. sur la Sphere de Proclus chap. de la puissance des Equidistans, Gemmafrison cha. 4. de son exposition de la mappemonde, Fernel liur. 1. chap. 1. de sa Cosmotheorie, P. Medine liu. 1. chap.

12. & 16. de son art de nauiger, Iean des Caurres liure
1. chap. 41. & 42. de ses œuvres morales: voyez ce que
i'ay escrit cy dessus au chap. 11.

Des diuers noms & appellations de la Mer.

CHAP. XVI.

 Vant qu'entrer plus auant en matiere
nous apprendrons que Plutarque au
traicté d'Isis & Osiris a escrit que
l'Eschole des Pythagoriciens tenoit
que la Mer estoit les larmes de Satur-
ne sous parolles couuertes voulans donner à en-
tendre que elle estoit impure & immonde: ce que
les Egyptiens retenoient au des-auantage de cest
Element, non que ils l'estimassent Element: Car au
contraire ils disoient que la Mer estoit vn pestilent
excrement du Monde, comme il apparoiſſoit par la
contrarieté qui est entre elle & le feu, duquel ils
la disoient auoir esté bannie & dechassée à cause de
sa vilité: Et pour ceste cause iceux auoient les pois-
sons en horreur si grande, que en leurs lettres hyero-
glyphiques le poisson signifioit hayne & rancune
mesme iceux disoient plusieurs & infinies choses de
la Mer sous le nom d'Isis & Osiris: Qui plus est ce
mesme Autheur en la question huiſtiesme des pro-
pos de table faisant mention que les Pythagorici-
ens ne mangeoient du sel de la Mer, ny des vian-
des ou il y auoit du sel, dict que cela se faisoit par
iceux à cause de l'inimitié qu'ils portoient à la Mer
côme Element sauvage, estrange de nous ou pour

mieux dire ennemy mortel de nature humaine, & ce pour certaines raisons trop longues à deduire, lesquelles on pourra veoir au lieu susallegué cecy presupposé nous dirons que la Mer en general a eu plusieurs noms & appellations entres les peuples & nations du temps iadis, les Hebreux premiers & plus anciens d'entre les hommes de cest vniuers l'ont appelée יָם *Iam* au masculin genre, au pluriel יָמִים *Genef. 1.* & de la יָם & נָחַם *Occidens, plag a Occidentalis* à cause que la Mer Mediterranee est à l'Occidēt au respect de Hierusalem. La sainte escriture l'appelle רַב־הַיָּם *grand Abisme*: Par les Grecs elle est nommee tātost *ωκεανὸς Oceanus* mot, prouenant selon aucuns de ὀ & κεν, ou bien selō autres de ἄνος qui denote *leger, viste & soudain* & de ῥάω couler d'autant que la Mer court avec plus grande impetuosité que les autres eaux de la terre, ou bien selon Suidas à cause que la Mer est indiuisible, & ses flots s'entr'suiuent continuelement sans pouoir estre destruits & separez, ou bien du mot *κτανεὸς*, à cause que elle ceint & embrasse les ruës de la terre: quelques autres Autheurs disent que ce mot d'Ocean attribué à la Mer prouient de ὠκεῖς qui en Grec vaut autant à dire qu'en nostre langue haister. Les autres tiennent que la Mer est ainsi nommee ὠκέως καί τω ἄνω κινέμενον comme viuemēt deçà & de là s'agitāt. Les Poëtes Grecs disent que cela est à cause que Ocean fils du Ciel & de la terre a eu pour son partage la Mer, ainsi que le confirment Pylius Giraldus Syntagmate S. Noël des contes liur. 8. de ses Mythologies chap. 1. La Mer est souuēt appelée des mesmes Grecs ἀμφιτρίτη *Amphitrité* à cause de la fille de l'Ocean femme de Nep-

tune & mere de Triton comme dit Hesiodé en sa theogonie, ἀμφὶ & τρέχω quod circumcurrat terram, ou bien ὑπὸ τῷ ἀμφιτρίβειν idest a circonterendo quod terram undique terat & lancinet, ou bien ὑπὸ τῷ ἀμφοτέρωθεν τρίτῳ τάξι ἐχειν, idest, quod utrimq; tertium obtineat ordinis gradum, ou bien selon l'opiniō de Plutarque au traicte d'Isis & Osiris que la Mer tient apr. s le Ciel & l'air le troisiésme lieu: tantost les mesme Grecs l'appellent Νέπηνος, à cause du dieu Neptune fils de Saturne qui a eu pour son partage la Mer, tātost Νέρεος, à cause de Nereus vn des Dieux d'icelle, tātost πέλαγος, à cause de sa profondeur quod sit τῇ λε τῆς γῆς idest, procul à terra quasi τήλαγος vel τὸ μὴ πέλαγος. Les Latins l'a nomment Mare prouenant du mot Latin *Amarū* qui signifie amer, à cause que l'eau de la Mer est amere & salee, ou bien comme veulent aucuns, du mot Chaldean *Marath* qui signifie amer & salé: tantost ils l'appellerēt *Aquor*, tantost *Pontus*, tantost *Thetis*, tantost *fretum*, tantost *salum*, tantost *sal*, tantost, *altum*, tantost *profundum*, tantost *Immensum*, & ainsi de plusieurs autres noms par Metaphore, ou forme de parler, voire aucuns disent qu'en certaine pierre qui fut trouuee à Rome y a quelque tēps, on y trouua escrit en plusieurs endroits *Marid* pour *Mare* les Italiens la nomment *Mare*, les Hespagnols *Mar*, les Alemás *Dasmer*, & nous François *Mer*, l'Aristote a escrit au second des Meteores que icelle selon l'opinion des anciens estoit le principe de toute l'eau du Monde, parce qu'il deuoit estre en cest vniuers vne masse vniuerselle de l'eau comme il y auoit des autres Elemens. Les Grecs & les Latins par ce mot de Mer

entendent toutes choses excessiuelement grandes dis-
sans ceux là *θάλασσαν ἀγαθὴν*, & ceux cy *Maria*
& *montes polliceri*, & les vns & les autres disent
que toute l'eau sallée par la main de nature se com-
prend sous le nom de Mer, qui n'est qu'un corps bié
que largemēt espandu, en la terre: cecy premis nous
n'obmettrons à deduire qu'il y a plusieurs genres
d'eaux, ainsi distinguees selon leur situation & ma-
gnitude, l'eau, ainsi appellée en Latin *aqua quasi aqua*
hoc est equalis, ablato, e, & quod aqua nisi ventis agitetur, ni-
hil sit equalius, laquelle est amassée en vn & par en-
semble estant amere & salée, est appellée Mer, si elle
est douce, elle est nommée *Lac*; si c'est eau qui n'a au-
cun cours & mouuemēt on l'appelle *Mare* ou *Marets*
Si elle n'est pas profonde, elle est dictée, *E stagn*: Si elle
coule est nommée fleuve, Si elle sourd & procede du
fōds de la terre à bouillōs ou source, elle est appellée
fontaine. Si elle prouient ou s'assemble des neiges
fondues, ou des pluyes c'est vn torrent, Les eaux qui
coullent en petite quantité le long de la terre sont
nommez ruisseaux Quant à la mer chacun sçait que
c'est ce grand & spacieux lieu de l'Element de l'eau, à
elle ordonné par nature, d'ou procedent comme de
leur principe & origine, tous les Lacs, fleuves, rui-
eres ruisseaux & fontaines de la terre comme i'ay de-
monstré au chapitre 13. de ce present discours, Les
Mers qui ne communiquent aucunement avec
le continent des eaux de l'Ocean sont nommez
Palus: Le Lac est vn receptacle, dans lequel l'eau
est retenue, & n'est meslée avec l'eau d'aucun
fleuve, & est tousiours le Lac demeurant en vn
lieu, & ne court aucunement, & est nom-
mée des Latins *Lacus quasi aqua Locus*. Le Lac
Asphalte

Asphalte est de ceste façon, parce que iceluy n'engendre rien de vif, & ne reçoit rien de ce qui a vie, & n'a aucun mouuement & agitation par les vents, à cause de bitume gras & gluant, ou plus-tost huileux qui est par dessus. Quant aux mares ou marests, ce sont Eaux croupies & endormies, amassées en vn lieu par les pluyes; lesquelles Eaux n'ont iamais, aucuns cours ne mouuemens sur le long & le large de la Terre. Pour le regard des Estangs, on sçait assez comment elles se font, pour estre fort communes en ce Royaume: les fleuves sont grands & spacieux cours d'Eaux faicts de plusieurs riuieres, ruisseaux, torrens, & fontaines, lesquels apres qu'ils ont roulé sur le long & le large de la terre viennent eux rendre dans la Mer. Quant est des Fontaines, Torrens, & ruisseaux, ce sont choses assez cogneuës des moindres du monde, & ne nous y faut arrester aucunement. Tout amas d'eau qui est avec largeur competente & resstagnation est Mer entre les Hebreux, comme celle de Tyberiadé, bien que ce ne soit qu'un Lac faict par le fleuve Iordain trauerfant le pais de Galilee: Les Grecs & Latins entendent cōme i'ay ja dict, par vne Mer, toutes choses excessiue-ment grandes, *θαλάσσαν ἀγαθὴν*, vne Mer de biens, *Maria & montes pelliceri*: Et entre les vns & les autres toute eau salee qui est sur la terre en grande & ample quantité, se comprend soubs le nom de Mer, qui n'est qu'un corps, bien que largement espandu, s'entretenant visiblement ou à cachettes. Le premier & principal membre de laquelle Mer est l'Océan ainsi nommé, comme est dict cy deuant, à cause de sa vistesse; à cause qu'iceluy court plus viste & hastiement que les autres Mers. C'est pourquoy

Cornelle Tacite liure 2. de ses Annales à dict, *Quanto velocior catero Mari Oceanus*, La place d'iceluy gist autour de la terre qu'il accolle, embrasse, & fretille comme l'espoux son espouse, de façon que Neptune Dieu de la Mer, est nommé en Grec $\pi\sigma\epsilon\iota\delta\omega\nu$, ainsi que diroit $\pi\sigma\iota\varsigma\gamma\alpha\acute{\iota}\varsigma,\delta$, pour γ , c'est à dire, en François, Mary de la terre : Et est cest Ocean tel qu'ayant vn tres-grand & tres-spacieux liêt en vne tres-ample & tres immense partie de la Terre, & s'enfonçant entre l'Afrique & l'Europe, par le destroiêt de Gilbraltar au milieu de nostre continent, il faiêt & cause la moitié de la Mer Mediterranee & deuers le Septentrion degoutant & coulant par canaux sousterrains en la Mer Euxine acheue l'autre moitié; chose qui semble estrange, & presque impossible à ceux qui pensent toute la Mer Mediterranee entrer par le destroit de Gilbratar, & n'estre qu'un Golphe & regorgement de l'Ocean Atlantique : Ce que s'il estoit vray, il conuiendrait necessairement & quelle communiquast toute au regrossissement ordinaire dudit Ocean; mais il est tres-certain voire indubitable que la Mer Majour, la Mer de Marmora, le destroiêt de Gallipoli, mesme vne bonne partie de l'Archipelague ne remontent iamais, ains sans faire marée descendant ordinairement & perpetuellement, à cause dequoy ceste conclusion est vraye & irrefragable, que ces Mers sourdent & prouiennent d'amont. Le mesme Ocean cy dessus décrit, tirant vers l'Orient, allonge entre Ethiopie, Egypte, & Arabie vn bras nommé la Mer Rouge, ainsi dicte Mer rouge entre les Grecs, non pour la couleur rouge de terre, ou d'eau qui soit en elle, mais à cause de l'ancienne ville d'Erythree fondee par le Roy Ery-

three, d'où lesdits Grecs l'appellans ainfi ont trompé les Latins qui ne prenoient garde qu'à la primitive signification du mot *ερυθρον*, qui est en Latin *rubrum*, & en François rouge, à cause dequoy Q. Curce à dict, *Mare certe quo alluitur, ne colore quidem abhorret à ceteris ab Erythro rege inditum est nomen; propter quod ignari rubere aquas credunt*, ce qu'il repete encor au 10. liure ensuiuant. Et est ceste Mer rouge diuisée en deux Seins. Estant celuy qui est du costé d'Orient appellé *Sein Persique*, à cause qu'il est proche de la Perse, & l'autre *Sein Arabique*, à cause qu'il est du costé de l'Arabie. Outre cest Ocean cy dessus & ses parties deduiçtes. Il y a vne autre Mer, laquelle est quasi située au milieu de l'Asie nommée *Mer Cassie*, autrement de Sala ou de Bachù, toute close & fermée de terre ferme & solide à l'euiron, dans laquelle plusieurs fleues & riuieres sans la croistre ou augmenter, se deschargent iournellement. Ce qui est cause que les plus sages & aduisez voyageurs & navigateurs disent qu'icelle a des voyes & chemins cachez sous terre, par lesquels elle entre & sort à cachette & à la desrobée dans l'Ocean & la Mer Mediterranée.

*
* *

K ij

*Descriptions particulieres de la Mer Oceane, Me-
diterranee, Mer Rouge, Mer Persique,
& Caspie.*

CHAP. XVII.



E seroit vne chose presque impossible de pouuoir descrire par le menu la grandeur & vastité de l'Ocean, depuis l'Orient, iusques à l'Occident, & depuis le Septentrion, iusqu'au Midy, seulement nous nous contenterons à present de dire que tout l'Ocean en general enuironne (au dire des nauigateurs modernes) du costé de l'Orient toute l'Asie & grande partie de l'Afrique, & du costé de l'Occident tout le costé Occidental de l'Europe, Afrique, & nouveau monde & terres descouuertes aux Indes Occidentales par les modernes Portugais et Espagnols nauigateurs; et du costé du Septétrion, grande partie de l'Europe, Asie, et nouveau monde, s'eslançant bien fort auant entre les Terres Groetlandie, et Labrador, sous le Pole Arctique, faisant l'Ocean glacé, ou Mer glaciale, & du costé du Midy grande partie de l'Afrique et Ethyopie, et nouveau monde vers le Cap de bonne Esperance, et destroit de Magellan, embrassant cest Ocean en son long et en son large infinies Isles situees en pleine Mer, lequel Ocean qui est du costé d'Orient est nommé *Oceanus Indicus*, Ocean Indique, ou de Cambaje, celuy qui est du costé d'Occident *Oceanus Atlanticus*, *Oceanus Aethyopicus*, *Oceanus Maglianicus*, *sive pacificus*, Ocean Atlantique, Ethiopique, Maglianique, ou

pacifique, ou Mer de Sur : celuy qui est du costé de Septentrion *Oceanus Glacialis*, Ocean Glacee, ou *Mare Scythicum aut Glaciale*, Mer Scythique ou Glaciale, & du costé du Midy, *Oceanus Australis*, aut *Mare Meridionale*, Ocean Austral, ou Mer Meridionale : à propos dequoy faut veoir ce qu'en escriuent les modernes nauigateurs, et Portugais et Espagnols en leurs œuvres, Abrah. Ort. en ses Synon. & ce que i'en ay deduict cy dessus au chap. 12. La Mer Mediterranee est celle, laquelle prouenant de l'Ocean cy dessus descrit, entre par Abyla qui est en Mauritanie, et Calpe, en Espagne deux promontoires appellees les colonnes d'Hercule, bien auant entre l'Afrique & l'Europe, diuisant ces deux parties du Monde. Et combien que ceste Mer semble vne et pareille continuation d'Eaux, si est-ce qu'elle est partie et diuisee en diuerses Mers, car celle qui arrose les bords d'Espagne est appelée Mer Iberique ou Balearique, celle qui arrose les bords de la prouince Narbonnoise, Mer Gauloise, celle qui baigne Genes, Ligustique, celle qui coule du long de l'Italie, Thyrene nommée des Grecs anciennement *Mer Ionique*, et des Latins, *Inferum Mare*, celle qui court à l'entour de la Sicile iusques au Crete, Siciliene, puis Cretique, allant iusques en Pamphilie & Egypte, puis Hellespontique, qui s'en allant vers le Septentrion baigne le long de Grece & Illyrie : puis celle qui court delà et se vient retraindre entre deux terres est nommée Propontide, où est le Bosphore de Thrace, puis Pontique, celle qui est au dos des Palus Meotides, laquelle pour cause de la multitude des grands fleuves qu'elle reçoit ordinairement est plus douce que toutes les autres Mers, et aussi plus nebuleuse et plus

petite, à ceste cause nommee *Pontique*; ; Et comme la Terre est nommee de plusieurs noms & appellations selon la diuersité & dissemblance de ses lieux & contrees, ainsi ceste Mer est appelée par plusieurs noms pour les Prouinces & Regions qu'elle baigne, à sçauoir pour & à cause des Isles, Balearique, Cretique, Cyprienne, *Ægee*, Carpatienne, & ainsi des autres, pour & à cause des Regions Asiatique, Africaine, Libyenne, Marmarique, & ainsi des autres: pour & à cause des gents & nations Gallique, Ausonienne, Dalmatique, Ligustique, & pour & à cause des villes Argolique, Corintienne, Tyrienne, Adriatique, Alexandrienne, à cause de la position du Ciel supérieure & inférieure, parce que l'Orient est la partie supérieure, & l'Occident inférieure: pour & à cause de la memoire d'un Roy de Grece nommé *Ion*, *Ionique*, pour & à cause des mœurs des peuples, Mer Euxine, autresfois appelée Euxene, & à cause des infortunes des hommes qui sont tombez en icelles Hellespontique, Hircanienne, pour l'ordre de fluer & couler Propontide, parce qu'elle court auant le Pont, pour le passage ou destroit fort anguste & petit, aisé à passer par des beufs, Bosphore: La Mer nommée des Latins *Pelagus*, est vne grande latitude de Mer sans bords ne ports, ainsi nommée d'un nom Grec *Πελαγος* latitude. La Mer rouge ainsi nommée, comme dict est cy dessus, par les Grecs Erythree, & par les Latins *Rubrum*, ou à cause du Roy Erythree, ou a *Solis repercussio*, aut *ab arena & terra Rubra*, ainsi qu'escruiuent Quinte Curse cy deuant allegué. Plin liure 6. chap. 23. Philostrate liure 3. de la vie d'Apollonius, Solin chap. 45. ou bien du Roy Ruber, qui commandoit autresfois en vne Isle de ceste Mer, ainsi que

dict Arrianus, liure 8. Mais comme il est plus vray-semblable, de la couleur Rouge de l'arene & sablon de ladite Mer, ou des Corails qui sont au fonds de l'Eau d'icelle, comme confirment Iean de Barros, liure 8. chap. 1. Decade 2. de son histoire des Indes, & autres nauigateurs modernes apres luy en leurs nauigations, nommee autrement *Sein Arabique*, en l'angage des Arabes, commence des l'Isle Socotora, appelee en Latin *Dioscoridis*, & finit au Septentrion, vers la ville de Sues, appelee en Latin *Posidium*, contenant enuiron 350. lieuës de longitude comme le specifie plus particulièrement ledit de Barros au lieu sus allegué. La Mer Persique, autrement *Sein Persique*, à cause des Perses, de present nommee *Mesendin*, est assez grande & spacieuse, representant presque en ses bords & riuages la forme d'une teste d'homme, à de longitude enuiron, 280. lieuës. La Mer Caspie, nommee des Parthes, Mer de Bachan ou Baccu, par les Tartares, *Chumalius*, *Comoria*, & *Chelucela*, sort & procede selon l'opinion de Pline, liure 6. chap. 13. Solin chap. 17. Mela liure 3. Strabo liure 2. Macrobe liure 2. du songe de Scipion, Martian liure 6. de l'Ocean ou Mer Scythique, & selon l'opinion de quelques autres prouient des Palus Meotides & de la Taue, & selon l'opinion d'Aristote, liure 2. des Meteores d'Herodote, Saint Thomas & autres nauigateurs modernes est faicte & produicte des seuls fleues, riuieres, & fontaines qui descoulent en elle, & ce à cause que celle est enfermee & enclose de tous costez de terre ferme & solide, sans aucune ouuerture pour recevoir les Eaux de la Mer Oceane, Mediteranee, Mer rouge ne Mer Persique, ne autres: Ce qu'apres Ptolomee liure 7. chap. 5. de la Geographie

asseurent & confirment les modernes nauigateurs en leurs œuures. Lesquels rapportent qu'on la peut toute enuironner en douze iours. Donc parce que nous auons deduiët cy dessus , nous apprendrons que tout ce que nous nommons *La Mer*, en general, enuironne & enuelope grande partie de la Terre , par l'Ocean Oriental , Occidental , Septentrional, & Meridional, qui sont comme son Corps, puis par la Mër rouge, Persique, & autres, tant petites Mers que grands Lacs, fleuues & riuieres qui sont comme ses bras, iambes, veines, cheueux & autres parties de son corps, par le moyen desquels elle se ioinët & vnit à ladite Terre : ce qui se peut aisement veoir par les Cartes, Globes, & Liures de Cosmographie & Geographie tant des anciens que modernes. Et ne seroit iamais faicët que vouloir entrer en la particuliere description d'infinies parties & parcelles de toutes les Mers de la Terre, & des diuers noms & appellations d'icelles Mers, desquelles les anciës & modernes Philosophes & Nauigateurs ont faicët mention en leurs Escrits. Mais ceux qui voudront estre contens & satisfaicëts en ce, lisent les œuures de Ptolome, Strabo, Dionysius, Plin, Solin. Pomp. Mela, Volaterran, Iean Bocace, Baptista Ramusio, Theuet, F. de Belle-forest, & autres qui ont recueilly les nauigations & voyages des Pilotes, Portugais, Espagnols, Italiens, François, & autres, lesquels ont veu & contemplé au long & au large toutes les parties de cest Vniuers.

*Des diuers cours & mouuemens en general tant de la Mer
Oceane, Mer Mediterranee, Adriatique, que autres.*

CHAP. XVIII.

LE grand Aristote liur. 2. du Ciel, chapitre 8. a asseuré que la nature n'a rien fait & operé de frustratoire & inutile en toutes les choses, mesme aux plus inferieures & petites de cest Vniuers, ce qu'estant il faut croire que la mesme nature n'a donné & attribué à la Mer en general des cours & mouuemens, sans vne grande & necessaire vtilité & commodité. Donc il faut dire que ces cours & mouuemens ont esté donnez & attribuez premierement à ladicte Mer, afin qu'elle ne vint à se pourrir & putrier. Car les cours & mouuemens empeschent la pourriture & putrefaction, laquelle est faite & causee par la chaleur externe, que la continuelle mutation de l'air engendrée par ces cours & mouuemens, empesche & oste du tout. Ce qui est ayse à comprédre par ceux qui marchent durant le Soleil, lesquels ont, & sentét moins de chaleur, & ardeur, que ceux qui sans marcher demeurent immobiles audit Soleil. Secondement que celsdicts cours & mouuemens ont esté donnez & attribuez à la Mer, à cause de la purgation de ses eaux, ainsi que confirment Seneque, liure 3. de ses naturelles questions & le Conciliateur en sa distinction 159. car par celsdits cours & mouuemens la mer iette & pousse hors de soy vers ses bords & riuages les corps morts, charonnes, bois des naufrages, & autres siennes immondiçes & souilleures

Tiercement, que lesdits cours & mouuemens ont esté donnez, & attribuez à la mer, pour & à cause principalement de la nauigation, à laquelle sont du tout vtiles & necessaires ces-dits cours & mouuemens, veu mesme que par iceux les Nauires paruiennent, entrent, & sortent aisement dedans & hors les portes d'icelle. Quatriesmement, que ces mesmes cours & mouuemens sont vtiles & necessaires à la confection du Sel, sans lequel la vie de l'homme seroit du tout miserable. Plusieurs grands personages anciens & modernes ont tenu qu'il est tres-certain que l'Eau de la Mer a eu de tout temps des cours & mouuemens continuels & perpetuels, afin qu'icelle ne fust à la longueur des ans consummee par l'air & par les rayons du Soleil; mais ceux qui prendront de pres garde à ceste opinion, ne la trouueront certaine & asseuree; Car si icelle estoit vraye, ie demanderois aux personnages cy dessus ce que s'ensuit: Pourquoi la Mer n'auroit-elle ce cours & mouuemens continuels & perpetuels en tout & par tout; & pourquoi ne les auroit-elle aussi bien en hyuer qu'en autre temps & saison de l'annee? Et les Mers Islandiques & Scythiques n'auoient-elles pareils cours & mouuemens? Lesquelles ne sont iamais eschauffees des rayons du Soleil, & toutesfois sont esmeues & agitees? Il me semble veoir ces personnages me respondre que les parties de l'Element de l'Eau de la Mer suiuent les cours & mouuemens de leurs autres parties. Ce que s'il est vray pourquoy iceluy Element ne pourra-il estre meu & remué entre les cercles de son contournoyement legèrement & soudainement? Ce que n'aduiant que bien peu en la Mer Angloise, & point du tout en icelle

qui est estenduë deffous le Pole Septentrional : Au contraire desquelles Mers celle de Flandres a de si grands & violens cours & mouuemens que la plus part du temps elle emporte & entraïne avec elle ses dignes bords ou riuages. Et diray encor que si l'opinion des personages cy dessus estoit vraye & certaine; il n'estoit pas vtile & necessaire que l'Element de l'Eau de la Mer eust ces cours & mouuemens durant la nuit : Car veu que ces cours & mouuemens ne sont faicts par la forme interieure, icelle Mer à peu les auoir non necessairement, mais aussi ne les auoir aucunement : D'auantage pourquoy la Mer est-elle en repos aux quarrez de la Lune, veu que icelle Lune est pluschaude & forte en ces quarrez qu'elle ne l'est en son commencement ? Et pour le faire court, qui est celuy qui a frequenté la Mer qui ne sçache bien qu'icelle au temps de la Canicule durant la grande & ardante chaleur du Soleil, n'a pas de plus grands cours & mouuemens qu'en autre saison de l'annee : Et tant s'en faut que la Mer aye ces cours & mouuemens à cause de l'air & des rayons du Soleil, qui l'eussent consommée à la longne par leur force, sans iceux cours & mouuemens, qu'au contraire iceluy air & rayons du Soleil augmentent plustost ceste force, pour la consommer & dissiper; Car c'est sans doute que l'Eau est amoindrie & esuaporee par ces cours & mouuemens. Il y a aucuns autres personages qui ont asseuré que la Mer n'a eu ces cours & mouuemens, sinon pour empescher la putrefaction & pourriture qui luy fut aduenue sans iceux cours & mouuemens, & que la raison pourquoy l'Element de l'Eau ayant des cours & mouuemens ne se pourrit & putrisse, est telle, que

toutes les Eaux sont faictes & rendues pourries & putrifiées par la chaleur externe, laquelle icelles Eaux ne recoiuent pour l'une & l'autre mutation de l'air, & que double fin de cours & mouuemens se trouue aux fleuves & riuieres l'un, de conseruation, & l'autre à cause des hommes, & des animaux. Car iceux fleuves & riuieres coullent & passent par plusieurs & diuerses estendues de pais & regions, afin qu'ils soient en vſage aux hommes & animaux d'iceux pais & regions: & poursuient les personnages cy dessus que la premiere fin de ces cours & mouuemens est conioincte avec vne autre cause, de laquelle aussi elle depend, à ſçauoir de la forme. Car la grauité faict auoir cours et mouuemens à iceux fleuves & riuieres à cause qu'ils sont hors de leur lieu: A ce propos le prince des Philosophes aux liures des parties des animaux, et de la generation des animaux a rendu double cause de cecy, l'une qu'il appelle en son langage Grec, τὸ ἐξ ἀνάγκης, telle qu'est la grauité, Car les fleuves & riuieres ne peuuent qu'ils ne courent & se meuuent, l'autre, ὁρὰ τὸ βέλπιον: Car iceux fleuves & riuieres eussent peu courir tout droit; Mais si cela eust esté, ils eussent esté sans fruit & commodité aux hommes, & aux animaux, à cause desquels ils ont esté faicts & produits pour double commodité: La premiere, pour la commodité d'iceux communiquee en plusieurs & diuers lieux de la terre pour leurs cours & mouuemens diuers & dissemblables: La seconde à cause que les Eaux sont soustenuës plus longuement & plus abondamment pour leurs cours & mouuemens plus grands, & pour estre icelles retardées par l'object de leurs riuies & riuages plus

fermes & solides. Ces propos premis nous apprendrons que les plus grands Philosophes anciens, au rapport d'Aristote liure 1. des Meteores, de Pline liu. 2. de son histoire. Strabo liure. 17. de sa Geograph. d'Ouide au 15. de sa Metamorpho. & autres, tiennent que l'Element de l'Eau que nous appellons la Mer, combien que non engendree ne corruptible en son entier, est toutesfois muable, c'est à dire, changeant de place selon que l'attire la celeste & naturelle vertu: Ce qu'ils preuuent par les Gades Orientales, esleuees vn temps par Cyrus, ou Semirame, ou bien par Alexandre, du conseil de Beton & Diogete; Et les Occidentales nommees le Castel Pharamond, rapportees à Briaree ou Hercule, les Orientales posees pour borner & faire limite au riuage de la Mer Orientale souz la ligne eclyptique, estant maintenant noyees en Mer non moins d'un mille, & les Occidentales pareillement dressees pour vn joignant confin de la Terre & de la Mer, estant esloignee maintenant de la Mer de mesme espace, tesmoignant ces Gades que de la part d'Orient la Mer auancee d'un mille sur la terre, en a autant laisse à sec au rinage Occidental. Et ne pouuons que trop grossierement nier ces cours & mouuemens ordinaires de la Mer, diuers selon les regions & contrees diuerses, desquels la plus generale cause semble estre sa qualite à cause de laquelle, elle, & les autres Elemens, à sçauoir le feu, & l'air, imitent en tout & par tout le mouuement circulaire du Ciel, ainsi que le demonstre fort excellemment le grand Cardinal Contaren, liure 2. des Elemens, ou bien la naturelle inclination d'icelle Eau, coulante à cause de sa grauité du haut cōtre bas, & l'alleurance

route esprouuee par ceux qui ont couru plusieurs diuerses Mers, lesquels asserment constamment que la Septentrionale est plus haute, à cause qu'icelle est moins eschauffee par les rayons du Soleil, & par consequent moins amoindrie, & desseichee, & par necessité, plus abondante en humidité, dont icelle Mer enflée, se menst du Septentrion en Orient, d'Orient, au Midy; & de là en Occident, pour du Septentrion continuer son cours vniuersel & iournalier, contraire, à la mode & façon du Ciel, au grâd & lent mouuement celeste, qui est faict & causé d'Occident en Orient; Vray est qu'Augustin Niphus en ses Comment. sur l'Aristote n'a voulu croire ce que dessus de la hauteur, de la Mer Septentrionale, à asseuré que la Terre penchoit depuis le Septentrion iusques au Midy & Pole Antartique, ce qui estoit cause que les Eaux decouloient de la partie Septentrionale, & non de la partie Australe. A quoy a adheré E. Vicomercatus en ses Comment. sur le 2. liure de Meteores d'Aristote, avec lesquelles causes cy dessus qui appartiennent à la seule Mer Oceane, on peut (au dire des dessusdicts) adiouster aux Mers particulieres, les montagnes ioignantes, & les fleuves & riuieres descendans continuellement en icelle, lesquels selon l'aduis du Timee, enflent ainsi les Eaux. Qui plus est, les modernes navigateurs au rapport dudit grand Cardinal Contaren, liure 2. des Elemens, ont obserué en la Mer vn autre grand cours & mouuement sensible, suiuant l'ordre du premier mobile, d'Orient en Occident, qui se faict cōtinuellement & manifestement sentir à ceux qui passent d'Espagne aux Indes Occidentales: Car ils employent beaucoup moins de temps à leur aller,

qu'à leur retour, leur aller estant de 24. iours, à cause qu'il est selon le Courant de la Mer, & le retour estant de trois ou quatre mois, à cause qu'il est contre le courant de la Mer; Comme au contraire ceux qui nauigent depuis le Cap de bonne esperance iusques en Canarie, en Calecut, & Cochin ne peuuent si ce n'est avec vne grande ayde & plus que favorable des Vents, gagner le courant qui tend de la part du Leuant vers le Ponant sa partie opposite. La cause duquel cours & mouuement ce grand Cardinal à ainsi deduiet au lieu sus-allegué. Nous ne pouuons penser & estimer qu'il puisse y auoir autre cause en nature de ce cours & mouuement lequel est apperceu en l'Ocean estre perpertuel vers le Soleil couchant, que le mouuement iournal des Cieux par la force duquel les Spheres mesme du feu, & aussi vne bonne partie de l'air sont entraidez & emportez avec iceluy mouuement. Car il est impossible que naturellement l'Eau de l'Ocean soit esmeuë par ce mouuement: Car il est certain selon nature, qu'il y a seulement vn mouuement simple en chacun corps, simple donc ce mouuement procedé d'vn moteur extrinseque; Et ne voit-on aucun corps qui touche à l'Eau, & l'environne par force. Par consequent donc il reste que l'Ocean soit meu par ce mouuement cy dessus deduit, par la force de la qualité coulante sur luy par vn certain corps extrinseque; & est vray semblable qu'il n'en peut estre autre cause outre ceste celeste qualité s'espandant & espanchant sur tous, les Elements, laquelle en façon de lumiere despend du Ciel & est conseruee par le Ciel, à cause dequoy ce corps celeste faisant son cours & mouuement

„ en rond , en ce mesme temps , s'il faut que ie le die
„ ainsi , icelle qualité faiçt aussi le sien en rond , &
„ faiçt aller de mesme la Sphere du feu , & grande
„ partie de l'air. Et encor que le feu & l'air à luy con-
„ tigu & proche puissent estre esmens & remuez en
„ rond par le Ciel seul , toutesfois ie croy que ce qui
„ est deduit cy dessus , est la seule cause de ce mouue-
„ ment perpetuel de la Mer Oceane de l'Orient vers
„ l'Occident. Et quant à moy , ie croy qu'il y a pa-
„ reille cause en ce mouuement , lequel est faiçt en la
„ Mer Mediterranee tout le long des bords & riu-
„ ges d'icelle ; par lequel icelle est mené vers le de-
„ stroit de Gibraltar le long des bords & riuages de
„ l'Europe, & derechef s'en retourne vers l'Orient le
„ long des bords & riuages de l'Afrique & Asie: car
„ à cause qu'icelle estât enserree & cōme enfermee
„ entre ces bords & riuages , elle ne peut librement
„ estre meüe d'Orient en Occident pour l'empes-
„ chement de cesdits bords et riuages; pour & à cau-
„ se desquels icelle imite et suit le mieux qu'elle
„ peut ce mouuement circulaire : Et pour ceste oc-
„ casion elle se meut comme en rond, et va lauer et
„ enuironner en suite tous iceux bords et riuages.
D'abondant c'est chose estrange qu'en Mer calme
et tranquille se voyent quelquesfois les Nauires
en vn moment , comme si elles faisoient Eau de
toutes parts aller en fonds, ce que voyans les plus
subtils ont diçt que cela aduient des Abysses, où
l'Eau est morte, & impuissante à soustenir les Naui-
res , ou bien des regorgemens , haussmens, ou s'il
faut ainsi parler, des enfleures d'Eaux , qui engen-
drent le plus souuent des cours & mouuemens, ou
des flots & reflots tels que ceux qui sont faiçts selon
le cours

le cours & mouuement de la Lune, si meilleure ne semble & plus pertinente la raison apportee par Arrian qui parlant du fleuve Indien Silas, sur lequel aucune chose ne peut nager, mais tout va au fonds, dict que cela est faict à cause que ceste Eau est plus vaine, foible, & aeriene qu'autre que ce soit, comme aussi il y a de l'air si tenuë que les oyseaux ny peuvent voler: ou possible ceste eau est douëe de quelque vertu attirante à soy, comme sont l'Ambre & l'Aymand; que si cela est, il est encor plus esmerueillable qu'au milieu de la largeur marine, il y souspire des euaporations de feu, sourdent des sources des fontaines, s'ouurent des portes de fleuves & riuieres, apparoissent naistre des arbres & autres telles choses, lesquelles causent en la Mer infinies autres cours & mouuemens tout autres que les precedens. Ceux qui ont veu & contemplé de pres à l'œil les diuers cours & mouuemens de la Mer, ont apperceu que tous les Lacs, fleuves, riuieres, ruisseaux, & fontaines de la Terre courent & s'aualent en fin en icelle Mer, & qu'icelle monte à ces Lacs, fleuves, & riuieres, ruisseaux & fontaines plus ou moins qu'elle est pres ou eslongnee d'iceux, chose laquelle semble estre tres-merueilleuse en nature: à cause que l'Eau de son naturel descend continuellement, parce que elle est l'Element le plus graue & pesant de tous les autres apres la terre: Que si ces Lacs, fleuves, riuieres, ruisseaux, & fontaines de la Terre sont plus hauts que la Mer, icelle ne deuroit pas monter à iceux: & si la Mer est plus haute qu'iceux, iceux ne deuroient pas courir & s'aualler en la Mer: C'est pourquoy en cest endroit on pourroit non sans occasion faire doute comment la Mer qui est toute

vn seul corps, à tant de cours & mouuemens differens & contraires? tellement qu'une Eau de la Mer court d'un costé, & l'autre de l'autre? Ce qui donne lieu de dire, selon aucuns personages, que la Mer se meust en ces cours & mouuemēs par cas fortuits, & sans aucun ordre, ou qu'elle est esmeuē & agitée par differens moteurs: chose laquelle ayant esté bien considérée par Albert le grand au troisieme traicté chap. 6. sur le 2. liure des Meteorēs en a dict
„ ce que s'ensuit. Quelques-vns veulent que pour
„ mettre fin à toutes les difficultez qu'on pourroit
„ alleguer pour le regard des diuers cours & mou-
„ uemens de la Mer, on doit dire avec Seneque, qu'il
„ n'y a aucune cause des cours & mouuemens des
„ Eaux à vn lieu, ou à l'autre, sinon les lieux hauts &
„ bas, ou bien la force & multitude des Eaux, les-
„ quelles estant comprimees & resserrees cherchent
„ de descendre en lieux plus amples & capables, ex-
„ cepté ce seul cours & mouuement par lequel la Mer
„ croist ou décroist, lequel est fait & causé par la
„ vertu, force, & puissance du corps & des rayons de
„ la Lune. Et pour demonstrier que ce dire de Sene-
que est tres-certain & veritable, le mesme Albert &
quelques autres Autheurs apres luy disent que les
Eaux de la Mer croissent en toutes les parties du
Monde, c'est à sçauoir en Orient, Occident, Septē-
trion, & Midy, & aussi décroissent en toutes lesdi-
tes parties, & que par ainsi la Mer n'a point de partie
propre ou elle commence son croist ou décroist, &
qu'ainsi l'Eau se meust par accident d'une part en
l'autre, sauf vers le bas; ce cours & mouuement ne
luy venant pas par accident, mais par propre essence
conuenante à la forme, ou bien quand estāt en grāde

abondance comprimée & resserree elle cherche de descendre, ainsi que i'ay ja remarqué, en lieux plus amples & capables. Il y a aucuns modernes Pilotes & navigateurs qui ont couru au long & au large la Mer Oceane, lesquels assurent qu'icelle n'a point naturellement de flots: mais que seulement pour sa gravité, elle a son cours de la partie plus haute qui est le Septentrion, vers la partie plus basse, qui est le Midy, à cause que l'ordinaire & perpetuelle aspre, & vehemente frigidité du Septentrion, reduisant l'air en eau, faict qu'icelle Eau est contrainte de courir vers la partie du Midy, comme plus basse que celle du Septentrion, tellement que tant plus l'eau se multiplie & hausse par la frigidité, tant plus au contraire elle se diminuë vers le Midy, & se baisse à cause de l'aspre & violente chaleur du Soleil qui la consume, & conuertit en air, faisant son flot vers le Midy: A ce propos I. Podin chap. 5. de sa Methode de l'histoire, apres Niphus cy dessus allegué sur le 2. liu. des Meteores d'Aristote a escrit que le Globe de la Terre est grandement prominent au Septentrion, & au contraire le Globe de l'Eau au Midy, & que la Terre qui est libre d'Eau est toute du côté de Septentrion; si on definit par l'Equateur les bornes & limites du Septentrion & midy, à cause dequoy la Mer & l'Eau d'icelle sont portees d'une grande impetuosité du Septentrion au Midy, ce qu'à remarqué H. Cardan l'ayant apprins des Nautonniers passans en Angleterre & Hybernica, mais à cause qu'il n'a rendu raison de ce, il a esté à bonne & iuste occasion repris par Iules Cesar, Scaliger exercitation 37. contre ledit Cardan comme ayant inuenté cela de luy mesme: Mais il y a diuerses opinions comme le

Flot de la Mer se peut tourner & virer vers les autres parties du Monde, veu que ce n'est pas le naturel de l'Eau d'aller vers icelles parties. Aucuns attribuent cecy à la vertu & puissance du Soleil, lequel estant souz la Zone Torride reschauffe les eaux de la Mer qui sont salées, & par consequent grosses & condenses, en telle sorte qu'il rend subtiles les parties d'icelles moins grosses & denses, & qu'icelles amoindries elles viennent à enfler tombans tousiours des deux costez, & occupans plus grande espace, qui cause le flot, & quand les parties subtiles se viennent à consumer en l'air, que les Eaux se baissent, en faisant le refflot. Les autres disent que les Vents sont seuls causes de cela, lesquels viennent & procedent des rayons du Soleil durant le iour, & de la chaleur enclose dedans la concauité de la Terre durant la nuit. Les autres que ce sont les grandes courses des Lacs, fleuues, & riuieres qui descendent continuellement en icelle, lesquels la font mouuoir avec l'aide des rochers, Isles, bords, & riuages d'icelle, lesquels sont courbez & conuexes, qui seruent beaucoup à ces cours & mouuemens: Mais la plus grande partie des anciens & modernes Philosophes, Astronomes, & Nauigateurs attribuent la cause du flot & refflot d'icelle, à la Lune aydee de la vertu & puissance du Soleil durant le iour, considerans en eux mesme combien sa force est grande sur l'humidité des corps des animaux, & des autres choses humides, comme il est manifeste en plantant, entant, & coupant les arbres au croissant de ladite Lune, parce qu'alors ils abondent en branches & feuilles, mais quand elle decroist ils n'abondent ainsi: Les huitres, coquilles, & escreuisses, & autres sembla-

bles sont pleines au croissant & au plein de ladicte Lune, & au contraire, quand elle décroist, & est en son defect, icelles ne sont pleines ains presque vuides, tellement qu'icelle Lune dominant sur les choses humides, ainsi que demonstre amplement Anthoine Mizauld en son Opuscul des secrets de la Lune, on a peu cognoistre qu'elle domine du tout sur vne tres-grande humidité comme est la Mer Oceane, laquelle a son flot & reflot selon le variable aspect d'icelle Lune, en laquelle aucuns imaginent y auoir vne particuliere influence & vertu laquelle tire à soy l'Eau de la Mer, tout ainsi que l'Aymant faißt le fer, & l'ambre la paille: mais pour autant que ceste opinion est erronee en beaucoup de choses, ainsi que ie demonstre amplement cy apres au chap. subsequence: Nous n'en ferons pas grand cas à present, veu qu'icelle ne demonstre pas bien le moyen à la verité du flot & reflot, lequel naturellement & selon la plus grande partie des plus doctes & sçauans personnages de cest vniuers, ainsi que ie deduis plus amplement audit prochain chapit. procede de la diuersité des coins des rayons de la Lune sur icelle Mer Oceane estant la Lune en Orient ou au Midy, proche ou loing du Soleil. Et comme l'eau bouillant dans vn vaisseau croist tant & si longuement que la flamme & ardeur du feu est dessouz le vaisseau, laquelle flamme ou ardeur estant ostee, icelle Eau aussi décroist, ainsi ce pendant que la Mer est regardée des rayons de la Lune comme d'vne flamme & ardeur de feu, elle croist en son flot, & quand icelle Lune descend en l'Occident, icelle Mer décroist tellement, que le flot vient naturellement de la presence de la Lune, & le reflot par accident de son ab-

sence, principalement en la Mer Oceane, à cause de sa vastité & grandeur, avec laquelle icelle Mer reçoit continuellement beaucoup de rayons non seulement de la Lune & du Soleil, mais aussi des autres corps celestes, & principalement des corps celestes d'humide nature: Car icelle Mer croissant six heures continues, & décroissant autant apres, elle vient à flotter & refloter deux fois en vingt quatre heures, qui sont quatre mutations durant vn iour naturel, procedans du cours & mouuement iournal, de la Lune diuisee en quatre quartiers desquels la premiere mutation est depuis le poinct de sa naissance iusques à la ligne de Midy, la seconde depuis la ligne du Midy iusques au poinct du coucher, la troisieme iusques à la minuiet, & la quatriesme depuis minuiet iusques à sa naissance: Et icelle Lune en se partant delà pour venir vers le Midy en montant au dessus de nostre Hemisphere, en l'espace de six heures les Eaux se viennent à hausser par autant d'espace, & au contraire en descendant de nostre Hemisphere vers l'Occident icelle perd sa vertu de les hausser, tellement qu'icelles Eaux comme abandonnees en décroissant s'en retournent à leur premier cours accoustumé: Autant en aduenant quand icelle Lune se part de l'Occident pour aller vers la minuiet: car en se haussant au dessus de l'Hemisphere inferieur, la Mer se hausse pareillement, & coule par l'espace de six heures, & s'en retourne par autres six, ce pendant qu'elle abandonnant le lieu à l'opposite du Midy s'en retourne en Orient. Voilà donc comment la cause du flot & reflot au iugement des plus doctes & sçauans est apparente & manifeste en la Mer Oceane, en laquelle iceluy se faict deux fois en

vn iour naturel , semblablement aux autres Mers particulieres ou il se faict plus grand ou moindre selon que icelles Mers sont plus proches ou plus esloignees de la Mer Oceane : Car en celles qui sont proches il appert manifestement comme en celles d'Angleterre & Normandie , & au commencement de la Mer Mediterranee vers la France & Espagne, à cause de sa grandeur & profondeur : Au contraire en la Mer Adriatique qui est peu profonde, ou il est bien different de celuy des autres parties de la Mer Mediterranee, ou il y a tousiours flot apparent & point de reflot, soit parce qu'aucuns ont voulu soutenir que grande partie de ceste Mer vient par desfoubz Terre de la partie du Septentrion , tellement qu'elle est neecessitee & contrainte courir vers la partie opposite , ou selon aucuns autres , à cause de la grande multitude d'infinis grands fleuves & riuieres , lesquels descendans de plusieurs parties du Monde en icelle , là sont croistre & courir impetueusement vers le Propontide , & de là en la Mer Egee , puis en icelle Mer. Ceux qui ont consideré de plus pres les cours & mouuements de ceste Mer Mediterranee sçauent assez , ainsi que le rapporte le grand Cardinal Contaren, liure second des Elemens , comme ie l'ay deduiet cy dessus de mot à mot, qu'outre le cours & mouuement ordinaire & coustumier qu'icelle Mer a de six heures en six heures , mais bien petit s'il est conseré aux cours & mouuemens de la Mer Oceane, lequel toutesfois est certain comme ceux de l'Ocean, fors en la coste de la Mer Thyrrene , Prouençale & Narbonnoise, ou il n'y a que bien peu de cours & mouuement , il y en a vn autre bien estrange, lequel est

cause du tournoyement que faict ceste mer, en mouvement circulaire: Car estant icelle contrainte & comme enuelee par tant de hauts & fermes limites qui la bornent de tous costés d'Europe, Asie & Afrique, & n'ayât issuë pour entrer en la Mer Oceanne, que par le destroit de Gilbratar, elle cōmence depuis le destroit de Gallipoli à vouloir suiure le cours & mouvement naturel d'Orient en Occident; mais empeschee par la rencontre des Terres de l'Europe, elle va flottant & lauant les riuages des Isles de l'Archipelague, puis hurtant la Moree, tourne contre la Grece, suit le riuage de la Dalmatie, d'Illyrie & d'Istrie, ou ne trouuant point de sortie, elle tourne son cours & mouvement contre les riuies de la marque d'Ancone, d'Aboux, de la Pouille, de la terre d'Otrante, & la pointe de Reggio, d'où retournant entre & autour de la Sicile, elle court tout le long du Royaume de Naples, de Romme, de Genes, des Gaulles & d'Espagne, & estant là arriuee, trouuant l'emboucheure de Gilbratar toute estroite, elle retourne flottant contre la Mauritanie, & les autres riuages d'Afrique iusques aux bouches du Nil; ainsi reculant contre le Soleil leuant, laisse l'Egypte, suit les bords de Iudee, Surie, Caramanie, & autres terres d'Asie, retournant ainsi iusques au destroit de Callipoly, duquel le passage pour entrer en la Mer Majeur, n'estât assez large, joint que la violente abondance des fleues & riuieres qui descendent continuellement en icelle, y engendrent, ainsi que i'ay ja remarqué cy dessus vn ordinaire flot, sans reflow, puis icelle mer reprend le chemin du cours & mouvement que i'ay prins cy deuant, imitant de beaucoup en ce cours & mouvement la forme circulaire & ronde,

ne prouenant ce cours & mouuement selon le dire dudit Cardinal Contaren liure 2. des Elemens, que de la cause du mouuement iournal de vingt-quatre heures, lequel emporte & entraïne avec soy d'Orient en Occident les Elemens du feu, de l'air, & de l'eau pareillement. Quant à ladite Mer Adriatique, & principalement celle qui est vers Venise, elle a son flot ordinaire qui se fait deux fois le mois: Car alors que la Lune marquant son premier ou son dernier quartier est éloignée du Soleil par 90. degrez, ceste Mer demeure sans cours & mouuement de flot apparent, pource peut estre que la Lune montant sur l'Orison contre le Midy, costé ordinaire duquel elle fait esleuer la Mer pour esmouuoir le flot accoustumé, elle souffre vne empesche par le Soleil descendant ou du point meridional contre le couchant, ou du point de la minuit contre l'Orient, & semble qu'autant qu'en s'esleuant contre la ligne meridionale, elle tasche d'attirer & esleuer la Mer en son ebullition ordinaire, le Soleil descendant de la ligne cōtre l'Orison empesche son effect, tellement q ceste mer semble estre sans flot & reflux, d'autant que les raiz de ses deux luminaires lancez diuersemēt sur les Eaux, diminuent la force l'un de l'autre. Puis il aduient qu'aux iours de conionction & d'opposition, pource que ces deux Astres sont disposez aux endroits, d'où l'un & l'autre tend à vn mesme effect ceste mer se voit esmeu de flots plus bouillonnans. Donc ainsi est la cause de ces cours & mouuemens, plus pertinemment appropriée à ce que est deduit cy dessus, qu'aux Vents, ainsi que veulent aucuns, qui soufflent sous lesdites Eaux, comme l'on pense les tremblemens de Terre proceder des Vents em-

prisonnez dedans les Cauernes terrestres : ou que de penser comme quelques autres l'ont voulu , que la Mer soit vn des membres ou parties de cest Vniuers qui est vn grand animal , laquelle Mer par sa respiration , en expirant pousse ainsi les ondes, & puis en inspirant les retire ainsi dans soy-mesme , ainsi que semblent l'auoir creu Strabo liure 1. de sa Geograph. Apollonius liur 7. chap. 5. de Philostr. & I. Solin cha. 26. de son Polyhist. l'absurdité desquels propose est clairement enseignee par ce grand iules Cesar. Scalliger exercitat. 52. contre H. Cardan de la Subtilité. Outre les cours & mouuemens cy dessus deduits d'icelle Mer, elle en a d'autres aux Equinoxes pendant que la Lune est en sa conionction avec le Soleil, lesquels cours & mouuemens sont plus grands & violens , & aux Solstices , elle les a moindres que aux autres saisons de l'année: La cause qu'on peut rendre de ce estant , que les Soleil & la Lune courans par le Cercle Equinoctial, le plus grand & droit de tous les autres Cercles celestes, viennent à eux lancer à plomb, & consequemment à auoir plus grande force & puissance de faire enfler les Eaux , & produire & engendrer plus grands flots vers lesdicts Equinoxes, au contraire courans par les Cercles solstitiaux qui sont moindres & biaisez plus que les autres, iceux Soleil & Lune se viennent à hausser moins, & à ceste cause font aussi moins hausser & enfler les eaux de ceste Mer, & par consequent font produire des flots petits: Ce qui faict qu'il n'y a pas si grands flots vers les Solstices , comme il appert mesme en la Mer Oceane, & beaucoup plus en la Mer Adriatique, à cause qu'elle n'est guiere profonde ne large, ainsi que j'ay ja dict, & particulièrement

dedans les Canaux de Venise plus qu'en autre lieu, pour n'estre iceux guieres profonds & larges: Et tout ainsi que ce cours & mouvement suit principalement les mouuemens de la Lune, aussi en la Mer Mediterranee il y en a vn autre qui suit la lumiere de la Lune. Car si l'autre se faict deux fois en vn iour naturel, cestui-cy dure vn mois continuel, commençant à croistre depuis la conionction iusques à l'opposition, & au contraire il defaut depuis l'opposition iusques à la fin du mois de la Lune: Quant au premier cas, à cause que la Lune rend plus de lumiere, & à plus de puissance de enfler les Eaux, elle faict & cause ce flot. En second lieu, icelle Lune en décroissant de lumiere est cause du reflat ausdictes Mers, esquelles y a quelques destroicts qui recoiuent ce flot different des autres quant au temps. Comme le destroit de Negrepont, auquel ce cours & mouvement redouble sept fois en vn iour naturel, à cause de l'estroit & anguste espace d'iceluy; Lequel si aux Mers particuilers est cause accidentalement de ces flots particuliers, à plus forte raison, il en sera cause en ceste-cy & autres semblables comme plus estroicte & anguste que toutes les autres: Car les Eaux marines eleuees au milieu par la vertu de la Lune, courent incontinent aux parties externes & dernieres qui sont vers les bords & riuages d'icelle, lesquels les repoussant en arriere, sont cause qu'icelles Eaux s'en retournent incontinent au milieu, ou elles se viennent à hurter & choquer les vnes à l'encōtre des autres, & en multipliant leurs vagues sont derechef repoussees vers lesdicts bords & riuages, tellemēt que par ces estroites voyes elles sont faites & renduës grosses vagues, & viennent

à redoubler souvent les cours & mouvemens; lequel au cōtraire s'estendât en la largeur des hautes Mers, se vient à dissiper & rompre en chemin deuant qu'il puisse estre repoussé des riuages, & puisse arriuer au milieu, comme au destroiët de Negrepont, lequel pour les causes & raisons cy dessus deduictes est de beaucoup different en nombre & quantité de flots, à ceux des autres Mers; & en impetuosité au destroiët de Messine. Car tant plus iceluy est de la situation estroite pour s'elargir, d'autant plus il est atteint de la longueur, pour l'eslongner & courir aux heures du refflot en l'vne des deux Mers, entre lesquelles il est enclos, & en se remuant en ce destroiët il a son cours fort rapide, & en ceste rapidité est fort different des autres destroiëts & Mers, ou il change en chacune d'icelles pour les raisons cy dessus alleguees, par le moyen desquelles en ce que se peut estendre la subtilité & capacité de l'entendement humain on peut venir à la cognoissance de la vraye cause pourquoy le flot n'est pas pareil & semblable en toutes les Mers. Quant au flot & refflot du destroiët de Galliopoly il est tres-esmerueillable, duquel parlant les anciens ont pensé que les Terres voisines (à sçauoir les bords & riuages de Thrace d'un costé, & ceux d'Asie de l'autre) sont cauerneuses, & que ces Terres cauerneuses hument & attirent à elles les eaux qui fluent en cest Euripe, puis apres les vomissent, dont se voit le flot & le refflot, & ainsi humans & attirans font le flot, & reuomissans par apres le refflot; mesme & pareille raison estant en Sicile, Charybde, & autres Gouffres de la Mer. Les Pilotes modernes assurent que depuis le dernier bout de la montagne Atlas qui aboutit à

l'Océan au lieu nommé Mejes iusques à la ville de Tingit , & de là iusques en l'Isle de saint Thomas il n'y a nul reflux de Mer ; Ce qui prouient à ce que disent ces Pilotes , de ce que la il y a vn angle de riuages sans aucune tortuosité ou reflexion , & que la Mer est en cest endroit , libre & non bordee d'aucuns empeschemens de bords , riuages & promontoires. Ce qui a occasionné aux Pilotes Portugais de nommer ce lieu Anglé Royal. Et pour ne detenir icy plus longuement les Lecteurs beneuoles , nous dirons qu'en quelques Mers il se treuve peu de flux, comme en la Mer Ligustique, Thyrrène, & Narbonnoise ; & aussi auprès de Barcelonne en l'Espagne. Qui plus est , la coste des terres fermes des Indes Occidentales par l'espace de plus de trois mille lieues aux endroicts des Isles de Cuba, Espagnole & autres de ce costé tirans au Nort, n'a aucuns flux ny reflux. Au contraire en quelques autres Mers beaucoup de flux grands cōme en la coste Australe vers Panama, Isles perleuses, Taboga otoque & coste de Midy vers Begara, en la plage indique vers le Gange & les emboucheures du fleuve Iude, en la Mer de Gotie, Flandres , Bretagne, Portugal, & Mer Rouge. Et ordinairement & plus souuent le Flux de Mer est plus grand & proportionné en la Mer Oceane, qu'en autres Mers de la Terre ; & communément ce Flux est plus grand & violent aux bords & riuages de la Mer, qu'en pleine Mer ; mesme aux fleuves qui entrent dans la Mer il y a grande diuersité : Les fleuves de Portugal se reculent en arriere par le flux de la Mer , & les fleuves Atlantiques, non ; la Tamise en Angleterre s'en retourne vers sa source par le flux de la Mer , bien enuiron cinquante mil-

liaires: le Bete en faiçt presque autant en Espagne. Outreplus le flux de la Mer n'est proportionné tousiours par temps & heures certaines. Car en l'Ocean & autres parties d'iceluy ce flux cōmunément s'enfle en six autres heures, & se diminuë du tout en six autres heures. Dans la Garone ce flux se faiçt en sept heures, & s'en reua en cinq heures, vers la Guinee ou Ethiopie, la Mer appelée par les Portugais Mer de Ginegha faiçt son flux en quatre heures, & son reflux en huit heures vers les bords qui sont aux environs de la Guinee le flux de la Mer y est si violent & fort, que trois ou quatre ancrs sont bien empeschées de retenir vn nauire qu'il ne dōne à toute heure contre les bords & riuages. Au bord de Cambaie, pres les bouches du fleuue Indus. La Mer en deux heures couure par son flux bien enuiron 30. lieues de terre, & en deux autres heures par son reflux elle decouure, & faiçt ce flux avec vne telle rapidité, que les hōmes à grand peine peuuent esuiter par leur course que ce flux ne les engloutisse; & à cest incōuenient ils remedient par les sons de certaines cymbales qui aduertissent ceux qui sont aux bords du riuage, de gagner le haut. Qui plus est, le flux de la Mer n'est faiçt en mesme & pareille heure, car tousiours par chacun iour il est retardé, c'est à dire, vient plus tard que son iour precedent de quatre quintes d'heures, ainsi que ie diray plus amplement par cy apres. Cependant oyons ce que diçt ce grand Iules Cesar Scalliger Exercitation 52. contre H Cardan de la Subtilité. D'autant que la Lune est si cslongnee de la Mer, plusieurs ont estimé comme impossible que la Lune eust vne si puissante influence: mais ils ne doiuent trouuer cela non-plus estrāge en la Lune, qu'en l'Ay-

mant la propriete d'attirer le fer. Or l'on void,,
cela manifestemēt qu'és quartiers de la Lune il y a,,
calme en Mer & agitation quand la Lune est au,,
plein, & sēble que l'eau desire de toucher ceste Pla-,,
nete tant on la void s'enfler, ce qu'elle ne faict pas,,
ainsi au remonter du Soleil. Elle a donc double agi-,,
tation le flu au branle du premier mobile d'Orient,,
en Occident, le reflux au contraire, & en certains,,
momens, comme au reserrement & relaschement,,
du cœur l'on remarque aussi deux mouuemens, tel-,,
lement qu'aux reflux l'on void des riuages à sec,,
cōme en la Mer de Venise, & des guais qu'on peut,,
trauerfer, & qui puis apres sont couuertes de va-,,
gues. En ceste sorte vn port nommé *Diubandel*, en,,
la Mer Persique apparoist quelquesfois Isles, &,,
d'autresfois terre ferme. Ce flux & reflux ainsi eui-,,
dent ne paroist pas en tous riuages. Il n'ya point de,,
flux au riuage Septentrional de l'Ocean Arabique,,
En celuy des costes d'Angleterre il est vehemēt. Au,,
riuage meridional du mesme Ocean vers Beraga on,,
le sent impetueux; en la Mer de Genes il n'y en a,,
point d'apparence, mais grande en icelle de Venise,,
en la coste de l'Inde Orientale au long du Gange,,
& à l'ēboucheure du fleuve Indus ce flux est grād:,,
si roide en la Mer Rouge ou Arabique, que cer-,,
tains profanes ennemis de l'histoire saincte ont osé,,
dire que Moyse ayant espié la cōmodité du reflux,,
auoit trauersé soudain ce bras avec les Israēlites:,,
ce qui est impossible. Car de l'endroit où estoit le,,
peuple iusqu'au port de Suez, la Mer couure tou-,,
te la coste, n'y ne la descouure iamais, tellement au,,
reflus que les parties d'au dessoubs par ou passe-,,
rent les Hebrieux soient demeurees ouuertes par,,
son reflux ordinaire. Or l'histoire monstre que,,

„ Dieu fit leuer vn vent qui besongna lors, & l'amō-
„ celement des Eaux ne fut nullement en forme de
„ reflux, ny par l'operation de la Lune, mais par vn
„ miracle special: car icelles Eaux estoient comme
„ vne muraille & à droicte & à gauche, tellement
„ que Moyse & son peuple passerent par cest admi-
„ rable entre-deux, directement opposé au bransle
„ tempestueux du Flux & reflux de la Mer, laquel-
„ le voyant puis apres la main estenduë de Moyse
„ par le commandement de Dieu retourna sur le
„ matin, & couurit tous les Egyptiens qui estoient
„ entrez si auant en cest entredeux que nul d'eux
„ n'échappa, ainsi qu'il est cōtenu en l'Exode, chap.
„ 14. or le flux & reflux n'est pas de mesme par tout
„ Le plus ordinaire est de six en six heures, comme
„ il appert en la Mer de Venise. Le flux qui s'engoul-
„ fre en la Garonne se faict en sept heures, & le re-
„ flux en cinq; A Cinega qui est en la coste d'Ethio-
„ pie en quatre heures flux, & en huiët heures le re-
„ flux. En la Mer de Calecut, la Mer croist en plei-
„ ne Lune, tout au contraire, au riuage du Fleue Iu-
„ dus, c'est en Lune nouuelle. D'auantage ce mou-
„ uement reciproque est plus lent en vn endroict &
„ plus viste en vn autre. Es enuiron de Paria, l'O-
„ cean va tousiours de mesme cours d'Orient en
„ Occident. L'Isle de Magdagaſtar ou de ſainct Lau-
„ rens, qui est ſouz le huiëtiefme parallele Meridio-
„ nal est abordee par le Flux qui viët de l'Inde Orië-
„ tale, en forte que les Marchands de la coste de Ca-
„ lecut y arriuent en trois ſepmaines, mais il leur
„ faut trois mois pour retourner, pource qu'ils mō-
„ tent contre le cours de l'Ocean, qui tend tousiours
„ de l'Orient en Occident. Reste de conſiderer les
cauſes

causes du flux & reflux, de la diuersité qui y est, & de la vîtesse du Calme, de la priuation & de la contrarieté. Par le flux & reflux s'entend la marée approchant enflée des riuages, puis s'abaissant, & se retirant autant qu'elle s'est haussée & auancée; la diuersité en ce que l'approche ne finit pas à mesmes heures. La vîtesse pource qu'en quel que lieu le flux & réflus est plus tardif: le Calme là où il n'y a ny l'un ny l'autre. La priuation d'autant qu'en certains endroits l'un est beaucoup plus frequent que l'autre. Donques quant au premier point. La Mer suit le mouuement & cours iournalier de la Lune, c'est à dire, le corps de ceste Planete porte par sa reuolution de vingt-quatre heures. Car ce qu'aucuns Astrologues escriuent que les Eaux de l'Océan Oriental sont souz la domination du Soleil, & celles de l'Occidental, souz celle de la Lune, n'a point de fondement, pource qu'il n'y a point de limite prescrite à l'Orient ou à l'Occident, outre celuy qui a regard à nous. Il y a un Orient par tout, mesmes Astres se leuent & couchent par tout en mesmes mouuent, mais non à mesmes personnes. Au reste si le flux & reflux se faisoit par la vertu du Soleil, il n'y auroit iamais de relasche ny de calme, & le mouuement seroit egal: Et nous voyons toutesfois qu'és quartiers de la Lune, qui n'a point de puissance sur le Soleil, il y a bonace. Mesmes sous la Zone Torride en beaucoup d'endroits que marquent les liures des nauigations le mouuement est tardif, & fort vîste au Septentrion, comme vers la terre de Labrador. Attendu que le corps de la Lune est porté en son mouuement iournalier d'Orient en Occident,

„ l'Ocean qui suit sa guide faict le mesme cours , &
„ ne trouuant rien qui l'empesche roule tousiours
„ iusqu'à ce qu'il rencontre les bornes que Dieu luy
„ a assignees, lors il rebrouille & remonte là où il est
„ descendu. Ce n'est pas à l'auanture, comme ie vien
„ de dire : car le Createur qui a faict apparoir la Ter-
„ re hors des Eaux. pour monstrier que ce n'estoit
„ pas vne ordonnance vaine a faict que la terre de-
„ meure à descouuert pour loger le genre humain.
„ Par ainsi la Lune roule les vagues six heures quant
„ & soy, puis la Mer a six autres pour faire sa retrai-
„ te, & se resserrer chez soy comme au parauant:
„ que si on demande pourquoy le flux & reflux se
„ faict en douze heures , on peut respondre que le
„ Ciel qui enuironne la Terre estant diuisé en deux
„ Hemispheres dont l'un nous apparoit tousiours
„ infalliblement, il cōuient que cest hemisphere soit
„ consideré en deux parts, à cause du poinct vertical,
„ distant esgallement des deux poincts de l'Orison.
„ L'hemisphere n'ayant à sa part que douze heures:
„ (car il en faut autant à l'autre) le mouuement de
„ l'Ocean est pour luy tant au flux qu'au reflux du-
„ rant ce temps là, se haussant & baissant iusqu'à son
„ poinct. Or d'autant que la Lune ne se leue pas
„ tousiours en mesme endroict : c'est pourquoy il
„ y a diuersité de flux & reflux en l'Ocean causé de
„ ceste course inconstante. La Mer reflue principa-
„ lement de ce riuage qui semble couper le Globe de
„ la Terre & des Eaux, à sçauoir Labrador au Septé-
„ trion iusques au destroit de Magellan qui est vers
„ le Midy. Il est donc aisé de dire pourquoy & quand
„ il se faict flux & reflux en la Mer Arabique : car il
„ suit celuy de l'Ocean. Quant à la Mediterranee il y

a autre raison. La Lune n'entraîne & emporte pas ,
seulement les Eaux d'Orient, mais aussi elle les at-
tire d'Occident en la Mer Mediterranee par l'ac-
croist desquelles se faict vn amas au niueau d'icel-
le: Ce qui n'aduient pas en l'Ocean, lequel a vne
campagne, spacieuse pour rouller à l'aise, & la Me-
diterranee est estroicte à comparaison: Ne pou-
uant donc se porter hors du destroict de Gilbratar,
au lieu de ceder au flux qui la presse, elle se tourne,
naturellement & remôte. Et la prouidence diuine,
a faict que ce mouuement est doux, car és costes
d'Afrique qui regardent l'Orient il y a agitation,
presque cōtinuelle, au contraire beaucoup de cal-
me és costes de Genes & de Prouence, ou vn flux,
de peu d'apparence. Et toutesfois les costes d'A-
frique sont beaucoup plus basses que les autres que,
ie vien de nommer. Quand la Lune s'y achemine,
le mouuement se faict à l'Orient, de mesme aussi à
l'Occident quand elle se retire: l'un par la propre
raison du reflux, l'autre par vne raison propre, à sca-
voir d'autant que les Eaux attirees le pressent, &
l'empeschent tellement qu'il ne peut retourner,
d'Orient en Occident. Le flux & reflux est fort peu
apparent és costes de Genes, de France, & d'Espa-
gne, pource que ce qui apparoit en la Mer de Ve-
nise, à cause de ses destroicts n'apparoist point de-
puis la Mer d'Italie iusques au destroict de Gilbra-
tar, à cause que la Mer s'y espend fort au large: pour
éclaircir ceste difficulté presupposons que le poinct
d'Orient aux Venitiens soit au meridian de Cale-
cut, ou bien que le cercle d'Orient pour ceux qui
sont à Bourdeaux finisse à Ormus. Quand donc la
Mer sera paruenue de Calcut au meridian de Ve-

„ nise qui soit pour exēple à Tripoly, alors le flux sera
„ entier à Venise. Mais pourquoy descendra elle non
„ seulement à cause de l'estrecissement & enpeſche-
„ ment des riuages, mais pource qu'elle ſuit la grāde
„ amie la Lune, & eſt en cela qu'elle differe d'auec le
„ mouuement de l'Ocean, qui ne laiſſe d'eſtre porté
„ d'Orient en Occident, mais c'eſt ſous la Zone tor-
„ ride: car és coſtes de Portugal, de Bretagne, de Lio-
„ nie, le mouuement eſt contrainct & pouſſé vers
„ le Septentrion. Et en la Mer Septentrionale au
„ long des coſtes qui ferment la Scythie, le flux ti-
„ re al'Orient au contraire de la Mer d'Ethiopie, &
„ toutesfois d'vn meſme mouuemēt. De ce que deſ-
„ ſus appert aucunement pourquoy le flux & reflux
„ eſt pareil en la Mer Rouge qu'en l'Ocean: Pour-
„ quoy diſſemblable en la Mer de Veniſe, Pour-
„ quoy contraire en la Mer Septentrionale, veu que
„ ce ſont toutes portions de l'Ocean, & vne meſme
„ Eau. Nous auons veu auſſi pourquoy en celle de
„ Veniſe le flux eſt manifeſte, en celle de Genes peu
„ apparent. L'embouſcheure de la Mer Rouge eſt
„ ample, & a deſcouuert, elle n'a pas grand fonds,
„ les riuages ne ſont point coquilleux, mais comme
„ tout vnis. Au contraire les deſtroicts de la coſte
„ d'Eſpagne empelchent la Mer Mediterrance de
„ ſ'eſlargir: eſtant donc ainſi bridee elle ſ'enfonce
„ ayant du creux à commandement. Les coſtes de
„ celle de Veniſe ne demeurent point deſcouuer-
„ tes, à cauſe qu'il y va peu d'eau, ny ne faiſt grand
„ reflux, pour la petite quantité à comparaiſon de la
„ large eſtenduē où elle va ſe rendre, les eſtenduēs
„ des riuages en la Mer Septentrionale ſont cauſe
„ du contraire mouuement. Mais d'où vient que

L'Océan faict enfler la Garonne sept heures le iour,,
& defenfler cinq heures? C'est pource que l'Océan,,
Atlantique à l'approcher de la Lune au Meridian,,
de Venise, s'engoufre és bras de mer de Septen-,,
trion. Ce repoussément faict que l'Eau monte&,,
s'en va des costes de Bretagne aux riuages entre,,
les Tartares, la terre de Labrador, de la Groetlan,,
die, & des lîles non encor bien descouuertes. Elle,,
n'éplit donc pas la Garone, selon qu'elle pourroit,,
retenir reculant ainsi en partie. Mais la Lune ayât,,
acheué ce cours de ceste pente, dont le feste régar-,,
de directement Bourdeaux, alors les Eaux retour-,,
nans de Septentrion assiegent non seulement l'em-,,
bouscheure de Garonne, l'empeschans de des-,,
cendre, mais aussi la font rehausser. Ceste im-,,
pression faict qu'on adiousté au temps ordinaire,,
du croist, ceste heure nommee septiesme au,,
flux, & qui deuoit estre la premiere du reflux:,,
dont aduient que ce qui reste iusques à douze,,
heures, qui est la borne du cours de l'autre quart,,
le reflux se faict in cinq heures. Et n'est pas ferme,,
ce qu'aucuns alleguent, que le temps du flux est al-,,
longé d'une heure, à cause que la Garonne resiste:,,
car il n'y a lieu ne limite assigné ou destiné, auquel,,
il soit commadé au dernier flot de l'Océan de tou-,,
cher. Si ainsi estoit, ce ne seroit qu'amoindrissè-,,
ment de la vîstesse. On peut adiouster vne autre,,
chose: que la masse des vagues de la Mer estât plus,,
pesante, ne s'auance pas si tost, & se retire plus sou-,,
dain, comme recognoissant les bornes que son,,
maistre luy a posees: L'on obiecte que cela ne se,,
faict point és riuieres de Portugal, qui toutesfois,,
sont pressées par vn bien plus grand amas de flots.,,

„ La premiere raison donc semble plus ferme : dont
„ nous tirerons solution à la question, & à vne autre
„ suiuite ou demãde d'où vient q̃ les riuieres de Por-
„ tugal s'enflent des vagues de l'Ocean, les Atlanti-
„ ques. On de la coste d'Afrique à l'Occident, non?
„ C'est d'autãt que l'Ocean approchant du goulphe
„ Septentrional, renuerse ses eaux dans les riuieres
„ plus prochaines qui sont celles de Portugal : mais
„ il ne faiët que glisser au long des costes Atlanti-
„ ques. L'on peut s'ayder de la mesme raison au re-
„ gard de Ginega, ou la Mer môte quatre heures, s'a-
„ baisse huiët. Quant à la cause pourquoy les ca-
„ naux des riuieres qui entrent en la Mer de Venise
„ ne regorgent point, c'est la hauteur des riuages, &
„ la foiblesse de la Mer ; Pourquoy est-elle plus tar-
„ diue ou plus hastiue en certains endroits qu'ès au-
„ tres. Cela vient de ce que la Mer est inegãlement
„ profonde, car quand elle vient se rendre d'un des-
„ troiët en vne plus ample estenduë, s'il y a tant soit
„ peu de pente, la Mer roule impetueusement. Au
„ contraire si elle tombe en vn canal plus profond
„ son impetuosité se rompt en vne espace capable,
„ sur tout si elle rencontre quelque coste haute, &
„ qui aduance. Ce que dessus resout aussi la difficulté
„ touchãt la nauigation au retour de Madagascar ap-
„ pellee l'Isle de sainët Laurent : Car la terre est plus
„ haute en ceste plage là, & panche plus à l'Occi-
„ dent, pourtant il ne s'y faiët point de reflux non
„ plus qu'à Paria. Mais c'est vne chose merueilleuse
„ & où la Philosophie naturelle ne faiët que bega-
„ yer quand elle void l'Ocean de Calecut croistre en
„ pleine Lune, & pres du fleuve Indus en Lune nou-
„ uelle : Car ce sont costes, comme les chartes & hi-

stoires modernes, en font foy, qui ne sont pas fort
esslongnees l'une de l'autre. Il y a d'autres subtiles
questions en Isles Cesar Scaliger & autres sur ceste
matiere. Voyez Pline, liure 2. chapit. 97. I. Milli-
chius son Commentateur, G. Peucer liure 14. chap.
2. de son Comment. des diuinations, & autres mo-
dernes navigateurs en leurs liures de navigations,
lesquels assurent que l'Ocean ou Mer de Sur, la-
quelle est mesme & pareille que nostre Mer Ocea-
ne, ne souffre aucuns flux & reflux, ou comme point
sensiblement en la coste des terres fermes nouvelle-
ment descouuertes par l'espace de plus de trois mille
lieues, ne mesure aux endroicts des Isles de Cuba,
Espagnole & autres de ce costé tirans au Nord : Ce
qui prouient se disent le plus experimentez naviga-
teurs, de la grandeur & amplitude de cest Ocean, ou
Mer de Sur, lequel n'est empesché en sa course ordi-
naire de l'Orient en l'Occident, selon le mouuement
du premier Ciel, d'aucun obstacle ou empeschement
de montagnes, escucils, ou Rochers pour faire &
causer ces flux & reflux: Qui plus est, iceux escriuent
que la coste Australe vers Pauama & autres tour-
nees au Leuant & couchant, comme les Isles per-
leuses, Terracequi, Taboga, Otoque, & tout ce co-
sté de la Mer de Midy hausse & baisse ses flots d'un
plus grand cours & mouuement que ne fait nostre
Mer Françoise, l'Angloise, Flamande, & Espagnole.
Ce que dessus à esté deduit nous remarquerons que
la diuersité des cours & mouuemens qui sont faicts
aux Mers, procedent ou de la distance de la Lune du
Soleil, à cause que la Lune en sa conjunction est ay-
dee de la force du Soleil, & en son opposition, abô-
de en lumiere, ou bien de la proximité de la Lune

à la Mer, quand icelle Lune est dans son Eccentrique & Epicycle proche de la terre ; ou bien quand icelle Lune est proche ou loing du heurt de la Mer qui est esineuë & agitee, ou bien de la quantité du temps auquel la Lune est avec le Soleil sur la Terre, car durant les plus long iours les cours & mouuemens de Mer sont plus grands, que durant les petits iours : ou bien de la conionction des Planettes humides avec la Lune, ou la rencontre d'icelle avec des Estoiles pluuiiales & humides, ou bien des vents & tempestes qui font de contraires effects aux flux & reflux ou les excitent & esmeuent plus forts & violens, ou bien de la disposition des lieux & endroits où sont sises & situees les Mers, lors qu'iceux lieux sont pleins de syrtes, rochers, bancs, escueils, & Isles, ou bien de la multitude des fleuues qui ont contraires cours & mouuemens à celuy de la Mer, où ils se deschargent, ou bien de la tortuosité & cōuexité des bords & riuages d'icelles Mers: ainsi qu'à fort bien remarqué Albert le grand, liure 1. traicté 2. de la propriété des Elemens. Disant outre plus iceluy que les Mers esquelles il semble y auoir cause de accroissement & decroissement d'Eaux marines, & lesquelles toutesfois n'en ont aucuns sont de ceste façon: A sçauoir, que l'approchement du corps de la Lune, du Cercle, de l'Hemisphere ne regarde qu'un des bords & riuages d'icelles, y ayant vn tres-grand espace entre l'un & l'autre de seldicts bords & riuages ; & que la Lune encor qu'elle soit directemēt sur icelles mers, neâtmoins icelles n'ont leurs dits bords & riuages bas & inferieurs pour rouler & couler leurs Eaux dessus, mais au contraire icelles Eaux sont contraintes & resserrees en leurs

accroissemens iusqu'à la hauteur desdits bords & ri-
uages; & qu'icelles Mers sont de telle nature que
quand elles fluent, & sont esmeuës par la Lune elles
aspirent, & s'escolent incontinent & plustost que
elles puissent estre agitees d'accroissemens d'Eaux:
Voyez Iean Baptiste, Bernard Patricien Venitien,
tome 1. de son Seminaire de route Philosophie.

*Des causes & effets des Flux & Reflux de la Mer
Oceane, Mer Mediterranee, Mer Adriati-
tique, & autres.*

CHAP. XIX.



LATON ainsi que le raporte Plutar-
que, liure 3. de l'opin. des Philosophes,
a tenu que les Flux & Reflux de la
Mer prouenoient de certaine elation,
ou soulleuemēt des eaux marines, c'est
à sçauoir, que les Eaux marines en la forme & ma-
niere d'une grande cauerne, ou d'un grand gouffre
sont susleuees & portees loing, puis rapportees de
là, en telle façon que de ces esmotions les flux & re-
flux en sont produicts & engendrez: Mais ceste
opinion ne peut contenter les plus clairs voyans qui
trouuent que ce diuin personnage en disant cela ne
rend raison pourquoy les flux & reflux de la Mer
adiennent plustost en vn temps qu'en vn autre: Car
de soustenir que les Eaux marines en la forme & ma-
niere d'une grande cauerne, ou d'un grand gouffre
sont esleuees & portees, puis rapportees çà & là,
c'est chose imaginaire non aucunement consone ny
conforme à aucune raison ou verité: & peut on ad-

iouster que ceste opinion ne pourroit auoir lieu aux Syrtes ny au lieu appellé par les anciens *Taurus minitannus*, *Eucypus*, veu qu'en l'vn il y a tousiours reflux perpetuel, & en l'autre flux continuel; Que si ceste opinion de Platon estoit vraye, que pourroit-on dire de ceste Mer de Grece en laquelle ainsi que recite Herodote liu. 7. de ses histoires il v a flus en vn iour continuel, & en vn autre iour reflux. Heraclite & les Peripateticiens suiuant l'Aristote ont asseuré que les flus & reflux de la Mer prouenoient de la proximité du Soleil qui excitant & menant quant & luy par sa vertu la plus part des Vents, & venant à donner dedans la Mer causoit qu'icelle Mer en bouillant s'enfloit & faisoit flux, & courant vers ses bords & riuages venant à les hürter & choquer, la force de sa chaleur diminuant, faisoit son reflux: Mais ceste opinion ne semble contenir aucuns personnages qui disent, que si cela estoit vray, il faudroit le Soleil estant aux signes du Cancer & du Lyon, signes grandement chauds, estant la chaleur d'iceluy lors redoublée, & que les flux de la Mer fussent plus grands & violens, ou bien que toute & quantes-fois que Mars seroit avec iceluy Soleil aux signes Ignees que ses flux & reflux de la Mer fussent plus grands & violens; l'esgalité desquels est tousiours veüe & apperceüe de ceux qui voyagent en Mer: Car en ce temps-là la navigation sur Mer n'est difficile ou perilleuse, sinon pour le naistre & coucher de certaines Estoiles fixes: Secondement il faudroit si ce que dessus estoit vray que le reflux de la Mer fut esgal en l'Occident, à sçauoir vers l'Espagne, la Gaule, & vne partie de la Germanie, au reflux de l'Indie vers

l'Orient, veu que le Soleil n'a pas plus grande force en son Orient qu'en son Occident, ainsi que la remarqué apres les anciens Corneille Tacite en ses œuvres. Troisiësmement si quelqu'un nie le Soleil auoir pareils & esgales forces, neâtmoins on luy peut respondre qu'il se doit faire vne plus grande reciprocation de Mer, c'est à dire, de flux & reflux plus grands lors que le Soleil descend de la ligne du Midy faisant sa route sous l'Equateur, ou bien sous l'un ou l'autre des Tropiques. Ce qui n'est, d'autant qu'en la plage Meridionale il n'y a nulle reciprocation de Mer: Quatriësmement la Mer seroit plus enflée, durant tout le iour, que durant toute la nuit, à cause de l'eslongnement des rayons du Soleil durant la nuit, à propos dequoy faut voir François Picus Mirandula en son liure premier chapitre douziëme de l'Examen de la vanité de la doctrine des Gentils. Le Tímee tient que les flux & reflux de la Mer prouiennent des Fleuves & Riuieres qui descendent des montagnes des Celtes ou Gaules, & qui viennent à se lancer & jecter dedans la Mer Atlantique, lesquels Fleuves & Riuieres par leurs irruptions & entrees violentes en poussant les Eaux de la Mer font & causent les Flux, & en se retirant par interualles en cessant causent les reflux. Ce qui est du tout erroné, d'autant que si cela estoit vray, la mer Caspie par mesme cause auroit Flux & Reflux, aussi bien que la Mer Atlantique, par ce que dans icelle viennent à lancer & jecter de tres-grands & spaciens Fleuves descendans des tres-hautes montagnes du Caucaise, le Taure portes Caspiennes & autres, lesquels Fleuves sont cause que

ceste Mer Caspie n'est salée comme les autres, ainsi qu'après les anciens l'ont remarqué les nouveaux voyageurs & historiens, & laquelle Mer pour ceste grâde reception de fleuves n'est subiete à aucuns flux ny reflux; Et quâd on cōcederoit au timee, son opiniō estre vraye en ce qui concerne les fleuves qui descēdent des montagnes des Celtes, & se viennent à lancer & ietter dedans la Mer, on luy demanderoit qu font ces montagnes desquels aucun ancien & moderne Geographe n'a faict mention: & puis comment & d'où pourroit-il dire que prouient le flus qui est fait en la Mer Septétrionale, veu qu'il n'est credible qu'il puisse prouenir de la Mer Atlâtique. Seleuque le Mathematicien qui faisoit la Terre mobile, disoit que le mouuement d'icelle est contraire & opposite à celuy de la Lune, & que les Vents e'tant tirez çà & là à l'opposite par ces deux contraires reuolutions, venant à donner dedans l'Ocean Atlantique brouillent aussi la Mer à mesure qu'ils se remuent, & par ces brouillemens font les flux & reflux; Mais à cela, il ne faut aucune responce, attendu que la Terre n'est aucunement mobile, ains immobile pour les raisons cy dessus alleguees au chapit. 6. de ce discours. Les autres ont dict que la cause des flux & reflux de la Mer, est que les Estoiles font de nature ignee & flambante: Ce qui faict qu'icelles sont nourries & alimentees par les vapeurs & elations de la Mer, qu'elles succent & attirent à elles, & que par ce moyen la Mer est enflée & esleuee en haut, à cause de la force & vertu de ces Estoiles, & après qu'elle s'en retourne & se retire au lieu d'où elle est partie: Ce qui ne peut estre vray-semblable. Premièrement à cause que les Estoiles ne

sont de nature ignee & flambante, ainsi que disent les Astrologues. Secondement de dire que les Estoiles sont nourries & alimentees, c'est leur attribuer vne corruption & passion, ce qui est contre raison. Troisiemement si cela estoit, il faudroit lors que les Estoiles sont sous terre, que la Mer n'eust aucun flux, au moins vn flux beaucoup plus petit, veu qu'icelles Estoiles estant si eslongnees de ladite Mer, seroient plus debiles & moins fortes & puissantes. Quatriemement il s'ensuiuroit que les Estoiles estat ou directes ou retrogrades caueroient en la Mer vn flux plus grand ou plus petit, ce qui n'est aucunement faict. Philostrate en la vie de Apollonius Theaneus. Straboliure 1. de sa Geographie, & Iean Solin chap. 26. de son Polyhist. ont escrit qu'aucuns des anciens ont tenu que la cause vraye pourquoy la Mer a des flux & reflux, est afin que la Terre portee & entrainnee par les fleuves & riuieres qui descendent en la Mer ne vienne à c'eslancer & jeter dedans la Mer. Et qu'icelle Mer estant vn des membres ou parties de ce grand Vniuers, est toute semblable à vn animal viuant, lequel comme il reçoit par la respiration l'air, puis le repousse au dehors, de mesme la Mer faict, ayant les narines & parties propres à la respiration dedans le profond de l'Ocean, par le moyen desquelles en inspirant elle pousse les ondes, & puis respirant les retire en soy en faisant flux & reflux. Ce que semble demonstrier l'agitation des flots aux bords & riuages de la Mer qui vont & viennent de moment en moment, puis s'en retournent de moment à autre, mais ceste opinion ne peut estre vraye pour les raisons deduites par I. Cesar Scaliger Exercit. 52. contre H. Cardan, & par nous

au chap, precedent. Pytheas de Marseille a asseuré les flux de Mer estre faiçts & causez par le seul accroissement de la Lune, & les reflux par le seul décroissement d'icelle; opiniõ aussi peu vraye que la precedente, parce que s'il estoit vray que les flux de la Mer sont faiçts & causez par le seul accroissement de la Lune, & les reflux, par le décroist d'icelle, il s'ensuyuroit que les flux de la Mer iroient tousiours en augmentant & accroissant iusques à la pleine Lune, & que par apres les reflas se diminueroient tousiours petit à petit à la Lune descroissant; Ce qui est de tout faux, d'autant qu'au premier iour de la nouvelle Lune la Mer est tres-haute & tres-grande, au second iour vn peu moins haute & grande, & ainsi se diminuë tousiours vn petit, au troisieme, quatriesme, cinquieme, sixiesme, & septiesme iour, iusques au huiëtiesme, auquel iour icelle est comme elle estoit au septiesme iour; Le neufiesme elle est comme elle estoit au sixiesme iour le dixiesme, comme au cinquieme iour, le onzieme comme au quatriesme iour, le douzieme cõme troisieme iour, le treiziesme comme le second iour, le quatorzieme auquel est pleine Lune, comme le premier iour. Ce qu'estât veu qu'il y a esgalité en ces accroissemens de la Mer, il est sans doute qu'iceux accroissemens ne peuuent prouenir du seul croistre & décroistre de la Lune, attendu que si cela estoit, il faudroit comme i'ay ja diët, que les flux de la Mer fussent plus grands & violents à la pleine Lune. A propos dequoy faut veoir Macrobe liure premier sur le Songe de Scipion. Vne autre raison; si ceste opinion de Pytheas auoit lieu, la Mer Meridionale

auroit en ses flux & reflux mesmes & pareils cours & mouuemens que la Mer Oceane consideré que la Lune darde aussi bien ses rais sur icelle Mer, que sur ladicte Mer Oceane. D'abondant si la Lune est vn signe feminin & mol, ainsi que maintiennent les Astrologues au rapport de Pline, liure deuxiesme, chapitre cent & vn, comment peut-elle attirer & esmouuoir en temps certains & determinez les Eaux de la Mer, veu mesme que cela ne peut estre fait par vne grande frigidité, telle qu'est celle du corps de ladicte Lune. Les autres disent que la cause des Flux & Reflux est le panchement des parties de la Terre, vers lesquelles la Mer court & fluë durant six heures, faisant par ce moyen son flux: Mais trouuant icelles parties plus hautes elle est contraincte de se retirer d'où elle est partie en six autres heures, faisant aussi par ce moyen son Reflux, mais à cela il ne faut autre responce que ce que i'ay deduiet aux chapitres precedens, touchant la hauteur des parties Septentrionnales: Les autres veulent attribuer ceste cause à la vaporation des Eaux de la Mer, laquelle tant & si longuement que elle a force & vigueur est cause de l'agitation de la Mer, & icelle cessant, aussi cesse icelle Mer, que par ce moyen sembleroit vn homme vexé de Fiebure lequel à certaines heures limitees sent toutes ses humeurs s'agiter & esmouuoir, puis à autres certaines heures limitees, icelles s'appaiser, & cesser leurs agitations & esmotions: Mais si cela estoit, comment seroit-il possible que ceste vaporation d'Eaux de la Mer fut si certaine, infallible, &

asseuree pour pouuoir produire des flux & reflux si certains & asseurez en icelle, & cela ne se pouuant faire par nature, il faut donc de necessité confesser, que ceste opinion n'est aucunement vraye. Les Sarrazins au rapport d'Adelaide Sarrazin en ses œuvres ont eu leur opinion particuliere en ce faict disans, Que les bras de la Mer Oceane, que la masse de la terre posée entre deux separe & diuise en plusieurs & diuers lieux, s'efforcent d'aller & fluer avec vn cours & mouuement grand & impetueux, au lieu auquel ils doiuent aller de leur nature & condition, qui est vers les bords & riuages de la Terre, il aduiét tant par les montagnes, que par le sit & plan de ladite Terre interposée entre deux, qu'iceux bras sont portez & renuoyez, ou plustost destournez de leur propre cours & mouuement quand ils viennent à defaillir, & qu'ils sont renuoyez & repoussez par la situation de leur propre lieu, en celuy d'où leur premier & naturel cours & mouuement les poussoit & agitoit: Ce qu'estant la Lune n'est donc cause du flux & reflux de la Mer Oceane. parce que si cela estoit, le mesme & semblable aduiendroit aux Mers qui sont proches de la Zone Torride, lesquelles ne sont plus eslongnees de la Mer Oceane, que les autres Mers, pour estre moins subiectes aux puissances & forces de la Lune, & qui ne sont reputees estre de nature moins humide & coulante que les autres Mers, lesquelles neantmoins n'ont aucun flux ny reflux, parce que la cause cy dessus deduite, c'est à sçauoir des montagnes & parties de la Terre concurrentes, entr'ouuertes par la masse du sit & plan de la Terre cesse du tout en celledictes Mers proches de la Zone Torride; & est la deduction cy dessus

tion eslongnee de verisimilitude, parce qu'il est tres-certain que les parties & parcelles de chasque Element sont portees & conduictes de leur naturelle propension à leur totalité & integrité; Ce qui cause que la Mer Oceane grandement eslongnee & separee des bords & riuages de la Terre par vne ie ne sçay quelle naturelle propension, est portée avec vn certain cours & mouuement vers iceux bords & riuages, afin de se rendre proche & contigue à icelle Terre le plus qu'elle peut: Cela estant, ce n'est chose estrange, si ce pendant que les bras & parties de la dite Mer Oceane separez de leur lieu & sit, par les montaignes & terres posees entre-deux, s'efforcent de concurrencer au lieu, auquel ils doiuent ce faire de leur nature & condition, c'est à dire, viennent à frapper & hurer contre les bords & riuages de la Terre, en s'approchant d'iceux, & semblablement à se retirer d'iceux bords & riuages en ayant esté repoussez par l'obiet & empeschement d'iceux: Laquelle cause n'estant ausdites mers proches de ladicte Zone Torride, ce n'est de merueille si on ne voit en icelles les mesmes flus & reflux: c'est pourquoy quelques vns ont voulu que ces cours & mouuemens de flux & reflux de la Mer Oceane, procedent du vray & propre naturel de l'eau d'icelle, non en tant que icelle est eau, mais bien en tant que elle a en soy les parties de l'Element principal separees & diuisees par le sit & obiet de la masse terrestre posee entredeux, & à ceste opinion des Sarrafins semble incliner le grand I. Pic de la mirande miracle de son siecle en son liure 3. chap. 15. contre les Astrologues, à la suite de quel son nepueu I. François Picus liure 5. chapit. 4. *de rerum prauis* en a dict ce que

s'ensuit *Maris fluxus & refluxus* Adelandus opinatus est esse quod partes *Maris* quas *Terra* dirimit in vnum confluere locum & se coniungere properant, quæ obiectu terrena molis repulsæ inierim quò naturalis impellit motus reuocentur, quod probari potest, quia elementi partes ad suam integritatem ac locum proprium & congenitum naturali propensione feruntur, Et quod *Luna* non sit in causa, patet, cum reciprocatio in maribus torrida *Zona* vicinioribus non fiat, quibus non deest *Maris* natura, nec *Lune* præsentia sed terrena illis deest moles, cuius obiectu à toto partes repellantur : Mais ceux qui voudront esplucher de pres ceste opinion, diront que si elle estoit vraye & certaine, Premièrement, il s'ensuiuroit que la Mer suiuroit tousiours ce cours & mouuement, & ne retourneroit iamais en soy mesme, veu que cest appetit naturel des semblables parties & parcelle d'icelle est tousiours perpetuel : Secondement ne se trouueroit déterminée la cause d'un temps certain auquel icelle Mer va & retourne à heures arrestees & determinées : Troisièmement ceste Mer ne seroit ce qu'elle est, plus grande & ample au temps des Equinoxes qu'en autre temps de l'année. Aucuns autres personna-ges ont dit que les flux & reflux de la Mer, n'aduient en toutes les eaux marines, mais en celles seulement, desquelles la Terre est profonde, dure aspre & inegale par les cours & mouuemens continuels qui s'y font, & ausquelles y a beaucoup d'eau laquelle n'augmente par la reception des fleunes, Lacs : & riuieres qui y paruiennent, & ne diminue aussi par le renuoy desdits Fleunes, Lacs & Riuieres qu'elle faiçt par des Canaux : & conduits soubz-terrains en plusieurs & diuers lieux de la Terre : mais laquelle eau à en son liçt acquis vne demeure perpetuelle

par la densité & espaisseur à cause dequoy est faict & causé en ceste eau vn receptacle & nourriture de plusieurs vapeurs non tenues n'y aysees à estre separées & disioinctes qui tirent leur naturelle amertume : & saleure de leurs parens, c'est à dire de la Terre aqueuse & eau terrestre, ensemble de la chaleur solaire lesquelles choses n'estant aux Fleuves Lacs, & riuieres ny mesmes en quelques Mers particuliers, il ne faut treuuer estrange s'il n'y a en iceux Fleuves, Lacs, riuieres, & Mers particulieres, selon l'opinion des susnommez, aucuns flux n'y reflux ; & veulent les susdits que la vraye cause de ces flux & reflux est fort claire & euidente en ce qu'il est tres-certain que telles vapeurs sont excitees de relle Terre & eau, qui ont esté déclarées cy dessus lesquelles engendrent en l'eau vn vent & tumulte qui s'eschaufe principalement par ce mouuement & impulsion & par la mixtion desdites vapeurs, lequel vent vient en fin à chercher vn lieu plus grand & spacieux pour s'estendre & espancher, ce qui est la vraye cause de ces flux & reflux : & oultre les causes cy dessus deduites on peut en alleguer encor vne autre, c'est à sçauoir vne reflection des Vents tirans ou arrachans les parties des eaux superieures, aux parties inferieures ; Lesquels vents enveloppez & entortillez d'autres vents, & par ce moyen estant cōme contraints & forcez enleuēt les eaux en haut, & lors iceux se iettans & mettant hors s'entlent, & font que les eaux abondent, ou bien s'engrossissent necessairement estant rejettees & repoussees : Car icelles eaux estant retournées & roullees font vne propre accession, & derechef aussi tost qu'icelles vapeurs estāt dissoutes & disioinctes, & que ceste force

se diminue & s'abbaisse, icelles se tiennent coyees & endormies, & se resserrans en certains destroicts & angusties, se retirent des lieux par elles occupez. Et ainsi celle generation de vapeurs & des vents selon le naturel de la Mer, ainsi qu'une cause perpetuelle de dissolution ou disionction, semble estre la cause efficiente de l'ordinaire retour du flux au lieu d'où il est party : ce que faict que les eaux lesquelles au commencement estoient tieides, s'en retournent froides, ce que a déclaré l'Ædelande cy deuant allegué: Et ceux qui ont tenu ceste opinion doiuent rendre raison pourquoy aucunes Mers, n'ont aucuns flux ny reflux, encor qu'en icelles il y aye beaucoup de vapeurs & de Vents, car en icelles il est faict & causé vn mesme effect: mais la grandeur & vastité d'icelles Mers, & leurs bords & riuages eslongnez d'icelles sont cause qu'elles ne recoiuent ne flux n'y reflux en telle sorte qu'il a esté dit à bonne & iuste raison les eaux sembler estre telles qu'elles changent par fois c'est à dire qu'elles ont plustot vn mouuement de flot, qu'un mouuement de refflot: mais ce que dessus a esté deduit n'est approuué de plusieurs gens doctes, qui disent que la Mer ne laisse d'auoir les flux & reflux apres les vapeurs & vents cessez & appaisez, aussi bien que durant lesdites Vapeurs & Vents: ce que remarque Aulus Gellius en ses œuures, mesme qu'il n'y a aucune certitude déterminée en ces vapeurs & vents pour faire & causer en la Mer vn certain temps limité de flux & reflux en six heures, veu mesme que lesdites vapeurs & vents ne soufflent tousiours, & que la Mer a vn ordinaire & déterminé cours & mouuement, & que le plus souuent la mer s'entle avec grande impetuosité, lors qu'il n'y a au-

cune apparence de vapeurs & vents dedans, ou sur elle; & dit le mesme Aucteur cy dessus allegué que si les deductions cy deuant traictez sont conuenables à la raison naturelle, & aux experiences qu'on en a peu auoir, pourquoy est-ce qu'on les tient & iuge peu probables, & pourquoy aussi aucons se font ils voulu mesler de rapporter en ce faict oultre les deductions cy dessus les mouuemens de la Lune attirans & entraistrans avec eux, les eaux de la Mer, veu que ces mouuemens ne conuiennent & ne correspondent pas aux effects qui en doiuent de necessité aduenir; d'autant que lors que la Lune augmente de lumiere, & qu'elle est plus viste & subite en son cours, & plus proche de la Terre ensemble declinant du chemin du Soleil vers le Nord: & posée aux signes Septentrionaux, les flots de la Mer sont plus grands & violens, & au contraire plus petits & foibles, lors que ladite Lune est autrement qu'il n'est déclaré cy dessus. D'abōdant il semble qu'on ne peut obiecter à ceux qui tiennent l'opinion cy dessus autre chose que ceste concorde d'Eaux avec la Lune en leurs montées & descentes, laquelle si il est vray ce que dit Aboasar, ie ne sçay pas par quel moyen elle peut estre obiectée; par ce qu'iceluy escrit que les cōmencemens des accessions & reccessions des eaux marines ne sont pareils & semblables en tous lieux, mesme au lieu où il n'y a aucune varieté de finiteur ou orizon, & que le plus souuent il adaient qu'au temps que les eaux se retirent d'un certain lieu & endroit, de mesme elles commencent en un autre lieu & endroit leurs cours & mouuemens; & n'a ce personnage faict difficulté d'escire que cela a donné occasion à plusieurs de penser & croire, que ces

mouuemens de Mer, ne prouienent des cours de la Lune, la raison de laquelle diuërité il s'efforce de rédre en telle sorte qu'il est deduit cy dessus, ne laissant toutesfois iceluy de dire que la Lune en est quelque peu cause, mais que pour cela elle n'en est la cause premiere & efficiëte: *Alpetrage* à referé la cause de ces flux & reflux de Mer, nō à la Lune, mais au cours & mouuement iournal de vingt-quatre heures par lequel toutes choses de cest Vniuers, ainsi que maintient cest Aucteur sont muées & remuées, asçauoir les Planetes & la Sphere de l'Elemēt du Feu laquelle est meüē continuellement en rond, celle de l'air par inegal mouuement, & celle de l'Eau qui est la Mer par vn flux & reflux: *Roger Bacon*, grand sçauant Personnage de son temps, en vne sienne Epistre adressée au Pape Clement cinquieme en adict ce que
 „ s'ensuit. Quand la Lune se leue sur la Mer de quel-
 „ que Prouince ou Region les rayons d'icelle tom-
 „ bent à angles obliques sur icelle Mer, lesquels à
 „ ceste occasion sont plus debiles & foibles, à cause
 „ dequoy ils attirent du fonds de la Mer tant de Va-
 „ peurs regorgeans grande quantité d'Eaux accom-
 „ pagnées de force vagues & bouillons enfléz & en
 „ tourtillez qu'ils ne les peuuent dissiper & cōsumer
 „ ce qui faict que lors la Mer est estenduē & produi-
 „ tehors ses canaux & sieges, & au contraire quant
 „ icelle Lune est en son fastige sur ladicte Mer, à cau-
 „ se que lors les rayons sont plus droicts, & par con-
 „ sequent plus fort & plus vigoureux, recepuans
 „ grande force & vertu ilz sont assez puisfians pour
 „ dissouldre & dissiper icelles vapeurs. Et cela se faict
 en telle sorte ainsi que dict ce Personnage que le
 mouuement de ladicte Mer est faict plus lent &

tardif la Lune s'approchant du Meridien , & que les Eaux d'icelle Mer declinent à l'instant mesme que icelle Lune decline dudit Meridien : Chose qui aduient ainsi qu'en vne Chaudiere pleine d'eau mise sur le Feu, de laquelle l'Eau s'abbaisse & retourne au fonds d'icelle tant plus que la chaleur & violence du Feu qui est au dessous ayant consumé les vapeurs qui y estoient , prend de force & de vertu : Et outre tout ce qui est deduict cy dessus ce mesme Personnage à meue la question qui s'ensuit : Comment & en quelle façon la Lune, ne tendant de l'Occident au plus bas de la Terre ; peut auoir force & puissance d'esmouuoir les Eaux de la Mer, estant tresuray & trespertin que les Eaux d'icelle ont accoustumé de monter principalement quant la Lune monte de l'Orient à la sommité du Ciel, & que il semble estre impossible que il y aye telle force ou puissance aux rayons de la Lune qu'elle puisse passer & penetrer à trauers de la terre ; La difficulté de laquelle question iceluy Personnage mesme a tasché d'esclarcir en ceste façon : Le plus haut Ciel, soit que ce soit le huitiesme ou le neufuiesme est dense & serré parce qu'il termine les rayons de nostre veüe lesquels ne sont arrestés autrement que par la densité & espes seur d'un corps. Ce qu'estant est de necessité que les rayons de la Lune paruenus iusques à ce plus haut Ciel soient reflechis & renuoyez a la partie aduerse & opposite : A cause dequoy si la Lune est meue de l'Occident au bas de la Terre , sa vertu à puissance & vigueur à l'autre quatriesme partie du Ciel opposite & faict par ses rayons, reflechis & renuoyez ce qu'elle à accou-

estumé de faire lors que elle paruiet de l'Orient
à la sommité du Ciel. Et se plaist tant iceluy Bac-
con en ceste opinion qu'il n'a doubté de se glorifier
d'auoir esté le premier qui a rendu vraye & certaine
raison des flux & reflux de la mer par ces quatriemes
parties du Ciel opposites : Mais le grand Picus de la
Mirandole n'a voulu approuuer ceste opinion & a
escriit d'icelle ce que s'ensuit : *Roger Bacon* en son vi-
uant tres-sçauant personnage a grandement erré &
faily en tenant l'opinion cy dessus, par ce qu'iceluy
cōtredit, ie ne diray pas à l'expérience, mais à l'Aboa-
sor cy deuant allegué, duquel il se faict estre l'in-
terprete qui dit que les flux de la Mer sont grands
quand la Lune est paruenue à la sommité du Ciel,
& iceux s'appetissent à mesure qu'icelle Lune descend
au bas du Ciel : Au contraire duquel Bacon pense
que tant plus la Lune s'approche de la sommité du
Ciel, tant plus les flux de la Mer s'abaissent & s'a-
petissent les vapeurs estant dissoutes & dissipées par
vne plus grande chaleur : & n'a considéré iceluy
Bacon que la lumiere de la Lune ne pouuoit telle-
ment s'estendre, qu'elle puisse ie ne diray pas con-
sumer les exhalations de la Mer : mais seulement en
fisciter tant qu'il en faut pour exciter & esmouuoir
des flux & reflux ; Que si ce personnage nie cela plus
obstinement il faut que comme contraint il confesse
ne deuoir estre ou aduenir aucuns flux en la Mer
quelques iours enuiron la nouuelle Lune, parce que
en ce temps la lumiere de la Lune est tellement nulle
ou tellement petite & foible, qu'il est impertinent
de dire icelle estre assez puissante pour procreer, &
pour aussi dissoudre tant de vapeurs en la mer : Et

puis pourquoy est-ce que les rayons de la Lune descendant ne seroient aussi forts, que les rayons d'icelle montant; & pourquoy la Lune descendant reuocque-elle les eaux: & ascendant elle les espend, & pourquoy plustot ses rayons ne seront-ils plus imbecilles declinans vn peu de leur sommité, qu'alors qu'ils sont premierement à leur Leuant: ou Orient, & pourquoy la Lune fait-elle en cest endroit vn flux, & en l'autre endroit vn reflux. S'il est ainsi comme iceluy Baccon pense la vigueur & force des rayons de la Lune par vne plus grande chaleur reprime le flux, par ce que la debilité d'iceux mesme les augmente: mais qui est-ce qui croira estre aux rayons rabbatus & refleschis de la Lune esclairant sous la Terre tant de force & vertu qu'ils puissent mesme consumer les vapeurs excitees en la Mer, que s'ils ne peuuent faire cela, quelle est la cause du reflux la Lune estant portée sous l'Orizon par la raison de Baccon? & pourquoy ces flux qui sont venus au leuer de la Lune, s'en vont quant la Lune va en son coucher: Baccon aye & tienne donc ses opinions à part; Que s'il est vray que les flux & reflux de la Mer dependent de la Lune, nous refererons la cause d'iceux au seul mouuement d'icelle, lequel est imité par le mouuement de la Mer, par vn tacite cōsentement de la nature, parce que ce mouuement de Mer monte avec la Lune montant sus l'Orizon, & pareillement descend avec la Lune descendant, & telle a esté l'opinion de saint Thomas en son liure des occultes operations de la nature: & ne faut qu'on croye les flux & reflux de la Mer, estre vne augmentation ou diminution des eaux de la Mer: Car ces mots de *flux & reflux*, expriment & denotent assez que la

Mer n'augmēte ni ne diminue aucunemēt par iceux, mais que seulement elle s'estend & dilate par ces montees & se retire & recule par ses descentes: Que si il y a quelques Mers, ainsi qu'il est escrit par quelques vns, qui ont tousiours flux pendant que la lumiere de la Lune augmente, à sçauoir depuis sa conionction avec le Soleil iusques à son plein, & tousiours reflux pendant qu'icelle Lune se diminue de fondit plein iusques à sadiēte conionction; il faut croire que ces Mers ne suiuent les mouuemens de la Lune en la sphere: mais bien s'il faut ainsi parler le mouuement de la lumiere croissant & décroissant en icelle Lune, la diuersité de laquelle lumiere peut muer & changer en quelque chose le mouuement qui est faict tous les iours en la Mer: Mais toutes les obseruations qui ont esté escriptes ou dictes en ceste matiere ne s'accordent pas en tout & par tout: Car les Egyptiens & ceux qui nauigent en l'Occident disent que les flux de la Mer Occidentale augmentent & aggrandissent depuis le midy du premier iour du moys lunaire, iusques à l'onziēme iour du mesme moys, & qu'aussi ils appetissent & diminuent depuis le onziēme iour iusques au dix-huictiēme avec vne partie dudit iour; puis que ces mesmes flux recommencent à s'augmenter & aggrandir depuis ce temps iusques au vingt-sixiēme iour dudit moys, & que des ce iour derechef ils s'appetissent & diminuent iusques au commencement del'autre moys, & que toute & quantesfois que les flux sont plus grands les reflux sont plus petits, & au contraire lors que lesdits flux sont plus petits, que lesdits reflux sont plus grands. Mesme il y a aucuns Personnages qui disent qu'on peut ap-

percevoir ces choses aux eaux des fleuves qui pro-
viennent des fontaines, lesquelles aux iours cy des-
sus deduits, s'estendent & retirent dans leurs sour-
ces: Les Orientaux au contraire des dessusdits par-
lent en autre façon de leur Mer: Aucuns d'eux tien-
nent les flux de leur Mer se diminuer au premier &
dernier quartiers de la Lune, & croistre à celuy du
milieu: Ce qui semble auoir iugement de croistre
à la pleine lumiere & décroistre à la croissance d'icel-
le. Les autres disent qu'il n'est pas plusieurs iours or-
dinaire & coustumier que ces flux de Mer, ou s'au-
gmentent ou diminuent, mais que cela se faict ou
en vn, ou en vn autre iour, ou quand iceux sont aug-
mentez, ou quand ils sont diminuez. L'*Æboasar* cy
dessus allegué faict quatre parties de ces flux de Mer
en ceste façon. La premiere partie quãd la Lune apres
sa conionction commence à se reculer du Soleil ius-
ques à ce qu'elle est a demy pleine, auquel temps ce
Personnage dit que les flux se diminuēt à proportiō
qu'icelle Lune se retire du Soleil, & que quand icelle
Lune est paruenue à son quadrangle iceux flux sont
tres-debiles & tres-petits. La 2. partie, quand icelle
Lune faict son cours du lieu cy dessus iusques à son
plain, auquel tēps ce mesme Personnage dit que ces
flux sont petit à petit tellemēt estendus ou augmētez
iusques à ce qu'ils paruiennēt & arriuent à leur plus
grãd croist ou augmentatiō, laquelle se faict à la plai-
ne Lune. La troisieme partie, quand icelle Lune par-
tant de son plain pour aller en son dernier quartier
auquel temps iceluy mesme Personnage dit que les
flux décroissent avec la lumiere de la Lune, & la
quatriesme partie, quãd la Lune s'é va de son dernier
quartier à sa conionction, auquel temps ce mesme

personnage escrit que ces flux deuiennent plus grâds & vehemens, iusques à ce qu'icelle Lune estant en conionction iceux sont faicts tres-grands & tres-uehemens ; opinion laquelle n'est vraye selon les Pilotes modernes & ceux qui ont voyagé sur Mer, lesquels ont curieusement obserué les flux & reflux de la Mer ; ce que demonstrent clairement par plusieurs grandes raisons I. Picus de la Mirande liure 3. chap. 15. contre les Astrologues , & Cornelius Ceperus liure 11. chap. 11. de son adsertion de la foy contre les augurations de certains Astrologues : Cecy estant presupposé nous apprendrons qu'un *Lucius Bellantius* : Sienois escriuant contre I. Picus cy dessus fait mention de plusieurs causes des flux & reflux de la mer, desquelles la premiere, ainsi que dit ce Personnage, est la variation de la lumiere de la Lune ; la seconde la mutation de l'influence d'icelle receüe des autres astres : La troisieme, l'approchement d'icelle Lune à l'un ou l'autre des Poles, à cause de l'obliquité du Zodiaque dans lequel icelle fait son cours & mouvement : la quatrieme le cours & mouvement iournal d'icelle de l'Orient en l'Occident la cinquiesme la plus grande ou moindre domination & puissance d'icelle sur vne partie, ou autre des eaux de la Mer, ainsi qu'il est des parties de la Terre, lesquelles sont plustot soubs la domination & puissance d'aucunes certaines Planettes que d'autres ; la sixiesme la grosseur & espoisseur d'icelle Mer, & la matiere d'icelle condense & resserree, à cause dequoy l'eau d'icelle est moins apte à cours & mouvement ; la septiesme vne plus grande generation d'Eaux en vne partie d'icelle mer qu'en vne autre ; ce qui faict qu'icelles Eaux sont rendues plus hautes &

éfleuées en vn endroit qu'en vn autre; A cause de-
quoy icelle Mer fluë & coulle pluſtot vers vne cer-
taine partie, que vers vne autre. En fin ceſt Aucteur
aſſeure que la Lune attire les Eaux de la Mer non
par les rayons de ſa lumiere: mais par la vertu & puis-
ſance de certaines ſiennes proprietez occultes: ainſi
comme l'Aymant faiſt le fer. Et ne nie toutefois ice-
luy Bellantius qu'avec les cauſes cy deuant deduites
il y en a d'autres qui concurrent par enſemble, com-
me l'irruption de la Terre, & autres par moy cy deſ-
ſus alleguees. Voila à la verité de grandes raiſons en
premiere apparence, mais qui les voudra profonder
plus auant, ne les treuuera vrays & certaines; De
fait ce qui eſt premieremēt dit par ledit Bellantius de
la variatiō de la lumiere de la Lune ne peut eſtre vray
veu q̄ ladite variation de la lumiere de la Lune eſt eſ-
gale & ſemblable par tout l'Vniuers, & neantmoins
il ne ſe treuve par toutes les Mers des flux & reflux:
& encor que par ladite variation de ceſte lumiere il y
aye en la Mer vn plus grand, ou plus petit accroiſſe-
ment de flux, ainſi que nous ſommes contrains le
confeſſer, neantmoins on ne doit croire le premier
& principal effect des flux & reflux de la Mer pro-
ceder de la Lune veu qu'icelle eſt vn Planette qui
ne peut eſtre de ceux qui commandent, mais bien de
ceux qui ſont ſerues & chambrieres: d'abondant ſi
ces flux & reflux procedent de ceſte variation de la
Lune encor n'eſt-il point bien aſſeuré pourquoy en
quelques lieux il ſ'y treuve des flux continuels: Quāt
à la ſeconde cauſe alleguee par ledit Bellantius à ſça-
voir la mutation de l'influence d'icelle Lune receüe
des autres aſtres, elle eſt du tout nulle, d'autant que
ceſt choſe incogneüe des Aſtologues de dire, les

qualitez des autres corps Celestes, estre attirées par la Lune : Que si les flux & reflux de la Mer procedoient de ceste cause cy dessus, certainement iceux flux & reflux ne prouieroient en certain & définy temps, veu que les Influences des corps Celestes aduenient tantost viftement, tantost tardiuement selon les affectiōs d'iceux avec le Soleil, & leur distāce du corps de la Lune : ce qu'estant il aduiendroit souuentefois que ce naturel aduenement de flux de la Mer seroit intermis & nul du tout : & est tres-certain si la cause cy dessus estoit vraye quil aduiendroit de grandes augmentations de flux de Mer, quand les autres planettes estans sur l'Orizon lanceroient vers la Lune leurs rayons obliques ou droicts : Ce que toutesfois iamais aucun des anciens n'a escrit & asseuré, & que l'experience demonstre estre du tout faux. Quant à la troisieme cause de l'approchement de la Lune à l'un ou l'autre des Poles à cause de l'obliquité du Zodiaque dans lequel elle fait son cours : laquelle Lune par ce moyen est cause du flux & reflux de la Mer, elle n'est vraye, car pourquoy les Mers Indique & Persique ayant presque pareille & esgalle latitude, ont elles en vn certain & déterminé temps plustost qu'en vn autre, de plus grands flux, la Mer Persique estant toute enflée, & pleine de vents, tourbillons & tempestes depuis que le Soleil entre au signe de la Vierge, iusques au commencement du signe des poissons : La Mer Indique estant durant ce temps, toute cōye & tranquille, & plus ay sée & cōmode à la nauigatiō qu'en autre tēps de l'annee : & au contraire icelle mer Indique estant inauigable depuis que le Soleil entre au signe des Poissons iusques au signe de la Vierge, la Mer Persique estāt en ce tēps là grandement cōye & trāquille :

ce que remarque apres plusieurs grands nauigateurs le mesme I. Pic de la mirande liure 3. chap. 15. contre les Astrologues. Dõc encor que ces deux Mers soiët proches & distantes esgalement du Pole, toute fois elles ne laissent de differer autant en leurs cours & mouuemens, que les Mers les plus distantes & eslongnees les vnes des autres: ce qu'entre plusieurs person nages anciës ne nie l'Albumatar mesme au chap. 8. de son 3. liure du grand introductoire. Qui plus est ceux qui ont nauigé sur plusieurs Mers sçauent as ses que les Mers Oceane, Mediterranée & Adriatique n'ont pareils & semblables flux & reflux ainsi que ie l'ay deduiët au chap. precedent: pour le regard de la 4. cause du cours & mouuement iournal de la Lune de l'Oriët en l'Occidët, elle resiste du tout à la verité: car si la Mer est meuë par le mouuemët iournal, c'est à dire du premier mobile & rauissement qui se faiët tous les iours, la Lune n'aura aucune communicatiõ ne participatiõ avec la Mer, veu qu'icelle est aussi bië emportée & entraînee par le mesme mouuement iournal & premier mobile & rauissement, que le sont les autres corps celestes: & peut-on bië dire & asseurer si la Lune n'estoit au mode, que neâtmoins la Mer ne laisseroit d'estre meuë ainsi qu'elle est, cõme n'estât gouuernée & cõduite par la seule puissance d'icelle Lune, mais bien de celle de tout l'vniuers: La 5. cause a aussi peu d'apparëce de certitude q̃ les autres car ce que ledit Bellätius veut estre cõsideré à sçauoir la dominatiõ & puissâce d'icelle Lune, & ceste partie de la Terre sur laquelle icelle Lune domine: à cause de quoy ainsi qu'il dit la Mer en certains lieux & endroits à plus ou moins de flux & reflux, cela sera du tout cõfondu si le dire des Astrologues est veritable. Car si l'Albumatar & ce grand Astrologue Italy

Abeuragel, & tous les autres Astrologues donnent & attribuent au Septentrion la Lune, il est donc necessaire que la Mer en la partie Septentrionale soit plus subiecte à mouuemens, que toutes les autres Mers de cest vniuers: ce qui n'est aucunement vray; veu que mesme il est certain qu'au temps d'Alexandre le grand la Mer Septentrionale estoit beaucoup plus subiecte à mouuement qu'aucunes des autres Mers de la Terre: ce qu'a confirmé le grand Aristote en ses escrits, qui a esté men pour ce regard de referer la cause des flux & reflux de la mer au Soleil à quoy adhère l'Albumasar liure 3. chap. 8. de son grand introductoire. Et ne diray point combien c'est chose ridicule de dire comme Bellantius a fait: la Lune dominer plustost sur vne partie de la Mer, ou de la Terre que sur vne autre, veu qu'icelle Lune iette & lance de toutes parts ses rayons & sa lumiere: Quant à la sixiesme cause de la grosseur & espaisseur de la Mer, cela ne peut auoir lieu pour la domination de la Lune sur les eaux d'icelle Mer, de dire qu'icelle est grosse ou espaisse, ou subtile & claire ou apte & non apte à cours & mouuement. Ce que l'Albumasar semble obiecter si souuent en ses escrits: car iceluy n'ignorant combien il estoit difficile d'asseurer la Lune auoir dominiõ sur la Mer: a voulu toutesfois rendre son opinion plus recommandable ayant escrit que la nature de la Mer procedde des qualitez de la Lune: mais cest Aucteur en disant cela contreuue plusieurs choses & neantmoins confesse ingenuement tantost que la Lune ne peut faire telles choses, puis vne autrefois resumant, assure icelle Lune estre assez forte & puissante pour faire icelles choses: voire il poursuit selon l'opinion des anciens

ciens Philosophes, qu'icelle Lune a puissance sur toute la Mer, & que les forces d'icelle sont quelquefois plus manifestes, quelquefois du tout cachees, & autresfois moins apparentes & conspícues, non par aucun empeschement d'icelle, mais par l'habitude de la Mer moins apte aux effects cy dessus: opinion qui n'est vraye non plus que les precedentes: De faict si les operations de la Lune ne sont claires & manifestes en la Mer, qui est-ce qui voudra asseurer la Mer dependre des qualitez de ladite Lune: & ne peut aucun personnage demóstrer quelque cause de quelque effect s'il ne voit icelle cause ou icelui effect estre produit, ou bien deriué & attiré d'icelle cause, autrement il seroit libre à vn chascún en toute chose douteuse & incertaine de cōtrouuer ce que bon luy sembleroit, que si on ne voit en aucuns lieux de la terre telles choses pour le regard des flux & reflux de la Mer qui est celuy qui croira la Lune pouuoir auoir quelque puissance en ces choses, esquelles on ne voit aucune operatió d'icelle; puis quelle habitude moins apte pourroit empescher qu'à midy il ny eust en icelle Mer mesmes affectiós & operatiós veu qu'en icelle il n'y manque des bords & riuages contre lesquels elle se iette & lāce en ce tēps de toute sa force & puissance? & puis quel sit & plā, est celuy de la Mer Caspie qui ne reçoit aucuns flux ny reflux? quelle est dōc ceste action de la Lune de si grande force & efficace, laquelle n'est aucunement veüe & apperceuë, & encor que les proportions des flux & reflux de la Mer soient mises en auāt, toute fois il s'ensuiura tousiours necessairement deuoir prouenir quelque effect d'icelles, lequel n'estant veu & apperceu en aucun tēps, qui est celuy qui le voudra referer à icelle Lune; & le

mesme Bellantius pense-il que la Mer se meust incō-
tinent à cause qu'elle est grosse & espaisse : comme si
ceste grosseur & espaisseur n'empelchoit pas plustot
son cours & mouuemēt, veu qu'icelle est à ceste cau-
se plus graue & pesante, & contenant en soy beau-
coup plus de terreestreité estant pour ceste raison plus
difficile à estre esmeuē & excitée : que si on vouloit
chercher raison de ceste subtilité en ceste matiere,
les fleuues & les fontaines par mesme raison seroiēt
en temps certain & déterminé esmeus & excitez ; &
au contraire la Mer ne le seroit que bien peu : Mais
qui est celuy qui ne sçache fort bien que les Lacs,
Palus, Estangs & eaux croupies & endormies, à cause
qu'elles ont en elles beaucoup de matiere grosse &
espaisse sont inhabiles à receuoir cours & mouue-
mens & ne peuuent estre esmeuēs de fond en com-
ble sinon par de grands & estranges soufflements &
tourbillōs de vents : & le signe de ce est que ces Lacs,
Palus Estangs & Eaux croupies sont nauiguées avec
plus de peril & danger, qu'aucunes des autres Mers
les plus perilleuses & dangereuses, à cause que les
vnes sont comme conduites par mouuements cer-
tains & reguliers, & les autres remuees par diuers &
dissemblables mouuemens : & parce qui est discouru
cy dessus on peut veoir combien est grande la raison
de l'Albumasar cy deuant allegué : lequel par la diffe-
rence des eaux à sçauoir les vnes marines, les autres
doucees, les autres fōtanieres, & les autres d'autre na-
ture à créu pouuoir vrayement colliger la différence
de leurs cours & mouuements, veu que iceluy eust
plus vray semblablemēt dit & aiséuré, l'une eau estāt
claire, l'autre plus pesante & par conséquent moins
idoine à mouuement, qu'il ignoroit & ne sçauoit

pourquoy celle là estoit meüe & excitée, l'autre au contraire demeueroit comme stable & ferme? Que si on refere & rapporte ces choses cy dessus deduites aux forces & vertus de la Lune, & qu'on dit que la cause d'icelle chose est la Lune laquelle attire de la Mer ce qui est de terrestre és eaux d'icelle; Pourquoy est-ce que cela mesme n'est faict & causé és fleuves riuieres & fontaines, & aux Lacs & palus, desquels les eaux sont plus grosses, espaisës & terrestres qu'aucunes autres eaux de Mer ainsi que le confirment Vitruue & Columelle en leurs œuures, & lesquelles eaux neantmoins ne sont meües par aucun cours & mouuement d'icelle Lune mesme qu'en la Mer la grosseur, & espaisseur & terrestité d'icelle sont diminuées par les cours & mouuements ordinaires qui sont en icelle Mer; non autrement que l'eau celeste venant à descendre l'hyuer par frequente cheute & mouuement dans iceux Lacs les rend plus sains & salubres, mais veu qu'aux palus il n'y est faict aucun cours & mouuement, & qu'en iceux il y a beaucoup de matiere espaisë & terrestre; les eaux d'iceux sont de beaucoup plus grosses & pesantes ce qu'estant ainsi il conuiendroit à plus forte raison au dire dudit Bellantius que la Lune plustot deuit agir sur les eaux d'iceux palus, que sur les eaux de la Mer, si à cause de ce qui a esté premis cy deuant la Lune à puissance d'esmouuoir lescdites eaux de la Mer: & que ce qui a esté dit ne soit certain, n'est-il pas vray que les eaux de la Mer peuvent estre aysement rendus potables & au contraire iamais celles desdits palus lesquelles il demeure tousiours vne feteur & puanteur extrême, qui prouiennent de la terre & par ce moyen contiennent en elles plus de

matiere & espaisseur condense & resserrée, que lesdites Eaux de la Mer : Secondement pourquoy la Mer Meridionale n'a elle pas par mesme raison des flux & reflux, veu qu'il ne manque és Eaux d'icelle de la terrestreté, & que la Lune exerce sur les eaux d'icelle aussi bien sa force & vertu que sur les eaux des autres Mers : Troisiemement si la plus grande raison qu'on puisse dire en ce faict consiste en la terrestreté, pourquoy les Lacs Asphalte & Aretuse & plusieurs autres de mesme nature, lesquels ont beaucoup de matiere condense & resserrée ne sont ils esmeuz & excitez comme la Mer ? Quatriesimement ceste doctrine ne peut satisfaire aux plus subtils, consideré qu'elle n'a raison pourquoy les flux & reflux sont faicts à heures certaines & determinees, veu que si icelle doctrine estoit vraye il faudroit tousiours les flux estre faicts & causez la Lune estant en sa force & puissance, à cause que alors des continuelles & assiduelles humeurs seroient attirées en haut par ladite Lune, & ne repetera-on ce que lon a dict si souuent cy dessus à sçauoir que la Lune estant sous terre n'auoit aucune force & vertu de faire des flux & reflux en la Mer. L'Albumarar peut demander en cest endroit si Mars n'est meu par la Lune. ou par les autres Corps celestes pourquoy s'en va-il en l'augment au dessus, c'est à dire au lieu superieur, veu que iceluy lieu ne luy est naturel ; Que s'il estoit meu naturellement, il ne tendroit pas au dessus, mais au bas. Ce qui faict que lon pourra par mesme raison demander en cest endroit si la Lune opere, redige, & attire les Eaux en vn lieu & siege violent & non naturel, pourquoy la Mer Propontide descend elle tousiours dans la

Mer Pontique, & non la Mer Pontique en la Propontide ? ainsi qu'ont fort bien remarqué Aristote au 2. des Meteores, Pline liure 2. chap. 100. Macrobe au 7. liure des Saturnales, & Albert le grand en ses œuvres disans que ceste descente d'eaux marines prouient du naturel & propriété d'icelles eaux. Lesquelles coullent & fluent des parties Septentrionales aux parties Meridionales pour les raisons que nous auons touché cy deuant : Ce qui est suffisant pour satisfaire à l'Albumasar cy dessus allegué. Retournons à nostre Bellancius qui dit que la cause septiesme des flux & reflux de la Mer prouient d'une plus grande generation d'eaux en vne partie d'icelle Mer qu'en vne autre : ce qui faiet que scldites eaux de la Mer sont rendues plus esleuées en vn endroit qu'en vn autre laquelle cause si elle est vraye, pourquoy est ce que la Mer Caspie en laquelle y a vne grande generation d'Eaux, n'est plus esleuée & esmeuë que les autres ? & pourquoy la Mer Septentrionale cede elle à la Mer Indique en multitude & abondance d'eaux ? veu que dans icelle Mer Septentrionale se viennēt à lancer & ietter infinis fleuves & riuieres que si ces choses ne semblēt satisfaire, tout au moins on ne peut rendre raison pourquoy la Mer Meditteranee cede à la Mer Orientale, veu qu'en icelle se iettent & lancent de tresgrands & treslarges fleuves à sçauoir l'Ibere Ane, Bethe, Meuobe, Singule, Detune, le Rosne, Hifare Druence, Vare, Tiche, Obre, Lirie Rusene Aterne, le Pau, Rutubec, Merule l'Arue, le Tibre, le Danube, la Tane Borysthene, le Rha, le Nil, & infinis autres fleuves & riuieres, lesquels prouiennent & procedent de plusieurs & diuers lieux d'Europe, Afrique, & Asie. Que si on regarde l'Inde

Orientale en icelle Asie on treuuerà que les fleuues du Gange, d'Inde, Hydaspes, Iomane & plusieurs autres viennent rendre leur tribut ou dans la Mer Caspienne ou dans la Mer Orientale. Ce qui demonstre que non par vne generation d'eaux (ainsi que ledit Bellantius) les flux & reflux de la Mer sont faicts & causez: Quelqu'un pourroit icy demander sçauoir s'il est vray ce que ledit Bellantius a escrit des doubles rayons de la Lune à sçauoir droicts & reflexchis par opposite, la force desquels il dit estre plus grãde qu'il n'apparoist, par le moyen desquels icelle Lune semble attirer & esleuer en haut les eaux de la Mer? si on asseure la Lune operer par les vns & les autres de ses rayons, il faut de necessitè conceder toutefois icelle operer moins quant elle a ses rayons reflexchis, car ceste reflexion de rayons est aussi distante & esloignée de la lumiere de ladite Lune qu'est l'ombre du Soleil, d'autant que l'ombre n'est autre chose, qu'une reflexion de rayons ainsi que tous les anciens & modernes mathematiciens l'ont desiny, & estant en perfection l'ombre secondaire, & la verité premiere, ou bien plustost plus parfaite en infiny, certainement il sera par consequent necessaire que toute & quantefois que la Lune aura ses rayons droicts la mer sera grandement agitée & enflée; Ce qui toutefois n'est lors en vn certain & determiné temps à sçauoir au temps des Equinoxes, des Solstices, de la nouvelle Lune, ou de la pleine Lune, auquel temps icelle Lune a le plus souuent ses rayons tres-droicts: Puis quant icelle seroit cachée, elle n'auroit aucune force ne puissance, parce que lors elle n'agiroyt avec ses rayons droicts, ains obliques, mais iceluy Bellantius semble aller au deuant des obiections cy dessus deduites quand il dit la Lune attire les eaux de la mer, non par les

rayons de sa lumiere, mais par la puissance de certaines siennes vertus & proprietiez occultes, ainsi que l'Aymant faict le fer par laquelle subtilité ce personnage pense se desuelopper des obiections cy dessus, mais ie demanderois volontiers audit Bellantius où il a leu & apprins qu'il y aye eu aucun des anciens & modernes Astronomes qui aye tenu que la puissance de la Lune est telle pour attirer à soy les eaux de la mer, que celle de l'Aymât pour attirer le fer, & quād on concederoit audit Bellantius son opinion estre vraye, pourquoy ceste puissance des vertus & proprietiez occultes de la Lune ne causeroit-elle pas mesmes effects sur les mers meridionales & Caspie comme elle faict sur l'Ocean nostre: Car veu que ceste puissance est par tout esgalle & parelle ainsi qu'est celle de l'Aymât attirāt par tout l'vniuers le fer, il est donc tres-certain si on croit audit Bellātius, & qu'on raporte ces rayōs lunaires à ceste puissāce incogneue, qu'iceux rayōs deurōt auoir esgalle vertu & force par tout cest vniuers, & n'agirōt point plustost en la partie Orientale, qu'en la meridionalē, & en la Septentrionale qu'en l'Occidentale: le cōtraire dequoy est veu & apperceu par ceux qui ont parcouru les mers de cest vniuers. Et outre tout ce que dessus ne sçait-on pas bien que l'Aymāt attire tousiours le fer, & que la puissance naturelle d'iceluy opere tousiours vers le fer, s'il ny a entredeux quelque obstacle ou empeschement; mais aux eaux marines il est tousiours veu que le reflux est esgale, semblable aux flux, l'vn desquels demonstre vn grand signe de force & l'autre vn grād signe de debilité ce qui n'adiendroit iamais si la puissance naturelle de la Lune estoit semblable à celle de l'Aymant, laquelle Lune retiendrait de mesme quel'Aymant faict le fer, la chose à elle attirée ius-

qués à ce que la chose violente, & le plus fort empeschement aduiendroit, & à vray dire quelle cause peut estre en ladite Lune, pourquoy icelle laisse retôber les flux esleuez en haut, au lieu d'où ils estoient premierement partis & prouenus? Certainement cela est vn signe de debilité, ou bien vn empeschement prouenant d'ailleurs, mais quel peut-il estre? de dire qu'il prouienne des corps celestes, il n'est credible, veu que nous voyons la mesme chose, estre faicte par les autres planettes en ayant attiré leurs qualitez de la Lune: ce que vraiment n'aduiendroit si la susception des passions s'il faut ainsi parler, pouuoit operer quelque chose: comment donc? Cela ne sera faict par la nature de la Mer, ainsi qu'il a esté démontré cy deuant par consequēt donc il y aura vne chose naturelle vne autre violente, la naturelle consistant à attirer, l'accidētelle à delaisser. En quelle façon donc ces choses se ferōt elles en vn mesme & certain tēps, veu que l'effect naturel est de beaucoup plus puissant que l'accidentel & qu'il a esté démontré cy dessus, que l'vn & l'autre des effects ne peut proceder des corps celestes: Que les choses sont ainsi qu'elles sont deduites cy dessus ce n'est de merueille si d'autant plus que l'Aymant est eslongné du fer, il opere plus foiblement & debilement. Et ce d'autant que la distance produit & engēdre vne debilité de rayōs ainsi que dit Alzindus: & neantmoins nous voyons lors que la Lune est souz terre, dissemblables effects estre causez en la Mer voire y estre excitées de grandes tēpestes, vagues & tourbillons, aussi bien que quand ladite Lune est sur terre ce que nous voyons estre faict aux Equinoxes, durāt lesquels la Mer est estrangemēt grosse & enflée, la Lune estant mesme sous terre.

Hierosme Cardan liure 2. de la subtilité en a voulu dire son opiniõ cõme les autres ences mots. La cause principale pour laquelle les Mers sont douées de flux & reflux, est que combien-qu'icelles soient salées, cela ne pourroit suffire à la conseruation des eaux & de l'air: car si l'eau de la Mer n'est meüe elle s'empuantit dedans les vaisseaux au rapport d'Aristote, mais l'eau qui est en la Mer Mediterranée est plus agitée, parce qu'elle est enclose de vêts, & pour ce ne s'empuantit, toutes les Mers sont meues d'Orient vers Occident qui tiennēt quelque proportiõ de l'vniuers, cõme l'Ocean parce que c'est quasi vn Element qui est mouué des estoilles. Toutes Mers donc qui sont directemēt vers l'Ocean sont meues d'un semblable mouuement: celles qui sont meües à costé, ne sont meües cõme l'Ocean, ainsi que sont les Mers Mediterranée & rouge qui sont du costé de Septétrion: car les lieux ainsi disposez il faut que le Cours vehemēt des Eaux soit rompu de l'Orient vers l'Occident, & si la Mer Mediterranée semble estre deuers l'Orient veu que l'Ocean est vers l'Occident. seulement, l'Ocean entre dedãs la Mer Mediterranée par refluxiõ, attēdu q̄ lors il n'est mouué par les estoilles, ains par la pesanteur dont il ne peut garder son mouuement. Vn autre indice est, qu'en la Mer Mediterranée il est faict vn flot la situation du riuage aydant de beaucoup à ce, depuis Zigris, lequel est droictemēt estendu de l'Orient en l'Occident, & la petite force de la Lune sur icelle Mer: la Mer du Nort qui est aupres du cercle Equinoctial vers Paria est meüe legeremēt d'Orient en Occidēt parce que le Soleil en cest endroit meut plus fort les eaux, vn flot vehement est faict en la

„ Mer du Sur meridionale à l'opposite de Beragua,
 „ mais il ny a presque aucú flot en la part ou la mer du
 „ Nord est du costé Septentrional : La grâdeur donc
 „ du flot aux nouuelles & pleines Lunes , & la peti-
 „ tesse d'iceluy aux quartiers d'icelle demonstret que
 „ les eaux marines en leur flux sont meues par la Lu-
 „ ne: Bref c'est chose tres-certaine que la mer Oceane
 „ est principalement meüe par les Estoilles & par la
 „ Lune ainsi que i'ay enseigné en mes liures d'Astro-
 nomie. mais ceste opinion de Cardan qui tiét la mer
 Oceane estre principalement meue par les estoilles,
 n'est vraye pour les raisons par nous alleguees en ce
 chapitre traictant de la seconde cause des flux & re-
 flux alleguez par Lucius Bellantius Siennesois. Le grád
 Iules Cæsar Scaliger en son exercitation. 52. contre
 ledit Cardan a rapporté plusieurs belles & curieuses
 obseruations touchant ceste matiere, lesquelles ont
 esté par nous recitées de mot à mot au chapitre pre-
 cedent ainsi que les curieux Lecteurs pourront veoir
 sans les reciter encor en cest endroit Le grand Car-
 dinal Contaren liure 2. des Elemens ayant traicté de
 la vraye cause du cours & mouuemēt en rond & cir-
 culaire de la mer mediterranee ainsi que ie l'ay rap-
 porté de mot à mot cy dessus chap. 18. discours ainsi
 de la cause du flux & reflux de la mer Oceane; Le
 „ cours & mouuemēt de la mer que nous nommons
 „ flux, est tres grand en la mer Océane, & oserois as-
 „ seurer les Anciens n'auoir voulu donner à entēdre
 „ autre chose par le nō & ethymologie de ce mot flux
 „ sinō que ce mouuemēt de mer ainsi appellé est vne
 „ certaine rarefactiō & tumefactiō de la mer, ou biē
 „ si on veut plus clairemēt parler, vne enfleure & es-
 „ leuatiō de la mer procedant de ladite rarefactiō &
 „ tumefactiō de la substāce aqueuse d'icelle attirée &

esleuée à telle hauteur que paruiēt le flux, & ce par,,
la chaleur de la Lune: A ceste cause la mer croissant,,
ce flux se lāce de tous costez sur la terre, & s'estend,,
vniuersellemēt sur les bords & riuages, & derechef,,
ce flux decroissāt la mer se rassemble en soy mesme,,
& de tous costez se retire de ladite Terre, cē qui est,,
faiēt par vne certaine cōdensation, cest à dire que la,,
mer s'espeffit, resserre, & cōdense en soy-mesme: ce,,
qui est fort facile d'estre apperceu par les sens d'un,,
chacū: Et ne pourroit-on dire ou feindre autre cau-,,
se d'ou sourdroit tant subitemēt en la mer, vne telle,,
& si grāde quārité d'eau extraordinaire, par le moyē,,
de laquelle la mer s'ēflast, d'abondāt vers & en quel,,
lieu icelle quātité d'eau se retireroit elle en la mer, le,,
flux d'icelle decroissant. Dōc cela estāt presuppōsé,,
que le flux de la mer n'est autre chose sinon vne cer-,,
taine tumefaction, & vne alternative constipation,,
de l'Element de l'eau, il reste que nous cherchiōs à,,
traicter d'oū procede & est faicte alternatiuement,,
ceste rarefactiō & condēsation: & ny a aucun bien,,
aduisé qui puisse mettre en doubte que toute rare-,,
faction & tumefaction procede & est faicte par la,,
force de la chaleur, laquelle cessant aussi cesse ceste,,
rarefaction & tumefaction, & aussi alternative-,,
ment est faicte la constipation, par la force de la,,
froidure, ou propre, ou estrāgere: Ce que nous pou-,,
uons veoir tous lēs iours dans vne chaudiere d'eau,,
mise sur le feu, laquelle cesse de bouillir, le feu e-,,
stant diminué, ou osté. Par consequent les flux de,,
la mer sont faicts par la force de quelque chaleur,,
& par experiēce nous cōprenons euidēment ceste,,
force de chaleur, par laquelle la mer s'enfle depēdre,,
de la Lune, la tēperature de laquelle semble princi-,,
palemēt s'accōmoder à l'humeur, & affecter l'humeur

„ de chasque chose de cest vniuers. Si donc nous
„ venons à diuiser le Ciel en quatre parties esgales
„ par les deux plus grands à sçauoir le Meridian, &
„ l'Orizon droit qui coupe vers les deux Poles ledit
„ Meridian à angles droiçts Spheriques, & que audit
„ cercle equinoctial il coupe l'orizon oblique de
„ chasque regiõ: car les flux de la Mer ne sõt faiçts en
„ tous lieux & mesme momët de tẽps, mais selon le
„ cercle Meridian & ledit Orizon droit de chasque
„ Region) en ceste façon le ciel estant couppé, quand
„ la Lune est meüe depuis ce poinçt de l'orizõ droit,
„ que nous auons cõstitué au Meridian sur l'orizon,
„ l'eau de la Mer s'enfle & s'espand, & quand elle est
„ meue depuis ledit Meridian, à l'autre & contraire
„ partie de l'orizon droit vers le couchant, ladite eau
„ se diminue, & decroist, & derechef quand elle est
„ meue depuis ce poinçt dudit Orizon droit, qui est
„ au couchât par deffous la Terre sous nos pieds vers
„ la partie opposite du midy à sçauoir de la minuiçt
„ de rechef ladite Eau s'enfle & s'espand, & derechef
„ la Lune se retirât de ce poinçt de la minuiçt vers le
„ poinçt de l'Orizon droit situé vers l'Orient duquel
„ elle auoit cõmencé de se mouuoir, ladite eau se di-
„ minue & decroist: Et treuuera-on l'eau de la Mer se
„ mouuoir tousiours ainsi, si on la contemple curieu-
„ sement, & icelle suiure les periodes de la Lune, fors
„ quand le mouuemët du Soleil l'en empeſche ainsi
„ que ie diray cy apres. Et cõment & par quel moyen
„ cela est faiçt il nous le faut rechercher: il n'est pas
„ tant difficile de treuuer la cause pourquoy la Lune
„ se mouuant, & montant depuis l'Orient iusques au
„ Meridian, l'eau de la Mer s'enfle, & derechef s'ab-
„ baille, la Lune descendant depuis ledit Meridian au

couchant: car tant plus ceste lumiere & tēperature „
celeste decoulant de la Lune, & compaigne de sa „
lumiere, s'approche de la ligne perpendiculaire, & „
des angles droicts; ad'autāt plus grande force & es- „
chauffe d'auātage. Et au contraire quant ceste dicte „
lumiere & temperature s'eslongne de ceste ligne „
perpendiculaire & de ces angles droicts, & faict des „
angles plus obtus, elle a moins de force. Ce que „
nous experimentōs estre tres-certain par les rayōs „
du Soleil ainsi que sçauent tres-bien les sçauans en „
perspectiue: A ceste cause la Lune montant de l'O- „
rient vers le Meridian, & salumiere s'approchant „
des angles obtus vers lesdits angles droicts, l'eau de „
la Mer s'enfle, & icelle Lune se reculant dudit me- „
ridian vers l'Occident, desdits angles droicts, vers „
les obtus, ladire eau se diminue & décroist. Mais de „
rendre raison pourquoy la Lune partant de l'Occi- „
dēt vers la minuiēt ou milieu de la nuiēt l'eau s'en- „
fle & espend, & derechef icelle Lune partant dudit „
minuiēt ou milieu de la nuiēt vers l'Orient sous „
l'Orison, décroist & s'abaisse; Cela est tres-difficile: „
Mais de moy il me fera assez si en chose si obscure „
ie rapporte seulement ce que i'ay leu dans les bons „
& approuuez aucteurs, les Lecteurs iugerōt si cela „
est vray, ou non. Aucuns disent la partie du ciel op- „
posite aux rayōs de la Lune estre affectee par iceux „
rayons, & attirer presque vne pareille force que „
iceux ont en eux mesme, & qu'à ceste cause quant „
la Lune se couchant, la partie opposite du Ciel se „
leue, & est portée de l'Oriēt vers le Meridian, l'eau „
de la Mer s'enfle; ainsi presque comme par vne cer- „
taine reflexion, de la Lumiere de la Lune, depuis „
cette partie du Ciel vers le Cētre; Et que de mesme „

„ quand la Lune se recule du poinct de la minuiet
„ dans le cercle Meridian sous l'Orison, la partie du
„ Ciel opposite se meust semblablement depuis le
„ poinct du midy vers l'Occident, & l'eau de la Mer
„ décroist: A cause dequoy en ce temps mesme, le
„ flux de la Mer depend de la Lune, non toutefois
„ selon le mouvement d'icelle dans l'Orizon, mais
„ bien selon la reflexion de sa lumiere causee de la
„ partie du Ciel opposite à icelle Lune, vers la terre
„ & la Mer. Et à bon droit vn chascun pourroit doub-
„ ter de ceste raison cy dessus par no^r alleguée, à cau-
„ se que la Lune estant de beaucoup plus petite que
„ la Terre, tant plus l'ombre de ladite Terre, proce-
„ dant des rayons & lumiere d'icelle Lune est haute
„ & esleuée, d'autant plus elle croist, & ne diminue
aucunement, ce qui faict que les rayons d'icelle ne
„ peuuent atteindre la partie du Ciel à elle opposite,
„ Parquoy iceux rayons ne peuuent estre reflexchis
„ de ceste partie vers la Terre & la Mer: Mais iceux
„ Auteurs respondent à ceste obiection ce que s'en-
„ suit: Veu que la Terre estant conferée au Ciel, sem-
„ ble n'estre qu'un poinct, son ombre combien que
„ tresgrande peut offusquer vne bien petite partie du
„ Ciel: à ceste cause il peut estre faict par les proches
„ parties d'icelle ceste reflection par nous cy dessus
„ deduiete: Car la lumiere est estendue vers chascue
„ poinct: & faut aussi attentiuement considerer ce-
„ cy. Estant le corps celeste diaphane & clair; à
„ grande peine la lumiere peut estre reflexchie par
„ iceluy: à ceste cause c'est chose esmerueillable que
„ nous ne voyons & contemplons des yeux durant
„ les nuiets fort obscures, quelque petite image ou
„ signe de ceste reflection, c'est pourquoy nous se-

„ rons contrainsts de dire , que non la lumiere , mais
vne certaine autre qualité est reflexhie, par la force „
de laquelle le flux de la Mer est faict. Quant à nous „
ce nous sera allés en ceste partie de doubter , veu „
que iusques à present nous n'auons trouué & ap- „
pris d'aucuns aucune cause , qui puisse contenter „
nostre Esprit & curiosité en ceste matiere. Qui „
plus est nous ignorons mesme en ce temps pour- „
quoy en la Mer Thyrrène , en la Mer de Genes , en „
celle qui est aux enuirs de Narbonne , en celle de „
Barcelône en Espagne , & en quelques autres lieux „
desquels nous ne ferons mention en cest endroit „
il ne se voit aucun flux de Mer : Ce qui est au „
contraire en la Mer Oceane , en laquelle il y a de „
tres-grands flux , comme aussi en quelques lieux „
de la Mer Mediterranée , tels que sont ceux qui „
sont bien euidens au sein Adriatique. Mais afin „
que nous expedions tout d'un coup ceste question „
du flux de la Mer ; il nous reste à parler de deux „
choses que nous croyons estre dignes d'estre ob- „
seruees en ceste matiere. C'est chose presque tres- „
certaine à tous que le flux de la Mer depend de la „
Lune. Toutefois le Soleil faict & opere quelque „
chose en la cause de ce flux. Ce que nous obseruons „
tous les mois aux quadratures de la Lune. Car quād „
la Lune apres son plein s'aprouche de nonante de- „
grez du Soleil , il est de necessité en mesme temps „
la Lune monter du poinct de l'Orient en cest Ori- „
zon droit que nous auons constitué vers le Meridian „
& aussi (s'il faut que ie le die ainsi) le Soleil aussi „
aller du poinct du milieu de la nuit vers l'Orient „
Et ainsi puis apres en presque pareille façon „
apres la conionction de la Lune , quand icelle „

„ monte de l'Orient en mesme poinct ou cercle me-
 „ ridian, le Soleil descend du mesme meridian vers le
 „ couchant, auquel temps, il est manifeste aux Ve-
 „ nitiens deux fois en chascque moys nuls flux ou
 „ quelques vns bien incertains estre faicts & causez
 „ en leur mer. D'ou vn chascun peut cognoistre que
 „ le Soleil opere quelque chose, pour conciter ou
 „ appaiser les flux de la Mer. Quant à moy ie croy
 „ qu'il y a vn poinct encor digne de remarque en ce
 „ faict; C'est que le flux de la Mer commence par
 „ le fonds d'icelle, & puis apres est porté vers la su-
 „ perficie, & ay approuué cela fort facilement par
 „ le rapport des nauigateurs, & par ceux qui ont ob-
 „ serué l'entree de nostre haure, auquel y a deux
 „ Tours, que nous nommons chasteaux. Car iceux
 „ nauigateurs obseruent tous les iours que quand la
 „ Mer commence à auoir flux, & coulle par nostre
 „ haure; le mouuement est du flux croissant & toute-
 „ fois l'Eau qui est aupres desdites Tours diminue, &
 „ décroist presque ou vn peu moins deuant qu'elle
 „ commence de refluer & de retourner dudit haure
 „ dans la Mer. Donc puis qu'icelle eau décroist en-
 „ semblement, & la partie superieure de la Mer vi-
 „ sible à nos yeux faict flux, il est sans doubte, que le
 „ commencement du reflux & de la constipation de
 „ l'eau est au fonds de la Mer, mais pourquoy l'eau
 „ descend tousiours du Bosphore de Thrace, &
 „ de l'Hellespond, & ne remonte aucunement, vn
 „ chascun pourra sçauoir que cela est faict par la
 „ grâde multitude des fleues & riuieres qui tombēt
 „ & se lancēt dās la Mer de ces lieux. Gaspard Peucer
 „ gēdre de Melāthon en son Cōmentaire des princi-
 „ paux genres de diuinations, traictant de la force &
 „ puissance

puissance, tant du Soleil que de la Lune sur les
choses de ce bas monde a parlé de ceste question
ainsi que s'ensuit. Icelle Lune montant sur l'ori-
son; les Mers comme poussées s'enflent & font
flux, & icelle Lune se couchant, derechef icelles
Mers s'appaisent & desenfent; Ce qui se voit vi-
cissitudinairement par les flus & reflux d'icelle;
Et est tres-certain que la force de l'une & de l'autre
lumieres, à sçauoir du Soleil & de la Lune se
demonstre, tres-euidemment, en ceste commo-
tion & agitation des eaux marines. Premiere-
ment c'est chose tenuë pour confessée & indu-
bitable, la Lune montant de l'Orient au hault du
Ciel, & s'en allant du couchant vers la minuiet,
que les Mers, comme poussées bouillent, s'esle-
uent & enflent, & la Lune atteignant le fastige du
Ciel, tant dessus que dessoubz iceluy, qu'icelles
Mers s'appaisent, & se retirent: de mesme icelle
Lune s'en allant du fastige du Ciel vers l'Occidēt,
ou bien du fastige inferieur vers l'Orient, que les
mesmes Mers se retirent & resserrent; de rechef;
Icelles entre deux, leuans & couchans, taisans flus
& reflux alternatiuement en l'espace de 24. heu-
res. Et a esté aussi obserué que durant le temps qui
est entre la vieille & nouvelle Lune, & durant le
temps de la pleine Lune, qui est quand icelle Lu-
ne est conioincte ou opposite au Soleil les Mers
sont plus violemment incitées, s'espendent & se
esmeuent plus impetueusement. Ce qui aduiet
principalement trois iours deuant & trois iours
apres: & au contraire les flux d'icelles sont moin-
dres & plus lents quand icelle Lune est en l'un ou
l'autre de ses quartiers. Strabo & Pline en leurs

„ œuures remarquēt plusieurs autres obseruatiōs , à
„ ſçauoir que les flux & reflux de la Mer ſont faits
„ plus eſgaux & certains quand icelle Lune paſſe
„ par les ſignes tropiques , au contraire plus in-
„ eſgaux & incertains quand elle paſſe par les ſi-
„ gnes equinoctiaux ; & qui plus eſt iceux flux
„ ſont faicts plus grands & violents quand la
„ Lune eſtant vers la partie auſtrale , exerce com-
„ me plus proche ſa force & violence , & va
„ des Equinoxes vers les Solſtices ; & au con-
„ traire , d'iceux Solſtices vers les Equinoxes ,
„ & quand icelle Lune eſtant vers la partie Sep-
„ tentrionale , & plus eſlongnée de la Terre ,
„ iceux flux ſont derechef adoucis & appaizez en
„ telle façon que durant les Equinoxes ils ſont
„ plus grands & violents , & au contraire durant les
„ ſolſtices plus petits & moins violents ; d'abondāt
„ j'ay di cy deuant que les fleuves & riuieres qui
„ ſe deſchargent dans la Mer , ſentent ce mouue-
„ ment de Mer s'ouurant , s'eſpandant , & preſſant ,
„ car iceux fleuves & riuieres remontent contre-
„ mont ; de faiēt le fleue de la Tamife qui paſſe à
„ Londres en Angleterre eſlongné de la Mer de
„ cinquante milliers italiques , le fleue Labe ou El-
„ be qui paſſe à Hamburg , diſtant de la Mer Occa-
„ ne de dix huit milliers italiques , le fleue Eſcault
„ vers Anuers enuiron auſſi dix huit milliers , eſtāt
„ comme contrains & detenus , remontent , s'au-
„ gmentent , & fluent contremont , la mer faiſant
„ ſon flux dans leurs eaux , & au contraire deual-
„ lāt ſe diminuent & coulent cōtre bas dans leurs bor-
„ nes quand la Mer faict ſon reflux. La Mer Oceane

a de tres-grands flux & reflux, la Mer Mediter-
ranée les a plus doux, les Mers de l'Hellepont,
autrement bras sainct George, du Pont Euxin,
ou Mer Maiour, la Ligustique, la Baltique &
Caspie n'ont aucun flux ny reflux, Deux fois le
iour & la nuit la Mer Sicilienne vers Scylle &
Charybde fait ses flux & reflux; & la Mer Chal-
cidique vers le destroit de Negrepont sept fois,
en vn iour & vne nuit : Les navigateurs ont,
experimenté qu'outre ces flus & reflux les Mers,
sont agitées d'un autre mouuement moins eui-
dent : mais perpetuel, & non seulement l'Ocean,
qui estant grandement espandu pardela les Co-
lomes d'Hercule baigne, laue, & enuironne,
toute la Terre, mais aussi la mer mediterrannée,
laquelle entrant par l'embouscheure du destroit,
de Gibraltar occupe le milieu du monde. Ce,
que les Navigateurs experimentent ; Car s'ils
partent de Nerit promontoire d'Espagne, &
font voile vers l'Angleterre au Soleil leuant, ils
demeurent plus long temps, qu'ils ne font a
retourner d'Angleterre en Hespaigne : en mes-
me façon ceux qui font voile d'Hespaigne
vers vers les Isles nouvellement descouuertes
par Christophle Colomb en l'Ocean Occiden-
tal, font leur chemin en vingt-quatre iours sui-
uant le courant de la Mer : mais à grande pei-
ne iceux, s'en partans de là pour aller en leur
Pays Hespagnol peuuent parfaire leur voyage,
en trois ou quatre mois encor qu'ils n'ayent
aucuns empeschemens de Vents & tempe-
stes, & ce à cause qu'ils s'en vont contre le,

21 courant de ladiète Mer. De mesme les Portugais
22 qui font voile le long des bords de l'Afrique,
23 & passent le Cap de bonne Esperance pour aller
24 vers l'Isle de la Taprobane, ou Sumatre charger
25 des marchandises Indiennes employent beau-
26 coup plus long temps à parfaire leur voyage, en-
27 cor qu'ils soient aydez & secourus de bons vents
28 qu'ils ne font à leur retour & afferment iceux
29 qu'il n'y a autre cause de cela, sinon que l'Océan
30 est emporté & comme forcé & violenté, non
31 toutefois manifestement, mais sensiblement vers
32 ceste partie, a laquelle le mouuement perpetuel
33 contenu & rapide des orbes celestes est porté du
34 leuât au couchât, & que ce cours de l'vniuerselle
35 matiere de l'eau marine, est tel par la force de ce
36 mouuement de ses orbes celestes, qu'il empesche
37 & retarde le cours des nauires les plus legers. Et
38 a esté obserué que par ce mesme mouuement la
39 Mer Mediteranée est meüe en rond, & circulari-
40 rement, à cause qu'elle est contrainte & resserrée
41 dans ses bornes & limites. Car icelle estant meüe
42 depuis les bords & riuages de la Palestine qui re-
43 gardent l'Orient, & coulant le long des riuages
44 de la Phœnicie, Pamphilie, Hellespont, & la Gre-
45 ce, puis le long du cōtinēt de la Dalmatie, Istrie,
46 Sclauonie, & venant à ce ranger dans ce recoing
47 ou angle de Mer nommée Adriatique, ou Veni-
48 se est située, & reflexhie vers le riuage opposite
49 de l'Italie, à sçauoir vers la Romagne, & de là
50 tournant par les limites de la marque d'Ancone
51 la Pouille, la Calabre, & la Sicile vers l'Orient: puis
52 enuironnant tout le riuage de la Mer Tyrrhene,
53 Mer Ligustique, la Mer Gauloise des entours de

Narbonne, & d'Espagne, & passant subitement „
vers l'estressiffue du destroit de Gibraltar, & le „
chant les riuages de la Mauritanie & Egypte s'en „
retourne encor vers l'Orient. Et combien que la „
cause & raison des flux & reflux soit tres-obscure „
toutesfois icelle doit estre referée & rapportée „
au Soleil & à la Lune: Car veu que l'Orizon & le „
Meridian partent & diuisent par mutuelles inter- „
sectiōs, le Ciel en quatre parties esgales, par deux „
desquelles qui sont contraires, ces deux lumieres „
estant portées font des flux & accroissemens „
d'eaux, à sçauoir par la partie qui est depuis le so- „
leil leuant iusques au fastige du Ciel, qui est au „
Meridian, & celle qui est depuis le couchant ius- „
ques à la minuiet, & par les deux autres qui sont „
aussi contraires ces deux mesmes lumieres étant „
portées font des reflux & décroissemens d'eaux, „
à sçauoir par la partie qui est depuis le Meri- „
dian iusques au couchant, & depuis la minuiet „
iusques à l'Orient. Aussi il est notoire à vn cha- „
cun que les Mers sont esmeuës plus abondam- „
ment en la nouuelle, & en la pleine Lune, ou „
quand l'vne & l'autre de ces deux lumieres se „
leuent par ensemble, ou se couchent parensem- „
ble, ou en mesme & pareil temps l'vne naist, & „
l'autre se couche; Et au contraire qu'icelles „
Mers sont moins esmeuës aux quartiers d'icelle „
Lune, à cause des contraires mouuemens de „
ces deux lumieres, l'vne d'icelles incitant & „
poussant les Mers, & l'autre les reuocquant & „
retirant par la force de leurs lieux & situations „
de contraires & repugnantes forces & vertuz. „
Donc par le mouuement quotidian & l'effect „

„ de l'vne & de l'autre de ces deux lumieres les
„ Mers sont esmeues, & leurs cours sont diuers
„ & dissemblables par les conionctions & di-
„ uers aspects & routtes de ces deux lumieres
„ dans le Zodiaque, lesquelles tendent & decli-
„ nent sur diuerſes & dissemblables Mers de plu-
„ ſieurs parties du monde par contraires & repu-
„ gnantes inclinations de leurs forces & puisſan-
„ ces. Et est tref-aparent que la force & vertu de la
„ Lune, est la principale cause de ces mouuemens; a
„ cause qu'icelle se leuant, ou partant du couchant
„ les flux de la Mer commencent, & d'autant plus
„ tardiument ſauacent, que icelle Lune estant
„ loing, se demonſtre plus tardiument. Mais il
„ n'est mal à propos de demander par quelle force
„ ces deux lumieres attirent les Mers, ſi c'est par la
„ ſeule force de l'eſſancement de leurs rayons, ou
„ par aucun autre ayde ou moyen: Et encore que
„ toute ceſte nature inferieure demonſtre cui-
„ demment par vn admirable accord & conſente-
„ ment que la force des rayons du Soleil & de la
„ Lune affecte & agite grandement les humeurs
„ des corps inferieurs, toutefois les flus de la Mer
„ eſtant veuz eſtre ſemblables à la ferueur de l'eau
„ eſchauffée au feu dans vn chauderon, ie me ſuis
(„ perſuadé de croire que ainſi que l'eau qui bout,
„ quand la quantité de ſes vapeurs tenues eſtant
„ diſſoutes par la vehemence de l'ardeur, & par ſa
„ legereté & tenuité, & par la force de ſa chaleur
„ pouſſée & diſſuſe, elle cherche vne iſſuë ou ſor-
„ tie laquelle elle ne peut trouuer ſinon par le
„ moyen de ſes parties aqueuſes troublées, & du
„ tout poſſées dès le fonds dudit chauderon iuf-

ques au dessus d'iceluy, & de son milieu iusques à „
ses bords extremes. De mesmes les Mers font „
leur flux & reflux quand les exhalations marines & „
terrestres sont extenuées & agitées par la grande „
force & quantité des rayons solaires & Lunaires „
ou bien quand icelles exhalations sont attirées du „
fonds de la Mer; & renfermées dans le profond „
des eaux d'icelles Mers, lesquelles comme luit- „
tans & combattans avec les eaux qui les environ- „
nent s'efforçans de sortir dehors d'icelles, cre- „
uent, rompent, & dissipent avec grand bruiet „
lesdictes eaux qui les environnent, lesquelles en „
donnant ainsi entrée à ces exhalations qui les „
pressent, s'entrouurans & diuisans, viennent a „
hurter leurs bords & riuages, & entrer dans les „
bouches des fleuves, lesquels au commence- „
ment estant reprimez par ces eaux s'arrestent „
tout court premierement, puis remontent „
contremont, & esleuez par la reciprocation „
s'estendent, couurent, & inondent les terres „
prochaines, & les Mers reiettent & repoussent „
infinies choses de leur fonds vers leurs bords „
& riuages. La Mer Occéane à ses flux & reflux „
plus grands & violents, & la Mer Méditerran- „
née les siens plus doux & lents parce que icel- „
le Mer Occéane avec sa tresgrande amplitude, „
sent plus fermement la force & vertu des corps „
Solaires & Lunaires. A cause dequoy la Mer „
Baltique & autres Mers resserrées & contrain- „
ctes dans leurs bornes angustés & estroites, & „
aussi grandement esloignées des forts rayons de „
ces deux lumieres, & par conséquent moins propres

à receuoir iceux rayons Solaires & Lunaires,
à cause de leur grande densité & profondeur,
n'ont aucuns flux ny reflux, & en est de mes-
me en la Mer Ligustique; tant à cause de ses
pareilles & semblables bornes angustes & es-
troictes qu'à cause de son fonds pierreux, le-
quel ne peut estre resoults & changé en exha-
lations propres à agitation & mouuement.
Donc les deux personages cy dessus alleguez,
soustiennent par leurs parolles que les flux de
la Mer, ne sont autre chose qu'une enfleure &
esleuation d'icelle, procedant de la rarefaction
& tumefaction de la substance aqueuse d'icelle,
attirée & esleuée à telle haulteur que vont les-
dits flux, par la chaleur des rayons du soleil & de
la Lune, & que les reflux aduiennent quand ces
rayons du Soleil & de la Lune ne font & causent
pl^{us} de chaleur, & qu'ilz ont passé l'endroit duquel
leur reflexiō faisoit de plus vigoureux efforts: car
alors selon l'affoiblissement de leur force, la Mer,
s'espeffit, se resserre, ou cōdense en soy mesme, s'a-
baisant & retournant en sa propre & ordinaire
residence: Ce qu'ilz auctorisent par la comparai-
son d'un chauderon plein d'eau sur du feu, au-
quel chauderon par la chaleur du feu icelle eau
se relasche, se faiēt rare, s'enfle & monte iusques
à l'epancher par dessus pour sortir, puis la chaleur
cessant en son actiō, ou par la diminution, ou par
l'esloignemēt du feu icelle eau se resserre, s'espeffit
s'abaisse, & retourne en sa premiere residence.
De ce temps qui a produit de tresgrands & sub-
tils esprits il a eu vn certain Philosophe Italien
nommé Casalpinus, lequel prenant vn grand

& affermé fondement dans les paradoxes de ce
tresçauant & tresexcellent Astronome Allemand
Nicolas Copernic touchant le mouuement de la
Terre, & l'immobilité des Cieux, a publié vn autre
estrange & monstrueux paradoxe au liure troisi-
eme de ses questions peripatetiques question cin-
quiesme, dilant que ce n'est point ny le Soleil ny la
Lune ny aucun corps celeste, mais seulement le
mouuement de la Terre, qui est cause des flux & re-
flux des Mers qui sont espendues sur son dos. Mais
ceste opinion ne peut estre aucunement vraye
pour les raisons par nous cy deuant alleguées
au chapitre sixiesme de ce present discours. Vn cer-
tain grád Personnage moderne en ses escrits adict
ce qu'il sensuit. La Cause du flux & reflux de la
Mer doit estre rapportee a la Lune dominatrice
des humiditez, d'autant que les humeurs de tous
les Animaux se referent au croist & decroist d'i-
celle Lune: cest pourquoy la Lune estant con-
ioincte avec le Soleil ce qui aduiant quant elle est
nouuelle, & que la Lumiere du Soleil & d'Elle
empeschée en ceste Coniunction, ne peut subti-
lier l'air, lequel estant fait & rendu plus gros est
conuertý en Eau, & par ce moyen est fait & cau-
sé vn croist ou augmentation de Mer en substan-
ce, lequel est necessairement acompaigné du
flux; Mais la Lune estant à l'opposite du Soleil, ce
qui aduiant en la pleine Lune, trāsferre toute la Lu-
miere aux choses inferieures, & si n'empesche
que la Lumiere du Soleil ne regarde la Mer; à cau-
se dequoy l'Eau de la Mer, laquelle pour sa gros-
seur & densité contient beaucoup de vapeurs
est rarefiée & tumefiée & monte & flue en ceste

„ faisons ainsi que feroit du lait bouilly sur du feu &
„ est ce croist ou flux de Mer nō en substance, mais
„ en accident par rarefactiō & tumefactiō, La mes-
„ me Mer aux quarts interposée de la Lune tantost
„ croist & décroist pour mesmes causes & raisons, car
„ en la premiere quarte de la Lune la Mer décroist,
„ en la seconde elle augmente accidentellement
„ par la rarefaction, en la troisieme elle décroist
„ par la mesme rarefaction a cause du décroist de
„ lumiere & en la quatrieme quarte qui desia ap-
„ proche du Soleil de rechef la substance de la Mer
„ s'augmente inspissation d'air, & quāt aux quartes
„ du iour naturel la Mer suit le mouuement de la
„ Lune: car quand la Lune monte sur l'horizon près
„ le milieu d'iceluy la Mer croist & fait flux & la Lu-
„ ne declinant de ce milieu vers le couchant, la Mer
„ décroist & fait reflux, & s'en allant la Lune au
„ couchant vers l'āgle de la minuit la Mer croist &
„ fait flux & s'en allant dudit angle de la nuit pour
„ monter vers l'Orient elle décroist & fait reflux
„ & si on demande si donc le flux de la Mer
„ suit le mouuement de la Lune comment les
„ Mers qui sont sous l'horizon sont augmentées
„ & font flux, la Lune estant dessus ledict ori-
„ zon on peut respondre que icelles Mers suivent
(„ le mouuement de la Lune avec vne concur-
„ rence de lumiere poulsee par reflexion tant des
„ Estailles que de la partie du Ciel opposite, à
„ la Lune demeurant sur l'horizon il en est autant
„ fait par vne lumiere directe & plus forte, car les
„ vertus reflexes ou resieschis, sont plus debiles
„ que les directes pour estre plus remotes & re-
„ cullees de leurs origine. Et de la on peut veoir

la raisõ pourquoy les flux qui se fõt le iour sont „
pl^r fors que ceux qui se fõt la nuit & nō seulemēt „
la cause de tels effect̃s peut estre prise de ce qui „
a esté deduiet cy des^s veu que la lumiere de la Lu- „
ne reflexée ou resleschie n'est pas de si gr̃de force „
& vigueur, mais aussi peut estre prinse du decrois- „
semēt substātiel & accidēt̃el d'icelle Lune cōme „
aussi de sa distāce & propinquit̃ plus gr̃de de la „
Terre: à cause dequoy la Lune estāt en l'āgle de sō „
Eccētrique ou Epicycle les flux de la Mer sōt pl^r „
debilles, par ce que icelle Lune est alors grande- „
mēt eslōgnée de la Terre, & estāt icelle en l'oppo- „
site de l'āgle de souz Eccētriques, les flux sōt plus „
gr̃ds & violēs parceque icelle Lune est alors plus „
proche de la Terre cela aduiēt aussi si la Lune estāt „
au cercle meridiā est plus proche du Zenit de la „
Mer: d'autant qu'à lors les Estoilles fixes avec les- „
quelles ladiet̃e Lune est cōioincte & l'asēblee des „
Planettes, & la demeure dessus l'orizō de ladiet̃e „
Lune cooperēt gr̃demēt à cest effect̃ lesquelles „
choses quād elles aduiēnt tout ensēble sont cau- „
ses d'un particulier deluge: mais il me sēble veoir „
quelqu'un en cest endroit nous obiecter cōment „
& pourquoy les choses cy dessus n'ōt elles aussi biē „
la force & puissance de faire des flux & reflux aux „
fleuves et riuieres cōme elles l'ōt en la Mer, nous „
luy respōdrōs que outre les choses susdictes la na- „
ture & dispositiō d'Eau de la mer est à cōsiderer, la- „
quelle est vne certaine crassitude & espaisseur d'eau „
avec saleure, estāt en existence d'un lieu ou liēt à „
elle propre et particulier de long tēps ce qui fait „
q'icelle Eau par sa crassitude & espaisseur retient „
fort les esprits en elle engendrez, & se tourne en „
escume, & à cause de la saleure vne generale „

„ chaleur, & par son existence estant en vn lieu &
„ list propre a elle, reçoit vne generation de plu-
„ sieurs esprits par le moyen du Soleil, & parce
„ que les choses cy dessus premises ne sont si fortes
„ en toutes les Mers & que icelles ne sont aux flux
„ & riuieres, ce n'est de merueille si les flux & re-
„ flux ne sont pareils & sēblables en toutes Mers, &
„ si il n'y en à aulcun eaux susdits fleuues & riuieres,
„ Et parce que les orizons que la Lune cause par
„ son mouuement iournalier sont diuers & d'i-
„ semblables en plusieurs lieux de la Terre, il ne faut
„ trouuer estrange si les flux & reflux des Mers
„ estendues en plusieurs & diuerses regions de la
„ Terre sont du tout differents & dissemblables
les vns aux autres. Voila ce que dict ce grand Per-
sonnage l'opinion duquel n'est du tout vraye &
assurée si on a esgard aux raisons & argumens par
nous cy deuant alleguez en ce mesme chapitre cō-
tre Lucius Bellantius Sienois. La plus part des Pilo-
res & nauigateurs modernes en ont dict ce que
„ s'en suit. *Quand* la Lune monte sur l'horizon, les
„ Eaux de la Mer receuans lors comme vn nou-
„ uveau branle, s'enflent & s'agitent : comme au
„ contraire la Lune defaillant elles se racoissent :
„ Ce qu'on voit euidemment en la Mer Oceane,
„ puis au croist & décroist des riuieres. Cest chose
„ toute apparente que le Soleil & la Lune beson-
„ gnent puissamment en ceste emotion & agitation
„ des vages de la Mer : Premièrement au regard
„ de la Lune, c'est chose tenue pour confessée &
„ trescertaine que quand elle tend au plein, les Mers
„ commencent à bouillir, a s'esleuer & enfler: quād
„ elle est en son plein icelles s'arrestent comme

en vn mesme train : a son declin ou à son re-
nouuellement elles se retirent & enuoloppent
par maniere de dire en elles mesmes allans & re-
uenans par deux fois en 24. heures cest a dire de
six en six heures au flux, autant au reflux en
chaque Hemisphere L'on a aussi remarqué que
les Mers sont beaucoup plus esmeues & plus in-
petueuses quand la Lune est au plein ou à defaut,
& qu'au contraire son flux diminue au premier
& dernier quartier, vray est que Plineliur. 2. cha.
97. & Strabon adioustent d'autres obseruations
asçauoir que les flux & reflux sont plus esgaux
quand la Lune est és Signes des Tropiques : au
contraire plus instables & plus incertains lors
qu'elle est aux Signes equinoctiaux, en apres
qu'ils s'enflent & se renfoncent quand la Lune
entre és signes meridionaux, desploye sa vertu
d'un effect plus prochain tendant des solstices
aux Equinoces, & des Equinoces aux solstices
mais estant és signes Septentrionaux, & plus
eslongnés de la Terre les vagues s'abaissent &
adoucissent, ainsi donc es Equinoces elles s'en-
flent, & sont basses es solstices d'hyuer & d'Esté,
mesme les Riuieres repoussées & retenues sen-
tent ceste impetuosité de la Mer, qui souues s'es-
pand elle presse, de fait ce flux de la Mer de-
dans la Tamise à Londres est d'environ douze
lieus francoyses, dedans l'Elbe à Hambourg de
quatre lieues dedans l'Escauld à Anuers d'en-
viron quatre lieues. Ce qui se fait autāt de fois que
la Mer vient, comme aussi elle se retire & laisse
vuides les canaux qu'elle auoit remplis: Les flux
montees & marées de l'Ocean sont impetueux,

„ ceux de la Mer Meriditeranee plus doux , les
„ mers de Pont de Genes de Lubec & de Con-
„ stantinople n'en ont que peu ou point. Ceux
„ de Sicile montent & deualent deux fois le iour
„ à l'endroit des Escueils nommez Charybde &
„ Scylle, en la mer de l'Eubœe il y a vn flux & re-
„ flux septenaire en vingt-quatre heures outre ces
„ flus & reflux ordinaires les mers sont agitees d'un
„ autre mouuement qui est moins euident toute-
„ fois perpetuel tant en l'Ocean qu'en la mer me-
„ diterranee : car les Pilotes & navigateurs faisans
„ voile d'Espaigne en Angleterre qui leur est lors
„ au Soleil leuant ne voguent pas si viste qu'à venir
„ d'Angleterre en Espaigne. Ceux qui fõt le voya-
„ ge d'Espaigne es Indes Occidentales avec bon
„ vent se trouuent d'un port à l'autre dedans vingt
„ quatre iours, mais au retour des Indes en Espai-
„ gne à peine ont-ils asses de quatre moys, quel-
„ que bon temps qu'il face. Les Portugais qui
„ costoyent l'Afrique & doubtent le Cap de bon-
„ ne esperance pour remonter iusques à Sumarre
„ arrestent beaucoup plus à aller qu'à reuenir en
„ Portugal ; & ce à cause comme assurent les plus
„ iudicieux , que par le continuel & indiciblement
„ leger cours & mouuement des cieux d'Orient
„ en Occident l'Ocean est comme remué & pous-
„ sé de ceste part non pas manifestement & visi-
„ blement , mais sensiblement & aduient par ce
„ moyen que le repoussment de l'Element ou
„ masse des Eaux de l'Ocean arreste & retarde par
„ ce cours & mouuement des Cieux la plus fou-
„ daine vistesse des nauires. Et a-on remarqué ce
„ mesme cours & mouuement des Cieux faict
„ tourner en rond la mer mediterranee par ce que

elle est enclose en des limites beaucoup plus estroits que l'Océan ; car commençant à s'esbranler vers les riuages escueils de la Palestine qui regardent le Soleil leuant , & se glissant au long des costez de Phœnice, de Pamphilie, de l'Hellespont & Grece, elle va costoyer de la la Dalmatie, l'Istrie & la Sclauonie, puis entre iusques au goulf de Venise: delà elle se tourne & courbe au riuage opposé d'Italie vers la Romagne puis rebroussant par les limites de la marque d'Ancone, la Pouille, la Calabre & la Sicile sans oublier aucun riuage de la Mer de Toscane, de Genes, de Marseille, & de la coste d'Espagne, elle flotte au destroit de Gibraltar & courât au lôg de la Mauritaine, de l'Afrique & Egypte se va rendre au leuant: & poursuiuent les mesmes Pilotes & navigateurs modernes que cōbien qui soit assés difficile de rendre tres-certaine raison des flus & reflux de la Mer, toutefois la cause en est au Soleil & à la Lune; car estât ainsi que l'Orizō & le Meridiā par mutuelles sectiōs partissent tout le ciel en quatre parts le Solcil & la Lune portez en deux d'icelles opposées aux deux autres: causent les flus & mōtees de la mer des leur leuer iusques au Zenit ou point Vertical: & des leur coucher iusques à l'opposé nommé le point des pieds, estant portez és autres portions s'ensuiuent les reflux & descentes, de fait c'est chose tres-euidente que la Lune estât nouuelle ou pleine les Mers s'enflent, & s'estendent beaucoup plus le Soleil & la Lune leuans & couchans ensemble : ou l'un leuant & l'autre couchant en mesme temps és quadrats du Ciel où ils ont accoustumé de causer les reflux : au contraire les mers s'abbaisent quand la Lune est en quartier

à cause des contraires agitations , l'une des deux Planettes le Soleil & la Lune pouffant , l'autre retenans & retirans des endroits ou leurs effects sont contraire. Ainsi donc les Mers sont esmues par le circuit & effect journalier du Soleil & de la Lune. Quand à la diuersité des agitations elle procedde des conionctions & mutuels aspects de ces deux Planettes, de leurs routes par diuers Signes du Zodiaque, de leurs diuerses montees & delcêtes, de la dissemblable inclination & du diuers eslançement de leurs rayons sur les parries des Mers. Toutesfois cest chose bien recongneue que la principale efficace de tout cela procedde de la Lune, pour ce que les accroissements des Mers commencent alors qu'elle se renouuelle, & s'auancent selon que elle est eslongnee ou proche de son commencement ou de sa fin. Mais on demande d'ou vient que le Soleil & la Lune esbranlent ainsi les Mers? est ce par le seul eslançement de leurs rayons, ou par quelque autre ayde ou moyen, & combien que toute la nature elementaire monstre euidentement que par vne admirable sympathie les rayons du Soleil & de la Lune ont ceste vertu & puissance sur les corps terrestres qu'ils en esmeuent & agitent les humeurs; neantmoins d'autant que les flux & reflux ressemblent a de l'eau qui bout sur le feu, Cela fait dire que comme l'eau bout quand par la vehemence du feu l'abondance des plus subtiles exhalaisons vient a se resouldre & pouffier tant par sa legereté & tenuité, que par la force du feu, cherche issue, qu'elle ne peut trouuer qu'en troublant & agitant toute l'Eau de la Chaudiere, depuis le fond iusques au dessus, & tout autour des bords

ainsi,

ainsi les Mers fluent & refluent quand les exhalaisons marines & terrestres encloses au fond des Mers venans à estre subtiliees & agitees, ou attirees du fond par l'efficace & grande abondance des rayons du Soleil & de la Lune luttent & combattent contre les eaux qui les enferrent de toutes parts, & faisans leur effort de trouuer passage, froissent, tordent, & deschirent les eaux, qui contraintes de faire ouuerture à ces exhalaisons s'ouurent & reculent par force iusques aux riuages & destroits où les fleuves sont arrestez, puis elles se balancent incontinent en arriere, & enfilees par l'agitation reciproque couurent les riuages prochains, où elles vomissent & iettent diuerses choses sorties du fond des Mers. Les flux & reflux de l'Ocean sont impetueux, ceux de la Mer Mediterranee sont plus doux pource que la grande estendue de l'Ocean sent avec plus d'efficace la vertu des estoilles qui y ont vn large champ pour y darder leurs rayons: mais les destroits de la Mer Mediterranée empeschent tels effects; c'est la raison pourquoy la Mer Balthique & quelques autres serrees en des goulfes estroits, plus eslongnées du vigoureux esclancement des rayons des astres, & à cause de leur profondeur au regard des Mers plus hautes & moins exposées à la clairté de ces rayons ne sentent ne flux n'y reflux, entre autres la Mer de la coste de Genes tant à cause qu'elle est estroite, que pource que le fond est pierreux, par consequent ne peut se resoudre en exhalaisons commodés pour estre agitees. Voila ce que disent les Pilotes & navigateurs modernes des Causes des flux & reflux de la Mer; oyons maintenant les Theologiens. La plus grande part d'iceux tiennent que la vraye & plus

prochaine cause des flux & reflux de la Mer est la Lune: & estiment que cela procede de certaine propriété qu'elle a de faire enfler les eaux qui partant fluent & refluent; comme l'Aymant a vne vertu & puissance occulte de attirer le fer, aucuns autres tiennent que ce mouuement diuers viét de la diuersité de la clairté lunaire qui frappe plus ou moins fort sur les Mers: car tout ainsi qu'allumant beaucoup de feu sous vn chauderon, l'eau bouillâte s'enfle & se hausse, & diminuant le feu, l'eau s'abaisse: il en préd de mesme de la Lune en l'Ocean & es autres Mers esquelles se faiēt flux & reflux. A mesme que la Lune croist, les eaux s'enflent, & selon qu'elle décroist elles diminuent en la maniere que s'ensuit: Pource que la Lune domine sur les eaux: à ceste cause le flux & reflux fait le mouuement iournalier de la Lune, lequel mouuement est diuisé en quatre quartiers à chacū desquels six heures sont attribuées qui font 24. heures du iour naturel: les quartiers sōt rapportez au mouuement de la Lune, suiuant les quatre quadrats du ciel qui ont chacū leur poinct à sçauoir le couchant, le leuant, le zenit au poinct vertical du iour & le nadair ou poinct des pieds & de la nuit. Ainsi donc la Mer suiuant le cours de la Lune s'esbranle quatre fois tous les iours en 24. heures deux fois au flux & deux fois au reflux. Le premier flux se faiēt quand la Lune monte de son leuāt au Zenit qui est son premier quartier & ce flux se faiēt en six heures, le premier reflux quand elle panche du Zenit au couchant, & ce en six heures suiuentes, c'est le second quartier, le deuxiesme flux se faiēt lors qu'elle s'auance du couchāt au poinct de la nuit en six autres heures: & le deuxiesme reflux, lors que de ce poinct des pieds elle remonte aussi en six heures, au leuant: en

son premier flux elle monte sur nostre hemisphere, & par son mouuement puissant faiçt enfler les vagues de l'Ocean. Les eaux ainsi esleuées fluët & roulent droiçt aux riuages six heures durant. Quand elle se meut du Zenit ou poinçt vertical cest à dire du midy au couchât durant six autres elle recule de nostre hemisphere, & en perdant peu à peu la vertu de son mouuemēt, faiçt que les eaux de la mer décroissent & refluent, cōme l'eau cesse de bouillir si vous osterz le feu de dessous le chauderon. Derechef quād la Lune se meut du couchât à la minuiçt elle mōte sur l'autre hemisphere durāt six heures, & y cause le flux cōme aussi en deualāt de ce poinçt à son leuant elle faiçt le reflux. C'est l'ordre qui luy est assigné où l'on remarque la sage & infinie prouidence de Dieu au gouuernement du monde, & la puissance qu'il a donnée aux corps celestes sur les inferieurs notāment à la Lune sur les eaux, & toutes choses humides, cōme l'experiēce nous faiçt veoir plusieurs animaux aquatiques cōme les huistres & les Escreuisses estre pleins au plain de la Lune: pource que cōme lors la lumiere d'icelle est accreue sur la terre & les eaux, ainsi la chair croist en ces animaux: le mesme aduiet aux œufs & à nostre cerueau, où l'humidité s'enfle en pleine Lune: de la procedent les defluxions, les esterneuēmēs extraordinaires & douleur de teste: au reste Dieu veut que nous appreniōs cōme ce brāsle de la Mer depēd de la Lune, aussi les vertus de la Lune depēdēt de luy qui est Seigneur, & Createur de toutes choses. Au demeurant ce flux & reflux n'est pas en toutes Mers ny esgal en celles où il se faiçt, mais selō que les Mers particulieres sont plus ou moins voisines de l'Oceā, plus ou moins profondes, leur flux & reflux est moindre ou plus grand ce qu'on voit entre

Normandie & Escoſſe ou il y a vn grand flux & reflux pource qu'elle eſt proche de L'Océā, en la Mer d'Eſpaigne vers le deſtroit on void le flux & reflux, mais quand elle flotte vers la France, l'Italie & la Grece cela n'apparoit pas tant, tant pour ſon reculement ſpacieux de l'Océā, que pour ſa profondeur. Mais outre le flux, & reflux de vingt-quatre heures, l'on en a remarqué vn particulier qui ſe fait de mois en mois en la Mer Mediterranée car depuis le renouvellemēt de la Lune iuſques au plein, l'eau ſemble y croiſtre touſiours ; & depuis la pleine iuſques à la fin du dernier quartier, aller en décroiſſant : La raiſon eſtant pareille à la ſuſdeclarée c'eſt que la clarté de la Lune ne ceſſe de croiſtre depuis le commencement de ſa conionction iuſques à ſon oppoſition, ce qui la rend plus robuste pour eſleuer les eaux : & de la naiſt le flux : Au contraire depuis ſon oppoſition iuſques à la fin du moys elle décroiſt touſiours: ainſi elle a moins d'efficace de faire enfler les eaux, dont ſ'enſuit le reflux. L'autre partie des meſmes Theologiens aſſeurēt ce que ſ'enſuit. Quād Dieu commanda que les eaux eſtans au deſſous des cieux fuſſent aſſemblees en vn meſme lieu, & que le ſec apparuſt par ce mot d'aſſembler eſt entendu vn amoncellement lequel à cauſe de la nature fluide de ceſt element ne peut auenir ſinon que les eaux roulent d'un haut en bas, qui n'aye point d'iſſue, ou que par quelque artifice l'eau ſoit retenue en haur : Or eſtant ainſi qu'au commencement du monde l'eau enueloppoit de toutes parts la Terre, ce ne fut pas vn moindre miracle de ramaffer vne ſi grande quantité d'eaux, & en vn mot les renuelopper en elles meſmes que de les auoir créées de rien: ceſte voix de reflux eſt moindre ou plus grand: ce qu'on voit entre

Dieu doncques que les eaux de dessous les Cieux soyent assemblees en vn lieu, est la vraye cause du flux & reflux de la Mer, où il y a cela de merueilleux qu'estant ainsi que de toutes parts l'on descend de la terre aux riuages de la Mer, dans laquelle autrement les riuieres qui y entrent ne pourroient se descharger, aussi conuient il recognoistre, comme les yeux le confessent, que les eaux accourent & descendent de la haute Mer, en tous les ports & riuages, ou voyans la borne assignée & plantée pour brider leur violence, elles refuyent contremont au son de ceste voix perpetuelle, que les eaux soyent amassees encores qu'elles soyent de nature fluide, & que leur poids les pousse contrebas. Ceste est dis-ie la vraye cause du flux & reflux non point la Lune qui les mesure & reigle en quelque sorte, mais n'en est point la cause efficiente. Surquoy est à noter qu'auant que la Lune fut créée, la Mer auoit desia son mouuement comme tesmoigne Moysé au premier chapitre du Genese. Et est dela qu'il faut tirer les maximes & fondemens de toute la Philosophie naturelle: car la Mer fut rangée au troisieme iour, ainsi qu'elle est auourd'huy, & la Lune ne fut créée que vingt-quatre heures apres. Ce qui emporte beaucoup de considerations, mesme que ceste ordonnance de Dieu faict que la Mer n'est iamais calme sous l'Equateur: ains qu'il y a des courantes ordinaires merueilleusement violentes c'est à sçauoir d'autant que là est comme la ceinture & le milieu du Globe de la terre & de la Mer vers lequel milieu se rendent les vagues impetueuses qui y accourent d'un costé du pole artique, puis de l'antartique opposé, & font à leur rencontre ce conflit, ne pouuās

les vnes ny les autres aller plus auant. De la vient ce que les plus asseurez pilotes & nauigateurs tesmoignent à sçauoir que du Septétrion & midy vers l'Equinoctial la nauigation est hastiue & le retour, tardif. Qui plus est les flus & reflux de la Mer des Indes sont foibles, & ceux du Septentrion violens en quoy il semble que la Mer entende tous les iours ceste puissante voix qui du continent Septentrional commande aux eaux de faire retraicte, tellement qu'elles courent se descharger vers le midy, comme à l'opposite l'Ocean indique flue de temps en temps vers le Septentrion afin de ne couvrir & noyer la coste de Perse & des Indes, oyant ceste mesme voix qui crie *que les eaux s'amoncellent*, &c. Qui plus est aucuns ont asseuré que lors que les eaux de la Mer se retirèrent au commencement de la creation de cest vniuers à part & separement par la voix de Dieu le Createur, & que le sec de la terre apparut : ce mesme Createur donna deslors à icelles eaux de la Mer ce cours & mouuement ordinaire & perpetuel de flus & reflux, qui comme vne balance dont l'equateur est la languette ou contrepoix hausse & baille incessamment, & reçoit vertu & puissance du premier Ciel, & continuera tousiours ainsi iusques à la fin du monde : Les Hebreux maintiennent que Dieu ordonna des la Creation de l'Vniuers à la Mer vn flus & reflux tant pour la purgation & conseruation des eaux d'icelle, que pour la commodité & necessité du Genre humain, & pour donner occasion aux mesmes humains de louer & magnifier sa grandeur & puissance ainsi quil est contenu és escritures saintes & principalement en plusieurs Pseaumes du

Prophete Royal Dauid. Ce qu'ayant esté considéré par l'un des plus sçauans Philosophes de nostre temps Iacques Charpentier iceluy en sa physique a attribué la seule cause des flux & reflux de la Mer à l'vnicque prouidence de Dieu, lequel a machiné ce tour & retour d'icelle pour esuaporer & expirer ceste chaleur qui est au fonds d'elle, & qui a fait que la Mer flotte & reflotte plus souuét à mesme qu'elle est plus chaude, non autrement qu'aux corps humains le pouls & babat est plus fort & violent, quand iceux corps sont en plus grande ardeur & chaleur: Et delaissant tous ces discours rappez cy dessus, nous dirons aiséurement s'il y a cause vraye & certaine des flux & reflux de la Mer, que icelle procedde des mouuements tant du Soleil que de la Lune lesquels suivent le mouuement du premier Ciel ou premier mobile.

Et pour le demonstrier clairement il conuient premierement presupposer qu'en quelque part de la terre qu'on se puisse treuuer, le Ciel est diuisé en deux parties esgales par vn cercle nommé tant par les Astronomes, que par les nauigateurs & pilotes *Orizon* l'vne desquelles parties est tousiours dessus l'*O*izon & l'autre partie dessous; & est l'vne & l'autre de ces deux parties diuisée en deux quarts selon lesdits Astronomes, nauigateurs, & Pilotes.

Les quartes qui sont sur l'*O*izon sont appellees *Quartes diurnales*, & celles qui sont dessous ledit *O*izon *Quartes nocturnales*, & de toutes ces quatre quartes du Ciel il y en a deux esquelles il est fait flux ou accroissement d'eaux marines, & deux esquelles il est fait reflux, ou decroissements d'eaux

marines. Les quartes esquelles est faict flux sont la quarte qui est depuis le Soleil leuant iusques au midy audit Orizon , nommée la quarte de l'accession diurnale ou du croist iournal , & la quarte opposite à icelle qui est depuis le Soleil couchant iusques au milieu de la nuit sous l'Orizon qui est la quarte de l'accession nocturnale , & les quartes esquelles il est faict reflux , ou décroissements d'eaux sont la quarte qui est depuis midy , iusques au couchant sur le dit Orizon nommée la quarte de l'accession diurnale , & la quarte à elle opposite qui est depuis le milieu de la nuit iusques au leuant sous l'Orizon appelée quarte de la recession nocturnale.

Secondement il sera presupposé qu'il y a huit poincts au ciel pour le flux & reflux ou accroissement & décroissement d'eaux marines desquels il y en a quatre forts, & quatre debiles.

Des quatre poincts forts il y en a deux pour le flux ou accroissement , & deux pour le reflux ou décroissement, les forts pour le flux ou accroissement sont le poinct du milieu entre l'Orient & midy en la quarte diurnale du flux , distant de l'Orient de quarante-cinq degrez, & autât du midy, & le poinct du milieu entre l'Occident & le milieu de la nuit en la quarte nocturnale du flux distant de l'Occident par 45. autres degrez & de la moitié de la nuit d'autant de degrez. Les deux poincts forts pour le reflux ou décroissement d'eaux sont le poinct du milieu entre le midy & l'Occident en la quarte diurnale du reflux , distant du midy par 45. autres degrez & autant de degrez de l'Occident: & le poinct du milieu entre le milieu de la nuit & de l'Orient en la quarte du reflux nocturnal distant du milieu

de la nuit par 45. autres degrez, & autant de l'Oriēt.

Des quatre poinçts debiles, il y en a deux pour le flux & accroissement, & deux pour le reflux ou décroissement les debiles pour le flux ou accroissement sont le poinçt d'Orient, & le poinçt d'Occident, lesquels sont les commencemens & principes des deux quarts du flux; les debiles pour le reflux ou décroissement sont le poinçt du midy, & le poinçt du milieu de la nuit qui sont les principes des deux quarts du reflux, & ces quatre poinçts sont esgallement distans les vns des autres d'une quatrieme partie du Ciel: aussi les poinçts forts sont esgallement distans entre eux d'une mesme quatrieme partie du ciel à ceux qui ont l'horizon droit en la sphere du monde.

Tiercement il sera presuppósé qu'outre ces huit poinçts cy dessus declarez à ceux qui ont ledit horizon droit il y a plusieurs autres poinçts de mesme & esgalle puissance & vertu: Et tels poinçts sont tous les poinçts du Ciel esgallement distans des quatre poinçts principaux dudit Ciel, lesquels poinçts principaux sont le poinçt d'Orient, le poinçt d'Occidēt, le poinçt du midy & le poinçt de la minuit, ou bien les poinçts aussi esgallement distans des quatre poinçts forts du ciel qui est vne mesme chose aux quartes: mais toutefois de contraire operation, & sont tous ces poinçts de mesme & esgalle vertu & puissance pour esmouuoir les eaux de la Mer: mais tout cela ne se faict qu'en l'horizon droit, car a utrement il est en l'horizon oblique ainsi qu'il sera deduit cy apres.

Quatriemement il sera presuppósé que le Soleil & la Lune en chascun des douze mois de l'an se

treuuent & rencontrent vne fois en vn meſme ſigne, Degré & minute: & cela eſt appelle par les Aſtronomes conionction de la Lune avec le Soleil; enuiron huit iours paffeſ apres ceſte conionction la Lune ſeſlongne du Soleil par ſon mouuement à elle propre d'une quatrieme partie du Ciel, & cela ſ'appelle *la premiere quadrature* de la Lune avec le Soleil, puis icelle continuant touſiours dans quatorze iours apres ſadiſte conionction elle ſeſlongne dudit Soleil d'une autre quatrieme partie du Ciel, qui eſt parce moyen au milieu du Ciel: & ceſte diſtance eſt appellée l'oppoſition de la Lune avec ledit Soleil ou la pleine Lune, Et dedans vingt & vn iours ou enuiron apres ſadite conionction elle ſ'eſlongne de ſon oppoſition avec ledit Soleil par vne autre quatrieſme partie du ciel ſ'approchant dudit Soleil, & eſt cela appelle la quadrature ſeconde du Soleil avec la Lune, & lors la Lune eſt diſtante du Soleil d'une quatrieme partie du Ciel, ainſi qu'elle eſtoit diſtante en la premiere quadrature: Et dedans vingt-neuf iours & tant d'heures icelle ſ'en retourne encor avec ledit Soleil & ſe conioinct avec luy comme elle auoit faiſt au parauant. Cinquiement il faut ſcauoir que le Soleil & la Lune par enſemble en chaque iour naturel qui eſt le temps & eſpace de vingt-quatre heures ſont principalement cauſé par le mouuement du premier Ciel ou premier mobile des flux & reflux qui ſont faiſts deux fois en la Mer.

Ceſ chofes eſtant bien & diligemment conſiderées il nous faut declarer particulièrement comment le Soleil & la Lune par enſemble en chacun iour naturel ſont cauſé par le mouuement dudit pre-

mier Ciel ou premier mobile de ces flux & reflux.

Et pour entrer en matiere nous dirons qu'il faut bien & diligemment retenir par memoire ce que nous auons escrit cy dessus des quartes du ciel es-
quelles il est faict flux ou accroissements d'eaux marines, & quelles sont les quartes du Ciel esquelles il est faict refluz ou decroissement d'eaux marines. Et quels sôt les Poincts forts pour le flux, & quels sont les poincts forts pour le reflux, & quels sont les poincts debiles pour le flux, & les poincts debiles pour le reflux.

Cela faict il faut premierement considerer en ce qui concerne les flux & reflux ou accroissemens & decroissemens des eaux marines faicts par le mouuement du premier Ciel ou premier mobile, quequād le Soleil & la Lune sont ensemblement conioincts qui est lors de la nouuelle Lune, iceux estans portez par le mouuement du premier Ciel ou premier mobile depuis l'Orient iusques au midy, à cause que les deux vertus & puissances du Soleil & de la Lune sont ensemblement conioinctes & vnies, & que ces deux lumieres sont portées continuellement par le dit mouuement du premier ciel ou premier mobile par la quarte du flux ou accroissement diurnal, qui est de l'Orient au midy, il est faict vn flux continuel ou vn accroissement diurnal des eaux marines. Et lors qu'ils sont portés depuis le midy iusques au couchant, à cause qu'ils sont portez par la quarte du refluz ou decroissement diurnal, il est faict vn continuel reflux ou decroissement diurnal. Et lors qu'ils sont portez depuis le couchant iusques au milieu de la nuict, à cause qu'ils sont portez par la quarte du flux nocturnal, derechef

il est faict flux, ou accroissement nocturnal & lors qu'ils sont portez depuis la minuiet iusques à l'Orient, à cause qu'ils sont portez par la quarte du reflux ou décroissement nocturnal derechef il est faict vn continuel reflux ou décroissement nocturnal: & ainsi & par ce moyen il est faict en vn iour naturel deux fois flux, & aussi deux fois reflux.

Secondement il faut sçauoir que quand la Lune apres sa conionction avec le Soleil s'eslongne par son mouuement à elle propre dudit Soleil vers l'Orient selon l'ordre des signes allant vers sa quarte ou quadrature premiere avec le Soleil que les Nautonniers appellent le *quarteron* tousiours deuant que la Lune par son mouuement à elle propre vienne à ceste premiere quarte qui est la distance d'elle avec le Soleil vers l'Orient selon l'ordre des signes par vne quatrieme partie du Ciel, quand le Soleil est autant sur l'horizon de la partie Orientale en la quarte du flux diurnal, que la Lune est sous l'horizon de la mesme partie orientale en la quarte du reflux nocturnal à cause que lors le Soleil est autant distant du poinct fort du flux sur l'horizon, que la Lune l'est du poinct fort du reflux sous l'horizon, iceux deux luminaires sont esgaux en pouuoir & puissance: pour ceste raison en ce temps il n'est faict flux ny reflux, ains les eaux de la mer semblent estre coyees & tranquilles, ce que les Venitiens appellent en leur langue *l'Acqua è stanca*. Mais quand le Soleil par le mouuement du premier ciel ou premier mobile s'approche vers le poinct fort du flux qui est sur l'horizon en la quarte diurnale du flux, la Lune par ce mesme mouuement du premier ciel, ou premier mobile se recule & s'eslongne tout autant du poinct

fort du reflux qui est sous l'horizon en la quarte du reflux nocturnal s'approchant vers le poinct debile de l'Orient du flux, & lors à cause que le Soleil est plus proche du poinct fort du flux qui est sur l'horizon en la quarte diurnale du flux que la Lune du poinct fort du reflux qui est sous l'orizô en la quarte nocturnale du reflux, iceluy reflux est debile, & le flux fortifié; & de tant que le Soleil s'approche du poinct fort du flux, qui est sur l'horizon en la quarte diurnale du flux, d'autant plus la Lune s'eslongne du poinct fort du reflux qui est sous l'horizon en la quarte nocturnale du reflux en s'approchant du poinct Oriental debile du flux, à cause dequoy le flux est continué: & quand le Soleil par le mouuement du premier mobile est paruenue au poinct fort du flux qui est sur l'horizon en la quarte diurnale du flux la Lune est eslongnée du poinct fort du reflux qui est sous l'horizon en la quarte nocturnale du reflux & est faicte proche du poinct debile de l'Orient du flux, à cause dequoy le flux sera encôr continué. Et quand la Lune est venue au poinct d'Orient debile du flux, icelle alors par le mouuement du premier mobile est meüe par la quarte diurnale du flux, c'est à sçauoir s'approchant du poinct fort du flux qui est sur l'horizon; & à cause que le Soleil est distant de la Lune du moins que d'une quarte, il est meü par la mesme quarte diurnale du flux, c'est à sçauoir, s'approchant du poinct du midy debile du reflux. Et à cause que ces deux lumieres sont meües par la quarte diurnale du flux, iceluy flux est continué: & quâd le Soleil est paruenue par le mouuement du premier mobile au poinct du midy debile du reflux, à cause que lors la Lune est plus proche du poinct fort du

flux qui est dessus, que n'est le Soleil du point fort du reflux qui est sur l'Orizon en la quarte diurnale du reflux, iceluy flux sera encor continué ; Et quand la Lune sera parvenue au point fort du flux en la quarte diurnale du flux, le Soleil ne sera encor alors au point fort du reflux en la quarte diurnale dudit reflux ; & ce à cause que le Soleil est distant de la Lune moins d'une quarte : mais elle s'approchera de luy, & la Lune lors se reculera du point fort du flux, & sera moins distante d'iceluy que le Soleil du point fort du reflux, à cause dequoy le flux continuera encor, iusques à ce que le Soleil soit outre le midy vers l'Occident en la quarte diurnale du flux, autant que la Lune hors le midy vers l'Orient en la quarte diurnale du flux, & lors le Soleil sera autant distant du point fort du reflux qui est sur l'Orizon outre le méridien en la quarte diurnale du reflux que la Lune du point fort du flux qui est sur l'Orizon deuant le midy en la quarte diurnale du flux, & incontinent le Soleil & la Lune seront esgaux en puissance, & ne fera fait flux ny reflux ainsi qu'il a esté dit cy dessus : Et quand le Soleil par le mouvement du premier mobile s'approchera du point fort du reflux en la quarte diurnale du reflux : la Lune par le mesme mouvement du premier mobile s'eslongnera autât du point fort du flux en la quarte diurnale du flux, s'approchant aupres du point du midy debile du reflux : & lors la Lune sera plus distante du point fort du flux, que le Soleil du point fort du reflux, & par ce moyen le Soleil sera plus puissant que la Lune, & pour ceste raison derechef le reflux des eaux comencera & sera continué selon que le Soleil s'approchera du point fort du reflux en la quarte diur-

nale du reflux & la Lune sera eslongnée du poinct fort du flux en la quarte diurnale du flux : Et quand le Soleil viendra au poinct fort du reflux la Lune sera eslongnée du poinct fort du flux : & parce moyen sera encor cōtinué le reflux. Et quand la Lune viendra au poinct du midy debile du reflux, le Soleil sera eslongné du poinct fort du reflux en la quarte diurnale du reflux s'approchât vers le poinct de l'Occident debile du flux, mais moins toutefois sera le Soleil distant du poinct fort du reflux, que la Lune du poinct fort du flux, & parce moyen le reflux continuera encor : Et quand le Soleil viendra au poinct de l'Occidēt debile du flux, la Lune sera faiçte prochaine du poinct fort du reflux qui est sur l'orizon en la quarte diurnale du reflux, & sera moins distāte d'iceluy q̃ le Soleil du poinct fort du flux qui est sous l'Orizon en la quarte nocturnale du flux, & ce à cause qu'icelle est distante du Soleil moins d'une quarte partie du Ciel. Et à ceste cause le reflux sera encor continué, iusques à ce que le Soleil sera autant seulement sous l'orizon de la partie de l'Occident en la quarte nocturnale du flux, que la Lune le sera sur l'orizon de la mesme partie d'Occidēt en la quarte nocturnale du flux, & autant que la Lune sur l'orizon de la mesme partie de l'Occidēt en la quarte diurnale du reflux : Et parce qu'alors le Soleil sera autant distant du poinct fort du flux qui est sous l'orizō de la partie de l'Occidēt en la quarte nocturnale du flux, que la Lune du poinct fort du reflux qui est sur l'orizon de la mesme partie de l'Occident en la quarte diurnale du reflux : en ce temps le Soleil & la Lune seront de mesme puissance & ne sera faiçt flux ny reflux. Et quand le Soleil par le mouuement

du premier mobile s'approchera du poinct fort du flux qui est sous l'horizon en la quarte nocturnale du flux, la Lune par ce mesme mouvement du premier mobile, sera autant esloignée du poinct fort du reflux qui est sur l'horizon en la quarte diurnale du reflux, alors le Soleil sera moins distant du poinct fort du flux en la quarte nocturnale du flux, que la Lune du poinct fort du reflux en la quarte diurnale du reflux, & par ce moyen le Soleil sera plus puissant que la Lune, & derechef en ce temps le flux commencera & sera continué ainsi qu'il a esté déclaré cy dessus iusques à ce que le Soleil sera autant outre le milieu de la nuit vers l'Orient en la quarte nocturnale du reflux, que la Lune hors le milieu de la nuit vers l'Occident en la quarte nocturnale du flux, & lors le Soleil sera autant distant du poinct fort du reflux que la Lune du poinct fort du flux, & incontinent le Soleil & la Lune auront mesme & esgalle puissance, & ne sera faict aucun flux ny reflux, & quand le Soleil par le mouvement du premier mobile s'approchera du poinct fort du reflux, en la quarte nocturnale du reflux, la Lune par ce mesme mouvement du premier mobile se retirera & s'eslongnera autant du poinct fort du flux en la quarte nocturnale du flux s'approchant vers le poinct du milieu de la nuit debile du reflux: & lors le Soleil sera moins distant du poinct fort du reflux en la quarte nocturnale du reflux, que la Lune du poinct fort du flux en la quarte nocturnale du flux, & lors le flux sera debilité, & le reflux fortifié, & en ce temps la Mer commencera derechef à refluer & continuera son reflux ainsi qu'il a esté dit cy deuant, iusques à ce que le Soleil soit autât sur l'horizon
de la

de la partie d'Orient, que la Lune sous l'horizon de la mesme partie d'Orient, alors le Soleil sera autant distant du poinct fort du flux qui est sur l'horizon en la quarte diurnale du flux que la Lune du poinct fort du reflux qui est sous l'horizon en la quarte nocturnale du reflux; & lors le Soleil & la Lune auront pareille & esgalle puissance, & ne sera fait flux ny reflux. Puis apres tous les iours. C'est à dire en chaque iour naturel il se fera vne pareille & semblable mutation que celle qui a esté cy dessus declarée; iusques à ce que la Lune par son mouuement à elle propre paruenue à sa premiere quadrature avec le Soleil que les nautonniers appellent le *quarteron*.

Et quand la Lune viendra à ceste premiere quadrature avec le Soleil, lors quand le Soleil sera au poinct de l'Orient du flux, la Lune sera au poinct du milieu de la nuit du reflux, & en ce temps le Soleil sera autant distant du poinct fort du flux qui est sur l'horizon de la partie d'Orient en la quarte diurnale du flux, que la Lune du poinct fort du reflux qui est sous l'horizon de la mesme partie d'Orient en la quarte nocturnale du reflux, & parce moyen le Soleil & la Lune seront esgaux en force & puissance, & ne sera fait flux ny reflux notable, mais seulement vn petit accroissement & vn petit decroissement d'eaux marines. Et quand le Soleil par le mouuement du premier mobile s'approchera du poinct fort du flux qui est sur l'horizon de la partie d'Orient en la quarte diurnale du flux la Lune par le mesme mouuement du premier mobile s'approchera pareillement d'autant du poinct fort du reflux qui est sous l'horizon de la mesme partie de l'Orient en la quarte nocturnale du reflux, & cōtinuellemēt

par le mouuement diurnal le Soleil sera autant distant du poinct fort du flux qui est sur l'horizon en la quarte diurnale du flux, que la Lune l'est du poinct fort du reflux qui est sous l'horizon en la quarte nocturnale du reflux, & incontinent lors le Soleil & la Lune seront autant esgaux en puissance, iusques à ce que le Soleil paruiédra par le mouuement du premier mobile au poinct fort du flux qui est sur l'horizon, & alors pareillement la Lune paruiédra au poinct fort du reflux qui est sous l'horizon, Et ce par ce qu'iceux poincts sont distans l'un de l'autre d'une quarte du Ciel, ainsi que le Soleil & la Lune sont distans l'un de l'autre d'une quatrieme partie du Ciel. Et quand le Soleil par le mouuement du premier mobile se retirera du poinct fort du flux qui est sur l'horizon en la quarte diurnale du flux, s'approchât vers le poinct du midy debile du reflux la Lune par ce mesme mouuement du premier mobile se retirera pareillement autant du poinct fort du reflux, qui est sous l'horizon s'approchant vers le poinct de l'Orient debile du flux, & le Soleil sera aussi autant distant du poinct fort du flux qui est sur l'horizon, que la Lune du poinct fort du reflux qui est sous l'horizon, iusques à ce que le Soleil vienne au poinct du midy debile du reflux, & lors la Lune viendra pareillement au poinct Oriental debile du flux, & le Soleil & la Lune durant tout ce temps seront esgaux en puissance, & ne fera si tost faict flux ny reflux notable, c'est à sçauoir qu'il aduiendra par mesme moyen que pendant que le Soleil sera meu par le mouuement du premier mobile, du midy en l'Occident, par ce que alors la Lune est meue par le mesme mouuement du premier mobile depuis l'Orient iusques à l'Occident, & sera

blablement pendant que le Soleil sera meu de l'Occident au milieu de la nuit, parce que alors la Lune est meüe du midy au couchant, pareillement pendât que le Soleil est meu depuis le milieu de la nuit iusques à l'Orient à cause qu'alors la Lune est meüe de l'Occident au milieu de la nuit, ainsi il aduiendra qu'en tout le temps d'une reuolution du ciel qui est vn iour naturel de 24. heures les eaux de la Mer ne fluëront ny ne reflueront sensiblement: mais sembleront estre coyees & tranquilles à cause que le Soleil & la Lune en tout ce temps de reuolution du Ciel seront esgaux en force & puissance sans aucune diuersité; ce qui aduient enuiron huit iours apres la conionction de la Lune avec le Soleil; & appellent ceste calme le Venitiens en leur langue. *Acqua de se se* disans en commun prouerbe. *Da gli otto à 2 noue l'acqua non si moue.*

Et quand la Lune est eslongnée du Soleil outre la premiere quadrature en tendant vers son oppositiõ du Soleil, lors incessammēt iusques à ce que la Lune viendra en sadite opposition, le Soleil estant autant sur l'horizon de la partie oriētale en la quarte diurnale du flux, que la Lune sous l'horizon de la mesme partie orientale en la quarte nocturnale du reflux: le Soleil sera autant distant du poinct fort du flux qui est sur l'horizon en la quarte diurnale du flux, se retirant d'iceluy par le mouuement du premier mobile, & s'approchāt du poinct du midy debile du reflux, que la Lune du poinct fort du reflux qui est sous l'horizon en la quarte nocturnale du reflux, s'approchant d'iceluy par le mesme mouuement du premier mobile, & lors le Soleil & la Lune seront esgaux en puissance & ne sera faict flux ny reflux, Et quand

le Soleil par le mouvement du premier mobile s'approchera du poinct du midy debile du reflux, la Lune par ce mesme mouvement du premier mobile s'approchera autant du poinct fort du reflux, qui est sous l'horizon en la quarte nocturnale du reflux, & lors la Lune sera plus proche du poinct fort du reflux qui est sous l'horizon en la quarte nocturnale du reflux que le Soleil du poinct fort du flux qui est sur l'horizon en la quarte diurnale du flux ; Et parce moyé lors derechef le reflux commencera, parce que la Lune sera plus puissante que le Soleil; & autant que le Soleil par le mouvement du premier mobile s'approchera du poinct du midy debile du reflux; la Lune par ce mesme mouvement du premier mobile s'approchera autant du poinct fort du reflux qui est, sous l'horizon; & ainsi le reflux sera continué, iusques a ce que le Soleil viendra au poinct du midy debile du reflux: Et quand le Soleil par le mouvement du premier mobile se retirera du poinct du midy debile du reflux, & sera mené par la quarte diurnale du reflux s'approchant du poinct fort du reflux, la Lune par ce mesme mouvement du premier mobile, s'eslongnera autant du poinct fort du reflux qui est sous l'horizon en la quarte nocturnale du reflux, & sera aussi icelle menée par la quarte du reflux ainsi que le Soleil s'approchant du poinct d'Orient debile du flux, par ce que le Soleil & la Lune seront distans l'un de l'autre plus que d'une quarte du Ciel, & ainsi tous deux seront menés par les quartes du reflux, & à cause de cela le reflux sera continué iusques à ce que le Soleil sera autant outre le midy vers l'Occident en la quarte diurnale du reflux que la Lune hors le midy vers l'Orient en la quarte diur-

nale du flux, & lors le Soleil sera autant distant du point fort du reflux en la quarte diurnale du reflux se reculant d'iceluy par le mouuement du premier mobile vers l'Occident, que la Lune du point fort du flux qui est sur l'horizon en la quarte diurnale du flux s'approchant d'iceluy, & ainsi le Soleil & la Lune seront esgaux en puissance: & lors ne sera fait flux ny reflux. Et quand le Soleil par le mouuement du premier mobile s'eslongnera du point fort du reflux qui est sur l'horizon en la quarte diurnale du flux s'approchant vers le point de l'Occident debile du flux, la Lune par ce mesme mouuement du premier mobile s'approchera autant du point fort du flux qui est sur l'horizon en la quarte diurnale du flux, & la Lune alors sera plus prochaine du point fort du flux en la quarte diurnale du flux que le Soleil du point fort du reflux en la quarte diurnale du reflux & par ce moyen la Lune sera plus puissante que le Soleil, & lors le flux commencera, & comme le Soleil s'eslongnera du point fort du reflux en la quarte diurnale du reflux de mesme la Lune s'approchera du point fort du flux en la quarte diurnale du flux, & par ce moyen le flux, sera continué. Et quand le Soleil viendra au point de l'Occident debile du flux la Lune sera encor meüe par la quarte diurnale du flux, & ce à cause & que le Soleil & que la Lune sont esgallement distans de plus que d'une quarte du ciel, lors la Lune sera plus prochaine du point fort du flux en la quarte diurnale du flux que le Soleil du point fort du flux qui est sous l'horizon en la quarte nocturnale du flux; & par ce moyen le flux sera continué: & quand la Lune viendra au point du midy debile du reflux, le Soleil passera le

point del'Occident debile du flux s'approchant du point fort du flux qui est sous l'horizon en la quarte nocturnale du flux, & lors le Soleil sera plus proche du point fort du flux qui est sous l'horizon en la quarte nocturnale du flux que la Lune du point fort du reflux qui est sous l'horizon en la quarte diurnale du reflux & par ce moyē le Soleil sera plus puissant que la Lune, à ceste cause le flux sera continué, & quand le Soleil viendra au point fort du flux qui est sous l'horizon en la quarte nocturnale du flux, la Lune ne sera encor au point fort du reflux qui est sur l'horizon en la quarte diurnale du reflux, & ce parce que la Lune est distante du Soleil plus que d'une quarte partie du Ciel, & parce moyen le flux sera continué iusques à ce que le Soleil sera autant sous l'horizon de la partie de l'Occident en la quarte nocturnale du flux, que la Lune sur l'horizon de la mesme partie de l'Occident en la quarte diurnale du reflux: & lors le Soleil sera autant distant du point fort du flux qui est sous l'horizon en la quarte nocturnale du flux, s'approchant du point du milieu de la nuit debile du reflux que la Lune du point fort du reflux qui est sur l'horizon en la quarte diurnale du reflux s'approchant d'iceluy & par consequent le Soleil & la Lune seront esgaux en puissance & ne sera fait lors aucun flux ny reflux. Et apres que le Soleil par le mouvement du premier mobile s'esloignera du point fort du flux qui est sous l'horizon de la partie Occidentale en la quarte nocturnale du flux s'approchant vers le point du milieu de la nuit debile du reflux, la Lune par le mesme mouvement du premier mobile s'approchera autāt du point fort du reflux qui est sur l'horizon en la quarte diurnale du reflux

s'approchant d'iceluy, & par ce moyen la Lune sera plus proche du poinct fort du reflux que le Soleil du poinct fort du flux, à ceste cause le reflux commencera & sera continué par le moyen cy dessus deduit iusques à ce que le Soleil soit autant outre le milieu de la nuit vers l'Orient en la quarte nocturnale du reflux que la Lune devant le milieu de la nuit vers l'Occident en la quarte nocturnale du flux, & lors le Soleil sera autant distant du poinct fort du reflux en la quarte nocturnale du reflux se retirant d'iceluy vers ledit poinct d'Orient debile du flux que la Lune du poinct fort du flux en la quarte nocturnale du flux s'approchant d'iceluy, & lors le Soleil & la Lune seront esgaux en puissance & ne sera fait flux ny reflux, Et quand le Soleil par le mouuement du premier mobile s'elongnera du poinct fort du reflux sous l'horizon qui est en la quarte nocturnale du reflux s'approchant vers le poinct de l'Orient debile du flux, la Lune par ce mesme mouuement du premier mobile s'approchera autant du poinct fort du flux qui est aussi sous l'horizon en la quarte nocturnale du flux s'approchant d'iceluy, & par ce que lors la Lune est plus proche du poinct fort du flux, qui est en la quarte nocturnale du flux que le Soleil du poinct fort du reflux qui est en la quarte nocturnale du reflux, alors le flux commencera & sera continué ainsi & en la mesme façon qu'il a esté deduit cy dessus & ce tant & si longuement que le Soleil sera sur l'horizon de la partie de l'Orient en la quarte diurnale du flux. & autāt que la Lune sous l'horizon de la mesme partie Orientale en la quarte nocturnale du reflux & parce que le Soleil sera autant distant du poinct fort

du flux qui est sur l'horizon en la quarte diurnale du flux s'approchant par le mouuement du premier mobile vers le poinct du midy debile du reflux que la Lune du poinct fort du reflux qui est sous l'horizon en la quarte nocturnale du reflux s'approchant par ce mesme mouuement du premier mobile vers iceluy, iceux Soleil & Lune seront esgaux en force & puillance, & ne sera fait flux ny reflux, & par ce moyen le flux & le reflux seront continuez en chacun iour naturel, iusques à ce que la Lune vienne en son opposition avec le Soleil.

Et quand la Lune viendra à son opposition, lors quand le Soleil sera au poinct de l'Orient debile du flux la Lune sera semblablement au poinct de l'Occident debile du flux, & lors le flux commencera & sera continué tant & si longuement que le Soleil sera meu par le mouuement du premier mobile depuis le poinct d'Orient debile du flux par la quarte diurnale du flux au poinct du midy debile du reflux, & en ce temps la Lune durant iceluy sera semblablement meüe par le mouuement du premier mobile depuis le poinct de l'Occident debile du flux par la quarte nocturnale du flux au poinct du milieu de la nuit debile du reflux, & lors le flux cessera, & le reflux commencera, qui sera durable tant que le Soleil sera meu par le mouuement du premier mobile du poinct du midy debile du reflux par la quarte diurnale du reflux, iusques au poinct de l'Occident debile du flux, & lors la Lune pendant tout ce temps sera meüe semblablement par le mouuement du premier mobile depuis le poinct du milieu de la nuit debile du reflux par vne quarte nocturnale du reflux iusques au poinct d'Orient debile du

flux, & lors le reflux cessera, & derechef le flux commencera & durera tant que le Soleil sera meu par le mouuement du premier mobile depuis le poinct d'Occident, debile du flux par la quarte nocturnale du flux iusques au poinct du milieu de la nuit debile du reflux, & lors la Lune en tout ce temps par le mesme mouuement du premier mobile sera meue semblablement depuis le poinct de l'Orient debile du flux, par la quarte diurnale du flux iusques au poinct du midy debile du reflux & lors le flux cessera, & le reflux commencera qui durera autant que le Soleil sera meu par le mouuement du premier mobile depuis le poinct du milieu de la nuit debile du reflux par la quarte nocturnale du reflux iusques au poinct de l'Orient debile du flux; Et en ce temps la Lune, durant tout iceluy par ce mesme mouuement du premier mobile sera semblablement meue depuis le poinct du midy debile du reflux par la quarte diurnale du reflux iusques au poinct de l'Occident debile du flux, & lors cessera le reflux.

Et quand la Lune passera son opposition, par le mouuement à elle propre tendant à sa quadrature seconde avec le Soleil alors quand la Lune sera autant sur l'Orizon de la partie Orientale en la quarte diurnale du flux, que le Soleil sous l'Orizon de la mesme partie Orientale en la quarte nocturnale du reflux, à cause que la Lune alors sera autant distante du poinct fort du flux qui est sur l'orizon en la quarte diurnale du flux, que le Soleil du poinct fort du reflux qui est sous l'orizon de la mesme partie Orientale en la quarte nocturnale du reflux: Lors le Soleil & la Lune seront esgaux en puissance, & ne sera fait flux ny reflux. Et quand la Lune par le mouuement

du premier mobile s'eslongnera du poinct fort du flux qui est sur l'horizon en la quarte diurnale du flux s'approchant vers le poinct du midy debile du reflux : le Soleil par le mesme mouvement du premier mobile s'approchera tout autant du poinct fort du reflux qui est sous l'horizon en la quarte nocturnale du reflux se rendât aupres d'iceluy. Et parce que alors le Soleil sera moins distant du poinct fort du reflux qui est sous l'horizon de la partie de l'Oriët en la quarte nocturnale du reflux, que la Lune du poinct fort du flux qui est sur l'horizon de la mesme partie orientale en la quarte diurnale du flux, le reflux commencera & sera continué : Et quand la Lune par le mouvement du premier mobile sera paruenue au poinct du midy debile du reflux, le Soleil sera encor sous l'horizon en la quarte nocturnale du reflux : & parce que le Soleil & la Lune sont distans ensemblement de plus d'une quarte du Ciel, & la Lune alors sera meuë par le mouvement du premier mobile par la quarte diurnale du reflux, ainsi que le Soleil par la quarte nocturnale du reflux s'approchant du poinct fort du reflux en la quarte diurnale du reflux, ainsi le reflux continuera Et quand la Lune s'approchera du poinct fort du reflux en la quarte diurnale du reflux, le Soleil s'approchera du poinct d'Orient debile du flux en la quarte nocturnale du reflux, & sera plus distant du poinct fort du flux qui est sur l'horizon en la quarte diurnale du flux, que la Lune du poinct fort du reflux, qui est semblablement sous l'horizon en la quarte diurnale du reflux, & parce moyen iceluy re flux sera continué iusques à ce que la Lune soit autant outre le meridian vers l'Occident en la quar-

re diurnale du reflux, que le Soleil deuant midy vers l'Orient en la quarte diurnale du flux, & lors la Lune sera autant distante du point fort du reflux en la quarte diurnale du reflux, que le Soleil du point fort du flux en la quarte diurnale du flux, Et parce moyen le Soleil & la Lune seront esgaux en puissance & ne sera fait flux ny reflux. Mais quand la Lune par le mouuement du premier mobile s'eslongnera du point fort du reflux s'approchant vers le point de l'occident debile du flux le Soleil par ce mesme mouuement du premier mobile s'approchera autant du point fort du flux en la quarte diurnale du flux. Et parce qu'alors le Soleil sera plus prochain du point fort du flux, qui est en la quarte diurnale du flux, que la Lune du point fort du reflux qui est en la quarte diurnale du reflux le flux commencera, & sera continue selon que la Lune par le mouuement du premier mobile s'eslongnera du point fort du reflux en la quarte diurnale du reflux, s'approchant vers le point occidental debile du flux, & que le Soleil s'approchera du point fort du flux en la quarte diurnale du flux s'approchant d'iceluy, & quand la Lune viendra par le mouuement du premier mobile au point de l'Occident debile du flux, le Soleil encor par ce mesme mouuement sera meu par la quarte diurnale du flux. Et d'autant que le Soleil & la Lune sont distans l'un de l'autre plus que d'une quarte du Ciel, & le Soleil sera plus proche du point fort du flux en la quarte diurnale du flux, que la Lune du point fort du reflux en la quarte diurnale du reflux : à ceste cause le flux sera

flux sera continué, Et quand le Soleil viendra au point du midy debile du reflux, la Lune sera sous l'horizon de la partie Occidentale en la quarte nocturnale du flux, & sera plus proche du point fort du flux qui est sous l'horizon en la quarte nocturnale du flux, que le Soleil du point fort du reflux qui est sur l'horizon en la quarte diurnale du reflux à ceste cause le flux sera encor continué pendant que la Lune sera autant sous l'horizon de la partie Occidentale en la quarte nocturnale du flux, que le Soleil sur l'horizon de la mesme partie Occidentale en la quarte diurnale du reflux, & lors la Lune sera autant distance du point fort du flux sous l'horizon en la quarte nocturnale du flux s'approchant vers le point du milieu de la nuit debile du reflux, que le soleil du point fort du reflux sur l'horizon en la quarte diurnale du reflux, s'approchant vers iceluy, & par ce moyen le soleil & la Lune seront esgaux en puissance & ne sera fait flux ny reflux. Et quand la Lune par le mouvement du premier mobile s'elongnera du point fort du flux sous l'horizon en la quarte nocturnale du flux s'approchant vers le point du milieu de la nuit debile du reflux ce soleil par ce mesme mouvement du premier mobile s'approchera autant du point fort du reflux qui est sur l'horizon; en la quarte diurnale du reflux s'approchant vers iceluy, & lors le soleil sera plus proche du point fort du reflux qui est sur l'horizon en la quarte diurnale du reflux, que la Lune du point fort du flux qui est sous l'horizon en la quarte nocturnale du flux, à ceste cause alors le reflux commencera & sera continué selon que la Lune s'elongnera du point fort du flux qui est sous l'horizon en la quarte nocturnale

du flux s'approchant du poinct du milieu de la nuit debile du reflux, & le Soleil s'approchera du poinct fort du reflux qui est sur l'horizon en la quarte diurnale du reflux: Et quand la Lune par le mouvement du premier mobile viendra au poinct du milieu de la nuit debile du reflux, le Soleil sera encor sur l'horizon de la partie de l'Occident en la quarte diurnale du reflux, s'approchant par le mouvement du premier mobile au poinct occidental debile du flux; & d'autant que le Soleil & la Lune sont lors par ensemble distans plus d'une quarte, & que le Soleil sera alors plus ellongné du poinct fort du flux qui est sous l'horizon de la partie occidentale, en la quarte nocturnale du flux que la Lune du poinct fort du reflux, qui est aussi sous l'horizon de la partie Orientale en la quarte nocturnale du reflux par ce moyen le reflux sera continué pendant que la Lune sera autant outre le milieu de la nuit vers l'Orient que le Soleil deuant le milieu de la nuit vers l'Occident, & en ce temps la Lune sera autant distante du poinct fort du reflux en la quarte nocturnale du reflux se reculant de luy par le mouvement du premier mobile, & s'approchant du point oriental debile du flux que le Soleil du poinct du flux en la quarte nocturnale du flux, s'approchant par le mesme mouvement du premier mobile à iceluy; & ainsi le Soleil & la Lune seront esgaux en puissance & ne sera fait flux n'y reflux; Et quand la Lune par le mouvement du premier mobile s'ellôgnera du poinct fort du reflux qui est sous l'horizon de la partie Orientale en la quarte nocturnale du reflux vers le poinct Oriental debile du flux le Soleil par le mesme mouvement du premier mobile s'approchera autant du poinct

fort du flux qui est sous l'horizon de la partie occidentale en la quarte nocturnale du flux s'approchât d'iceluy, & lors à cause que la Lune sera plus eslongnée du poinct fort du reflux que le Soleil du poinct fort du flux, lors le flux commencera, par ce que le Soleil sera plus puissant que la Lune, & d'autant plus que la Lune s'eslongnera du poinct fort du reflux en la quarte nocturnale du reflux, de tant plus le Soleil s'approchera du poinct fort du flux en la quarte nocturnale du flux, & ainsi le flux sera continué; & quand la Lune viendra au poinct oriental debile du flux le Soleil sera encor en la quarte nocturnale du flux, parce que le Soleil est distant de la Lune plus d'une quarte du Ciel, & le Soleil sera plus prest du poinct fort du flux en la quarte nocturnale du flux, que la Lune du poinct fort du reflux qui est en la quarte nocturnale du reflux; par ce moyen le flux sera continué autant que la Lune sera sur l'horizon de la partie orientale & le Soleil sous l'horizon de la mesme partie orientale, & lors la Lune sera autant eslongnée du poinct fort du flux qui est sur l'horizon en la quarte diurnale du flux se reculant d'iceluy par le mouvement du premier mobile vers le poinct du midy debile du reflux, que le Soleil du poinct fort du reflux qui est sous l'horizon en la quarte nocturnale du reflux s'approchant vers iceluy par le mesme mouvement du premier mobile, & par ce moyen le Soleil & la Lune seront esgaux, & ne sera fait flux ny reflux, & ainsi derechef les choses cy dessus deduites aduiendront, c'est à dire tels flux & reflux seront ainsi cōtinuez chacun iour naturel iusques à ce que la Lune viendra à sa quadrature seconde avec le Soleil.

Et quand la Lune sera en la quadrature seconde

avec le Soleil, lors l'eau de la mer n'aura ny flux ny reflux, mais semblera estre coye & trāquille comme elle faisoit en la premiere quadrature de ladicte Lune, en laquelle durant toute la reuolution du Ciel la Lune & le Soleil estoient esgaux en pouuoir & puissance pour les causes cy dessus deduites parce que les mesmes causes sont en ladicte quadrature seconde, que elles sont en la premiere: Et cela est enuiron le 21. iour de la Lune ce que les Venitiens appellent ainsi que i'ay ja dict en leur langue. *Acqua de fele*, disans en commun prouerbe. *Da vent uno a venti due l'acqua non vane su negiu.*

Et quand la Lune par son mouuement à elle propre passera ceste quadrature seconde tendant vers sa cō-ionction avec le Soleil, lors la Lune sera esloignée du Soleil moins d'une quatrieme partie du Ciel, & lors icelle estāt autāt sur l'horizon de la partie orientale en la quarte diurnale du flus, que le soleil sous l'horizon de la mesme partie orientale en la quarte nocturnale du reflux, lors la Lune sera autant distante du poinct fort du flux qui est sur l'horizon en la quarte diurnale du flux s'approchāt vers iceluy par le mouuement du premier mobile, que le soleil du poinct fort du reflux qui est sous l'orizō en la quarte nocturnale du reflux, se reculant de luy par le mesme mouuement du premier mobile vers le poinctoriētal debile du flus, lors le Soleil & la Lune seront esgaux, & ne sera fait flus ny reflux. Et quād la Lune par le mouuement du premier mobile s'approchera du poinct fort du flus qui est sur l'orizō en la quarte diurnale du flux: le soleil par le mesme mouuement du premier mobile se retirera & s'eslongnera autāt du poinct fort du reflux qui est sous l'horizon en la quarte nocturnale du reflux vers le poinct de l'Orient debile du flux

& par ce que alors la Lune sera moins distante du poinct fort du flux qui est sur l'horizon en la quarte diurnale du flux que le Soleil du poinct fort du reflux qui est sous l'horizon en la quarte nocturnale du reflux la Lune sera plus puissante que le Soleil, & par ce moyen lors le flux commencera, & d'autant plus que la Lune s'approchera du poinct fort du flux, d'autant plus le Soleil s'eslongnera du poinct fort du reflux s'approchant du poinct Oriental debile du flux, & par ce moyen le flux continuera : & quand le Soleil viendra par le mouuement du premier mobile au poinct oriental debile du flux, par ce que la Lune sera encor en la quarte diurnale du flux, estant distante du Soleil moins d'une quatrieme partie du ciel, icelle sera moins distante du poinct fort du flux qui est sous l'horizon en la quarte diurnale du flux, que le Soleil du poinct fort du reflux qui est sous l'horizon en la quarte nocturnale du reflux : à ceste cause le flux continuera encor. Et quand la Lune viendra au poinct du midy debile du reflux, le Soleil sera sur l'horizon en la quarte diurnale du flux & sera plus proche du poinct fort du flux, que la Lune du poinct fort du reflux qui est apres midy en la quarte diurnale du reflux, & ce par ce que le Soleil est distant de la Lune moins d'une quarte partie du Ciel, à ceste cause le flux continuera, iusques à ce que la Lune soit autant outre le midy vers l'Occident en la quarte diurnale du reflux que le Soleil deuant le midy vers l'Orient en la quarte diurnale du flux, & lors la Lune sera autant distâte du poinct fort du reflux en la quarte diurnale du reflux s'approchant d'iceluy par le mouuement du premier mobile, que le Soleil est du poinct fort du flux en la quarte

quarte diurnale du flux se recullant d'iceluy par le mesme mouuement du premier mobile, & ainsi le Soleil & la Lune seront esgaux, & ne sera faict flux ny reflux. Et quand la Lune par le mouuement du premier mobile s'approchera du poinct fort du reflux en la quarte diurnale du reflux le Soleil par ce mesme mouuemēt du premier mobile se retirera & s'eslongnera autāt du poinct fort du flux en la quarte diurnale du flux, & lors la Lune sera plus proche du poinct fort du reflux en la quarte diurnale du reflux, que le Soleil du poinct fort du flux en la quarte diurnale du flux, & ainsi la Lune sera plus puissante que le Soleil & par ce moyen le reflux commencera, & continueront les flux & reflux en la mesme façon cy dessus descrite.

Et quand la Lune se retirera de sa conioction avec le Soleil, & ne sera encor venue à sa premiere quadrature avec le Soleil, mais sera entre sadiete conioction & sadiete premiere quadrature, & pareillement quand icelle Lune viendra à sadiete conioction avec le Soleil derechef les flux & reflux seront ainsi & en la mesme façon cy dessus expliquée. Dōc le mouuement des eaux marines est vn mouuemēt qui suit les mouuemens du Soleil & de la Lune, lesquels sont faicts & causez par le mouuement du premier Ciel, ou premier mobile.

Et si on considere bien diligemment tout ce que nous auons traicté cy dessus des flux & reflux des eaux marines on cognoistra que les commencemēs, des flux, reflux, & calme de la Mer sont tous diuers & dissemblables aux heures du iour & de la nuit, parce qu'ils n'adiennent tous les iours & toutes les nuits à mesme & pareille heure, ainsi que sca-

uent tresbien par experience ceux qui ont couru au long & au large la Mer.

Et pour donner à entendre clairement cela; on tiendra pour chose certaine que l'eau de la Mer a vn mouuement de flux ou accroissement d'eaux vne fois le iour & vne fois la nuit; & aussi vn mouuement de reflux ou decroissement d'eaux vne fois le iour & vne fois la nuit.

Mesme c'est chose asseurée que ces flux ou accroissement d'eaux, & reflux & decroissemens ne commencent tousiours à mesme & pareille heure du iour & de la nuit, mais à diuerses heures.

Pareillement il y a temps auquel ces flux & reflux aduiennent sans aucun ordre, à sçauoir quand la Lune est en ses quadratures avec le Soleil, à sçauoir en la premiere & seconde quadratures.

Quelquefois il se faiët de grands cours d'eaux en la Mer, quelque autrefois de petits cours, quelque autrefois de mediocres, c'est à sçauoir quand la Lune est en quelque autre lieu avec le Soleil, que ces quatre suiuan à sçauoir la Coniunction, opposition, premiere, & seconde quadratures avec le Soleil.

Et aussi quelquefois il aduient de grands accroissemens d'eaux, quelque fois de petits, quelquefois de mediocres; & aussi quelquefois au contraire de grands decroissemens d'eaux; quelquefois de petits quelquefois de mediocres.

Les grands cours d'eaux sont faiëts quand la Lune est conioincte avec le Soleil, auquel temps aduiennent pareillement les grands accroissemens & decroissemens d'eaux.

Les grands cours d'eaux sont semblablement

faiçts la Lune estant opposite au Soleil : mesme les grands accroissemens & decroissemens d'eaux sont plus violens en ce temps, que au temps de la Coniunction de la Lune avec le Soleil ; ce qui aduiet à cause que la Lune estant en opposition avec le Soleil, & par ce moyen receuant du tout lumiere du Soleil, a en ce temps plus de force & puissance sur les eaux de la Mer, qu'en autre temps de sa course : mesme qu'au temps de sa conionction avec le Soleil, auquel encor que les forces de ces deux lumieres soient vnies & assemblees en vn, neantmoins elles ne peuuent estre telles qu'elles soient pareilles à celles de l'opposition.

La Lune estant en ses quadratures avec le Soleil, les eaux de la Mer n'ont nul temps determiné de accroissemens ou decroissemens d'eaux, ains alors plus souuent il aduiet de tres-petits cours d'eaux, & aussi de petits accroissemens & decroissemens d'icelles, & le temps, auquel le commencement de ces choses aduiet, est tout diuers & disséblable : Ce qui prouiet de ce que le Soleil & la Lune estant lors en quelque poinct qu'ils soient se contrariet esgalemēt en tout & par tout pour esmouuoir les eaux de la Mer ; car en quelque poinct que le Soleil soit, la Lune sera au poinct opposite & contraire du lieu du Soleil.

Et quād la Lune sera hors ces quatre lieux cy dessus deduits lors les eaux de la Mer commenceront à auoir atcroissemens & decroissemens : & quand le Soleil & la Lune serōt en poinçs esgaux de la vertu des quarts de cōtraire operatiō il y aura aussi des accroissemens d'eaux d'autant plus grands que la Lune sera plus proche de sa conioction ou oppositiō avec le Soleil, & au contraire d'autant plus petits que la

Lune sera plus proche de ses quadratures & semblablement il y aura de plus grands accroissemens & décroissemens d'eaux.

Si la Lune est entre sa conionction avec le Soleil & sa premiere quadrature, lors la Lune par le mouuement du premier mobile suit le Soleil à son leuer, & en ce temps il y aura commencement d'accroissement diurnal des eaux marines durant le iour.

Après le leuer du Soleil enuiron l'heure de trois heures ou deuant, c'est à dire quand le Soleil sera autant sur l'orizon de la partie orientale en la quarte diurnale du flux; que la Lune sous l'orizon de la mesme partie d'Orient en la quarte nocturnale du reflux parce que lors le Soleil & la Lune seront esgaux en puissance pour estre aux poincts d'esgalle force & vertu dans les quartes de contraire operation, & le commencement de l'accroissement nocturnal des eaux marines sera de nuit après Soleil couché cest à sçauoir quand le Soleil sera autant sous l'orizon de la partie occidentale en la quarte nocturnale du flux, que la Lune sur l'orizon de la mesme partie occidentale en la quarte diurnale du reflux, mais le commencement du décroissement diurnal sera de iour après midy, cest à sçauoir quand le Soleil sera autant après midy en la quarte diurnale du flux, que la Lune deuant midy en la mesme quarte diurnale du flux, & le commencement de ce décroissement nocturnal sera de nuit après la minuit, cest à sçauoir quand le Soleil sera autant après le poinct de la minuit en la quarte nocturnale du reflux que la Lune deuant iceluy en la quarte nocturnale du flux; mais si la Lune est entre la premiere quadrature & opposition, encor la Lune à son leuer suit le Soleil,

& lors il y aura commencement d'accroissement diurnal du iour apres midy enuiron vespres, cest à dire vn peu deuant ou apres; C'est à sçauoir quand le Soleil sera autant sur l'orizon de la partie occidentale en la quarte diurnale du reflux que la Lune sur l'orizon de la partie orientale en la quarte diurnale du flux: mais le commencement de l'accesion nocturnale sera de nuit deuant le iour à sçauoir enuiron le grand matin, ou vn peu apres, cest à dire quand le Soleil sera autant sur l'orizon de la partie orientale en la quarte nocturnale du reflux, que la Lune sur l'orizon de la partie occidentale en la quarte nocturnale du flux: mais le commencement du decroissement diurnal sera de iour deuant midy cest à sçauoir quand le Soleil sera autant deuant le point du midy que la Lune apres le point du milieu de la nuit: Et le principe du decroissement nocturnal sera de nuit deuant le milieu de la nuit, cest à sçauoir quand le Soleil sera autant deuant le point du milieu de la nuit en la quarte nocturnale du flux, que la Lune apres le point du midy en la quarte diurnale du reflux: mais si la Lune est entre son opposition, & sa secõde quadrature avec le Soleil alors la Lune ira à son leuer deuant le Soleil & lors les commencemens tant des accroissemens que decroissemens des eaux marines seront faicts au mesme moyen qu'ils ont esté quand la Lune estoit entre sa conionction, & sa premiere quadrature.

Car le commencement de l'accroissement diurnal sera de iour enuiron l'heure de tierce, ou vn peu deuant ou apres cest à sçauoir quand le Soleil sera autant sur l'orizon de la partie orientale en la quarte diurnale du flux, que la Lune sur l'orizo de la partie

occidentale en la quarte diurnale du reflux. Et le commencement de l'accroissement nocturnal sera de nuict : c'est à sçauoir quand le Soleil sera autant sous l'horizon de la partie occidentale en la quarte nocturnale du flux , que la Lune sous l'horizon de la partie orientale en la quarte nocturnale du reflux : mais le commencement du decroissement diurnal sera de iour apres midy cest à sçauoir quand le Soleil sera autant apres le poinct du midy en la quarte diurnale du reflux , que la Lune deuant le poinct du milieu de la nuict en la quarte nocturnale du flux , & ce commencement du decroissement nocturnal sera de nuict , quand le Soleil sera autant apres le poinct du milieu de la nuict en la quarte nocturnale du reflux , que la Lune deuant le poinct du milieu en la quarte diurnale du flux : Et si la Lune est entre sa quadrature seconde & conionction avec le Soleil , alors la Lune mesme à son leuer ira deuant le Soleil & alors seront les commencemens de l'accroissement & decroissement en mesmes heures , tout ainsi qu'ils sont lors que la Lune est entre sa premiere quadrature & opposition , parce que le commencement de l'accroissement diurnal sera de iour apres midy enuiron vespres ou vn peu deuant qu'apres , c'est à sçauoir quand le Soleil sera autant sur l'horizon de la partie occidentale en la quarte diurnale du reflux que la Lune sous l'horizon de la mesme partie occidentale en la quarte nocturnale du flux & le principe de l'accroissement nocturnal sera de nuict enuiron le matin vn peu deuant ou apres , cest à sçauoir quand le Soleil sera autant sous l'horizon de la partie orientale en la quarte nocturnale du reflux , que la Lune sur l'horizon de la mesme partie orientale en la quarte

diurnale du flux: Mais le commencement du décroissement diurnal sera de iour deuant midy, cest à sçauoir quand la Lune sera autant apres le poinct du midy en la quarte diurnale du reflux, que le Soleil deuant luy en la quarte diurnale du flux: Et ce commencement du décroissement nocturnal sera de nuit deuant le milieu de la nuit: c'est à sçauoir quand la Lune sera autant apres le poinct du milieu de la nuit en la quarte nocturnale du reflux, que le Soleil deuant le poinct du milieu de la nuit en la quarte nocturnale du flux.

Par consequēt des choses cy dessus il appert dōcques que tant les accroissemens, que les décroissemens des eaux de la Mer ne cōmencent tousiours à mesmes heures du iour & de la nuit, parce que le cōmencement de l'accroissemēt est ou au cōmencement du iour, ou au cōmencemēt de la nuit Ce qui aduiēt la Lune estāt conioincte ou opposite au Soleil: ou cest deuant le iour ou de grand matin vn peu deuant le iour ou de iour iusques à trois heures ou enuiron, ou cest deuant le soir apres vespres, ou vers le soir ou apres. Ce qui aduiēt quand la Lune est entre sa conionction & son oppositiō avec le Soleil, & quelques vnes de ses quadratures, & le cōmencement du décroissement aduiēt ou au midy, ou au milieu de la nuit: quand la Lune est conioincte au Soleil, ou opposite à luy, ce qui aduiēt ou deuant le midy, ou vn peu apres, ou deuant le milieu de la nuit, ou apres c'est à sçauoir quand la Lune est entre sa conionction ou opposition avec le Soleil & quelqu'vne de ses quadratures: & est euidēt que quelquefois les eaux de la Mer n'ont aucun cōmencemēt terminē ny ordre d'accroissemēs ou décroissemēs.

Ce qui aduiét la Lune estant en ses quadratures avec le Soleil : & est aussi apparent que tout accroissement d'eaux marines est cause selon l'horizon de la partie orientale ou occidentale, & tout décroissement selon le meridian, ou le point du midy, ou du milieu de la nuit.

Et faut se souuenir que toutes les deductions dessus premises ont principalement lieu & sont faicts en l'horizon droit, mais en l'horizon oblique icelles deductions quelque temps ne se treuuent pareilles & semblables: mesme il aduiet quelque fois que les eaux de la Mer reçoient d'autres mouuemens diuers & dissemblables des mouuemens cy dessus discourus. Ce qui aduiet pour deux Causes.

L'une pour la deuiation ou erreur en l'heure du commencement du mouuement de l'accroissement ou décroissement, ou du milieu dudit mouuement, à sçauoir que icelles eaux ont de plus grands ou plus petits cours que les accoustumez, ou plus grands ou plus petits accroissemens, ou décroissemens.

L'erreur qui vient en l'heure du mouuement, peut aduenir pour trois causes, la premiere à raison du sit & plan de la region; la seconde à raison des Corps celestes, & la troisieme & derniere, à raison de la mutation d'air.

A raison du sit & plan de la region il aduiet seulement vne diuersité en l'heure du commencement de l'accroissement des eaux marines, & ce parce que le commencement dudit accroissement est à considerer selon l'horizon ou il est fait: mais au commencement du décroissement il ny a nulle diuersité ny erreur parce que le commencement du décroissement est à considerer selon le Cercle meridian: Aussi à rai-

son dudit fit & plan de la Region il y a vne autre diuersité pource qui s'ensuit, ou la region est sous l'equinoctial ou dehors de l'equinoctial: si sous l'equinoctial parce que lors l'horizon est droit, & les iours tousiours esgaux aux nuicts en tout temps de l'année; les choses qui ont esté cy dessus declarées des diuerses heures du commencement de l'accroissement des eaux marines sont vrayes: mais les regions qui sont distantes de l'equinoctial parce qu'elles ont l'horizon oblique, sont autres, car en icelles les commencemens des accroissemens des eaux marines sont ainsi que ceux qui sont aux regions lesquelles sont sous l'equinoctial, seulement en deux temps de l'année & non plus, cest à sçauoir au commencement du printemps ou de l'Equinoxe vernal; & au commencement de l'Automne ou Equinocce Autonnal cest à sçauoir les 20. Mars, & 23. de Septembre; mais aux autres temps de l'année il aduient tout autrement depuis, ledict commencement du Printemps durant tout l'esté iusques à l'Equinocce autumnal; parce que le commencement de ces accroissemens diurnaux; si iceux sont deuant midy cest à sçauoir enuiron le matin, sera plus tardif qu'il sembloit ne le deuoir estre à sçauoir plus à vn iour qu'il n'aduient aux regions qui sont sous l'Equinoctial; ce qui aduient à cause qu'en telles regions le iour commence deuant, cest à dire le Soleil se leue long temps deuant qu'il ne fait aux regions qui sont sous l'Equinoctial à raison de l'obliquité de l'horizon, encor que ces regions soient sous vn mesme meridian.

Que si le commencement de seldits accroissemens diurnaux est apres midy enuiron le soir, alors ce commencement sera plus hastif, que celuy qui est fait

aux regions qui sont sous ledit Equinoctial, cest à dire en moins d heures du iour: Ce qui aduiét à cause que lors le soleil se couche plus tardiuemēt qu'aux regions qui sont sous ledit Equinoctial.

Mais si le cōmencement de seldits accroissemens nocturnaux est faict deuant le milieu de la nuit, il aduiet en ses regions susdites plustost cest à dire en moins de temps de la nuit qu'il ne faict aux regiōs qui sont sous l'Equinoctial, parce que lors la nuit commence apres en icelles.

Que si le commencement de seldits accroissemēs nocturnaux est apres le milieu de la nuit, cest à sçauoir vers le iour, iceluy sera faict plus tardif cest à dire dedans plus d'heures de nuit qu'aux regions qui sont sous ledit Equinoctial: Ce qui aduiet à cause que le Soleil se leue plus viste en ces regiōs qu'en celles qui sont sous l'Equinoctial, & ceste diuersité croist seulement ce qui faict que quelquefois il aduiet qu'on voit deux accroissemens d'eaux durant le iour, & nuls durant la nuit: Ce qui aduiet pour l'inegualité des iours avec leurs nuits. Car autant que le iour artificiel sera plus long que la nuit d'autant plus ceste diuersité croistra euidemment, ce qui fera qu'aux plus longs iours de l'an, telle diuersité sera fort apparente & manifeste.

Mais depuis l'Equinoxe autumnal durant tout l'hiuer iusques à l'Equinoxe vernal le contraire sera faict, parce que si le commencement de ces accroissemens diurnaux est deuant midy, cest à sçauoir environ le matin, alors il sera plus viste qu'il ne le deuroit estre, cest à dire en moins d'heures du iour qu'il n'adiendra en l'orizon droit, par ce que lors le iour commence plus tard, à cause que le Soleil se

leue plus tard à ceux qui ont l'horizon oblique qu'à ceux qui ont l'horizon droit.

Que si tels accroissemens aduiennent apres midy à sçauoir vers le tard: alors le commencement de tels accroissemens sera plus tardif, cest à dire plus vers le soir, ou bien plus vers le Soleil couchant, qu'aux regions qui sont sous l'Equinoctial, parce qu'en l'horizon oblique la nuit est faicte plus vistemét, & le Soleil se couche plus subitement qu'en l'horizon droit.

Que si le commencement de ces accroissemens nocturnaux est faict deuant le milieu de la nuit, il sera plus tardif, & plus en la nuit qu'aux regions qui sont sous l'Equinoctial, & cela est à cause que alors la nuit commence plustost en l'horizon oblique qu'au droit à cause que le Soleil se couche plustost en l'horizon oblique, qu'en l'horizon droit.

Que si le commencement desdits accroissemens nocturnaux est faict apres le milieu de la nuit cest à dire enuiron le iour, alors tel commencement sera faict plustost en l'horizon oblique cest à dire en moins d heures de nuit, & plustost deuant le iour, & deuant le Soleil leuant, qu'il ne sera faict aux regions qui sont sous l'Equinoctial: Et ce d'autant que le Soleil se leue plus tard, qu'aux regions qui sont sous l'Equinoctial: & telle diuersité croist tellement que quelquefois il aduient deux accroissemens d'eaux en la nuit, & nuls au iour, Ce qui aduient pour l'inegalité & augment de la nuit sur le iour d'apres: Car d'autant que la nuit est plus longue que le iour, d'autant plus telle diuersité croist, parquoy telle diuersité apparroist tres grande en la plus grande nuit de l'annee.

Donc par ces propos il appert que tant plus on

est proche del'Equinoctial, d'autant plus la diuersité apparoiſt moindre en l'heure du commencement deſdits accroisſemens, & tant plus que le Soleil est proche des ſolſtices ou plus longs iours de l'annee & des plus longues nuits, d'autant plus telle diuersité apparoiſtra clairement & viſiblement.

A raiſon des Corps celeſtes il aduient, auſſi quelquefois de la diuersité, aux commencemens non ſeulement des accroisſemens, mais auſſi des decroisſemens.

Car quand il y a aucuns des planettes plus lumineux comme Iuppiter & Venus aupres du Soleil ou de la Lune, iceux les aydent & fortifient à eſmouuoir d'auantage les eaux marines, lesquelles ne gardent par ce moyen leur cours & ordre accouſtumez.

A raiſon de la mutation de l'air il aduient ſouuentefois vne grande diuersité aux commencemens de ſes dits accroisſemens & decroisſemens d'eaux; & ce pour la diſpoſitiō impetueuſe & violente des vents & tempeſtes ſoufflans ou de loing ou de pres diuerſement & contrairement, lesquelles par ce moyen empeschent l'ordinaire mouuement deſdites eaux, aduançans quelquefois iceux accroisſemens, quelquefois les decroisſemens, & quelquefois brouillans & entremeslans les vns avec les autres: Auſſi quelquefois il aduient vne autre diuersité au milieu du mouuement deſdites eaux à cauſe que quelquefois tant les cours d'icelles que leurs accroisſemens & decroisſemens ne conſeruent pas leurs mouuemens accouſtumez pour les vents & tempeſtes qui regnent ſur la Mer.

Mais outre les choſes cy deſſus deduites, il y en a d'autres lesquelles ſont cauſes de plus grands mou-

uemens d'eaux & de plus grande & notable diuersité en icelles, à sçauoir l'angustie & estreffissure des lieux & endroits de la Mer à cause des Isles, & montaignes & rochers qui sont dedans la Mer : car ou la Mer est plus resserree & estroite en cest endroit y a de plus grands mouuemens d'eaux, ainsi qu'en l'isle de Negrepoint, & au destroit de la Sicile.

De faict telle angustie & estreffissure des lieux de la Mer empeschent les augmentations & accroissemens d'eaux, à cause que peu d'eaux peut passer par tels lieux tout le contraire aduenant en l'Ocean auquel il y a peu d'angusties & estreffissures de lieux empeschans les cours, mouuemens, accroissemens & decroissemens d'eaux en iceluy.

Mais il est autrement en la Mer Mediterranée à cause de ce que nous auõs discoursu au chapitre precedent & aussi parce que les eaux qui prouiennent & sortent de l'Ocean en icelle, passent par vn seul & estroit lieu en la partie de l'Occident : ce qui cause principalemēt qu'icelle Mer ne peut pas estre beaucoup agitée & remplie d'accroissemens d'eaux ny aussi diminuée ny esuacuée par les decroissemens d'eaux.

On peut alleguer encor quelques autres choses qui sont cause d'autres diuersitez aux mouuemens des eaux de la Mer, lesquelles ie ne repeteray en ce chapitre pour les auoir deduiēt particulièrement vers la fin du chapitre precedent.

Et à fin que ie n'obmette aucune chose digne de remarque en cest endroit ie deduiray comme en passant la pratique de laquelle les Pilotes & Navigateurs Espagnols & Portuguais se seruent à cognoistre les mouuemēs des flux & reflux de la Mer.

Premierement ils presupposent que la Lune passe le cercle du Zodiaque en 27. iours & huiët heures mais combien que elle acheue son cercle dedans ce temps que toutefois il luy faut donner 29. & demy pour cause qu'icelle ne r'ataint le Soleil en 27. iours & huiët heures, Parquoy elle passe deux autres iours & quatre heures outre, & ayant passé 29. iours & douze heures & quelques minutes aucunesfois plus & autresfois moins, elle faict lors la conionction, qui est selon le demy mouuement de la Lune, par lequel on vient à iustifier tous les mouuemens des autres iours: Car selon le vray mouuement sien, elle est aucunesfois tardiuë, & aucunesfois legiere, lequel mouuement lesdits Espagnols & Portugais rectifient par le moyen mouuement selon les tables d'Astronomie qu'ils ont en leurs mains.

Puis ils content par le nombre d'or, ou par d'autres reigles & tables qu'ils ont avec eux, le iour & l'heure en laquelle la Conionction se faict chacun mois: en presupposans que le iour se doit entendre en leur compte, depuis vn midy dudit iour iusques au lendemain à la mesme heure, estant, par ainsi les heures qui sont plus que les iours, du midy precedët.

Et font iceux compte des oppositions par conference des conionctions cy dessus deduites, en quant quatorze iours & seize heures depuis la conionction peu plus ou peu moins.

Cela faict, ils comprennent cōment la maree vient chacun iour, & à qu'elle heure sera pleine ou basse Mer, en ceste façon: ils sçauent que la Lune va les trente deux rumbs de la nauigation en chacune fois. 24. heures qu'elle fait son mouuement diurnal, sans y cōprendre ce qu'elle a fait en son mouuémēt pro-

pre & naturel. dedans lequel temps il ya deux mares cest à ſçauoir deux croiſſantes qui ſont le flux, & deux décroiſſâtes qui ſont le reflux ou l'hobe: tellement que la Mer croiſt ſix heures, & diminue ſix autres, en faiſant icelle autât en autres douze heures qui ſont 24. heures: & n'ignorent iceux que les mares croiſſantes ne ſont toujours eſgales en tout temps & lieu quant au tēps: car l'eſpace de ſept iours les eaux ſont croiſſantes qu'ils appellent *Eaux viues*, & autres ſept iours ſont décroiſſantes, qu'ils appellent *eaux mortes*. De ſorte qu'à leur compte depuis le premier iour de la Lune iuſques au huitième qui eſt le premier quart de la Lune les eaux ſ'amointriſſent, & depuis ledit quart iuſques au quinzième qui eſt pleine Lune, elles vont croiſſant: & depuis le troiſième quart elles vont diminuant & de là iuſques à la conionction elles vont croiſſant: Et pour le declarer plus particulièrement ils diſent que le premier iour de la Lune, eſt chef des eaux, & le ſecond iour l'eau eſt encor fort grâde, & le troiſième ſemblablement: mais le quatrième elle commence à diminuer, & ainſi de iour en iour elle va en diminuât iuſques à ce qu'elle vienne au 8. iour: car alors elle eſt aux baſſes eaux, & au 9. le ſemblable, & au dixième y compris preſque le onzième il eſt poincte d'eau, à cauſe qu'alors elle cōmence vn peu à croiſtre, & de là en auant elle va croiſſant par chacun iour iuſques au quinzième qui eſt pleine Lune, & lors recōmence à eſtre chef d'eaux, & au 16. elle croiſt ſemblablement & quaſi iuſques en fin du dixſeptième: Mais au dix-huitième elle diminue, & ainſi va amointriſſant par chacū iour iuſques au vingtdeuxième qu'elle eſt du tout amointrie, au vingttroiſième il eſt poincte

d'eau, & croist de iour en iour iusques au trentieme qu'elle est en conionction, & ainsi elle recommence au premier iour estre chef d'eau, & va tousiours ainsi croissant & décroissant comme il a esté de-
duit cy dessus.

Et n'ignorent iceux que les croissantes ne sont pareilles & semblables, par ce qu'en icelles les eaux ne sont aussi hautes vne fois que l'autre, mais en l'une plus grandes, & aux autres plus petites, & qu'aussi l'aller & le venir de la marée ne sont esgaux en tous lieux; mais pour sçauoir à peu pres l'heure quand la marée vient, ils obseruent que tousiours quand la Lune est au Nortouest il est pleine Mer, & quand elle est au sudest il est basse Mer, & au sudoest il est pleine Mer, & au nordouest il est basse Mer.

Et pour cognoistre quand la Lune sera en chacun de ces rubs ils le comprennent par le rumb auquel est le Soleil en ceste maniere.

La Lune estant en son premier iour, le Soleil estant au Nort est quart à l'Est, la Lune est au Nordest, & à ceste heure là il est pleine Mer.

Le second iour de la Lune, estant le Soleil au Nordest il est pleine Mer.

Le troisieme iour quand le Soleil est à l'Est, quart au Nordest, il est pleine Mer.

Le quatrieme iour le Soleil estant à l'est, il est pleine Mer.

Le cinquieme iour le Soleil en l'Est, quart au sudest, la Lune est au Nordest.

Le sixieme iour le Soleil au sudest, la Lune est au Nordest.

Le septieme iour le Soleil au sudest, quart à l'Est, la Lune est au Nordest.

Le huit-

Le huitieme iour le Soleil au fudest, la Lune est au Nortouest.

Le neuvieme iour le Soleil au fudest, quart au Sud, la Lune est au Nortouest.

Le dixieme iour le Soleil au fudsudest, la Lune est au Nordest.

L'onzieme iour le Soleil au sud, quart au fudest, la Lune au Nordest.

Le douzieme iour le Soleil au sud, la Lune est au Nordest.

Le treizieme iour le Soleil au sud, quart au sudoest, la Lune est au Nortouest.

Le quatorzieme iour le Soleil au fudsudoest, la Lune est au Nordest.

Le quinzieme iour ils content ce iour deux quarts ensemble pource qu'il y a trentedeux rumbz, & les iours ne sont que trente: Par ainsi ils donnent vn quart au milieu, & vn autre à la fin: Tellement que le quinzieme estant le Soleil au Sudoest, la Lune sera au Nortouest, & est lors pleine Mer.

Le seizieme iour estant le Soleil au Sudoest, quart à l'ouest la Lune sera au Sudoest, & sera lors pleine Mer.

Le dixseptieme le Soleil à l'ouest sudoest, & la Lune au Sudoest il est pleine Mer.

Le dixhuitieme iour le Soleil en l'ouest quart au sudoest & la Lune au sudoest sera pleine Mer.

Le dixneuvieme iour le Soleil en l'ouest, la Lune au sudoest sera pleine Mer.

Le vingtieme iour le Soleil en l'ouest, quart au nortouest la Lune est au sudoest.

Le vingt & vniesme iour le Soleil en l'ouest nortouest, la Lune est au sudoest.

Le vingt-deuxieme iour le Soleil au nortouest quart à l'ouest la Lune est au sudoest.

Le vingt troisieme iour le Soleil au nortouest, la Lune est au Sudoest.

Le vingt-quatrieme iour le Soleil au nortouest quart au nort, la Lune est au Sudoest.

Le vingtcinquieme iour le Soleil au nornortouest, la Lune est au sudoest.

Le vingtfixieme le Soleil au Nort, quart au nortouest la Lune est au sudoest.

Le vingtseptieme le Soleil au nort, la Lune est au Sudoest.

Le vingthuietieme le Soleil au nort, quart au nortouest la Lune au sudoest.

Le vingtneuvieme iour le Soleil au nornortest, la Lune est au sudoest & à ceste heure là il est pleine Mer.

Le trentieme iour qui est la conionction ils content deux rumbz qui sont le nortest, quart au nort & le nortouest.

Et par ceste doctrine iceux Espagnols & Portugais Pilotes & navigateurs treuuent l'heure & le iour que la maree vient, estât le Soleil au rumbz: mais pour le mieux entendre, ils presupposent que le Soleil sera tousiours au Sud, au douze heures du midy, s'ils se treuuent plus à la partie du nort que le Soleil, ainsi comme il est à six heures du matin à l'Est, & à neuf heures au sudest, & à six heures du soir à l'ouest & à neuf heures au nortouest, & à la minuiet au nort, & à trois heures apres minuiet au nortest.

Mais si le Soleil est plus au nort qu'eux, le Soleil est à midy au nort, & à minuiet au sud, & par ces deux rumbz ils cognoissent le surplus selô le temps & lieu qu'ils le treuuent.

Et ont iceux remarqué comme il a esté dit cy dessus, qu'estant la Lune au nortouest, ou au sudouest, il est pleine Mer, & au sudest & nortest il est basse Mer, & pour sçauoir quand la Lune est ausdits rubs, ils regardent en quel rumb est le Soleil, selon que serôt les iours de la Lune, & sur cecy ils entendent que cōbien qu'en leurs rumb de nauigation qu'ils ont en main descrits sur vn papier ou parchemin, le Soleil est marqué ou il doit estre, lors que la Lune est au nortest, & que cest lors pleine Mer, ils estiment semblablement que quād le Soleil fera en vn Rumb cōtraire à celuy-là, que la Luné fera lors au sudouest, & sera aussi pleine Mer; & estiment iceux le mesme en basse Mer tellement que ce comte sert pour la première & seconde maree, comme ils demonstrent par la figure de leurs rumb de nauigation qu'ils ont en main descrite en laquelle ils notent que sçahant cōbien de iours il y a de la Lune, & les treuuāt au côté que le Soleil est esloigné du Rumb, où ils treuuēt tel nōbre, & ainsi au cōtraire, à telle heure il sera pleine Mer, retenāt tousiours en memoire iceux qu'à douze heures de iour, le Soleil est au Sud, & à douze heures de nuict au nort, & qu'en trois quarts d'heure il passe d'un Rumb à autre.

Les mesmes Espagnols & Portuguais Pilotes & nauigateurs oultre la pratique cy dessus pour cognoistre l'heure que viét la maree par chacū iour, en contant les iours de la Lune, & par iceux ayāt esgard aux Rumb, ou doit estre le Soleil, se seruent d'une autre reigle & compte pour non seulement sçauoir par les iours de la Lune, & les rumb du Soleil, comme dit est, mais aussi par les heures, ayant esgard à l'heure de la conionctiō, cognoistre par chacun iour à qu'elle heure du iour ou de la nuict viédra la maree.

Sur quoy ils considerent ce que s'en suit: ils regardent en quel iour & quelle heure fut la conionction de la lune, & cela faict ils cognoissent que la marée vient chacun iour. 4. quintes d'heures plus tard: tellement que s'il est auourd'huy marée à vne heure, elle sera au lendemain à vne heure & quatre quintes d'heure: & l'autre iour apres à deux heures & trois quintes, & ainsi de iour en iour poursuiuant iusques à la fin, selon les tables qu'ils en ont dressées pour cest effect.


Et notent iceux, qu'en adioustant les heures descrites en leurs tables, avec les heures de la Lune aux conionctions qui sont outre les iours: si icelles montent plus de 24. ils en ostent vne fois douze, ou deux fois s'il en est besoing, & celles qui restent d'auantage: sont les heures que vient la marée.

Et tout ce que dessus est deduiet, est le naturel & cours accoustumé de la Lune; & n'ignorent lesdits Espagnols & Portuguais que cela n'aduiet accidentellement que les marées soient esgales en toutes costes: car ils sçauent bien que cōbien qu'elles soiēt sous vn meridien, elles ne peuuent venir toutes en vn temps pour cause des destroits de Mer, grands golphes, caps de terre, vents, ou pour autre cause, pour laquelle ils ont tousiours esgard à la pratique du Pays, aussi ont ils esgard aux fleues & riuieres qui entrent dedans la Mer: Et donnent iceux à ceste cause vn quart de retardement: parce que la marée diminue plustost à la coste, qu'elle ne fait aux fleues & riuieres, pour cause de la retenue des eaux qui viennent d'amont, & donnent aussi iceux le semblable au croistre des marées: combien que cela n'est tousiours egal à tous fleues & riuieres, pour ce

que les vns & les autres croissent & diminuent plus ou moins que les autres, à cause que les vns sont plus forts & roïdres que les autres & que leurs croissances sont aydées des vents & tourbillons.

Des causes & effects de la saleur de la Mer.

CHAP. XX.

 Vant que d'entrer en deduction de la presente matiere des causes & effects de la saleur de la Mer; nous presupposerons que par la vertu des rayons du soleil, & de la chaleur qui est en terre, sont esleuées en haut deux sortes de vapeurs, ou pour mieux dire, haleines, & respirations, l'une qui est de nature humide, appelée vapeur, l'autre de nature seiche, nommée exhalation. Et combié qu'il n'y ait aucune vapeur, qui soit sans secheresse & exhalation, qui n'ave sa part de l'humidité: neantmoins nous dirons la vapeur estre humide, & l'exhalation seiche, pource qu'en l'une y a plus de moiteur, & en l'autre plus de secheresse qui la gaigne & surmonte. Et qu'il soit ainsi que la vapeur, & exhalation soient tirees de terre en haut, il n'est besoing d'en faire plus grande preuue: car nous le voyons ordinairement, si nous y voulons prendre garde, estant la vapeur ceste humeur qui s'esleue hors de l'eau, & d'une terre mouillée, lors que le Soleil bat dessus & la rechauffe, laquelle est semblable à celle que l'on voit manifestement s'esleuer sur les eaux chaudes des bains: Et l'exhalation est proprement ceste respiration & ha-

leine subtile & seiche, qui aux plus ardâtes chaleurs del'esté, sort peu à peu hors de terre, laquelle est si subtile, & deliée, qu'à peine la pouuons nous comprendre, sans nous esblouir la veüe: Et est toute semblable à celle que l'on voit fumer & exhaler d'une fournaise, lors qu'elle est plus ardente, qui est beaucoup plus rare & deliée que n'est la fumee. Et est ceste exhalation, de nature seiche, & la vapeur de nature humide, estans l'une & l'autre corps imparfaitement composez & meslez, pource que peu s'en faut, que la vapeur ne soit eau, & que l'exhalation aussi ne deuienne feu. Or de ceste vapeur quand elle est esleuée en haut iusques à la froide région de l'air, sont engendrees les pluyes les neiges & les gresles. Et de l'exhalation lors qu'elle est paruenue iusques au plus haut estage de l'air, se font ces brandôs & images de feu que nous voyons parmy l'air principalement en Esté. Ce que dessus presupposé, nous viendrôs à parler des causes & effects de la saleure de la Mer. Il me semble auoir leu dans quelque Poëte ancien, Grec de nation, que l'Ocean estant deuenu extremement amoureux de la Déesse Tellure ou la terre, se mit, ne la pouuât vaincre par prieres & supplicatiôs, à l'embrasser fort & ferme pour iouir d'elle par force: mais qu'icelle craignant d'estre forcee s'enfuit avec ses Nymphes vers les môtagnes, priât la Nymphé Salis de vouloir infecter & gaster les eaux de cest Ocean, ce qui fut deslors & incontînét fait par ceste Nymphé Salie, depuis lequel tēps les eaux de l'ocean sont demeurees ameres & salées. Plutarque liure 3. chap. 16. de l'opinion des Philosophes à escrit que le philosophe Grec Anaximandre à creu que la Mer estoit les reliques de la premiere humidité de cest vniuers desquelles le Soleil a brulé, & cōsommé vne grande

partie, & a transmué par son exustion, & inflâmatiô le residu d'icelles. Anaxagore au contraire a cuidé que toute l'humidité & humeur de ce mōde estant amassée & acumulee en vn en forme d'estang au cōmencement d'iceluy monde, vne partie d'icelle humidité & humeur fut consommée par l'assiduité du chemin du Soleil, & le plus gras d'icelle estant esuaporé le residu demoura en saleure & amertume. Empedocle a dit que la Mer estoit la sueur de la terre bruslée, par les ardeurs du Soleil qui tousiours de plus en plus la resserre. Antiston que c'est la sueur du chaud, duquel l'humide qui estoit cōtenu dedàs, estât espraint, à force de bouillir en est deuenu salé, ce qui aduiét en toute sueur: Metrodorus, pource qu'estant coulée à trauers la terre, elle retiét quelque chose de sa densité, cōme ce que l'on passe à trauers la cendre: Les Sectateurs de Platon, que de l'eau elementaire, ce qui en est par refrigeratiô cōgelé de l'air, est doux, mais que ce qui en est euaporé par embrasement & inflammation en est salé. Quelques autres, que de la partie de l'eau: qui a beaucoup d'air à cause de la frigidité d'icelle coulée, est faicte & rendue douce, & celle qui a receu exhalation, pour auoir esté eschauffée, est faicte & réduite amere & salee. Chose que Xenophanes a voulu attribuer à la seule mixtion de la terre comme le remarque fort bien Iean François Pic de la Mirande liure 1. chap. 12. de son examen de la vanité de la doctrine des Gentils. Le mesme Plutarque en la premiere question de son recueil des causes naturelles dit que l'eau de la Mer est amere & salée à cause de la terre bruslée qui est meslée parmy, comme dit Aristote, ne plus ne moins que la lessive ou l'eau douce iettée dessus de la Cendre. pource que ce coulement & passément à trauers la cendre

gaste & corromp ce qu'il y a de bon en l'eau douce; tout ainsi que dedans nos corps l'ardeur de la fièvre tourne ce qu'il y a de douce humeur, en cholere & amertume. Et poursuit le mesme Plutarque en la 9. question du premier liure des propos de table que l'Aristote a aussi creu que parmy l'eau de la Mer il y a beaucoup d'aspreté terrestre meslée: ce qui cause l'amertume & saleure d'icelle. Quelques vns ayant leu les œuvres de ce grand Philosophe. se persuadent qu'iceluy au liure 2. des meteoires chap. 3. a escrit que l'amertume & saleure de la Mer, ne viennent d'autre cause, sinon que toute la douceur de l'eau d'icelle, à cause de sa legereté est attirée & emportée en haut par la chaleur du Soleil & que la pesanteur & grosseur d'icelle va au fonds à cause de sa gravité & desité à quoy a adheré Pline liurez. chap. 100. mais ceste opinion n'est vraye parce que toute ceste douceur d'eau que le Soleil peut auoir attirée & emportée en haut, est renvoyée en ladite Mer par les pluyes qui tombent en icelle, & lesquelles neantmoins ne font perdre la saleure d'icelle: mais ceux qui voudront de pres regarder à ce qu'ont laissé par escrit de ces choses l'edit Aristote, & Pline ils ne les treuueront certaines & asseurées: ainsi que remarque François Vicomercatus en ses commentaires sur le liure 2. des meteoires d'Aristote. Le mesme Aucteur en ses problemes sectiō 23. repete l'opinion de certains Philosophes qui ont tenu que le Soleil esleuant en haut par exhalation le plus subtil des eaux, & cuisant par sa continuelle ardeur ce qui reste de plus espais & terrestre, luy a laissé & laisse toujours telle saleure, qui s'adoucit quand l'eau escoulée par la terre fait issue en fleuves, riuieres, & fon-

taines; & en ceste façon l'eau coullée dans des cendres, est faicte & rendue amere & salée, & l'eau douce est attirée par parties separées de dedans la Mer en vn vaisseau de cire, qui la reçoit par ses pores: Que si on dit que les fleuves & riuieres lesquels sans doute prouiennent de la Mer, ne sont amers & salez, mais plustost doux & agreable à boire, on peut respondre que cela prouient de ce qu'iceux estant passez & coulez à trauers la terre, & l'arene d'icelle, sont faicts & rendus ainsi doux & agreables à boire, & apres auoir couru au long & au large sur la terre pour la commodité des hommes & des animaux, viennent en fin se rendre dans la mesme Mer, afin qu'icelle ne soit faicte & rendue à la longueur des temps & des ans plus amere & plus salée. Les autres ont dit que les fleuves & riuieres qui se viennent lancer en la Mer, amennent quand & eux quelque amertume, laquelle est cause de la saleure de la Mer: mais cela ne peut estre vray parce qu'il faudroit, si cela estoit vray, qu'iceux fleuves & riuieres fussent salez, ce qui n'est: Secondement quand cela seroit il seroit absurde de croire qu'un peu d'amertume traînée avec lesdits fleuves & riuieres peut causer en la Mer, qui est si grande & ample, vne saleure, Troisiememét on sçait que la Mer n'est autre chose qu'un amas & recollection d'eaux de fleuves, & riuieres, qui deuroient à ceste cause estre ameres & salez du tout. Aucuns personnages ont voulu dire que cest contre le naturel de la Mer d'estre salée, car puis que la Mer est commencement & origine des eaux, & leur propre lieu, & que les eaux qui naissent en elle sont douces, mesme celles des fleuves & riuieres qui y entrent, qu'il semble par plus grande raison

que la Mer deuroit estre douce & non salée: D'autre part comme il est certain que Dieu & nature font toutes choses pour le meilleur, qu'il semble qu'il eust esté plus conuenable que la Mer fut douce que salée, car l'eau douce est plus naturelle que l'autre: Sur laquelle proposition a respondu Albert le grand au 2. des meteores chap. 15. disant, que la matiere laquelle cause que la Mer soit salée, est pource qu'il y a deux sortes de vapeurs, à sçauoir chaude, & humide, & chaude, & seiche: dont l'vne d'iceux s'esuapore de la superficie de la Mer, & l'autre s'esleue du fonds, par la force de la chaleur du Soleil & des estoilles qui sont causes efficieuses de ces vapeurs: Et parce que la vapeur de l'eau est fort subtile entre ces deux pourtant elle s'esleue en l'air, & est consommée du Soleil, & ny demeure autre chose que la vapeur de la terre, ou a dire plus proprement son exhalation, laquelle est esparse & estendue & mestée parmy l'eau comme il appert par l'exemple du manger, car la viande digerée s'estend & departit par les membres, & la substance grosse & indigeste demeure toute, en telle sorte aussi la vapeur de la terre estendue, demeure parmy la substance de l'eau de la Mer, & la froidure de l'eau circonstante poulse en elle la froidure, & se consume par froidure pour cause de l'amelange par antiperistase, qui veut dire pour deux choses contraires iointes ensemble, lesquelles se font plus fortes que parauant: car la chaleur de l'exhalation qui sort du fonds de la Mer se fortifie par vertu du Soleil avec son contraire, qui est la froidure: Et ainsi la chaleur vient à vaincre qui est ce qui est requis en la generation de la saueur salée, comme le Prince des Philosophes la

entendu au second des meteores : car qui prendroit de l'eau bien douce & la passeroit par des cendres elle deviendrait salée, le mesme estant de l'eau de la Mer au temps qu'elle se fait salée : & pource aucuns disent qu'il y a element pur en substance & que l'element de l'eau est en la Mer, mesmes que l'eau de la Mer est simple, & sans saueur au milieu: Pource qu'elle n'a obiection de contraire : laquelle chose me semble ne pouuoir estre ainsi, pource que la chaleur du feu & du Soleil & des estoilles est suffisante pour attirer les exhalations du profond de la Mer, lesquelles meslées parmy le froid & humide de l'eau, font la saueur salée au plus haut de l'eau: doncq a plus viue raison le peuuent ils faire au milieu ou profond de la Mer, Parquoy quelques vns ont voulu maintenir avec Aristote & Constantin qu'il n'y a pour le present nul element pur: & a esté plus conuenable pour la nauigation que l'eau de la Mer aye esté salée que douce, à cause que l'eau salée est plus pesante que la douce, ce qui se preuue par vn œuf qui ne va en fonds de l'eau douce, en laquelle on aura ietté grande quantité de sel qui y sera fondu. Aucuns personages disent que les choses qui semblent estre salées comme l'eau coulée à trauers les cendres, ou la chaux; l'urine, la sueur, & l'hypostase de l'aliment, qui estoient au commencement eau douce, breuue douce, & viande douce sont faites & causes salées par quelque aduste terrestreité ainsi que la sueur de l'homme laquelle est aussi salée par la terrestreité du corps de l'homme: car il est certain que la terrestreité & substance indigeste sont l'hypostase salée & amere, & que l'exhalation aduste & terrestre

meslées ensemble sont cause de la saleure de la Mer, à cause dequoy on doit croire asseurement qu'icelle saleure est engendrée de l'exhalation brulée, meslée avec la terrestre : De fait on tient qu'il y a deux especes d'exhalation l'une chaude & humide appelée vapeur, & l'autre chaude & seiche, appelée exhalation : & ne laisse la Mer pour telle saleure de demeurer mesme & pareille en son espece, ainsi que le mesme air, le mesme feu, & la mesme flamme, & de la superficie de la Mer est esleuée la vapeur douce, & du fonds d'icelle Mer par la chaleur du Soleil & des Astres, est esleuée l'exhalation, qui cause ladicte saleure d'icelle : Et y a six choses qui font croire que la Mer est salee par la commixtion de l'exhalation aduste & terrestre meslées ensemblement : La premiere que les eaux marines australes & les premieres eaux automnales sont plus salees, à cause du vent Austral qui est chaud de soy, & proient d'un lieu chaud, & par ce moyen esleué avec soy plusieurs exhalations & à cause de l'adustion & exhalations esleuées en haut auparavant durant tout l'esté precedent, lesquelles pour la varieté du temps de l'Automne retombent en bas dans la mer. La seconde que l'eau de la Mer est plus chaude, que toutes les autres, comme celle qui retient la nature de l'exhalation meslée, car toutes les choses qui ont esté ignées retiennent en elles par leur puissance, de la chaleur : ce que demonstrent la chaux, la cendre, & l'ordure des animaux ; Et tout ce qu'il y a de douceur en la Mer est esleué en haut, que si quelque vapeur de terrestréité est emportée en haut, elle retourne & retombe par apres en icelle Mer, La troisieme que dedans vn vaisseau de cire bien fermé & estouppé

ieté au fonds de la Mer il y en're de l'eau douce & non salée, à cause que la cire avec ses pôres trespetits ne peut receuoir la terreſtreité & ſaleure de la Mer. La quatrieme, que l'eau de la Mer pour ceſte cauſe eſt plus groſſe & pe ante, ſur laquelle les grands nauires & vaiſſeaux deuoient nauiger, qui ſur les eaux douces iroient en fonds : Ce qui eſt demonſtré par l'eau douce, dans laquelle y ayant quelque quantité de ſel fondu qui porte les œufs à nage, ainſi que faiçt la ſaulmure. La cinquieme que les linges & veſtemens lauez en la Mer reçoient de la ſalleté, à cauſe de l'exhalation aduſte & terreſtre d'icelle. La ſixieme que le Sel eſt comme vne eſpece de terre aduſte, laquelle ſe reſoult par le froid & humide, & ſ'amaſſe, congele, & endureſt, par le chaud & par le ſec. Hierome Cardan liure 2. de la ſubtilité des choſes cuidant eſtre plus ſubtil que les Anciens à dit ce que ſ'enſuit de la ſaleure de la Mer: il reſte que i'enſei-,, gne quelle eſt la cauſe de la ſaleure de la Mer ſelon,, l'opinion d'Ariſtote entendue de peu de perſon-,, nes, la cauſe eſt vne generatiō cōtinuelle des pluyes,, attirées du dedans de la Mer par la chaleur du So-,, leil en la region ſuperieure. Leſquelles viennent à,, cheoir dedans icelle Mer perſeuerante d'eternité;,, & combien que ceſte Mer ne ſoit eternelle au lieu,, ou elle eſt maintenant, entendu toutefois qu'une,, Mer vient de l'autre, il eſt neceſſaire & infaillible,, icelle Mer eſtre, & auoir eſté eternelle par la conti-,, nuite des eaux : Mais en ce que ce Perſonnage parle des pluyes qui tombent en la Mer, & la rendent ſalée ceſt choſe qui eſt du tout fauſce & controuuée, car il eſt treſcertain que les pluyes ne ſont ſi ameres & ſalées qu'elles puiſſent apporter à la Mer qui eſt

si grāde, & si vaste, vne amertume & saleure; Et puis quand ceja seroit pourquoy ces pluyes tombans en grande abondance dans la Mer Caspie, & dans les Lacs, fleuues, riuieres & fontaines ne les rēdroit aussi bien amers & salez, que elle feroit la Mer: Puis ce
„mesme Autheur poursuit encor ces mots: l'Aristo-
„te a voulu preuuer par la saleure de la Mer que le
„monde estoit eternal, quand il a dit; si la Mer a eu
„commēcement elle estoit des le principe du mon-
„de ou douce, ou salée, elle n'estoit salée, attēdu que
„tant de sel n'eust peu estre meslé avec icelle, mesme
„que ce sel eust gasté & corrompu l'eau, & faut croi-
„re & estimer que toutes choses ont esté faictes
„nettes & pures. Car les choses qui sont engendrees
„comme les Lacs & fleuues n'ont point de saueur, il
„est donc raisonnable que aucune Mer n'a esté quād
„la terre & l'eau, n'estoient meslees ensemble, veu
„que la Mer est salée seulement par mixtion: & si
„des le commencement la Mer n'a eu saueur, ains
„par succession de temps a esté faicte salée, la saleure
„a plusieurs aages, mais elle n'en a point, car icelle
„Mer n'est point plus salée maintenant, que elle l'a
„esté au temps passé, la Mer donc ne fūt iamais fai-
„cte, ne le monde aussi pour semblable raison. Et
„pour parler de ceste eternité, de la Mer cy dessus
faicte & causée par la continuité des eaux ie deman-
derois volontiers à Cardan s'il a entendu dire icelle
Mer n'estre eternalle simplement, mais par la conti-
nuité: ainsi que nous disons le mouuemēt d'un cer-
cle, en tant qu'il est circulaire estre eternal: car iceluy
n'a principe & fin, & n'est simplement eternal, ains
par vne circonuolution & circomaction, qui est vne
& pareille, sans terme designé: à cause de quoy la cō-

tinuatiō qui est en luy retourne tousiours en luy mesme, & ne puis comprendre aucunement qu'elle est ceste eternité de cōtinuité, encor moins si on oste de ceste continuité l'eternité dudit Cardan, à ceste cause au dire de ce Personnage tout ce qui est vn & cōtiēt seroit aussi eternal, par consequent donc les Pierres, car en ce que Cardā dit la Mer estre faicte de la Mer, ce n'est alles. Qu'ainsi soit il reste à demander ce que s'ensuit, D'où ce faict cela, & duquel est il faict, qu'elle est ceste generation circulaire de mesme espee? Plusieurs cōmentateurs d'Aristote sur les meteores, entre lesquels est Amonius ont denié icelui Aristote auoir aucunement parlé de l'eternité de la Mer: Que si ce grand Philosophe a semblé auoir creu quelque chose del'eternité d'icelle par son amertume & saleure, il l'a peu aucunement: mais comment Cardan a-il peu croire ceste eternité, par la continuité: Et ayant iceluy Aristote demandé, à sçauoir si la Mer est vne en nombre, ou autre, ou diuerse, de laquelle les parties sont consommées perpetuellemēt, & engendrees perpetuellement, Cardan a transferé cela à l'eternité: La forme du chien est semblable au chien fort ieune, au chien plus aagé, au chien maigre, & au gras, & est le mesme chiē toutefois quāt à la forme, à cause que l'aliment opposé est faict vn par nōbre, avec celuy qui subsiste, duquel certainement vne partie est faicte: Ainsi doit on dire des parties de la Mer, Par consequent encor qu'icelle Mer fut diuisee en parties, elle ne seroit à ceste cause faicte & rendue eternelle: car la matiere premiere diuisee et distinguee en tant de parcelles, ne perd pour ce regard l'eternité: A ceste occasion ny la cōtinuité ne faict, ny la diuision n'oste l'eternité.

Donc par les propos cy dessus il est tres certain que cest vne opinion faulſe de dire la Mer estre eternelle par la continuité des eaux, & non du lieu & endroit d'icelle : Car pourquoy est-ce qu'on diroit la chose colloquée en vn lieu certain estre continue, & non le lieu d'icelle ? Mais i'aſſermerois que si les eaux sont continues, aussi le lieu d'icelles est à ceste cause vn, par ce que ces eaux sont vne meſme eau: Et en ce qui concerne ce que le meſme Cardan a voulu dire que la Mer ne fut iamais faiſte ne le mode aussi cest chose du tout cōtraire à l'opinion du Mercure Trismegiste, Homere, Hesiodé, Proclus Plotin & infinis autres anciens personnages, & meſme à noſtre religion Chreſtiéne: Ce meſme Cardan au meſme liure de la subtilité ſe departant de ſa p̄miere opinion touchant la cause de la ſaleure de la Mer cy dessus, rapportée, dit que trois choses ſemblent ſuffire à, garder l'amertume & ſaleure d'icelle, la chaleur du, Soleil, par laquelle la terre eſt brulée & les eaux, d'icelle empuanties. parce que elles ne content cō-, me les fleuues, & qu'elles reçoient les pluyes: mais ie demanderois volontier à Cardan comment & par quelle chaleur, & par quel Soleil, la terre qui eſt au deſſous de l'eau de la Mer peut eſtre brulée, que s'il y a de la terre qui ſoit brulée icelle n'eſt touchée de la Mer, comment donc ce qui ne touche la Mer la peut il rendre amere & ſalée? & comment la terre qui eſt brulée par l'ardente chaleur de la Canicule n'eſt elle amere & ſalée? Mais ie demanderois encor au meſme Cardan pourquoy à fin que les eaux ſoient ſalées faut il neceſſairemēt qu'elles s'empuantissent, veu que la puanteur & pourriture eſt contraire à la ſaleure, & qu'il n'y a chose qui plus empesche

empesche la puanteur & pourriture, que icelle saleure, de dire que les eaux s'empuantissent parce qu'elles ne courent, qui est celuy qui ne sçache bien qu'il y a plusieurs lacs, riuieres, & marais en la terre lesquels ont moins de cours & mouuemens qu'aucune Mer qu'on puisse treuuer en la terre, & lesquels toutesfois ne sont salez. Le nil si grand & si spacieux fleuve coulât sur vne terre rostie & bruslée en Ethio pie, avec vn lent & paresseux cours, & mouuement, à ses eaux plus douces & suauës qu'aucunes autres eaux de fleuves de la terre, & toutefois ces eaux sont cuittes par la chaleur du Soleil ce qu'aucuns Person nages ne voulans accorder disoient ce que s'ensuit; si les eaux estoient cuittes par la chaleur du Soleil ce qui ne se pouuoit aucunement faire; icelles eaux estre si fecondes à la generation, à cause que les eaux cuittes par le feu n'engendrent aucune chose: d'abondant ceux qui ont esté en l'Isle de Crete, & en quelques autres lieux d'Asie sçauent assez que le sel y est faict sans pluyes, au contraire en Bretagne le sel est gasté & corrompu par les mesmes pluyes tant s'en faut qu'il soit produit par icelles. Le mesme Cardan poursuiuant ceste mesme matiere au mesme liure changeant de premiere opinion a dit que dedans la Mer il y a de grandes montagnes de sel eter nelles & perpetuelles comme la Mer, lesquelles estât mouillees continuellement des eaux & flots de la Mer, viennent par le moyen de leur sel fondu à estre causes de la saleure de ladite Mer, ce qu'iceluy sem ble auoir emprunté de Theophraste qui en a autant escrit: mais qui est celuy qui ne voye bien que ce Personnage en rapportant ceste siéne derniere opi nion, ne se fioit pas aux raisons qu'il auoit aupara-

uant rapporté, touchant la cause de la saleure d'icelle Mer: veu qu'il scauoit tresbien que l'eau de pluye mise & exposée dans vn vaisseau durant vn an entier au Soleil, ne deuenoit aucunement salée, & mesme que l'eau cuitte au feu iusques à la dernière consommation, ne laissoit aucun sel en elle, & qui plus est que l'eau meslée & bouillie treslonguement avec l'arene bouillante, n'engendroient ny produisoit aucune saleure; c'est pourquoy iceluy cauteleusement à faict mention de ces montaignes de sel dans la Mer, lesquelles iceluy faisant eternelles, avec la saleure de la Mer, il luy a esté de necessité de leur donner & attribuer vne mesme cause d'Eternité: Et qui voudra de pres contempler les secrets de la nature, ne verra il pas que beaucoup de sel est dissous & fondu avec bien peu d'eau? d'où donc pourroient naistre & prouenir ces montaignes de sel eternelles & perpetuelles, lesquelles si grande quantité d'eau. qu'est celle de la Mer ne peut diminuer & consumer? & comment peut il naistre & croistre tant de sel en ces montaignes qu'il en est iournellement fondu par les eaux de la Mer? veu mesme qu'icelles eaux de la Mer rongent & minent les plus grosses & plus fortes roches, contre lesquelles elles donnent ce qu'estant presuppposé, il seroit de necessité que tant & tant d'amas d'eaux fluantes & coulâtes depuis cinq mille cinq cens tant d'ans que la Mer est au long & au large d'icelle, eussent desia consommé du tout ces montaignes de sel. Le grand Iules Cesar Scaliger en son exercitation 51. contre ledit H. Cardan en a dit ce „ que s'ensuit. Le Prince des Philosophes au 2. des „ meteores ayant traité fort amplement des causes

de ceste saleure de la Mer, a en fin conclud que la,,
mixtion, de la matiere de la seiche, indigeste, chau,,
de, & brulée exhalation, qui prouient de la terre,,
auec la matiere humide, est la cause d'icelle saleure,,
parce qu'aux choses qui sont faictes & engendrées,,
par nature, le mesme aduiuent qu'aux exustions, par,,
le moyen desquelles iceluy Aucteur preue par,,
plusieurs exemples que la saleure de la Mer pro,,
uiuent & procedde, & veu qu'il y a eu quelques vns,,
qui ont pensé la Mer estre salée par vne commix-,,
tion de choses salées, & quelques autres par sepa-,,
ration des choses cōmixtes, les plus doctes & sça-,,
uans aduiseront de quelle opinion a est l'Au'tore,,
cy dessus, de moy ie croy qu'iceluy a esté de l'vne,,
& de l'autre opinion: Car ce Personnage disant,,
l'exhalation estre meëe de la matiere humide &,,
seiche, & l'vne & l'autre estre transuauée en for-,,
me de pluye, laquelle puis apres vient a estre lan-,,
cée dans la Mer, cest sans doute qu'iceluy Per-,,
sonnage a creu que ceste mixtion apportoit en la,,
Mer, la saleure d'icelle, & veu que iceluy amei-,,
ne plusieurs exemples de l'humid t. expresse,,
ou cuitte, ou brulée par laquelle ce qui de,,
meure de reste est faict & rendu salé, mesme cho-,,
se semble estre en l'humide exhalation sans faire,,
estat de la seiche, laquelle est rendue salée par l'a-,,
dustion, que si on obiecte à ce que nous auons de-,,
duit cy dessus, qu'on ne sent la pluye estre salée,,
& qu'en la Mer elle est faicte salée à cela on respō-,,
ds que cest effect prouiet de ce que ceste matiere,,
seiche d'euaporation n'est pas brulée cō me n ayāt,,
eu icelle assés de temps pource faire, & qu'icelle est,,

„ fort rare, & engendrée en region froide & humide
„ Et la cause pourquoy mesme chose n'est faicte par
„ le feu en l'eau qui est dans vn chauderon, c'est l'exi-
„ guité & petitesse de l'eau, laquelle ne s'espaissit,
„ mais se resoult: car il y a peu de parties de terre avec
„ elle: mais aux cuisines les brouets & potages lon-
„ guement cuits sont faicts & rendus salez, & ce qui
„ faict que les eaux des Lacs ne sont salées est la suc-
„ cession de l'eau douce qui tombe & chet en iceux,
„ par le moyen de laquelle ceste exustion est empes-
„ chée; Et en ce qu'il ne se faict du sel aux paluz, la
„ cause est que leurs eaux estant sans aucun cours &
„ mouuement se putrifient, car si les eaux ne se pu-
„ trifioient elles pourroient produire du sel: Donc
„ les eaux desdits Paluz sont faictes ameres, à cause
„ qu'elles sont demesuremēt bruslées: ce qui ne peut
„ estre faict aux eaux qui sont dans vn bassin sur le
„ feu, par ce qu'en petite quantité d'icelles il y a peu
„ de terre: ce qui faict qu'icelles eaux ne peuvent
„ estre bruslées, par consequent des raisons cy des-
„ sus deduites nous concluderōs que cest vne ineptie
„ de dire que dedans la Mer il y aye des montagnes
„ de sel qui causent la saleure d'icelle: Car comment
„ pourroit il auoir de si grandes & amples monta-
„ gnes perpetuelles &ernelles en icelle Mer; sans
„ pouoir estre consommées par la longueur des
„ temps & des siecles. Il y a aucuns autres Person-
„ nages lesquels ne se voulans contenter de l'opi-
„ nion cy deillus deduite de la fin de la Mer fondée
„ sur la seule cause de la saleure d'icelle, à sçauoir à
„ fin qu'icelle ne se pourrit & putrifiast, ont tenu que
„ la Mer est mixte; ce qu'estant qu'il ne faut chercher
„ autre cause de sa saleure: mais nous pouuōs respō-

dre à ceste opinion ce que s'ensuit. Si la Mer est mixte, premieremēt de quel corps la saleure d icelle est, elle propre? puis ne doit il pas estre me (me chose, en iceluy corps qu'elle l'est à present en la Mer: qu'elle nature donc est cause de cest effect que si de la terre ou des montagnes de sel la Mer est faicte & rendue salee, quelle forme là amenee d'une autre, superieure vers ceste terre ou ces montagnes, ou à produit, & engendré de soy mesme, ceste saleure si douteuse & controuerse entre les plus doctes & sçauans: de faict il est de necessite en premier lieu, estre en quelque corps que ce soit vn accident lequel soit constitué par certaine forme de laquelle, prouienne cest accident, que si la Mer estoit mixte, & auoit le sel pour son accident propre, elle différerait d'espece de l'eau douce, donc par vne couleur elle perdrait sa forme, par consequent elle n'est donc mixte sinon ainsi que la bouë & la fange: mais on demande d'où vient la mollesse qui est, en la bouë & en la fange & la propre aptitude pour receuoir & conseruer les figures qu'on veut imprimer en icelle. Et ainsi on fait des inquisitions des qualitez secondaires aux choses mixtes: de faict la chose mixte procede des simples, & par cōsequent, l'accident d'icelle prouient des affections des simples, ainsi que la rougeur du safran, de mesme quāt, l'aloës est meslé avec de l'eau, on cognoist bien que, ladicte eau n'est amere de soy, ains que quelque chose luy a donné ceste amertume: De mesme si, l'eau de la Mer n'est simple, elle est salée, si icelle eau est simple elle n'est salee, & confesse le corps, aussi bien que sa partie auoir mesme effect & estre, salé, & auoir faict la Mer salée, donc il est salé. Le

grand Cardinal Contaren ayant en son liure troisieme des Elements discouru fort amplement des quatre Elemens en ce qu'ils sont propres & aptes à mixtion, & peuvent estre appelez de mixtion en parlant de ladite mixtion d'iceux: dit ce que s'ensuit de la cause de la saleure de la Mer.

Les mixtes des Elemens sont doubles, car aucuns sont imparfaicts & aucuns autres parfaicts & encor les Elemens parfaicts mixtes sont doubles, de faict aucuns incontinent & des leur premiere composition sont constituez par les elemens & l'appelle les mixtes imparfaicts, ceux qui n'ont autre forme substantielle par laquelle ils soient oultre les formes d'iceux elemens, & tels mixtes imparfaicts sont faicts & causez par deux moyens & sont de double genre: Car aucuns d'eux ont seulement forme d'un seul element, & sont neantmoins impurez & affectez par la qualité, & par les affectiōs des autres elemens, & n'y a aucun, ou tout au moins bien peu d'elemens meslé en eux, ainsi que l'eau de la Mer salée, & que la cendre, les rosées, & les pluyes. Aucuns autres au contraire mixtes imparfaicts sont constituez de plusieurs elemens assemblez en un, & toutefois n'ont autre forme substantielle de mixte mais sont comme certains monceaux d'elemens assemblez par ensemble & impurez: Le premier moyen ou maniere de mixtion est semblable à ceste mixtion de laquelle parle l'Aristote au 1. liure de la generatiō & corruption quand il dit que en la mixtion des corps quelquefois l'un d'eux est seulement conserué, & l'autre se perd & s'esuauoit & il demeure seulement en eux, quelque certaine affectiō & qualité d'iceluy par laquelle pre-

„mierement ce qui est, & est conserué demeure af-
„fecté, ainsi que de deux metaux quelquefois a ac-
„coustumé d'estre faict quelque mixtion, en laquel-
„le vn des deux metaux se perd & s'esuanouit, &
„l'autre au contraire demeure est & tein l'en la cou-
„leur de l'autre, de mesme & pareillement la mer est
„salée, à cause de la mixtion de la partie terrestre
„aduste & bruslée, laquelle imbut & infecte plustost
„l'eau marine, qu'elle n'est mesléé avec icelle par vne
„iuste mixtion, & ainsi les pluies sont certaine eau
„infectée & impurée. Voila ce que dit ce grád Car-
„dinat de la cause de la salure de la Mer poursuiuant
„encor ce que s'ensuit au 5. liure sien des Elemens.
„La saueur salée est faicte du chaud sec, non tant
„subril, mais terrestre, & ce par ou passe & coulle
„la partie aqueuse, est aduste & à peu en soy de reste
„d'humour aqueuse. Et tel est ce, en quoy premiere-
„ment est la saueur salée, & est vne chose vraye, que
„pour peu de liqueur de ceste salure, vne grande
„quantité d'eau en peut estre infecté, & estre ren-
„due du tout salée par l'admixtion de peu de portio
„de liqueur salée: Donc les choses salées autq. leiles
„y a premieremēt de la salure sont seiches & chau-
„des, mais toutefois n'ont vne chaleur si tenue que
„les drogues & espiceries qui sont d'une saueur ai-
„gue: La saueur amere est de soy plus seiche que la
„salée, & plus terrestre & quelquefois ceste siccité
„de saueur amere est du froid, mais plus souuent du
„chaud: ce qui fait que plusieurs choses ameres sont
„chaudes, & quelques autres au contraire sont grā-
„dement froides, cōme l'opion qui est amer, & qui
„toutefois est tellement froid, qu'il apporte vne reso-
„lution de membres, & tué par sa grande frigidité.

Vn certain Personnage moderne en vn sien discours du tremblement de terre traictant commēt est produite l'eau de la Mer, & quelle est son origine, a dict qu'icelle eau n'a point d'autre origine particuliere que les autres elemens, & qu'on n'en peut dire autre chose, sinon que la Mer est le corps vniuersel de tout l'element froid & humide, qui est l'eau; ainsi que la terre est le corps de tout l'element froid & sec; Lesquels elemens furent creés de Dieu en l'vniuerselle creation du monde & en certain temps, selon le tefmoignage de l'escriture sainte, non pas comme estiment les naturalistes, qu'ils ayent esté de toute eternité: Puis ce Personnage poursuit ce que s'ensuit

„ de la saleure d'icelle. Si la Mer est le corps vniuer-
 „ sel des eaux, ie penserois qu'elle deust estre douce,
 „ parce que l'eau n'est pas salée de sa nature, mais
 „ la Mer receuant continuellement l'eau douce des
 „ riuieres & de la pluye la rend ainsi salée: ou pour
 „ mieux dire il faut croire que l'element qui pour la
 „ plus part se range & reduit en la Mer: est tout ainsi
 „ que les autres qui sont tellement alterez pour l'v-
 „ sage de l'homme, que peu s'en faut qu'ils n'ayent
 „ perdu leur propre nature. Comme l'Air lequel
 „ deuroit estre chaud & humide, & toutefois nous
 „ mettōs peine à le recueillir, avec vn esuantail pour
 „ nous rafreschir en esté, & sentons manifestement
 „ qu'il est frais. Ainsi est-il de la terre, laquelle enco-
 „ res qu'elle soit au premier degre des choses pesan-
 „ tes, & par le moyen & participation de laquelle
 „ toute chose, acquiert sa pesanteur, est neantmoins
 „ tant alteree de son naturel, & degenerate tant de sa
 „ propre qualité, que beaucoup de corps composez,
 „ comme est l'or & le plomb sont beaucoup plus

pesans pris pour pris qu'elle n'est pas. Et cecy ad-
tient parce qu'estant les elemens proches & s'en-
tretouchans l'un l'autre, peuuent aisémēt se mesler
ensemble & emprunter les qualitez les vns des au-
tres. Puis estant choses subiectes à corruption, &
cōtraires à celles qui demeurent tousiours en mes-
me estat & desquelles l'essence actuelle est desia ar-
riuée à sa perfection, il ne faut trouuer estrange si
ces elemens, qui ne sont point à vray dire actuelle-
ment, mais tousiours en chemin de se transformer
& deuenir autre chose, soient en cōtinuel change-
mēt, sans garder en eux ceste naïue propriété, avec
laquelle ils ont esté creez premierement. Mais
pource qu'on pourroit replicquer que si cest acci-
dēt de saleure vient à cause du brouillement &
mélange de l'elemēt il s'ensuit que toutes les eaux
doibuent estre salées, pource qu'en bons termes
de logique tout ce qui conuient generalement au
genre vniuersel, doit aussi conuenir à ses especes.
Comme pouuoir rire conuient à tout hōme, donc
à Socrate & Democrite. Et par là il s'ensuiuroit,
que toutes les eaux aussi fussent salées. Mais pour-
ce que cela est faux, il est faux aussi, que la Mer soit
salée en tant qu'elle est eau : & par tant il faut dire
que la saleure de la Mer est vn accidēt qui s'engen-
dre par la mélange de l'humidité, & des exhala-
tions brūllées, qui s'esleuent des miettes de terre
au dessous du fond de l'eau, attendu que toute cho-
se terrestre delayée & meslée avec quelque hu-
meur, rend sa saueur amere & salée. Ce qui se peut
veoir tous les iours en la lessiue que les femmes
font pour blanchir le linge, laquelle estant faicte
de la mélange d'une chose aduste, qui est la cendre,

„ & de l'eau, contient en soy ie ne scay quelle saleu-
„ re, & aspreté. Pour mesme raison l'vrine de l'hom-
„ me, est aspre & salée, d'autant que cest de l'eau pas-
„ sée avec l'excremēt bruslé par la chaleur des reins
„ qui aucunefois est si grande qu'elle se conuertit en
„ grauelle & pierre. Ainsi la sueur est salée pource
„ que cest vne superfluité terrestre, meslée avec l'hu-
„ midité, & est ceste meslange si propre a produire
„ de la saleure, qu'il me souuient auoir ouy dire à
„ des personnes de grande experience que de toutes
„ choses que nous auons icy bas pour nostre vsage
„ moyennant qu'elles se puissent brusler & reduire
„ en cendre, on en peut tirer du sel, pource qu'en
„ prenant la cendre & la deloiant fort avec de l'eau,
„ si par apres nous en oïtons le mar, & nous met-
„ tons ladite eau bouillir sur le feu iusques à ce qu'elle
„ soit toute consommée & esuaporée, le sel de-
„ meurera au fond. Ce qui nous apprend manifeste-
„ ment que tous excremēs terrestres bruslez & mes-
„ lez avec de l'eau, rendent vn goust sale. Maintenan-
„ ces exhalations estant esleuées du fond de la Mer,
„ & tirées en haut par la chaleur du Soleil iusques
„ au dessus de l'eau, pource qu'elles tiennent beau-
„ coup du terrestre, ne montent point plus auant,
„ mais s'arrestent, s'espendans ça & là sur la face de
„ l'eau : & le Soleil par apres venant à battre dessus,
„ les recuit encor dauantage, & les rend plus salées,
„ ce qui faict la saleure de la Mer. Et si d'aduanture
„ elle est fort calme, le Soleil espaisist de telle fa-
„ çon ces exhalations bruslees & petites ordures
„ terrestres, que deslors on en peut recueillir le sel
„ en masse, comme nous voyons ordinairement
„ qu'il se faict aux salines. Si cela est vray, on peut

obiecter, que le mesme n'aduient il aussi à l'eau de,,
ruiere? qui toutefois n'a aucune saueur? mais on,,
doit respondre cecy? A ce que le Soleil puisse par,,
sa chaleur causer ceste saleure il est besoing que ses,,
rayons frappent long temps à loisir sur l'exhala-,,
tion qui est esparse, & diffuse sur toute la face de,,
l'eau: ce qu'il ne peut faire aux ruiieres, a rai-,,
son qu'elles coulent perpetuellement & que leur,,
eau ne faict que passer, & ne sejourne iamais,,
en vn endroit ny ne retourne par ou elle estoit,,
passée: comme la Mer qui a le flux & reflux qui,,
sert autant quant à ce poinct comme si elle de-,,
meuroit arrestée. Et si on replique que l'eau des,,
estangs & des lacs ne bouge, & que le Soleil pou-,,
uant produire vn mesme effect comme sur la,,
Mer, ne rend toutefois leur eau salée on peut re-,,
spondre à cela, qu'estant la Mer fort spacieuse &,,
de longue estendue, les rayons du Soleil qui sont,,
sans nombre frappent dessus en infinis endroits,,
qui peuuent avec leur ardeur rendre arse & brus-,,
lé l'exhalation qui s'eleue du fond de l'eau. Mais,,
les Lacs & Estangs tant grâds puisant ils estre, sont,,
neantmoins petits à cōparaison de la Mer. Et partāt,,
le Soleil n'a moyen de faire tale fect en l'vn cōme,,
en l'autre. Si on obiecte encor cecy, si la Mer est sa-,,
lée pour les raisons cy dessus deduites. pourquoy,,
dōc l'eau de la pluye n'est elle salée? estāt engēdree,,
pour la plus part des vapeurs qui s'eleuēt de la Mer,,
cōme d'un lieu ou est le plus grād amas d'humidité,,
qui puisse estre? on peut respōdre à cela, pourceque,,
la vapeur de laquelle se fait la pluye, est la partie la,,
plus subtile qui soit en elle, & la moins pure &,,
plus grossiere demeure en la Mer: or ceste partie,,

„ plus subtile, qui est aussi douce, monte en haut, &
 „ puis apres se resould en pluye. Et celle qui est plus
 „ terrestre, & recuitte, par l'ardeur du Soleil demeure
 „ en bas, & rend ainsi la Mer salée. Ce qu'on peut
 „ clairement apperceuoir par l'eau de la Mer mise
 „ dans vn alambic ou chapelle, car alors par le moyé
 „ de la chaleur mise au dessous dudit alambic & cha-
 „ pelle, la partie plus subtile monte en haut, laquel-
 „ le aussi tost se resoult en eau douce le sel demeure
 „ rant au fond: de ce que dessus a esté deduit on peut
 „ encor demander: Puis que la Mer est ainsi salée cō-
 „ me il a esté dit cy dessus, au moyen des exhalatiōs
 „ terrestres esleuees du fonds de la Mer, & recuittes
 „ par l'ardeur du Soleil, attendu que telle chose ne se
 „ peut faire que par quelque espace de temps, doit
 „ on penser que quand le monde fut faict premie-
 „ rement, que l'eau de la Mer fut salée? Mais à cela, il
 „ faut respondre que non, & qu'on doit penser plu-
 „ tost que ce mal soit depuis suruenü avec vne infi-
 „ nité d'autres, & que pour le peché de nostre pre-
 „ mier Pere, soit ensuiuie vne rebellion quasi vniuer-
 „ selle de tous les elemens & de toutes autres choses
 „ créés icy bas pour l'vsage de l'homme, comme vn
 „ vray chastiment & punition de l'homme: combié
 „ qu'on en tire tant de commoditez, à cause du Sel
 „ qu'elle rend lequel maintient toutes choses, & les
 „ garde de pourriture & corruption, qu'au contraire
 „ on doit louer & remercier la Sagesse & preuoyan-
 „ ce diuine de l'auoir faict salée plustost qu'autre-
 „ ment la raison de laquelle saleure ce grand Iean
 „ Pic Conte de la Mirade n'attribue qu'à Dieu seul,
 „ reprouuant toute autre raison naturelle.

I. Bodin en la peface de son liure de la demono-

manie parlant de ceux qui taschent vouloit rendre
raison de toutes choses a dit ce que s'ensuit, Celuy,,
qui pourroit rendre raison de toutes choses il se-,,
roit semblable à Dieu, qui seul sçait tout. Or tout,,
ainsi qu'il est impossible de cognoistre Dieu, ny le,,
cōprendre tel qu'il est, si celuy qui le cognoistroit,,
en ceste sorte, & qui le pourroit comprendre, n'e-,,
stoit luy mesme Dieu: D'autant que l'infiny, en es-,,
sence, puissance, grandeur, eternité, sagesse, & bon-,,
té ne peut estre compris, que par celuy qui est infi-,,
ny, & qu'il ny a rié d'infiny q̄ Dieu: Aussi faut il cō-,,
fesser par necessité, qu'il ny a que Dieu, qui peut ré-,,
dre raison de toutes choses. Car il faut vne sciēce,,
infinie, qui ne peut estre ny és hōmes, ny és Anges,,
ny en creature du mōde. Cest pourquoy Aristote,,
au 1. liu. de sa metaphysiq; où il traicte des esprits &,,
intelligences, confesse qu'on ne peut cognoistre la,,
verité, pour l'imbecillité de l'esprit humain, qui est,,
bien recognoistre l'ignorance de tous en general,,
& non pas la sienne en particulier: car au mesme,,
liure il dit qu'il ne faut point chercher la raison, ou,,
il ny a point de raison: de mesme Pline dit au liure,,
37. chap. 4. *Non vlla in parte ratio, sed voluntas natu-,,*
ra querenda, Qui est vne incongruité notable à,,
vn Philosopher de dire qu'il se face quelque chose,,
sans raisons, & sans cause, & vne arrogance insup-,,
portable de dire qu'il n'y a point de cause: ce qu'on,,
voit quand on ne l'a sçait pas, plustost que de con-,,
fesser sa propre ignorāce, & est faicte iniure à Dieu,,
de ne recognoistre pas la foiblesse de son cerueau.,
C'est pourquoy apres tous les discours de Iob, &,,
de ses amys ou il dispute des faicts de Dieu, lors,,
qu'il pensoit auoir atteint la verité, Dieu luy appa-,,

fut en vision, & commença à parler en ceste sorte,
 Qui est cest homme ignorant, qui par les discours sans
 propos obscurcit les œuvres du Souuerain ? Puis dis-
 courant de la hauteur, grandeur, & mouue-
 ment terrible des cieux, de la force des astres, des
 Loix, du ciel sur la terre, & de la terre fondée sur
 les eaux, des eaux suspendues au milieu du monde,
 & autres merueilles qu vn chacun voit il monstre
 que toute la science humaine est pleine d'ignorance.
 Plusieurs donnent louanges de sçauoir à Aristote,
 comme il est certain qu'il a beaucoup sçeu,
 & non pas toutefois la millieme partie des choses
 naturelles; car tous les Hebreux au rapport de
 Rabbi Maymon hure 2 nemor. Hanebuquint, &
 les Academiques ont monstre qu'il n'a rien veu és
 choses intelligibles, & és choses naturelles qu'il a
 ignoré les plus belles: veu qu'il n'a pas sçeu seulement
 le nombre des cieux, que l'escriture sainte
 a remarqué par les dix courtines du Tabernacle
 qui est le modelle de ce monde, & quand il est dit,
 Les Cieux sont les œuvres de tes doigts: qui sont
 en nombre de dix, car tousiours és autres endroits
 il dit, œuvres des mains de Dieu: ce que tous les
 Philosophes & Mathematiciens ont ignoré ius-
 ques à ce qu'il a esté demonstre par Iean de Real-
 mont. Et mesme iceluy Aristote n'a pas seulement
 entendu l'ordre des Planettes, veu qu'il met Ve-
 nus & Mercure dessus le Soleil, contre ce que Pto-
 lomée a depuis demonstre, n'y pas vn seul mou-
 uement des Astres. Et sans aller si haut & afin
 qu'on ne cherche pas en Aristote la verité des
 choses supernaturelles, on voit que la plus part

des choses naturelles luy ont esté incogneties,,
comme la saleure de la Mer, que le Prince de la,,
Mirande surnommé le Phœnix de son age à at-,,
tribué à la seule prouidence de Dieu. Le mesme
personnage liure second du Theatre de la nature,,
dit ce que s'ensuit de ceste matiere: Aristote liure,,
second des Mereores sans aucune raison escrit que,,
la saleure de la Mer prouenoit tant de la com-,,
mision de la Terre que de l'ardeur du Soleil,,
qui humoit & attiroit à luy les humiditez & hu-,,
meurs plus tenues & subtiles d'icelle Mer: car,,
la saueur d'icelle Mer est non tant seulement sa-,,
lée, mais aussi amaire, à cause dequoy icelle Mer,,
est appellée en latin, *Mare*, comme si on disoit,,
Amarum, du mot Hebrieu *Marar*, cest à dire estre,,
faict amer, & de la les Hebrieux ont nommé,,
Mara, la fontaine amere du desert, de laquelle est,,
parlé en l'Exode chapitre quinzieme. Et tant plus,,
que les Mers sont eslongnées de la terre, d'autant,,
plus elles sont limpides, que ne sont les eaux dou-,,
ces, mais aussi sont plus salées, & plus ameres,,
que celles qui sont coinquines & mesleés avec,,
la Terre; Et par consequent il faudroit, que l'vri-,,
ne des Animaux, & le sel fossile qui est dans les,,
profondes entrailles de la Terre, ausquelles les,,
rayons du Soleil ne peuvent aucunement pene-,,
trer, receust vne saueur salée par la force de la cha-,,
leur du Soleil, ce qui est absurde: Et dit on que l'A-,,
ristote changeant d'aduis en ses problemes section,,
23. a pensé que l'vrine, & la sueur sont salez, à cause,,
de la cōdité, encor qu'il soit trescertain que l'vrine,,
est grandement salée, pour estre grandemēt cuite,,

„ ainsi que sont les cendres, lesquelles sont trescuit-
 „ tes, & par consequent, tresalées. Oultre ce on
 „ peut demander comment est ce que la saieure de
 „ la Mer n'est faicte de l'ardeur du Soleil, veu que le
 „ sel ne peut estre autrement faict, qu'au Soleil ar-
 „ dant: Mais on doit respondre a cela, qu'on conce-
 „ de que le sel est cuit par les feux ou par le Soleil, sa
 „ qualité aqueuse estant dissoulte en vapeurs, & tou-
 „ tesfois il ne s'ensuit pas que la Mer est faicte & ré-
 „ due salée par l'ardeur du Soleil: ce que s'il estoit
 „ vray la superficie de la Mer seroit de beaucoup plus
 „ salée, que le fonds plus grand d'icelle, lequel à ceste
 „ cause seroit plus doux: pour ceste occasion vne
 „ bouteille d'estain descendue au fonds de la Mer, de
 „ laquelle estat le bouchon ou couuercle ouuert par
 „ vne corde y attachée, seroit plus facilement tirée
 „ de là toute pleine d'eau douce. Ce que s'il estoit
 „ vray, seroit vne chose fort agreable aux Nauiga-
 „ teurs & Voyageurs sur Mer: mais cela ayant esté
 „ espreuue, a esté treuue faux, par la commune &
 „ ordinaire experience. Encor que le mesme Aristote
 „ problème. 30. section. 23. le die autrement, &
 „ ce contre l'experience naturelle, ce qui a trompé &
 „ desceu beaucoup de grands Personnages. Mais
 „ d'ou est ce donc que prouient & procedde la sa-
 „ leure de la Mer? C'est d'une telle pareille & sem-
 „ blable cause efficiente que l'*Alcali* les chiches, & la
 „ sauge sont salez, & le sucre doux, & le fiel amer:
 „ Et en cela reluit la tresgrande sagesse & prouiden-
 „ ce du Createur, lequel a mis le colloqué du sel en
 „ chacun des Animaux & des Plantes à fin de les
 „ garder & conseruer de la pourriture. Et si l'opi-
 „ nion de l'Aristote cy dessus allegué estoit vraye il
 „ faudroit

faudroit que les grands Lacs, lesquels sont espen-
dus en plusieurs & diuers endroits de la terre, sub-
iects aux assiduelles ardeurs & chaleurs du Soleil,
& aussi aux droictes traiections, eussent depuis
tant de siecles en ça receuz vne saleure. Les Anciē,
ont appellé la femme de Neptune Dieu de la Mer,
Salaciam, laquelle ils disoient estre en la plus basse
& inferieure partie de la Mer, selon ce qu'en escrit
F. Pompeius en ses œuures interpretant le Mot
salacia, Ce qu'à repeté S. Augustin en ses liures de
la Cité de Dieu. & laquelle *Salacia*: Seruius dit auoir
esté ainsi nommee, à *salugine*: Et comment est-ce
qu'il a esté apperceu qu'il y a du sel tant en tous les
Animaux, qu'en toutes les Plantes: Parce que de
tous les excrements & vrines des Animaux, & de
toutes les Cendres des Plâtes on en tire du Sel par
l'alambic, apres l'infusion de l'eau douce: Et en
ce que M. Varro a dit que la vie a esté donnée aux
pourceaux, pour & en lieu de sel, il l'a dit plus par
forme de risée, que autrement, de faict la vie tant
aux Pourceaux, qu'aux autres Animaux, ne pou-
uoit estre de longue durée sans sel, en quelque for-
me & maniere qu'iceux eussent esté faicts & com-
stituez. Et comment & par quel moyen a on peu
sçauoir que le fonds de la Mer, soit plus salé que
la superficie; Cela a esté non seulement faict par rai-
son, mais aussi par experience; Par raison, à cause
que la grande grauité du sel va au fonds; Car le sel
est de beaucoup plus graue que la Terre, & d'au-
tant plus graue que le nôbre de 106. est plus grand
que 92. ou bien que le nombre 18. est plus grand
que 16. $\frac{1}{2}$. Si donc vne particule de la Terre va au
fonds de la Mer, à plus forte raison le sel ira & de-

„ meurera plustost au fonds de la Mer , qu'en sa su-
„ perficie , ou si toute la Mer est salée , tant plus icelle
„ sera profonde , d'autant plus elle sera salée , mais
„ il est certain qu'icelle est toute salée , & par expe-
„ rience a esté cogneu que la superficie des eaux
„ marines est moins salée , que leur fonds : Ce que
„ sçauent tresbien ceux qui cuisent au feu le sel qui
„ prouient des fontaines saleés , Car premierement
„ ils espuisent de leur superficie , les eaux douces , ou
„ bien plustost les eaux moins saleés , & à fin qu'ils
„ scachent certainement combien ils doiuent espui-
„ ser d'eaux , ils lancent dans icelles vn œuf cru , le-
„ quel va iusques entredeux eaux , sans descendre ius-
„ ques au fonds : mais demeure iceluy pendu sur les
„ eaux qui sont plus salees. A cause dequoy on peut
„ cognoistre assez que les eaux marines sont plus
„ saleés en leur fonds qu'en leur superficie , laquel-
„ le encor qu'elle soit exposée aux ardeurs du So-
„ leil , & des corps celestes , neantmoins ne laisse
„ d'estre plus douce que le fonds d'icelles. Et à fin
„ qu'en ceste si grâde diuersité d'opinions d'Aucteurs
cy dessus alleguez , touchant la cause de la saleure
de la Mer , ie ne fraude les beneuoles Lecteurs de
mon opinion , ie diray que la saueur & odeur estant
qualitez procedantes de la mixtion des quatre qua-
litez , cest chose tresasseuree que l'eau , ny aussi aucun
autre element est affecté de son estre naturel , de ses-
dictes qualitez : Et parce que l'eau a accoustumé de
les receuoir par l'attouchement & communication
des autres corps , i'asseure que la saueur aduient aux
eaux , ou à cause qu'icelles estant meslees avec la ter-
re insipide ? sont aucunement cuittes par la force de
la chaleur , ou bien à cause qu'elles passent parmy

quelque metal, ou suc corporel infecté de quelque saueur, ou bien à cause qu'elles boient le suc liquaide de chascue saueur, ou bien aussi qu'elles recoiuent en elles des expirations. Et par la premiere cause cy dessus deduite, les eaux sont affectées de plusieurs & diuerfes sortes de saueurs; par la seconde, icelles sont faictes desagreables à boire passans par des lieux alumineux, & sont rendues ameres coulās par des lieux nitreux, aussi salees, fluans par des lieux salez, & ferrees, par des lieux ferreux, & ainsi des autres: Par mesme facon les odeurs aduient aux eaux, à sçauoir ou à cause qu'icelles passent par de la terre huilée, ou bien qu'elles recoiuent en elles des exhalations adustes, ou quelque suc odorant, ou bien qu'elles ont de la portio terrestre meslée parmy elles, & sont aucunement cuittes, ou bien qu'estāt detenues en lieux caues, elles se pourrissent, & pareillement, ainsi id aduient des autres odeurs. Quant à la saleure, vne des principales saueurs de l'eau, le Prince des Philosophes cy dessus allegué au deuxieme des metecores, a tenu que elle prouenoit de la mixtion & meslange de quelque suc terrestre, indigeste, & aduste, avec le suc humide: ce qu'il a preuue par les exemples de la sueur, & de l'vrine, Lesquelles sont ameres, parcequ'elles sont ainsi adustes, & que la lessiue estoit telle, à cause qu'elle prouenoit d'une adustion de Cendres: Et ne faut denier que les causes cy dessus alleguees par ce Prince des Philosophes, & principalement la premiere, n'aye force & vertu pour imprimer en l'eau, la saleure: Ce qui est preuue par ce que s'ensuit: Estant tres-vray & certain que toutes les saueurs procedent de la mixtion du sec & de l'humide, la saueur salee a cela de pecu-

lier, qu'elle prouient de la mixtion de l'humide, & du sec aduste, par la chaleur, non toutefois iceluy du tout cuit, ainsi qu'il appert par la comparaison de la sueur, de l'vrine, & de la lessive cy dessus deduites: Lequel sec conuient aux exhalations cy deuant premises, & à aucunes parties terrestres, l'atouchement desquelles imprime la saleure à l'eau. Et y a d'autres indices & signes par lesquelles il appert euidentement qu'il y a de semblables & pareilles parties, ou bien exhalations adustes en la Mer, lesquelles impriment aux eaux d'icelle, vne saueur salee: De faict l'eau marine rechauffe & desseiche, selon l'opinion de Dioscoride liure 5. chap. 19. & de Galien liure 1. chap. 4. 6. & 7. de la faculte des medicamens simples. Lesquels disent mesme que les lieux maritimes sont moins froids, que les autres, La cause estant telle, à sçauoir que la Mer est remplie d'exhalations seiches & chaudes, qui plus est l'eau marine est plus graue & pesante que les autres, & plus facilement soustient & porte les poids & fardeaux, à cause de sa crassitude & espoilleure, engendree en elle par ces exhalations, lesquelles encor que soient legeres de leur naturel, neantmoins estant humectées perdent beaucoup de leur legereté: D'abondant il appert que la saleure de la Mer procedde de telles exhalations, à sçauoir que l'eau marine est faicte & rendue douce, si on separe d'elle icelles parties terrestres qui y sont, entremesleés, qu'ainsi soit les puits qui sont cauez pres de la Mer ont leurs eaux douces, & non salees, à cause qu'icelles eaux passées & coulées par les arenes & sables, laissent & perdent en icelles, ceste terrestre exhalation, à ceste occasion les vases de cire bien boucheez & estouppez,

au rapport de Plin liure 31. chap. 6. estant lancez dās la Mer, se remplissent d'eau douce, à cause qu'ils reçoient seulement par leurs pores tre petits & tres-subtils les parties des eaux plus subtiles, & du tout repurgées de ceste mixtion terrestre: A ceste cause la Laine pendue aux costez des nauires se réplit d'eaux douces, & les vapeurs qui procedent de la Mer se tournent en pluye douce, parce que ce suc & exhalation marine, ainsi qu'elle est grandement subtile, aussi n'a elle presque rien en elle d'adustion terrestre, non plus que les pluies, qui prouiennent des vapeurs marines. Qui plus est ie diray que la Mer des le commencement de cest vniuers a esté faicte salee, par la puissance de Dieu le Createur, qui luy a donné telle saueur par la commixtion de telles exhalations adustes ainsi que le confirment saint Basile hom. 4. Exam. Isidore liure 13. chap. 14. de ses Ethymologies & Mirandula en ses conclusions: Ce qu'vn chacun croira fort facilement, quād il se mettra deuant les yeux, que ce grand & admirable Createur non moins benefique & prouident, que puissant, donna au commencement du Monde à chacune chose d'iceluy par luy creés, des qualitez propres, & idoinies pour vn certain but & vne certaine fin. Et le but & la fin pour lesquels la Mer fut crée, fut à fin qu'icelle seruit de commun domicile & nourriture aux Poissons, qui sont procréés en elle: de faict il est certain que la plus grande partie des poissons marins ne peuēt guere viure hors de l'eau salée, donc Dieu pour la vie & commodité des animaux terrestres a mis & sequestré les eaux en vn certain lieu, encor qu'icelles de leur nature deussent couurir toute la surface de la Terre: De mesme pour

& à cause des Animaux aquatiles, il a faict la saleure de la Mer, par le moyen de laquelle les poissons sont mieux & plus abondamment nourris & aimétez; à cause que l'eau salée a presque comme en elle meslé vne certaine vinctuosité & graisse huilée: L'autre but & fin pour lesquels icelle Mer fut crée, fut pour & à cause de la nauigation qui est la plus vtile & necessaire de toutes les autres choses de cest vniuers, à la vie & commodité de l'homme, ainsi que disent Ari^{stote} liu. 7. chap. 5. des politiques & Theodoret sermon 2. de la prouidence, par le benefice de laquelle nauigation, au rapport de saint Iean Chrysostome liure second de la compunction du cœur, tout cest Vniuers est faict & rendu comme vne table commune de banquet bien conuerte de viandes, ou personne de ceux qui y sont assis n'est empesché de prendre & manger ce qui luy vient, à gré & volonté. De faict cest chose asseurée que l'eau salée est plus apte à la nauigation, à cause qu'estant plus crasse & graue, elle soustient & porte mieux les nauires & grands vaisseaux chargez de marchandise, & estant aussi plus chaude ne peut estre faicte & rendue glacée par les hyuers & froidures, comme les fleuves & ruières, lesquels à ceste occasion tant qu'ils sont glacez sont du tout inutiles à la nauigation. Apropos dequoy faut veoir Plutarque liure des causes naturelles question 7. l'adiousteray encor plusieurs autres grandes vtilitez & commoditez qui prouiennent de l'eau de la Mer salée, pour l'vsage & medecine des hommes, & des animaux, rapportees par Dioscoride liure cinquieme chap. 15. Il y a plus, telle saleure a esté faicte en la Mer au commencement du monde par la grande & admirable prouidence de Dieu, à fin

d'empescher la pourriture, laquelle fut aduenue en icelle par la cōtinuelle & assiduele chaleur & ardeur du Soleil. De faict les flux & reflux d'icelle Mer n'estoiēt seules asses forts pour resister à telle pourriture, veu mesme que toutes les Mers ne sont, comme i'ay ia dit cy deuant, agitées de flux & reflux, & que grande partie d'icelles n'est mesme esmeüe par les vents, lesquels d'eux mesme ne pouuoient estre asses puissans pour empescher la pourriture d'icelles: laquelle nous voyons estre aux lacs & marais, qui ne sont salez, & laquelle pareillement aduiendroit en la Mer, sans le benefice de telle saleure. Et peut on dire que Dieu ne fit point, le premier iour de la Creation, l'eau de la Mer salée: mais bien le troisieme iour, apres qu'il eust mis & amassé en vn lieu les eaux: Qu'ainsi soit il est vray semblable que si l'eau au premier iour eust esté faite & rendue salée, elle eust esté grandement incommodē à la Terre, sur laquelle elle estoit espandue de tous costez, & à cestē cause eust esté icelle Terre affectée & corrompue de telle saleure, qui emporte avec soy vne sterilité. D'ou on tient que la Terre a beaucoup degeneré de sa force, vigueur, & puissance par les eaux du deluge vniuersel aduenu au temps de Moyse, en telle façon qu'aucuns ont pensé que dela Dieu conceda à Noé & à sa posterité, de viure de chairs des Animaux: parce que la Terre ne pouuoit plus porter des fruiets assez nourrisans pour substenter & alimenter la vie des hōmes. Et ne fait au cōtraire de ce que i'ay discoursu cy dessus que l'eau marine soit plus salée en vn tēps, qu'en vn autre, car encor qu'il soit trescertain q des le cōmēcement

du monde aye receu sa saleure, toutefois elle ne laisse de receuoir accroissement & decroissement pour ce regard. Accroissement, au temps d'esté, auquel la chaleur & l'ardeur du Soleil bruslent dauantage la Terre & la Mer; Decroissement, au temps d'Hyuer, pour les qualitez toutes contraires & repugnantes à la chaleur & ardeur du Soleil. Chose qui aduient pareillement aux Terres que l'eau marine baigne & laue : Laquelle eau est faicte & rendue plus salée par les Terres, esquelles y a des montaignes salees, Et au contraire douce, par les Terres esquelles il ne croist aucune chose que douce. C'est pourquoy Pline liure 2. chap. 103. à soustenu qu'il se treuuoit en plusieurs lieux de la Mer vne liqueur douce, comme aux isles courantes, autrement Caproset, & autres, & au liure 6. chap. 17. il escrit qu'Alexandre le grand a dit qu'il a esté espuisé en son temps de l'eau douce en la Mer, & que M. Varro a asseuré en ses escrits qu'il fut présenté a Pompée durant la guerre de Mithridate de l'eau douce tirée & puisée du dedans de la Mer. De faict Christophle Colomb éstât en l'Amerique vers le port du chef de Dragon, & en la Mer Septentrionale treuua des eaux douces durant bien enuiron cent & quatre mille : Mais il est credible que telles eaux douces viennent des eaux des fleuues & riuieres, lesquelles descendent en icelle Mer, en telle abondance & multitude, tant dessus la Terre, que par le dedans d'icelle, qu'icelles surmontans la saleure de la Mer, retiennent longuement leur propre saueur & douceur; ce que le mesme Pline au lieu susallegué, & Solin chap. 30. remarquent. Mais il me semble veoir quelqu'un en cest endroit me demander pourquoy tous les Lacs & fleuues, mesme ceux qui pro-

viennent des fontaines & sources d'eaux douces ne sont salez, veu qu'ils ne sont moins bruslez de l'ardeur du Soleil, que la Mer, & que pour leur grâdeur, ils ne reçoivent tous les iours moins d'exhalations terrestres que la Mer : Et sans rapporter en cest endroit les opinions des autres pour ce regard, ie diray que telle est la cause, à sçauoir qu'afin que leurs eaux douces deuiennent salées, la chaleur du Soleil & les exhalations qui tombét tous les iours en icelle ne sont asses fortes & puissantes, veu qu'icelles sont facilement adoucies, & viennent a perdre facilement leur brusleure & ardeur, par la force de leur douce liqueur, & faudroit beaucoup plus grande quantité d'eau pour faire cest effect : Et dela la Mer, que Dieu le Createur a faict & créé douce au commencement du monde, non par les exhalations qu'elle reçoit peu à peu : mais par vne conuenable multitude d'icelles exhalations infuses par iceluy Createur au temps de la Creation cy dessus par moy premis, a eu & obtenu sa saleure. Et en ce qui concerne quelques autres Puits, Lacs, & autres eaux que celles de la Mer, lesquelles sont salées, il est credible qu'iceux, Puits, Lacs, & eaux prouiennent de la Mer par des conduits soubz-terrains, & ne passent a trauers la terre solide, pour y couller, & laisser leur saleure, ou bien qu'iceux ne prouiennent de la Mer, mais bien de quelque terre salée, par laquelle ils coulent, de laquelle Terre ils attirent leur saleure, comme les autres eaux, font les autres saueurs, desquelles elles sont infectées & gastees. Voyez Cælius Rhodiginus liure 26. chap. 15. de ses antiques leçons, F. Vi-comercatus en ses Commentaires sur le liure 1. d'Aristote des meteores, Millichius en ses Commét. sur

le chapitre 100. de Pline, Garcæus en sa Meteorologie chap. 36. L. Daneau au chap. 11. de sa seconde partie de la Philosophie Chrestienne, Velcurio au 7. chap. du troisieme liure des Commentaires sur la Philosophie d'Aristote. Charpentier au 3. de sa description de Physique chap. 7. Ponthus de Thyard en son 1. curieux & P. Gregore liure 35. chap. 39. de l'art merueilleux.

*Des proprietéZ, & utilitéZ de l'eau Marine,
& du sel.*

CHAP. XXI.



Ans nous arrester en ce chapitre à reciter par le menu toutes les proprietéZ & vilitééZ concernans l'eau marine, & le sel, recitéés par Aristote en plusieurs lieux de ses problemes, par Plutarque au traicté des causes naturelles & au traicté des propos de table, Pline liure 31. chap. 6. 7. & 9. de son hist. naturelle, Galien liu. 9. & 11. des medicamens simples, Dioscoride liure 5. chapitre 15. 85. 86. 87. & 88. & André Matheole en ses Commentaires sur ces chapitres, Iean Baptiste Bernard tom. 1. & 2. de son seminaire de toute Philosophie, Cælius Rodigin liure 5. chap. 12. liure 6. chap. 1. & liure 12. chap. 1. de ses antiques leçons. Erasme chiliad. 1. cent. 1. adage 12. cent. 6. adage 10. cent. 7. adages 79. 80. & 81. chiliade 2. centurie 3. adage 51. chiliad. 4. ceut. 9. adage 68. B. Arias Montanus en son discours intitulé Ioseph, ou du pro-

pos secret, Guy le febure de la Boderie en son dictionnaire syrochaldaique sur le mot melah, François Valesé chapitre 34. de sa Philos. sacrée, & Jean des Caurees liure 7. de ses œuvres morales; nous remarquerons comme en passant que ce grand Poete grec Homere a appellé le sel diuin, comme les autres le surnomment la Grace, pource qu'estant meslé & ioinct avec les autres viandes il les rend fort plaisantes & agreables au goust, Pythagore en ses symboles enigmatiques commandoit que l'on ne fit rien sans le sel. Platon disoit iceluy estre fort conuenable aux choses diuines; C'est pourquoy en la Loy de Moysé Dieu commande au Leuit. 2. qu'on ne face aucun sacrifice sans sel; Et saint Marc au 9. dit que toute oblation sera salée de sel, & que cest vne bonne chose que le sel. Bref tout ainsi que la vie humaine ne peut aucunement subsister sans les quatre Elements, aussi difficilement pourroit elle estre maintenue & entretenue sans l'usage du sel, qui est comme vn cinquieme element, pour la conseruation d'icelle, Et pource non sans cause les anciens disoient en prouerbe qu'il n'y auoit rien au monde plus utile & necessaire que le sel & le Soleil: Mesme les Egyptiens l'ont tant honoré, qu'ils se sont du tout abstenus de son usage par honneur & pour garder cōtinence: car le sel a ceste propriété & vertu naturelle d'aider à engendrer pource qu'il excite la vigueur seminale, & est la cause pourquoy les Poëtes en leurs œuvres ont dit que Venus la Deesse des Amours, & de la procreatiō, a esté engédree de la Mer, & pour ceste cause elle a esté appellée Saligena, aussi ce mot de *salacitas* qui signifie lasciueté, en est venu, & le sel encor est prins pour les graces qu'on attribue

à Venus, & en ce qu'^Homere au 9. de l'Iliade l'appelle *diuin* ou *sacré*, est à cause qu'il empesche la pourriture & putrefaction, nos Peres anciens ont tant porté d'honneur à iceluy, qu'au sacrement de baptesme institué par nostre Seigneur, ils y ont adiousté de ce sel, lequel on dit auoir esté premiere-ment trouué & inuenté par vn Misor & Selech Phœniciens lesquels aussi inuenterent les premiers l'usage de la chasse, venerie & pescherie comme il est remarqué dans Eusebe 1. de la preparation euangelique. Cela premis nous demanderons seulement, ayant cy deuant remarqué qu'il y auoit en toutes les plantes du sel, comment & pourquoy ne treuue on rien de salé en icelles? ce qui a esté ainsi escrit premiere-ment par Theophraste liure 6. chap. 3. & 14. des causes des plantes, mais nous respondrons à ceste obiection qu'on treuue du goust salé en la plante salée, appelée par le mesme Theophraste, La salee liure 3. del'histoire des Plantes, ou bien, *Aurion* liure 6. chap. 14. de la mesme histoire des Plantes, & liure 5. chap. 22. des causes des Plantes, autrement appelée *Vsnen*, qui est vn genre d'anthyllis ou *Anthil- lion*; autrement *Aureille de souris*, ou *Alfine*, vulgairement Mourron, autrement par les Hebrieux *Kali*, par les Arabes & Chymistes *Alcali*, cest à dire Sel; Et aussi on treuue vn mesme goust salé en la fougere, & en la sauge, de laquelle les Payfans & les Assiegez se seruent en lieu de sel. & pareillement en la plante, filique, & fruct des Chiches, lesquels tuent les vers & colsons qui rongent les bleds & les legumes. A ce propos on peut aussi demander en cest endroit s'il n'est pas vray que le sel selon l'opinion du mesme Theophraste liure 4. chap. 9, des Causes des Plantes,

est du tout contraire & repugnant aux Plantes; mais à ceste question nous pouuons pareillement respondre, que cela a esté dict par ce Philosophe sans raison & occasion, veu que l'Océan à esté nommé par tous les anciés, Pere de toutes choses, & que Venus a esté nommée en grec *Aprodite*, Defaict il s'engendre dans la Mer deux fois plus de sortes d'animaux que sur la Terre, & non seulement les poissons prennent leur origine en icelle, mais aussi quelques oyseaux nommez Clakis, & Bernaches, desquels apres Hectore Boëtius en sa description d'Escoffe, & plusieurs autres Aucteurs, i'ay ample ment parlé en mes argumens Commentaires & annotations sur l'Eden, ou paradis terrestre de la seconde semaine du 6. de Saluste Sieur du Bertas; mesme on voit plusieurs autres petits oyseaux nommez Dunettes, & des rats & des souris, s'engendrer du sel qui est dans les nauires, voire mesme les fœmelles s'engroissent sans conionction du male en lechant seulement du sel. Qui plus est on ne voit lieux plus propres a engendrer plusieurs Plantes que les lieux maritimes, esquels on apperçoit naistre naturellement des myrthes, des roseaue, des zonc, des herbes, & des mousses; Et estant tres-certain qu'il n'y a chose guere plus salée que l'vrine & la fiente des Animaux, toutefois cest sans doubte qu'il n'y a rien qui soit plus vtile & plus commode pour la nourriture & fecondité des Plantes qu'icelle vrine & fiente, & est tres-assuré, que là ou les brebis font leur vrine & fiente qui est tressalée, les bleds & les vignes portent grande quantité de fructs; Et la liqueur de la fiente arrosée d'eau, de laquelle procede le salnitre, apporte vne grande fecondité aux champs emblaez, lesquels en sont ar-

rosée: ce qui me faict grandemēt esmerueiller pour-
 quoy le P. ophete Dauid au Psal 105. a esctit que l'E-
 ternel tournera la Terre fructueuse, en *salsuginosité*, cest à
 dire sans fruct, & que le Poëte Homere a appellé
 l'eau de la Mer ἀτρυγέτης, à cause que d'icelle on
 ne peut tirer aucun fruct pour sa saieure, & Pline
 liure 31. chapitre septieme a dict *Omnis locus in quo
 reperitur sal, sterilis est, nihilque gignit*: ce que repete
 Plutarque au traict des causes naturelles de faict
 les Grecs par le mot ἀλιωχρὸς, qui signifie vne
 Terre semée de sel, ont donné à entendre vne
 terre sterile & infructueuse. Au moyen dequoy
 quelques Anciens ont voulu que les Villes & Mai-
 sons des Criminels de lese-Magesté, seroient ra-
 sées à fleur de Terre, & laboureés, & puis semées
 de sel, comme estant indignes de plus porter au-
 cune chose, non pas mesme des chardons & or-
 ties, ce que praticqua entre les Hebrieux Abime-
 lech contre la ville de Sichem, qu'il fit raser ius-
 ques aux fondemens, & semer sur iceux du sel ainsi
 qu'il est descrit en la Bible au neuuiesme chapitre des
 Iuges, & en Iosephe liure 5. chapitre 9. de ses anti-
 quitez Iudaiques. A ce propos nous lisons dans les
 histoires du mesme Iosephe, Egesippe Orose, Eu-
 sebe, Nicephore, & autres qu'apres la destruction
 du Temple de Hierusalem faicte par Tite & Vespas-
 sian, l'Empereur Adrian acheua de faire demolir
 ce qui en restoit, & y fit traifner la charrue, & y se-
 mer du sel, en tesmoignage & signification de steri-
 lité perpetuelle. ce que confirme F. Brocard en sa
 description de la Terre saincte. Dagobert Roy de
 France praticqua ceste façon de faire contre la ville
 de Poictiers, laquelle, au rapport de Guaguin en sa

vie, il fit raser, & y semer du sel pour la pretendue rebellion contre luy des habitans à cause de quelques reliques, en l'an 1162. l'Empereur Frederic ayant assiegé la ville de Milan par le temps de sept ans continus, & l'ayant puis prinse, & pillée fit abbatre les maisons, bastimens, & murailles d'icelle, & puis y fit mener la charrue à l'entour, & en fin y semer du Sel, en signe de damnation perpetuelle ainsi qu'escriit Iouius en la vie de cest Empereur, & que le cōfirme apres les Historiens G. du Preau tom. i. de l'Estat & succez del Eglise. Pierre de Lagasca Lieutenant de l'Empereur aux Indes occidentales ayant vaincu Gonzalle Pizarre, & l'ayant faict decapiter, s'en alla en la ville de Cusco avec son armée pour donner ordre aux affaires des Indes & estant en ceste ville il fit raser la maison dudit Pizarre, & celles des autres traistres, & y fit semer du sel comme l'escriit François Lopez liure 5. chap. 79. de l'histoire generale des Indes. Si donc le sel a esté treuue si utile & necessaire à la vie des hommes ce n'est de merueille si les loix ciuiles en ont faict tant de cas, qu'ils ont nombré entre les droicts des Monarques, Empereurs, Roys Princes, & Republiques souueraines, les Salines, & la mode & façon de faire, & cuire le sel: Ce qui est escriit en la loy, *i. ff. quod cuiusque vniuersit. nom. Et Cap. quæ sint regalia*: mesme les Romains nombroient entre les offices publics, la procuration & charge d'auoir du sel pour la republique *l. sed & hi ff. de public. l. aut damnum ff. de pæn. l. inter publica ff. de verborum significationibus & lege si quis. C. de vectigalibus*. D'abondant les anciens Princes prenoient un grand tribut des salines *leg. 59. §. i. de hæredibus instit. l. 13. supra de public. l. 16. de verborum signific. & l. ii. C.*

de publicanis. A ce propos Athenée au 3 de ses Dyno-
 sophistes escrit que Lyfimache ayant autrefois im-
 posé vn certain tribut ou Gabelle sur les salines de
 Phrygie, icelles deuindrent du tout seiches & steri-
 les, comme si nature eust esté ennuyee & de splan-
 te, de tel tribut, ou gabelle, mais qu'iceluy Personna-
 ge ayant du tout remis ce tribut ou gabelle, icelles
 salines reprindrent leur premiere nature: Les Sou-
 uerains Pontifes de Rome se sont attribuez sur les
 salines pareil droit que les Princes souuerains *Cap.*
super quibusdam, §. prater ea ext. de verbor. signif. Et qui est
 chose digne de remarque il est certain que deuant
 l'Empire Romain estably, le tribut sur les salines fut
 inuenté par Claudius surnommé *Salinator*, d'où vin-
 drent les mots de *Salinator*, *uestigal salarium*, & *annonæ*
salaria lequel tribut fut quelque temps apres osté &
 remis en la faueur du peuple, comme faiët mention
 Tite Liue liure 9. Decad. 3. Et celuy qui auoit charge
 de ce tribut estoit nommé *halasarchon* autrement *Sal-*
inator, duquel mot ont faiët mention Ciceron en
 quelques vnes de ses Epistres à Atticus, & Cassio-
 dore liure de ses diuerses. Qui plus est le mesme Tite
 Liue escrit au lieu sus allegué & Pline liure 31. chap.
 7. que le premier qui inuenta à Rome les salines fut
 Ancus Martius troisieme Roy des Romains, & que
 le premier qui imposa tribut sur le sel fut le Censeur
 Liuius qui de là fut surnommé, *salinator*, *Gabelino*, ou
 saulnier. D'abondant nous lisons qu'anciennement
 les Personnes particulieres auoient à eux propres
 des Salines, *l. magis puto in princ. §. de verb. obl.* Ce qu'A-
 lexandre a noté *l. diuortio §. si vir in fundo post glo. ff. solut.*
matrim. & *Ludouicus Roman in §. si fundum ibidem*: vray
 est qu'on dit que les Empereur tiroient de ces salines
 pour

pour leur droit de souueraineté la dixieme , comme aucuns de nos docteurs ont escrit sur la loy *Cuncti C. de metallariis lib. II.* Voyez cuias liure 3. chap. 31. & liu. 6. chap. 18. de ses obseruations. Le premier Roy de France qui imposa tribut , ou Gabelle sur le sel fut , selon l'historien Guaguin , Philippe de Valois , mais il est plus vray semblable que ce fut Philippes 5. à cause de la dacte de l'Edict qui fut sur ce faict le 25. Feburier 1318. A quoy adhere M. Choppin liure 1. titre dernier du domaine de France , chap. dernier & les Commentateurs de nos ordonnances. Et pour faire fin en ce chapitre nous dirôs qu'il y a plusieurs especes de sel , l'un naturel ou fossille , & mineral , cōme au Royaume de Pologne , ou il y a mines de sel : l'autre est artificiel , faict d'eau & d'escume de la Mer seichée & endurcie par le Soleil , duquel est faict grāde quantité en Poictou , Sainctonge , Bretagne , & Normandie : Et l'autre espece , est le sel fossile , appelé sel de Pierre , ou salpestre , ou sel ammoniac , vne autre espece de sel appelé *Nitrum* , où *Halinitrum*. Encores vne autre sorte de sel , appelé sel de Gomme , qui reluist comme Chrystal , Et entre les especes de sel artificiel , est le sel *Kali* ou *Alkali* , ou aluu de *Catina* , faict de l'herbe qui croist en la riue des eaux salées , nommée , ainsi que i'ay desia remarqué cy dessus , *Vf-nen* , qui est de saueur salée & est vn genre d'Anthyllis , ou Anthyllion , appelée par Richard le Blanc traducteur des liures de la subtilité de Cardan *auricula muris* , oreille de souris , autrement selon Fuschius en ses simples *Asine* , vulgairement Mourron. Appanensis sur les problemes d'Aristote tient que l'on peut faire du sel non seulement de l'eau & escume de la Mer , mais aussi de l'eau douce en la faisant

bonillir avec de la chaux, & des aux, & en prendre l'escume & la faire seicher au feu, & au Soleil. Et est aussi Aucteur que l'on peut faire huile du sel en la faisant distiller, & sert pour allumer proprement le feu. Voyez ce qu'escriit de plusieurs sortes de sels des Chymistes B. de Vigenere en ses Commentaires sur la Thessalie vn des tableaux de platte peinture de Philostrate.

*De l'origine, & cause, des courses des fleuves
& riuieres.*

CHAP. XXII.



Vant que d'entrer à discourir en ce present chapitre de l'origine, & cause des courses des fleuves, & riuieres, i'aduertiray les Lecteurs, qu'ils ayent a eux ressouuenir de ce que i'ay discouru cy dessus, aux chapitres precedens, & principalement au chapitre 21. des deux sortes de vapeurs, ou pour mieux dire, haleines & respirations, l'vne desquelles, ainsi que i'ay deduiet, qui est de nature humide, est appellee vapeur, & l'autre qui est de nature seiche, nommée exhalation. Ce que premiere-ment presuppposé, nous dirons qu'aucuns Aucteurs anciens ont tenu que les fleuves & riuieres prennent leur origine d'vne grande quantité d'eaux esleuées de la Terre en haut, par la chaleur & ardeur du Soleil, puis lācées du haut en bas, par les pluyes, neiges, gresles & autres vapeurs fondues en la Terre, lesquelles eaux sont puis apres amassées ensemblement

durant les hyuers dans les cauernes & concautez de la terre, desquelles par apres prennent leur origine lesdits fleuves & riuieres, & que pour ceste cause lesdits fleuves & riuieres sont plus grands & plus abondans en grande quantité d'eaux durant lesdits hyuers, que durant les Estez; adioustant iceux Auteurs que les fleuves & riuieres qui ont leurs riuages grands & amples, reçoient en eux plus grande quantité d'eaux, & peuvent couler d'eux mesme durât l'Esté, iusques aux hyuers sequens ausquels ils sont aydez & secourus de nouvelles eaux par le moyen desquelles ils sont faicts perpetuels & continuels. Au contraire que les fleuves & riuieres, qui sont petits & ne reçoient en eux, que bien peu d'eaux, à cause de la petitesse de leurs riuages, ne sont aucunement perpetuels ne continuels, parce qu'ils n'ont assez d'eaux pour couler durant l'Esté, & attendre les eaux des hyuers subsequens. Mais contre cest opiniõ on peut dire, qu'elle ne peut estre vraye veu qu'il n'est pas possible qu'il puisse prouenir & proceder des causes cy dessus durant tout vn an entier, tant & si grande quantité d'eau, qu'il en faut durant tout ce temps pour le cours perpetuel & continuel des grands fleuves & riuieres, veu mesme qu'il semble que si toute l'eau qui coule tout le long d'un an dans les fleuves & riuieres estoit assemblée en vn, elle sembleroit estre plus grande que toute la terre; Qui plus est les mesmes Auteurs disent que la verité est telle, que durât les Estez la chaleur du Soleil qui est fort grande & violente, cõsume pl⁹ grãde partie des eaux des fleuves & riuieres qu'elle ne fait durât les hyuers, ausquels iceluy Soleil a peu de chaleur, & durât lesquels il y a

grande abondance de pluyes neiges & gresles fondues qui tombans dans iceux fleuues & riuieres les font de beaucoup croistre & augmenter. Mais si ceste opinion estoit vraye, il faudroit par vne cause naturelle intrinseque, que lesdicts fleuues & riuieres fussent plus grāds en Esté, qu'en hyuer, à cause qu'en Esté par antiperistase, la froidure est plus grande dās la terre, laquelle froidure deuroit plustost conuertir en eaux, les vapeurs, & l'air enclos dans icelles Cavernes & cōcautez de la Terre, que ne feroit la chaleur qui regne dans icelle Terre durant l'hyuer. D'abondant les mesmes Auteurs cy dessus alleguez asseurent que la Terre poulse & lance dehors d'elle, toutes les eaux des pluyes, neiges, & gresles fondues, qu'elle reçoit, & que par ce moyen elle en fait les fleuues & riuieres; Et que cela soit, iceux Auteurs disent qu'il est certain qu'aux lieux, ou il y a peu d'eaux de pluyes, neiges & gresles fondues, comme aux deserts d'Ethyopie, & au fonds de l'Afrique, il se treuue peu de fleuues, & riuieres, à cause que les terres seiches, & altereés, boient & consomment si peu d'eaux de pluyes, neiges, & gresles fondues qui tombent sur icelles: Et qu'au contraire aux Prouinces d'Allemagne, Italie, Gaule, & autres, esquelles il tombe plusieurs pluyes neiges & gresles tant en hyuer, qu'en esté, il se treuue beaucoup de fleuues & riuieres: Et que cela est fort manifeste en ces Regions, esquelles les fleuues & riuieres sont fort grands en hyuer, & fort petits en esté. Mais ceste opinion ne peut auoir lieu pour trois raisons: La premiere, parce que si on caue dās la Terre, on trouuera qu'il n'y a aucune pluye, neige, ou gresle fondue, pour tant grande qu'elle soit, qui puisse entrer

dans la Terre plus auant que de dix pieds , & que toute l'eau qui peut tomber sur la Terre est consommée dans la premiere crouste de la Terre , & ne descend pas plus bas , Ce qu'estant il n'est donc pas vray qu'icelles pluyes neiges & gresles fondues , puissent faire & engendrer dans la Terre , les fleuves , & riuieres , car la Terre en boit fort peu , & encor toutefois ne la garde longuement en elle , d'autant qu'estant seiche & aride elle la consume du tout , & en estat abreuee en reiette ce qui en est de reste. La seconde raison , qu'il y a plusieurs fleuves & riuieres , qui prouiennent & procedent du dedans des pierres , & rochers solides , & massifs dans lesquels il n'est aucunement vray semblable qu'aucunes pluyes , neiges , ou gresles fondues , puissent aucunement penetrer & paruenir. La troisieme qu'il se treuve des puits cauez bien enuiron de deux à trois cents pieds de profond en Terre tresseiche & aride , lesquels ont en eux grande quantité d'eau , laquelle il n'est credible prouenir des eaux pluuiiales neiges & gresles fondues , mais bien de certaines sources d'eaux viues qui sont aux entrailles de la Terre. Albert le grand semble n'auoir esté de ceste opinion , quand il dit que ceux qui font estat de ces trois raisons cy dessus , n'ont pas bien entendu la Philosophie naturelle pour deux causes : La premiere parce qu'aucune chose n'est engendree naturellement hors de son lieu , & que le lieu de l'eau n'est naturellement sous la Terre , & par consequent que l'eau n'est produite & engendree naturellement sous la Terre. Mais nous respondrons à Albert , que si ceste sienne premiere cause estoit vraye il s'ensuiuroit aussi , qu'en la moyenne region de l'air , l'eau ny pourroit estre engendree na-

turellement, à cause que le lieu naturel de l'eau n'est en icelle qui plus est ceste cause se treuue du tout contraire à l'opinion d'Aristote & à l'experience commune, qui a veu & peut veoir ordinairement durant les plus grandes & excessiues chaleurs de l'Esté, des cauernes & concautez, toutes pleines & distillantes de gouttes d'eaux, à cause de la frigidité de la terre qui conuertit en eau l'air enclos en icelles; Qui plus est ne voit on pas communement dans les estuues l'air estre mué & changé en eaux: à l'entour des murailles, & des vitres des fenestres qui sont fort froides. Par consequent il n'est vray ce que dit ledit Albert, qu'aucune chose ne peut estre engendrée hors son lieu naturel vers lequel l'engendré soit meu & poullé. La seconde cause dudit Albert est telle: l'eau pluuiale, est plus subtile que toute autre Eau, & par consequent peut mieux penetrer dans la Terre. ou estant amassée en vn, elle donne commencement & perpetuité aux fleuues & riuieres: celuy il confirme par experience disant qu'il a veu de l'eau pluuiale auoir distillé par vne solidité de pierre de montagne bien iusques à cent trente pas: Mais ce personnage suppose vne cause que les autres nient, quand ils disent que l'eau pluuiale est plus impure que toutes les autres: A cause de la terre estreitée meslée avec la vapeur, & qu'icelle eau mise durant quelque temps dans vn vaisseau, y laisse au fonds d'iceluy vaisseau du marc ou du limon: faisons plus concedons que l'eau pluuiale soit tres-subtile & grandement penetrante, il ne s'ensuit pas pourtant incontinent, qu'elle donne aux fleuues & riuieres vne origine & perpetuité, car qu'elle eau

pluuiale pourroit suffire à l'origine & perpetuité du fleuve du Rhin & du Rhosne en Europe, & à infinis fleuves d'Asie & d'Afrique qui sont tresgrâds & trespatieux, & lesquels ne laissent de courir iour & nuict, encor qu'il tombe fort peu de pluyes en ces Regions: Donc il est plus vray semblable que les eaux des pluyes, neiges, & gresles fondues sur la terre seruent pour l'humectation & arrosement de la terre, laquelle par son aridité & seiche- resse les attire a soy, & puis les consomme, si ce n'est qu'icelles eaux des pluyes neiges, & gresles fondues soient en telle & si grande abondance, qu'elles viennent à couler par dessus la terre, & deualer dans quelques fleuves, riuieres ou ruis- seaux circonuoisins que si ledit Albert faict tant d'e- stat de ceste sienne experience, on luy peut respon- dre que ceste eau pluuiale, qu'il dit auoir veu auant cent trente pas dans terre sous vne solidité pierreuse de montaigne, pouuoit estre plustost de l'eau qui prouenoit de l'air resous en eau dans ce- ste montagne, par la frigidité de la solidité pier- reuse de ladite montagne, que de l'eau pluuiale. Quelques autres Aucteurs Anciens entre lesquels a esté Aristote au premier liure de ses meteores ont dit que tout ainsi que sur la terre les eaux sont en- gendrées de l'air par la frigidité, de mesme les eaux sont produites de l'air, dans les entrailles & con- cauitez de la terre, & comme sur la terre de plu- sieurs petites gouttes d'eau amassees ensemble pe- tit à petit, il se faict quelque bonne quantité d'eaux, de mesme il aduient dans lesdites entrailles, & concauitez de la terre, & que delà les sources

Y viiij

viennent premierement a prendre leur origine , desquelles par apres les fontaines , fleuues & riuieres, sont faicts & procrées : & que cela soit les Aucteurs cy dessus se sont efforcez de le prouuer par ces deux argumens; Le premier, que cest sans doubte que si on fossyola Terre tât soit peu on treuuera de l'eau qui sort incontinent du corps d'icelle , ainsi que faict la sueur , d'un corps humain; Le second , que les plus grands & spacieux fleuues tât de l'Europe, Asie, Afrique, que nouveau monde, prouiennent & procedent des montagnes plus hautes , & esleuées lesquelles sont grandement poreuses & spongieuses , & qui pour ceste cause reçoient facilement en elles par plusieurs de leurs endroits dans leurs cauernes & concautez l'air circonuoisin , lequel produit & engendre en elles vne grande quantité d'eaux, & poursuient les mesmes Aucteurs que ce seroit vne chose absurde de croire qu'il y eust vn seul lieu & endroit en la Terre, duquel seul procedassent tous les fleuues & riuieres de la terre : car il seroit impossible qu'un seul lieu & endroit de la Terre fut capable de receuoir tant & tant d'air, & de vapeurs, mueés & changees en eaux, qu'il en faut pour les cours & mouuemens continuels des fleuues & riuieres & est sans doubte (au rapport de Seneque liure 3. chap. 9. des quest. naturelles) qu'il y a dans les entrailles de la terre de tresgrandes quantitez & amas d'eaux : Ce qui est aisé à croire , parce que iadis il est aduenü que les eaux sortans de la Terre, ont englouty des villes routes entieres au Peloponese, & en l'Arcadie ; Qui plus est ceux qui ont entré dans le fonds des montagnes haut esleuées scauent tresbien qu'on entend fort clairement du dedans d'icelles de grands &

horribles bruits d'eaux qui y font leur retraicte & sejour ordinaire ce que Iean Leon confirme en sa description d'Afrique. C'est pourquoy vn certain grand Personnage de ce temps a dict ce que s'ensuit. Le ventre de la terre est tout remply de cõcautez,, & conduits, ainsi que d'entrailles dans lesquels,, à cause qu'iceux ne peuent par nature estre vuides,, certaines vapeurs sont esleuées de Terre, lesquelles,, venans à eux resoudre en eaux, commencent à cou-,, ler goutte à goutte, puis estât amassees, font de pe-,, tits surgeõs & rameaux, qui viennent à fluer de tous,, costez aux lieux plus bas & inferieurs de ces con-,, cautez & conduits, iusques à ce que sortãs ils vien-,, nent à former le commencement d'vne fontaine,, & est tres-certain que le lieu d'où sortent les eaux,, est tousiours plus bas & inferieur, que le lieu de,, son origine; car mesme naturellement en vn val-,, lon oppose, les eaux des fontaines peuent mon-,, ter vers la hauteur du lieu de leur generation &,, origine: Que si les eaux peuent monter plus haut,, par art & par instrument; Cela est faict violem-,, ment, à fin qu'il ny aye du vuide en nature; Et pour,, mesme cause on voit quelquefois soudre vne fon-,, taine au coupeau d'vne mōtaine, les eaux de la,, quelle fontaine sont portees en haut par des ca-,, uernes, ainsi que par des tuyaux & conduits faicts,, par art & par industrie: Mais d'ou vient que nous,, voyõs aucuns fleuves & riuieres, couler tousiours,, d'vne mesme forme & maniere, aucuns autres croi-,, stre seulement en hyuer, les aucuns autres estre di-,, minuez, ou du tout de faillir en Esté, on peut re-,, spondre que cela prouiét de la disposition du lieu,, qui les engendre, ou des mutations du lieu de leur,,

„ origine, ou de leurs qualitez : car le lieu qui les en-
„ gendre qui sont ordinairement des montagnes, les-
„ quelles sont grandement solides, dedans lesquelles
„ l'air exterieur ne peut aysement penetrer, produi-
„ sent & engendrent de plus grandes & continuel-
„ les eaux les vapeurs precedentes resolus en eau il
„ y a d'autres vapeurs qui se resoluent, à fin qu'il n'y
„ aye du vuide en la nature, & ainsi il succede tous-
„ iours des vapeurs les vnes aux autres: car les mon-
„ tagnes poreuses, & cauerneuses ne peuuent longue-
„ ment contenir en elles les vapeurs, mais recoiuent
„ l'air exterieur desseiché, & ce principalement en
„ Esté, avec vne chaleur desseichante, de telle façon
„ qu'icelles ne peuuent retenir ny les vapeurs, ny le
„ froid se conuertissant en eau & liqueur; & à ce
„ quedessus est deduit, se ioinct l'action de l'influe-
„ ce exiccatiuë, laquelle tantost domine en ce lieu,
„ puis apres en vn autre, selon la conuersion des
Cieux. A ce mesme propos vn Philosophe moder-
„ ne a parlé ainsi de ceste matiere. La Terre a dedans
„ soy des recoings, ou cauernes froides & vmbreu-
„ ses dans lesquelles elle a beaucoup de vapeurs ae-
„ riennes qui necessairement sont faictes & rendues
„ froides, & pressees par l'ombre ou ombrage graue
„ & pesant d'icelles: A cause de laquelle ombre ou
„ ombrage icelles vapeurs aériennes estant premie-
„ rement rendues, espesses, paresseuses, grossieres,
„ & immobiles viennent en fin à estre transmuées en
„ eaux distillables goutte à goutte, tout ainsi qu'en
„ l'air par dessus nous les vapeurs aériennes se trans-
„ muent en eaux, & en ce qu'icelles vapeurs qui
„ sont en l'air par dessus nous, ne demeurent gueres
„ à estre muées en eaux, cela vient de la force de la

chaleur du Soleil, qui continuellement les exte-
mue, & aussi de la violence des vents qui les dissi-
pent incontinent, mais ce qui est dans la terre mué,
en eaux, est toujours vne mesme chose, à sçauoir,
vne ombre, ou ombrage perpetuel, & vn froid eter-
nel, & semble qu'Aristote aye esté de ceste opiniõ,
en ses liures de la generation & corruption. Mais
encor que l'opinion cy dessus aye esté embrassée
d'Alexander, Olympiodore, Auerroés, Ægidius, de
Venetus & infinis autres grands Personnages tant
anciens que modernes neantmoins si ne laisserons
nous de dire, que on ne doit aucunement croire que
les eaux des fleuves, riuieres & fontaines de la terre,
soient engendrées de l'aire, ou vapeurs aërienes en-
closes dans les entrailles & concauitez, ou recoings
ou cauernes froides & ombreuses de la Terre: Car
pour parler en bons termes de Philosophie, on doit
dire ce que s'ensuit: S'il faut deux fois autant d'air,
ou vapeurs aërienes pour produire & engendrer
vne quantité d'eau en proportiõ, ou pourra on treu-
uer assez d'espace sous la terre, à fin que ceste trans-
mutation ce face, veu que necessairement il fau-
droit que tant d'air, & vapeurs aërienes estant con-
sommeés, il y eust du vuide en nature, ce qui n'est &
ne peut estre; Et encor comment seroit il possi-
ble que l'air peust si subitement penetrer dans les
Cauernes & concauitez, ou recoings de la Ter-
re, la plus part desquelles n'ont aucuns trous ou
spongiositez pour attirer & succer vne si grande
quantité & abondance d'eaux, qu'il en faut pour
iceux fleuves riuieres & fontaines ce que preuue
clairement le grand Iules Cæsar Scaliger exerci-
tation quarante sixieme à H. Cardan de la subtilité

Ce qui a meu I. Bodin de dire en sa preface sur la demonomanie, que l'Aristote auoit grandement faillly au 1. & 2. des meteores disant que les fleues & riuieres de la Terre estoient engendrez & produits par putrefaction d'air faiete dans les Cauernes de la Terre : Ce qui n'est vray semblable, veu les grosses & inespuisables sources desdits fleues & riuieres qui ont leur cours perpetuel, & que tout l'air du monde estant mué & changé en eaux, ne scauroit engendrer & produire en cent ans toutes les eaux lesquelles sortent en vn iour desdits fleues & riuieres. Il y a quelques autres Aucteurs qui on dit que tout ainsi que dessus la superficie de la Terre vniuerselle, il y a de grandes & vastes mers, fleues, & riuieres : de mesme il est credible que dedans les entrailles de la Terre il y a des Mers des fleues, & des riuieres, desquelles entrailles sont iettez & poussez sur la superficie de la Terre, les Mers fleues & riuieres que nous y voyons, & qu'on ne doit treuuer estrange si la Terre ne se sent pas de telle & si grande quantité d'eaux, qu'elle iette & lance tous les iours & les nuits dehors de son corps, non plus que les Mers ne se sentent aussi de toutes les eaux qu'elles recoiuent en elles. Mais nous pouuons dire que ceste opinion ne peut estre vraye pour trois raisons La premiere, que la Terre est solide, & massiue & non remplie de tant & si spatieux lieux pour contenir tant de Mers, fleues, & riuieres : La seconde, que dans peu d'anneés il sortiroit plus d'eaux de dedans la Terre, si elles estoient assemblées en vn, que ne seroit grande la Terre donc ou seroient contenues tant & tant d'eaux, La troisieme, que ces eaux estant dans la Terre longuement se putrifieroient &

ne seroiēt si viues & claires que sont celles desdits fleuves & riuieres. Les autres ont dit que toutes choses sont faictes de toutes choses, à sçauoir l'air de l'eau, l'eau de l'air, & ainsi des deux autres elemens: donc pourquoy la Terre sera elle faicte de l'eau, & de la Terre l'eau? Laquelle Terre si elle est muable en quelque chose, sera-ce en eau ou biē plustost en elle mēme? l'vne & l'autre est compaignie à l'autre, estant chacune, graue, dense, & situēe au milieu du monde: Donc les Elemens ont des recours alternes & vicissitudinaires car ce qui depend de l'un depend de l'autre, & ce qui se perd en l'un, retourne en l'autre ainsi que l'a fort bien remarqué Louys le Roy liure I. de la vicissitude des choses chap. des Elemens. De faict la nature obserue curieusement ses parties ainsi que faictes & cōstitueēs en pois & mesure, à fin que par vne confusion de son pois, & mesure, en ses parties, le monde ne vienne à receuoir quelque alteration. Donc toutes choses sont dans toutes choses, & non seulement l'air se change en feu, mais aussi iceluy n'est iamais sans feu, car si on luy oste la chaleur, il deuiendra froid, immobile, & endurcy, & se transmuera en humeur, & toutefois iceluy air n'est sans humeur. La Terre faict l'eau, & icelle non plus n'est sans eau, que sans air, & par consequent la mutation & changement de l'un en l'autre est plus facile, à cause que l'un & l'autre d'iceux qui doit estre muē & changē en l'autre, est meslé & ioinct avec luy, par consequent la Terre a & contiēt en soy de l'humeur, & quelquefois aussi icelle se mue & change en eau, ainsi que confirme le Philosophe Seneque en ses œuures, disant que les fontaines sont engendrēes naturellement, en ceste façon: à sçauoir

que l'air enclos dans les cauernes de la terre est faiët & rendu crasse, & gros, pour la frigidité d'icelles cauernes, & par ce moyen, est transmué goutte à goutte en eau, lesquelles gouttes, peu a peu estant ramassées ensemble premierement, commencent a couler & prendre cours d'un lieu estroit, en vn plus large si que passans par dessous terre de veines en veines, & de canaux en canaux produisent finablement les fontaines, & ce en la mesme façon que l'on voit sortir de l'eau distillée d'un alambic, ou chapelle, auquel la vapeur qui par la force du feu est attirée du mar, montant au chapiteau, comme au lieu le plus froid, se conuertit en petites gouttes, qui puis apres distille dans la fiole, ou vaisseau, qui est mis pour la receuoir: car ainsi sont les fontaines, quand elles degoustent des montagnes comme d'alambics & chapelles. Et dit-on plus, qu'ainti que l'eau qui prouient de la sueur au corps humain, telles sont les eaux des fontaines qui prouiennent de la sueur de la terre, A propos dequoy Pontan a dit.

*Si Rhenum Rhodanumque videns magnumque Garumnam,
Aut Hebrum, Eridannumve, aut clari nominis Istrum:*

Perscrutare ortum, & fontis sacra antra reclusi

Non dubium inuenies summis montibus illos

Delabi genus, & gelidis deducere ab antris,

Namque aertetre immixtus, molémque sub ipsam

Inclusus, montana rigens ut frigora sensit

In stillas abit, & longo fluit agmine multus, &c.

Quelques autres Auteurs ont asseuré que les lieux plus bas & inferieurs de la terre, sont les vrayes lieux & endroits vers lesquels coulent & fluent toutes les eaux de la terre, & que les terres qui sont sous le pole Septentrional, comme estant plus hauts &

esleuées que les autres, selon Vitruue liure 8. chap. 2. de son architecture, sont le vray lieu ou endroit ou pluſtoſt magasin, duquel prouiennent & procedent les eaux vniuerſelles de la terre vers les terres qui ſont deſſous la Zone torride, & vers le midy, cōme plus baſſes, & inferieures, mais ceſte opinion cōme non vraye, mais pluſtoſt abſurde, a eſté fort doctement confutée par le grand Iules Cæſar Scaliger en ſon exercitation. 37. 40. 41. 42. & 43. à H. Cardan de la ſubtilité, & apres luy, par I. Bodin chap. 5. de ſa methode de l'hiſtoire ainſi que j'ay plus amplement rraiçté cy deuant aux chapitres precedens.

Les Rabins Hebrieux fondez ſur l'auctoriété du ſage Salomon qui dit au chapitre 1. de l'Eccleſiaſte, *Omnia flumina intrant in mare, & mare non redundat, ad locum, unde exeunt flumina, reuertuntur ut iterum, fluant*, ceſt à dire tous les fleuues entrent en la Mer, & la Mer n'en eſt plus grande les fleuues s'en retournent vers le lieu d'où ils ſortent à ſin que derechef ils fluent touſiours: tiennent pour choſe treſcertaine & indubitable que tout ce qui deſcoule, retourne au poinçt duquel naturellement il a commencé à deſcouler, & que toutes les eaux de la terre vniuerſelle retournent dans la Mer, dont elles prennent leur ſource & origine, comme les veines du corps humain plenes de ſang prouiennent et prennent leur origine du foye, ainſi que d'un magasin et threſor entier et parfaict ſtatué et ordonné du Dieu viuant dès le commencement de la creation: ce que ſemble auoir creule Poète Homere au 21. liure de ſon Iliade.

Οὐδὲ βαρρεῖται μεγάλου θένος Ωκεανός

Ἐξ οὗτος πάντες ποταμοὶ καὶ πᾶσα θάλασσα

Καὶ πᾶσι κρῖναι καὶ φρεῖναι μακρὰ νάουσιν.

Ne la grande puissance du creux Ocean duquel tous les fleuves procedent & toute la Mer toutes les fontaines, & les puits profonds. Opinion laquelle a esté suiuiue par Pline liure 2. chap. 66. de son histoire vniuerselle, Seneque liure 3. chap. 9. de ses questions naturelles, Sainct Basile homel. 4. Hexamer Sainct Hierome sur le 1. chap. de l'Ecclesiaste Isidore liure 3. des origines chap. 20. saint damascene liure 2. de la foy orthodoxe, chap. 9. Philon Iuif liure de l'opifice du monde, l'Auſteur du liure de la cognoissance de la vraye vie chap. 27. Hugues de saint Victor en ses Comment. sur le Genese saint Thomas 2. des sent. dist. 14. queſt. 4. & 5. Albert liure 2. des meteores traicté 2. chap. 11. queſt. vnicque Denis sur le 8. chap. des prouerbes Iules Cæsar Scaliger exercit. 42, 46. à Cardan de la subtilité Pontus de Thyard en son 1. curieux, Georgius Agricola liure 1. de la naissance des choses sous-terraines Faber & Cocles en leurs Comment. sur les meteor. d'Aristote; Vi-comercatus en ses grands Comment. sur les mesmes meteores & infinis autres Auſteurs tant anciens que modernes. Mais il me semble veoir icy quelques Curieux qui me demanderont commēt la Mer peut elle estant plus basse & inferieure que la Terre, ainsi que nous auons dit cy deuant au chap. 15. faire mōter les eaux dessus la Terre, voire sur le coupeau des plus hautes montagnes pour en faire produire des fleuves & riuieres; attendu mesme que les eaux sont de leur nature fort granes & pesantes; & qu'elles ne
peuvent

peuvent monter si elles ne descendent des hautes montagnes & rochers, à cause dequoy il est plus probable de dire qu'icelles procedent de telles montagnes & rochers, ne pouuant la Mer paruenir iusques a telle & si grande hauteur, qu'est-le coupeau desdits montagnes & rochers, & qu'encor que cela fut, deuant qu'icelle parueint ausdites montagnes & rochers, elle s'espendroit & esparpilleroit de tous costez, & les fleuves & riuieres ne seroient iamais diminuez, & la mesme Mer ne pourroit suffire à tant de fleuves & riuieres, mais seroit aucunes fois rendue assiechée, attendu que la plus grande partie des eaux de la Mer s'esuapore en l'air par la chaleur & ardeur du Soleil & que si les eaux desdits fleuves & riuieres procedoient de la Mer, elles ne pourroient estre si tost rendues douces & agreables à boire. Et à fin que nous respondions àplement à ces obiections nous dirons avec saint Baſile cy dessus allegué que les eaux de la Mer sont poussees en haut iusques aux sources des fleuves & riuieres, lesquelles sources sont aux lieux plus eminés de la Terre, & le plus souuent sur le coupeau des montagnes, par vn certain esprit ou esuaporation, ou bien mouuement interne à elles propre : *Mare, inquit, fluitans ac permeans per cuniculos fistulares & angustos, mox ubi obliquis aut certe rectis, & in sublime surrectis excursibus se occupatum deprehenderit ab agitante compulsus spiritu superficie terre vi disrupta erumpit, atque foras emicat.* Ce que semble auoir tenu le diuin Platon en son Phedon, & Plin liure 2. chapitre 65. auquel parlant de l'eau qui court & passe par dessus, par dedans & dehors la Terre à trauers certaines veines, puis monte aux plus hauts fastiges & sommitez des montagnes & rochers; dit. *Quo,*

„*spiritu acta, & terra pondere expressa siphonum modo emi-*
 „*cat: tantumque à periculo decidendi abest, ut in summa*
 „*quaque & altissima exiliat, qua ratione manifestum est*
 „*quare tot fluminum quotidiano accessu maria non crescant.*

Sainct Thomas au lieu susallegué & quelques vns des Aucteurs cy dessus mentionnez tiennent que les eaux des fleuves & riuieres sont attirées en haut au dessus de la terre, par la vertu & force des corps celestes, à cause du commun bien: & ce à fin qu'icelles humectent & arrosent commodement les metaux, qui doibuent estre engendrez dans le giron de la terre & aussi les Arbres, Plantes, herbes & animaux, qui sont nourris & substeniez des eaux: poursuiuans iceux Aucteurs qu'encor qu'il semble que ce mouuement des eaux, soit contre l'inclination priuée de la propre forme, il n'est toutefois violét, à cause que les corps elementaires, par la ley & ordre de nature obeissent aux corps celestes, c'est pourquoy iceux corps elementaires faisans quelque mouuement par l'impression d'iceux corps celestes ne sont censez & reputez faire ce mouuement par force & cōtraincte ainsi qu'a remarqué le Commentateur du 4. liure du Ciel, & faut entendre que ces corps elementaires ne font ce mouuement, par force simplement: car si on cōsidere la propre inclinatio des eaux, laquelle prouient de sa forme, il faudra dire qu'icelles ne mōtent en haut si ce n'est par force, mais si on cōsidere sa puissante obeissance, par laquelle iceux corps inferieurs sōt apres & naiz pour obeir aux superieurs on ne croira pas en ce fait que ce mouuement soit aux eaux par force, ou contre leur nature. Albert le grād liu. 2. tract. 1. cha. 12. & quelques autres des Aucteurs susnōmez, ont tenu que les vapeurs esleuées en haut

dás les cauernes de la terre, & puis refléchies, attirét à elles & esleuent en haut les eaux & par la continue action & remuemét d'iceux les pôres & trous de la terre sont ouuerts, par lesquels icelles eaux trouuans leurs passages libres, descoulent en bas. Les autres ont dit que la terre estant remplie de grandes cauernes les eaux de la mer courent dans icelles lesquelles estant trop petites, & par ce moyen ne pouuans receuoir vne si grande abondance d'eaux, il aduient que les eaux qui sont dans icelles cauernes estant pressées & comprimees par le grand pois externe des eaux de la Mer, cherchent de trouuer vne issue par ou elles peuuent, & que ainsi & par ce moyé les eaux sortent des lieux hauts d'ou elles descendent incontinent en bas parce qu'elles ne sont en leurs propres lieux. Les autres ont tenu que les eaux lesquelles n'ont pas de passages ouuerts, mais sont arrestées par quelques montagnes, rochers ou autres obstacles ou empeschemens, sont forcées & contraintes de passer a trauers certains tuyaux ou veines fort angustes iusques aux coupeaux desdites montagnes ou rochers, d'ou puis apres elles coulent de necessité en bas. Les autres disent que la terre estant comme vne esponge attire du fonds vers elle les eaux, & les succe, puis les renuoye aux lieux plus hauts & eminens. Les autres veulét qu'il y a dás la terre cōme des veines, par lesquelles l'humour des eaux est faicte & nourrie, comme est le sang aux veines des animaux: ce que Senecque semble auoir descrit liure 3. chap. 15. de ses quest. naturelles. Theodor. ser. 2. de la prouidence & quelques autres Theologiés assuret que les eaux de leur nature & cōditiō ne peuuent monter en haut, sur les lieux eminens,

ne sur les montagnes & rochers, mais que cela est
 fait par icelles eaux, qui obeissent & obtemperent
 du tout au commandement & puissance incompre-
 hensibles de leur Createur, à propos dequoy faut
 veoir ce que nous auons deduit cy deuant au chap.
 15. de ce discours. Le mesme I. Bodin cy deuant al-
 legué; au liure second de son theatre de la nature
 ayant reietté l'opinion d'Aristote qui a tenu que les
 fontaines, & les sources des eaux, desquelles prouiē-
 nent les fleues & riuieres sont engendrees de l'air
 enclos dans les cauernes de la terre, a dict ce que
 „ s'ensuit; Ceste opinion d'Aristote n'est vraye, car
 „ il ne se peut aucunement faire ny excogiter que
 „ l'air se puisse si subitement corrompre en eaux,
 „ comme il en faut pour les courses des fleues &
 „ riuieres, ^{car} si cela se pouuoit faire incontinent
 „ tout l'air eleuē ^{en nature} qui est ^{de} la nature tres-rare
 „ ne pourroit suffire a telle & si grande abondance
 „ d'eaux qui coulent seulement en vn iour dessus la
 „ terre, & quand mesme les plus grands creux de
 „ l'ocean feroient du tout vuidez, ils ne pourroient
 „ receuoir vne telle & si grande abondance d'eaux.
 „ Mais que peut-on dire de plus ridicule que de te-
 „ nir que l'air retenu dans les cauernes de la Terre,
 „ pour empescher le vuide en nature, engendre les
 „ eaux, veu que les eaux coullans assiduelement, les
 „ cauernes ne laissent d'estre pleines d'air; & si cela
 „ estoit vray il faudroit tout l'air vniuersel, estre trās-
 „ mué en eaux coullantes: Tout cela est donc inepte.
 „ Mais ceste tres-ancienne sentence, que Thales de
 „ Milese le premier, puis Platon, Philon, Seneque, &
 „ George Agricola ont approuué, comme l'ayant re-
 „ ceüe des secrets des Hebrieux, est plus excellente

& diuine, c'est à ſçauoir que les fontaines fleuues, & riuieres, procedent des eaux de la Mer, paſſans par,, les conduits de la terre, qui la coulent & purgent,, lesquelles eaux apres auoir couru & trauerſé par,, icelles fontaines, fleuues, & riuieres, s'en retournét,, de rechef dans la Mer, laquelle ſentence du tout,, conſone aux loix diuines & naturelles le ſeul Ari,, ſtote s'eſt eſſorcé, mais inutilement, de contredire,, comme il a fai&t preſque toutes les reſolutions des,, anciens, & encor que l'auctorité de l'antiquité ſoit,, treſgrande, toutefois à fin de ne nous arreſter du,, tout à icelle, ny aux raiſons cy deſſus deduites, nous,, aſſeurerôs & eſt ſans doute qu'une infinité de fleu,, ues & riuieres qui depuis tant & tât de ſiecl^{es} ont,, deſchargé infinies eaux dedans l'Océan, auent y a,, long temps couuert de leurs eaux toute la terre, &,, fuſſent deſia paruen^{us} à leur fin, veu que,, ſeulement les pluyes continuelles qui aduindrent,, durant quarante iours firent vn ſi grâd deluge que,, les eaux ſurpaſſoient de quinze coudeés les plus,, hautes montagnes de la terre: Qui plus eſt on peut,, par les ſens apperceuoir qu'il y a pluſieurs fontai,, nes d'eaux douces qui ſuiuent les cours & mouue,, mens de la Mer, meſme les choſes qui ſont ietteés,, dans le fleuue Alphée ou Carbon ſe treuuent dans,, la fontaine Aretuſe pres Syracuſe, encor qu'il y aye,, entre les deux vne treſgrande diſtâce de Mer. Mais,, on obie&te comment il ſe peut faire, que tant &,, tant d'eaux continuelles & treſclaires peuuét paſ,, ſer par le dedans des entrailles de la terre en haut,, & venir ſortir meſme aux ſommets & coupeaux,, des plus hautes montagnes? nous dirons que par,, ceſte obie&ction la ſentence cy deſſus des Anciēns,,

„est d'autant plus fortifiée, parce que le poix ou pe-
 „santeur tresgraue de la terre; par laquelle les Mers
 „sont pressées, contraint les eaux de passer tât à tra-
 „uers les grandes cauernes de la terre, que par toutes
 „les veines & conduits d'icelle, & puis aller sortir nô
 „seulement dans les plaines câpagnes, mais aussi sur
 „les sommets & coupeaux desdites plus hautes mō-
 „tagnes: mesme il a plusieurs fleuves lesquels dès le
 „cōmencement de leurs sources coulent avec vne
 „telle abondâce d'eaux, qu'ils cōmencent dès leur
 „sources a porter des batteaux chargez, ainsi
 „que faict en France le Loir pres la ville d'Orleans.
 „Si on obiecte encor ce que s'ësuit: Si les fontaines
 „certaines procedent de la Mer, cōment est ce que
 „les fontaines peuuēt sourdre sur les plus hauts fasti-
 „ges des montagnes veu que les eaux de leur nature
 „ne peuuēt monter plus haut, c'est le lieu de leur ori-
 „gine? A ceste obiection nous respōdrōs aussi que ce-
 „la aduiēt à cause que les plus hautes mōtagnes sont
 „plus basses q̃ l'orbe des eaux, parce qu'icelles eaux
 „sont pressées ou cōprimees par le graue poids & pe-
 „santeur de la terre, pour ceste occasion les nauires
 „sont dits aller en haut, quād ils d'esancrēt des ports
 „de Mer, & au cōtraire sont dits descendre en bas,
 „quand ils retournēt vers iceux ports: De faict alors
 „les nauigateurs peuuēt fort facilement apperceuoir
 „iceux ports estre situez en pl^r bas lieu que les eaux.
 „De dire que les eaux ne mōtēt iamais en plus hauts
 „lieux, que ceux d'où elles sortent: cela n'est pas tât
 „seulement le propre des eaux, mais aussi de toute
 „liqueur, la superieure partie de laquelle presse &
 „poulse l'inferieure: Que si elles montent plus haut
 „que n'est le lieu de leur origine, cela aduiēt à fin
 „que les corps ne se penetrent, ou biē pour cuitter le

uide: D'alleguer cecy, si les eaux sont plus hautes,,
 & esleuées en leur orbe que la terre? d'ou viét qu'i,,
 celles ne couurét toute la terre? c'est sans doubte,,
 qu'icelles eaux couurent presque toute la terre, ce,,
 qu'on peut veoir non seulement par les fontaines,,
 ruisseaux, estangs, Lacs, fleuves & riuieres qui sont,,
 dessus la terre: mais aussi plus clairemét par l'Océa,,
 que non pas par la Mer Mediterranée qui est ren,,
 fermée dans des bornes tresangustes, de fait les seins
 de l'Océan sont tresgrāds, & tres spacieux, dās les,,
 quels la nature n'a faict aucuns promōtoires, mais,,
 toutesfois le tres grād ouvier d'icelle afiny & bor,,
 né ses cours & mouuemens dans certaines bornes,,
 & limites, qu'il ne passe iamais, s'il ne luy est com,,
 mandé de le faire par le Dieu viuant, pour veger,,
 des pechez des hommes: ou bien qu'iceux hōmes,,
 s'efforcent de vouloir auer & changer les bornes,,
 & limites naturelles: un singulier exēple de la ven,,
 gēce de Dieu apparoiſt en Antisse, Tindare: Burre,,
 & Elice villes maritimes que les eaux de la Mer en,,
 gloutirēt avec leurs citoyés, mesme ceux qui vou,,
 lūrēt tascher de se sauuer dās des nauires furēt pa,,
 reillemét englouttis des flots de la Mer: ceux qui,,
 ont contrainst par des digues & chaussees la Mer à,,
 fin de la resserrer & cōprimer dedās de plus estroit,,
 tes bornes, ont ressēty plusieurs fois les fureurs d'i,,
 celle, ainsi que les Hollādois de la memoire de nos,,
 Peres, & la nostre, ausquels la Mer a occupé cōme,,
 par droit de nature, plus de cent mille iournaux de,,
 terre, ayant rompu & mangé ses digues & chaus,,
 sées, de faict on ne peut par aucuns aages ou siecles,,
 prescrire cōtre le grād & souuerain Dieu, & cōtre les
 loix de nature. Et qui est chose plus esmerueillable,,

„ tous les Roys & Princes qui ont voulu faire fen-
„ dre l'Isthme du Peloponese ou Morée sont morts
„ au parauât, que l'œuvre par eux proiecté, fut com-
„ mencé à sçauoir Demetrius, C. Cæsar, Neron, &
„ Domitian. Mais pour asseurer les Lecteurs de ce
qu'il me semble de ceste matiere, en vne si grande va-
riété, & controuerse d'opiniōs, ie diray qu'il est cre-
dible que la terre reçoit en elle grāde quantité d'hu-
meurs & vapeurs aqueuses tant des pluyes, neiges &
gresles fondues, que de la fraischeur & moiteur de
l'air, qui de sa nature est humide, & lequel icelle ter-
re hume & succe ne plus ne moins que faict vne es-
ponge, & lors s'estant refroidy iceluy air, il la rend
indigne nource que l'air priué de chaleur, & refroidy
deuient vapueur, qui se resoult aytement en eaux,
mais pource que ces choses semblent ne pouuoir
estre asses suffisantes & puissantes à engendrer &
produire des eaux en telle abondance, qu'il en faut
pour en faire & entretenir les fleuves, riuieres &
fontaines, singulierement aux Pays où il ne pleust,
neige, & gresle presque point, ie puis asseurer qu'ou-
tre les pluyes, neiges, gresles fondues, & air refroidy
& cōuert y en vapeurs aqueuses, les eaux de la Mer
lesquelles se coulent & se respendent continuelle-
ment par les menus & petits tuyaux et conduits de
la terre, à nous cachez et insensibles, en sont la prin-
cipale et effectuelle cause, suiuant l'opinion ou sen-
tence des Hebreux cy dessus mentionnez, lesquels
a bon droit tiennent que toutes les fontaines, fleu-
ues et riuieres de la terre sortent de la Mer, et en fin
rentrent dans la Mer, comme par exemple on peut
veoir quād on caue vn puis pres du bord de la Mer,
car là on treuue l'eau salée, que si l'on fouit vn peu

plus loing on la treuuera moins salée, & tant plus on se reculera de la Mer, plus l'eau se reuuera douce, ce qui n'aduient pour autre occasion, sinon que l'eau estant près de la Mer, n'a peu encores trauffer grande espace, & faire si lon chemin sous terre, qu'elle aye peu se purifier & en passant laisser son sel, qui est l'occasion vraye pourquoy la Mer n'accroist & ne regorge iamais, pource que autant qu'elle aualle d'eaux, autant elle en renuoye, par les conduits & cauernes de la terre. Voyez Raphael Volaterran liure 38. de ses Comment. H. Cardan liure 21. de la subtilité, Anthoine Galatin liure de l'origine des fleuves, Iules Cæsar Scaliger exercitat. 37. 38, 39. 40. contre Cardan de la subtilité Iacques Charpantier Comment. sur la description de la nature vniuerselle, P. de Thyard en son vniuers, Orce finée chap. 15. du 9. liure de la philosophie H. Magius liure 3. chap. 15. de les miscellanees L. le Roy liu. 1. de la vicissitude des choses, chap. des Elemens, F. Vallese chap. 63. de la Philosophie sacrée, Freigius en sa Physique, P. Gregoire liure 35. chap. 39. de son art admirable, & les Commentaires du College Connebricense des Iesuites sur les meteores d'Aristote. A propos de ce que dessus oyons ce que le gentil Belleau a escrit du passage de l'Ecclesiaste cy dessus allegué.

*Tous les fleuves courans, les torrens, les riuieres
Dressent dedans la Mer leurs humides carrieres,
Et pour ce grand amas ne regorge la Mer
Puis dedans leurs canaux ils se vont renfermer,
Ainsi vont & reuant, & de plus viste course
Roulent és flots marins, puis recherchent leur source.*

Vn autre aucteur moderne suiuant ceste trace en
a escrit ces beaux & elegans vers François.

Des eaux donc de la Mer, en la terre esbandues
Se font les eaux qui sont en la terre & aux nues
De la moiteur qui baigne à la terre le front
S'esleuent les vapeurs, qui les pluyes nous font
De ces mesmes vapeurs, encloses dans ces veines
Sous les lieux soubsterrains, s'engendrent les fontaines
Le haut vuide de l'air, & ses cornus coupeaux
Pour mieux les receuoir, seruans de chapiteaux
En l'alambic vouté la vapeur circulée
Quelque temps par le bec de mesme est distillée.

La fontaine Vaucluse, escumant desgorgeant
Maint maint flot vouté, maint montelet voguant
A l'instant que l'autan de tempestes orage
Neptun, bien qu'il soit fort loing de son riuage
Et de laquelle on voit les vagues desenfle
A l'instant que les vents quittent les flots sale
Nous monstre comme à l'œil que la Mer est la source
De toute eau qui en sort, & y rentre a grand course
Mais qui le niera? quand mesme il est escrit
Dans les liures sacrez dictes du saint Esprit,
Du grand du Sage Roy, de qui la renommée
Des les champs sabeans, fit iusques en Iudée.
Vne Roynce venir, pour ouyr & pour veoir
Non moins que sa grandeur son excellent sçauoir.

*Des causes & effects des coullemens des eaux sur la
terre, & des courantes des eaux
dans la Mer.*

CHAP. XXIII.



L est vtile & necessaire d'aduertir au commencement de ce chapitre les Lecteurs beneuoles que nous auõs ce nous semble, asses prouué & verifié aux chapitres neuuiesme & dixhuietieme precedens qu'il n'est aucunement vray, ce que ont voulu asseurer plusieurs grands & sçauans Personnes tant anciens que modernes que les eaux qui sont sur la terre coulent tousiours du Septentrion, comme partie plus haute & esleuée de la terre, vers le Midy, comme partie plus basse, & inferieure de la dite terre: Aussi croyons nous auoir asses preuue & verifié au chapitre onzieme precedent qu'il n'est non plus vray, ce que ont tenu quelques autres doctes & suffisans Personnages tant anciens que modernes, à sçauoir qu'il y a certaines estoilles fixes de vertu froide & seiche, principalement celles qui sont aux parties du pole artique, lesquels ont telle force & puissance sur les choses inferieures qu'elles poussent & chassent les eaux des terres Septentrionales, vers les autres parties de la terre: D'abondant il nous semble auoir pareillement preuue & verifié au chap. 12. precedēt qu'il n'est non plus vray ce que quelques vns ont escrit, à sçauoir q̃ les eaux à cause de leur legereté coulent au dessus de la surface de la terre, sur les parties de la terre qui sont basses & inegualles

Qui plus est nous auons semblablement preuüé & verifié au chap. 15. preced. comme il nous est aduis, qu'il n'est aussi vray, ce que ont escrit quelques vns, que les eaux de la terre, lesquelles prouiennent de la Mer, descoulét tousiours de la Mer qui est plus haute que la terre, aux lieux bas & inferieurs d'icelle: mesme nous auons en mesme forme preuüé & verifié au mesme chapitre quinziesme, que les eaux de la terre n'ont deux diuers Centres, c'est à dire que l'Element des eaux n'est eccentricque, mais concentricque à la terre, Et ce pour plusieurs raisons & argumens par nous amplement deduits ausdits chapitres cy dessus Alleguez. Ces choses ainsi par nous remarquées comme necessaires à la notice & cognoissance de cénuyresente question: nous dirons que le grand Architecte de liure premier des choses qui sont portées par l'eau. Que l'esperance de la nature de l'eau, qui est ronde & spherique, est telle que ses parties estant esgallement existentes & continues en elles mesmes, la moins pressée est expulsée & chassée, par la plus contraincte & serrée, & vne chacune partie d'icelles est chassée en bas par l'eau qui est au dessus d'icelle perpendiculairement, si icelle eau descend en quelque endroit, ou est pressée & comprimée par quelque corps, ce que par experience on peut veoir estre tres certain quand on pressera ou de la main, ou de quelque eau espanchée par dessus, quelque autre eau qui est au dessous: car lors les parties de l'eau qui est au dessous, cedent à celles qui sont au dessus, à cause dequoy l'eau qui est au dessous comme forcée & violentée, cedde & obeyt à sa superieure, & par ce moyen coulé en auant sur la surface de la terre, ainsi

que ie l'ay remarqué au chapitre dixieme cy deuant. Quelques autres Personnages ont voulu soutenir que toute la terre & ses parties sont de beaucoup plus hautes & esleuées que la Mer, & par consequent qu'il est credible que les eaux qui sont dessus la surface de la terre, coulent tousiours vers la Mer, comme au lieu plus bas & inferieur de la terre, & de ses parties, destiné par nature pour receuoir toutes les eaux de la terre ainsi que nous auons amplement demonstté au chapitre quinzieme de ce present discours. Il y a eu quelques autres Personnages qui ont asseuré que la terre a trois centres diuers, ainsi que ie l'ay amplement traicté aux chapitres 8. 9. & 11. de ce mesme discours, à sçauoir vn centre de la masse, vn centre de sa grandeur & pesanteur, & vn centre de sa pesanteur ou de son poids, & qu'à ceste cause les eaux estant au dessus de la terre, pource qu'icelles eaux estant aui, pesantes de leur naturel, mais non tant que la terre, icelles ne laissent pas de tendre & couler tousiours en bas vers le centre de la pesanteur de la terre, ou trouuans en quelques endroits de l'obstacle ou empeschement, viennent cōme enuironner la terre, & s'estendre tout à l'entour d'elle, mais estant la terre à cause de ce que dit est cy dessus, non esgalement pesante de tous costez, ains en quelques vnes de ses parties, cauerneuse, vuide seiche, & legere, & en d'autres, espesse, massifue, & pesante, il s'ensuit qu'icelle n'estant selon sa grandeur, esgalement pesante, que son centre de pesanteur, n'est le centre de sa grandeur, & parce que les eaux à cause de leur pesanteur, cherchent le plus qu'elles peuuent de leur nature, à s'approcher du centre de la pesanteur de la terre, sans auoir esgard

au centre de la grandeur d'icelle, il s'ensuit & est de necessité naturelle que la terre demeure en certains lieux, & endroits, descouuerte d'eaux, lesquelles cherchent d'aller & couler tousiours en quelque lieu ou endroit, ou elles soient plus pres du centre du monde, qui est le centre de la pesanteur, ou du poids de la terre, A propos dequoy faut veoir ce que nous auons escrit au chapitre quinzieme cy deuant. Au contraire des susdits Personnages, il y en a eu quelques autres qui ont soustenu que toutes les eaux de la terre, prouenans de la Mer, ainsi que nous auons enseigné au chapitre precedent, par vne certaine nature a elles propre & particuliere, ~~ne~~ ^{ne} reuont & retournent en la mesme Mer, apres auoir couru sur la terre en plusieurs & diuers lieux, ~~il y a~~ ^{il y a} la Mer, leur est ~~venue~~ ^{venue} & liêt destiné & ordonné ~~que~~ ^{que} les le Commencement de cest vniuers, ainsi que i'ay amplement prouué au chapitre quatorzieme de ce present discours: Mais il semble estre plus vray semblable que le grâd Dieu Eternel des le commencement du monde, ordonna aux eaux des fontaines, fleues, riuieres, & ruisseaux, de couler & passer à trauers plusieurs & diuerses Prouinces & Regions, des quatre parties de la terre vniuerselle, à fin qu'elles fussent vtiles & necessaires à l'homme, & aux animaux: ainsi que i'ay enseigné fort clairement aux chapitres 9. & 18. de ce present discours. Quand aux causes & effects des courantes des eaux dans la Mer: il est asses difficile de la rapporter à la verité, en ce qui concerne les courâtes lesquelles se font en pleine mer: mais en ces courantes qui aduiennent aux bords & riuages de la Mer, les Naigateurs modernes principalement

ceux qui ont veu ces grandes & estranges courantes d'eaux qui procedent de douze cens riuieres tant grandes que petites qui viennent se descharger en la Mer vers la Floride , la coste Mexicane, iusques à la poincte de Iucatan dicte des Arenes, en ont dict ce que s'ensuit ; Aucuns Personnages Sauvages tiennent, que les eaux venans en ce costé vers la part du Nord laquelle on estime la plus haute de la terre, & allans à val, causent ces efforts & furies des courantes, mesmement ou se font des goulphes, Mais ceste raison bien que elle aye quelque verissimilitude, si est-ce qu'elle ne touche point au but, veu que au goulphe d'Vrabe les courantes viennent plus de l'Est, que du Nord; s'ils ne vouloiét dire, que les eaux reflottaissent en cest endroit, & fussent, côme en roiant ainsi qu'on voit faire en ces tourbillons d'eaux. D'ailleurs, si l'on experimétez, assuret que cela procede des grands fleuves & riuieres qui entrét dans la Mer, lesquels amassans & entraïsnans les sablons & arenes, haussent le fonds d'icelle, & faisans bouillonner l'eau, sont cause des courantes. Mais cela, bié qu'il semble auoir quelque grande apparence de verité, ne veut estre sans debat & cōtrarieté; veu principalemét que s'il estoit vray, il faudroit que mesme chose eust lieu en tous les endroits des Mers, ou il se faict des Courantes. Qu'ainsi soit les modernes nauigateurs nous assurent, qu'en toutes les Mers qui tendent au midy, on y peut veoir entrer & se descharger vne infinité de fleuves, & riuieres tresgrandes & trespacieux, lesquels n'ont autre issue, que des destroicts, & toutefois ils ne sortent point, par iceux, ains semble que l'Ocean coure dedans,

& face sa volte à main droite vers la coste de Barbarie, & par icelle iusques en Alexandrie d'Egypte, qui est du Ponant au leuant, ou les courantes ne prennent point causes des fleuves, ains de l'Ocean qui tend au bas, suiuant la raison susdite. Aucuns reuenans tousiours à l'abondance des eaux des fleuves & riuieres, tiennent qu'en la coste par nous remarquée cy dessus, y a grande quantité de Crotelques & cauernes venteuses & pleines d'eaux, lesquelles entrans avec impetuosité dedans la Mer causent lescrites courantes, comme si elles vouloient tirer au midy, & puis sentans des empeschemens, prennent la volte du Leuant, mais que la cause de ce rouement, ~~de ce rouement~~, est le cours du Soleil lequel attire & emmenne ~~par~~ luy le cours de l'Ocean. Il y a quelques vns qui ont veu la Floride & les Regions circonuoisines ~~lesquelles~~ que ces eaux courans au Ponant, se sentans emprisonnees, par les estreccissemens des lieux, lesquels sont faicts à cause des Isles & montagnes, qui sont en la Mer, non guere loing des Costes de ces Regions, & estans à l'un des Caps du goulphe qui y est, reculent en arriere, comme pressées & contrainctes, & ne pouuans aller à leur liberté, pource tournent à l'entour, & causent avec les courantes vne grande difficulté aux nauires & vaisseaux qui y passent. Et à la verité on voit en cest endroit de Mer, ceste raison, estre veritable, & en touche on l'effect à la main. Car comment on est fort de ce goulphe, & qu'on a laissé les Isles Cube & Espagnolle & on prend sa route vers l'Est, quelques cinq lieues en pleine Mer, on est deliuré de telles violences. Que s'il nous faut dire nostre opinion, nous asseurerons qu'il est plus vray semblable
que

que les courantes se font , par les montagnes , Isles, & battures qui sont en la Mer , comme au goulphe cy dessus mentionné , lesquelles résistent & repoussent violemment les eaux qui les viennent à rencontrer en plaine Mer; & pour en faire preuve, nous remarquerons que les eaux qui s'engoulphent avec grande impetuosité à Romada, sur l'entree que font l'Euphrate & le Tigre, dans la Mer Persique & à Diu, où l'Indus rend son tribut à l'Ocean, & au goulphe de Bengala; où descend le Gange, font en ces endroits de grandes courantes bien avant dedans la Mer. Et peut on observer le mesme es grandes rivières du Peru, à sçavoir Maraignon , Orellane , Gaaiquil, & celle de Manicongre en Afrique, où la douce fait reculer celle de la Mer, & couramment qu'elle a descendue plus de quarante lieues en pleine mer, sans perdre sa douceur, & sçavoir que la Mer luy puisse oster sa force , & rompre son cours avec l'effort de ses flux & marées.

Des causes & effects de la source & inondations du Nil.

CHAP. XXIIII.



*G*ion, en langue Hebraïque , signifiant naissance procedant d'Orient , est le nom d'un des Chefs du fleuve qui arrousoit le Paradis terrestre , lequel chef, ou plustost fleuve, est celuy mesme, qui environne toute la terre d'Ethiopie: Genese chap. 2. autrement nommé en la mesme langue Hebraïque *Schichor*, par les Grecs, & Latins, *le Nil*, ainsi

que l'asseurent Epiphane *in ancorato* & en l'Epistre à Iean Hierosolimitain, saint Augustin, 8. du Genes. chap. 7. S. Ambroise au liure du Paradis chap. 3. S. Isidore liure 13. des Erym. chap. 21. saint Damascene liure 2. de la foy orthodoxe chap. 9. Iosephe liu. 1. des antiquitez Iudaiques chap. 1. S. Hierosime en son liu. des lieux Hebrieux, Rabbanus, Eucherius, Ruppertus & plusieurs autres en leurs Comment. sur le 2. chap. du Genes. cy dessus allegué. Les plus anciens Egyptiës, & Grecs le nômoient Ocean, Aigle, Siris, Triton, Astapus, & Astaboras: aucuns des Grecs, Geō, & les communs Grecs *Neilos*, les Latins *Nilum*, à cause d'un Roy du Pays d'Egypte appellé *Nileus*, ou bien *Nileus*, lequel l'escriit Seruius comme *Neanilyn*, en Grec, traînant un nouveau limon, & se desbordât tous les ans vne fois à la fin de l'année, pour arrouser le pays Egyptië, auquel il ne pleuyoit aucunement. Ce fleuve a plusieurs autres noms que les anciens ainsi que le remarque A. Ortelius en ses synonymes geographiques. De la source & course duquel ont escrit fort diuersement & incertainement Herodote liu. 2. de ses histoires, Diodore Sicule liure 1. chap. 2. 3. & 4. de sa Bibliotheque, Strabon liu. dernier de sa geograph. Æschyle en son Promethée, Pausanias en ses chorintiäques, Arist. liu. 1. des meteores, Lucain liu. 10. Lucrèce liu. 6. Seneque liu. 4. chap. 1. & 2. de ses questions naturelles, Pline liure 5. chap. 9. & 19. Solin chap. 35. Pomponius Mela liur. 1. chap. 9. & liure 3. chap. 10. Plutarque au traicté d'Isis & Osiris, & au liu. 4. des opinions des Philosophes, Ptolomee en ses œuvres, Hegesippe liure 2. & 4. Stofler en ses Commentaires sur la sphere de Procle chapitre du fleuve dependant d'Orion, George Venitien chap. 22. liure 7. tom. 7. de son harmonie. Philander en ses Commentaires

sur le chap. 2. du 8. liure de Marc Vitruuë, Pierre Valerian liure 46. de ses Hyeroglyphiques. D. Lambin en ses Cōment. sur Horace & Lucrece, & quelques autres de ce siecle, lesquels ont presque suiuy vn mesme sentier & route: ou contraire des modernes lesquels, après Dont Francisque Aluares ambassadeur pour le Roy, de Portugal vers le grand, *Padeschah Prestegiani*, cest à dire en langue Persane, Roy Apostolique, Empereur souuerain des Ethiopiens, tesmoign oculaire chap. 159. de ses voyages, ont asseuré qu'ice-luy fleuue appellé de present par les Arabes *Aloa-dexton* ou bahar Ennil, est vn des pl^r grâds & spacieux fleuue del'Ethyopie & Afrique, lequel à sa source, au delà du cercle Equinoctial, de deux grands & larges Lacs d'Ethiopie, ressemblas a des M^{rs} appellez Zembre ou Zaire & Zassa lesquels se cedēt de certaines montagnes appellees *Beth* autrement de la Lune pour leur merueilleux haulteur, ou *Beth Alfarach*, montagnes des Larrons, à cause des Larrons & bandouilliers qui y habitent, ou *Gebel Caph*, nō quasi general à toutes autres, icelles montagnes situees en l'Afrique meridionale, au grād Royaume de Goyame de la domination & subiectiō du grand Roy des Ethiopiens cy dessus nommé, & lequel fleuue passāt par le milieu d'Ethiopie, Nubie, & Egypte, se viēt en fin descharger par plusieurs bouches, vers le Septentrion, dans la Mer Mediterranee proche la ville de Damiette ainsi que deduisent H. Cardan liu. 21. de la subtilité, Iules Cæsar Scaliger exercitat. 47. & 48. cōtre Cardā de la subtilité, André Theuet liu. 2. chapitre 7. 8. & 9. de sa Cosmographie, François de Belleforest chap. 23. du 6. liure du second tome de sa Cosmographie, & B. Ramusio en son discours de

l'accroissement du Nil dedié à Fracastore avec la responce dudit Fracastore audit Ramusio. Et à fin qu'il ne semble q̄ nous oublions aucune chose nous aduertirons les Lecteurs, qu'il est escrit, dans les voyages & nauigations d'Aluise de Cadamoste, que les Mores du iourd'huy tiennent asseurement que le fleue Senega ou Niger en Afrique, est vn rameau de Gion fleue procedant du Paradis terrestre, & dans Dom Francisque Aluarez cy dessus allegué au chap. 135. de seldits voyages qu'au Royaume de Goyame ou ce fleue prend son origine, il est encor appellé par les Goyamiens *Gihon*, ce que confirme l'incertain Aucteur Italien qui a composé le sommaire de toutes les Regions, Citez, & peuples d'Orient. Pour deduire les causes & effects des inondations de ce fleue nous apprendrons que la terre d'Egypte est vne an du Nil, car toute sablonneuse de soy elle ne croist point par les inondations de ce fleue, qu'il luy charrie d'en haut, aussi n'est elle cultiuée sinon, autant que la croissance d'iceluy se peut estendre qui est enuiron. 300. Stades, faisans neuf ou dix lieues de costé & d'autre de ses bords. Le reste est en desert de sorte que anciēnemēt on n'appelloiēt Egypte sinō ce qui est depuis la ville de Syené iusques aux bouches du Nil, les Grecs l'ont nommé ainsi que *νέον ἰλᾶν*. pource qu'il charrie tousiours quelque nouueaulimon. Le Poëte Catulle a escrit que la Mer se colore de luy.

Sine qua septem geminus colorat

Aequora Nilus.

Ce qui auroit meū les anciens de luy faire des statues de marbre noir, ainsi que dit Pausanias en ses Arcadiques, à cause qu'il passe par l'Ethyopie, & en

vient; la où tous les autres fleuves les auoient de pierre blanche. Il y en a aussi quelques vns ainsi que dit le mesme Pausanias és Corinthiaques, qui ont pensé le Nil estre premierement l'Euphrate lequel estant humé de la terre, vient de nouueau à renaître en Ethyopie, mais mal à propos, car il faudroit qu'il passât par dessous la Mer rouge, ou l'Océan. Ce fleuve au reste est compté pour vne des merueilles du monde, tant pour plusieurs grâds secrets & mysteres que les anciens prestres & Sages d'Egypte luy attribuoient, que pour sa croissence & décroissence, qui n'a moins taillé de besongne aux bons Esprits que les flux & reflux de la Mer. Dequoy il y a plusieurs diuerses opinions, mais trois principales. Les autres, qui est la cause pour laquelle il auoit accoustumé de le rendre accoullé sur trois vrnes, ou couches antiques, les autres, qui n'en auoient qu'une seule. La premiere opinion, est, que on croyoit que le soufflement des vents Etesies, lesquels au mesme téps que ce fleuve veut croistre, commencent à regner forts & impetueux, de la partie de Septentrion, droict contre les bouches du Nil, & repoussent son eau contremont l'engardant de couler en la Mer comme de coustume. ainsi que dit le Poëte Lucrece.

*Aut quia sunt aestate Aquilones ostia contra,
Anni tempore eo, quo Etesia esse feruntur,
Et contra flusium flantes, remorantur, & undas
Cogentes rursus replent coguntque manere.
Nam dubio procui hac aduerso flabra feruntur
Flumine, quæ gelidis ab stellis axis aguntur.*

Les autres, & entre eux l'un des principaux Euthimenes, avec les Prestres Egyptiens, comme tesmoi-

gne Diodore, attribuet cea à l'Ocean, dont ils main-
tiennent que le Nil procede immediatement, pres
le mont Atlas ou il s'appelle Dyris, & de la s'estant
respandu en vn grand Lac nommé Heptabolos, s'es-
coulle derechef hors iceluy, en vn canal qui a le nom
de Niger, Puis quand il est paruenu iusques aux Ca-
taraetes & en l'Egypte, il prend celuy du Nil: Car la
Mer ce dient ils, s'enfle en ces quartiers là, és plus
chaux iours de l'année, & desgorge ceste inondation:
mais en tout cela il n'y a aucune apparence. Aussi
que les nauigations, voyages & descouuremens des
modernes, ont verifié le Niger estre vn fleuve à part,
& non le Nil, passant par le Royaume de Tombut,
& autres terres des Negres iusques à ce
qu'il se vray descharger dans l'Ocean Atlantique,
ainsi que l'a bien deduit I. Leon en sa description
d'Afrique. Ce qui a fait croire ces gens là,
à le croire ainsi, est que le Niger produit des Cro-
codilles & Hippopotames aussi bien que le Nil.
Dauantage qu'il est adueni autrefois que l'eau du
Nil s'est trouuee salee & amere comme dit Pline
au 31. liure, chap. 4. mais c'est par accident, & non
selon le cours ordinaire de la nature. La troisieme
opinion de ceste creëe plus certaine que les deux au-
tres, est fondee sur les grandes & assiduelles pluyes
qui se desbandent en la haute Ethyopie sur le com-
mencement de May, & ne s'en manifeste rien en
Egypte sinon vers la my Iuin: communément à la
nouuelle Lune apres le Solstice. De la l'eau va croif-
sant peu à peu tout le reste du moys, & plus fort en-
core en iceluy de Iuillet, iusques à ce qu'elle soit
finalement paruenue à la hauteur, à laquelle l'appel-
le la disposition de l'année. Et puis diminue par les

mesmes degrez , qu'elle s'est augmentée, iusques a estre du tout reduite comme au parauant à son canal accoustumé : Ce qui se faiët ordinairement dans le centieme iour. Et est ceste derniere opinion, embrassée par ledit Dom I. Aluarez cy dessus allegué lequel en sesdits voyages a escrit que tout le long de l'Esté il y a en Ethyopie d extremes pluyes, tellement qu'un iour en passant pays comme iceluy Aluarez & sa trouppes se fussent assis pour se reposer sur le haut du iour, le long d'un petit torrent presque a sec, ils ouirent vn bruit à guise de tonnerre venât de loing: Et la dessus apperceurent tout à l'instant couler le long du Canal, vne grosse furie d'eau de la hauteur d'une bonne lance, entraînant à val quant & les pierres & caillous, si qu'a grande violence ils le loisir de se destourner qu'ils ne fussent enuolopez & englobez de ceste grosse furie d'eau. Le grand I. Cæsar Scaliger *de institutione*. 47. cõtre Cardan tient que la cause pour laquelle ordinairement en la region d'Ethiopie il aduiet durant nostre solstice d'Esté, vne telle & si subite inondation d'eaux par les pluyes qui tombent du Ciel, doit estre referée & rapportée à vne celeste vertu, & singuliere puissance de quelque corps celeste qui domine sur icelle region, poursuiuant iceluy personnage que s'il aduiet en icelle region vne liquefaction de neiges au temps que la concretion des neiges cõmence à tomber sur la terre, on ne peut alleguer aucune autre raison de cela, que les pluyes qui tombent ordinairement en icelle. Vn certain Voyageur moderne en a parlé en ses voyages en ceste façon. Depuis les montagnes de Beth, & les Lacs Zembr

„ & Zafle, & autre Lacs que faict le Nil par' ses tor-
 „ rens iusques au grand Caire, sont quarante six de-
 „ grez ou enuiron, comptant dixsept lieues & demie
 „ pour degré, & n'est desormais saison de doubter
 „ de ces choses. Quant à la course d'iceluy c'est la
 „ plus longue qu'autre qui soit de la terre, s'esten-
 „ dant plus que d'un tropique à l'autre, & depuis qu'i
 „ celuy s'eslargit par la campagne sortant de ses
 „ grands lacs & fontaines, bien qu'il perde son droit
 „ fil, si est-ce qu'on treuve tousiours son courant ius-
 „ ques sous la ligne, & lors tournoyant & faisant
 „ des vireuoustes & circuits, il fait plusieurs Isles,
 „ puis passant le tropique de Cancer, il s'en va ius-
 „ ques au Caire, & de là va faire les sept bouches &
 „ Canaux par lesquels il se descharge dans la Mer
 „ Mediterranee. Et n'est aucunement vray ce qu'au-
 „ cuns ont dit que le fleuve se perd par dessous terre
 „ quelque espace de temps, car il est trescertain par
 „ ce que i'ay dit cy dessus que ce cours est euident
 „ qui ne manque depuis les sources iusques à l'Isle
 „ de Meroué, & d'icelle on voit ce fleuve aller si
 „ droit & avec telle grandeur qu'il n'est aucun qui
 „ ostant dire, que depuis là il se perde en sorte quel-
 „ cunque: Que si nous reuenons à l'autre costé qui
 „ est depuis lesdits Monts de Beth iusques à Meroé,
 „ encor y a il de l'impossibilité, eu esgard à la natu-
 „ re bruyante & impetueuse, & aussi à la largeur de
 „ ce fleuve, lequel ne pourroit si longuement se con-
 „ tenir sous terre, sans causer des abismes, & sans en-
 „ gloutir beaucoup de terres, ou que faisant creuasser
 „ la terre les vents ne s'y enfermassent, & ainsi rui-
 „ nassent plusieurs contreés par tremblemens de
 „ terre, auquel les pays chauts sont fort subiects. Or

cela aduenant les lieux cauerneux & grotesques se,,
rompās par les exhalatiōs de ces vents rentermez,,
viendroient à empescher le cours soubsterrain de,,
ce fleue, D'auantage que deuiendroit tant de bois,,
& gros arbres, que l'impetuosité de ce fleue des,,
racine, & en sert ceux du pays, qui sont sans boys,,
& chauffage? & toutefois ce bois, & les grāds ioncs,,
marins, plus gros & longs que des picques ou lan,,
ces, il faut qu'ils passent par le pays mesme, ou les,,
susnommez veulent que le Nil se perde en terre.,
Reste à voir & entendre à la verité, d'ou procede,,
qu'au temps que les autres fleues & riuieres di,,
minuent, à sçauoir au solstice d'Esté, le Soleil ayant,,
ses plus grandes ardeurs, le Nil accroist alors ses,,
eaux & se desborde de telle sorte qu'il couure un beau,,
coup de pays: Il y en a eu quelques v. qui ont esté,,
d'aduis que ces vents ardemens ne venoyent de ce,,
que soufflans les vents du Nord, le cours du,,
Nil estoit repoussé en haut, & qu'ainsi se pensant,,
engoulpher dans la Mer, ces vents faisoient enfler,,
les ondes du fleue: de sorte qu'estant le pays d'E,,
gypte bas & en planure, l'eau s'espandoit facile,,
ment, & arrousoit le pays voisin. Mais quoy que,,
ceste raison aye quelque verisimilitude, si est-ce,,
qu'elle n'est point assurée, veu qu'il n'est riuere,,
s'embouchant dans la Mer, qui ne peult auoir mes,,
me force & effect en tout autre Pays, qu'à le Nil en,,
Egypte; De dire que ce sont les neiges qui se fon,,
dent en Ethyopie, lesquelles causent tout cecy ie,,
ny voy aucune raison, veu que s'il y a des neiges,,
lesquelles, comme i'ay obserué ne peuuent estre,,
fondues que par la pluye qui y est coustumiere, si,,
est-ce que le degel se feroit lors que le Soleil entre,,

„ au Taureau, qui est l'Equinoxe, & la force de l'e-
 „ sté en ce pays là: & lors que le Nil desborde cest le
 „ cōmencement de l'hyuer, à sçauoir au solstice que
 „ nous appellons d'Esté. Que si la chose fut proce-
 „ dée, & encor procedoit des vents occidentaux &
 „ septentrionaux, empeschans le Nil d'entrer en la
 „ Mer, les Anciens qui ont esté si curieux, n'eussent
 „ demeuré si long temps à sçauoir les causes naturel-
 „ les de telle inondation; veu que euidentement on
 „ verroit les ondes de la Mer se dresser & opposer
 „ contre celles du Nil, & encor apperceuroit on le
 „ montant des eaux vers iceluy, par la force du vent,
 „ plustost que le veoir venir à force de raiues, fort
 „ bruyant & impetueux. Et ni fait rien que ces vents
 „ ont tant de Cours à souffler sur terre, comme le
 „ Nil met tant de temps à sçauoir. 40. iours veu que ce
 „ n'est en meisme temps; & qu'il n'est comme i'ay dit,
 „ l'enfleure du Nil, & non de la force
 „ des vents soient occidentaux ou septentrionaux.
 „ Au reste si c'estoit le vent qui causait cecy, faisant
 „ retrograder le cours du Nil par sa force vehemēte,
 „ l'on ne verroit point l'eau d'iceluy trouble & es-
 „ paissie cōme l'on fait, veu que le vēt n'esmeut ni les
 „ sablons, ni le limon, seulement s'enferme & enue-
 „ loppe dans les ondes. Ce que donc vous voyez le
 „ Nil tout limoneux & trouble, aduient ou pour la
 „ descēte d'autres riuieres ou ruisseaux, ou pour quel-
 „ que grāde & impetueuse pluye & tēpeste lauāt les
 „ terres d'Ethiopie, & s'estendāt puis apres le cours
 „ de ce fleue par la regiō d'Egypte iusques a la Mer
 „ mediterrannée. Par ainsi il s'ensuit qu'a la verité ni
 „ les vents, ni les neiges ne causent ce desbordemēt,
 „ ains que ce sont les pluies excessiues lesquelles
 „ troublēt ce fleue, & font qu'en telle saison il se

desborde avec si grãde impetuosité. Mais pour es-
clarcir le tout, est a s'enquerir d'ou c'est que telles
pluyes se peuuēt engēdrer en vn pays si chaud, qu'est
l'Ethiopie & Egypte, veu q̃ les nuees & vapeurs ne
peuuēt naturellemēt cōsister là, si ce n'est aux mō-
tagnes treshautes, ains faut que cesoiēt les vêts qui
les y portēt, ainsi que nous voyōs aduenir par deça
au tēps d'Esté. Ce qu'estât vray, encor les pluyes ne
seroiēt si grãdes, ne de telle durée qu'elles puissent
causer vne telle inondatiō en ceste saison eu esgard
à l'aissiēre & nature des regiōs. En vne chose ie suis
d'accord, à sçauoir q̃ cecy procede des grãdes pluies.
Mais cōme ces pluies sōt causes, c'est icy qu'il faut
discourir de plus loing, & avec raisons naturelles
s'arrester à la mesme experiēce qu'ē ont les fleuues
qui ont veu (cōme moy) de quelle facon le fleuue se
gouuerne, cōme il croist & decroit, & de quel moie
les pluyes durēt si long-temps, & puis ie viēdray au
païs ou il est vni, & fait vn seul courāt à sçauoir au
bout de l'Isle de Meroë. A ceste cause ie dis que le
Nil prend son accroissemēt, nō seulemēt du Midy,
d'où il ressource, ains encor du desbord qui se fait
des fleuues & riuieres de la haute Mauritanie, qui
s'embouchēt en icelui apres les grãdes pluyes qui
tōbent en tout ce pays là depuis que le Soleil entre
en Gemini. Car le Soleil approchant du Tropique
de Cancer donne lieu aux pluyes meridionales, &
par mesme moyē cause en la Mauritanie & Numi-
die, que les neiges qui sōt sur les hautes mōtagnes,
se fondent, & courās ces riuieres par leurs fleuues,
viennēt en fin s'engoulpher dans le Nil, auant qu'il
entre en Egypte. Ainsi d'vn costé les pluyes s'espā-
dās par l'Ethiopie, & les neiges se fondās de l'autre
costé de l'Afrique, le tout courāt par les deserts de,

„ l'un & l'autre pays, ne faut s'esbayer : si le Nil s'en-
 „ grossit de telle sorte que ie l'ay veu, qu'il suffit pour
 „ engraisser beaucoup de pays : Et si les eaux com-
 „ mencent à croistre peu à peu, à cause que le Soleil
 „ estant esloigné des Ethyopiens, les pluyes se font
 „ grandes en leur pays d'Ethyopie, loingtain d'Egy-
 „ pte, & proche des Mores, qui cause la fonte & li-
 „ quefaction des neiges, lesquelles viennent avec ve-
 „ hement se ruer par la campagne des deserts & en-
 „ fin gaigner le Nil. Mais l'on me dira, d'ou viét que
 „ ces pluyes qui tombent en Ethyopie le Soleil estât
 „ en Gemini, ne se cognoissent aussi tost en Egypte:
 „ veu que le Nil ny donne signe d'aucun accroisse-
 „ ment, iusques à ce que le Soleil entre au signe de
 „ Cancer, & qu'il est en sa grande force & desborde-
 „ ment, le Soleil estant en Leo, & commence à di-
 „ minuer, le Soleil entrant en la Vierge, le dy à ce-
 „ cy que iacoit que l'Hyuer des Ethyopiens com-
 „ mence lors de nostre Printemps, si est-ce que le
 „ cours du fleuue estant si long, & y ayât tant d'em-
 „ peschemens qui le retardēt, il ne se peut faire, que
 „ tout soudain les Egyptiens se ressentent de ceste
 „ abondance d'Eaux sur le solstice d'Esté, dont ils
 „ commencent à s'appercevoir du desbord : mais
 „ que quand le Soleil entre en Leo, alors elles cou-
 „ rent de toutes parts, & est la grande abondance:
 „ & entrant au signe de la Vierge, elles décroissent, à
 „ cause qu'il commence à decliner, & se tourne vers
 „ son Equateur, faisant l'Esté en Ethyopie & vers la
 „ Plage meridionale, laquelle est assise dans le Tro-
 „ pique de Capricorne, recommençant à hasler les-
 „ dits Ethyopiens, & a desseicher la matiere qui cau-
 „ soit les pluyes en ses contreés. Ainsi suiuant la sen-

tence mesme de ceux qui ont esté en Ethvopie bié,,
auant, aussi bien que moy, la cause principale de,,
l'accroissement & desbordement du Nil, faut que,,
soit rapportée aux pluyes & orages, & a l'opposi-,,
tió des saisons de l'année, lesquelles ceux d'Ethyo-,,
pie ont toutes differentes aux nostres: veu que lors,,
que nous auons l'Esté, sous le cercle du solstice,,
ils ont l'Hyuer, estant perpendiculairement sous le,,
cercle du froid. Mais il faut veoir, cōme il est pos-,,
sible que les pluyes soient là si grandes & conti-,,
nues, & qu'en vne region si seiche & aride de soy,,
se puisse treuver matiere asses abōdāte de vapeurs,,
eux ayant le Soleil si voisin & directemēt lançant,,
ses ardeurs sur leur teste A quoy facilement se d-,,
ne responce, qu'en l'Ethyopie és lieux où les va-,,
peurs s'esleuent, la matiere n'y defaut. L'unemēt,,
ains qui plus est, pour la prendre pour l'autre,,
croissans les chaleurs par l'attraction que faict le,,
Soleil desdites vapeurs de la terre: de sorte que ce-,,
ste matiere s'accumulant és lieux froids, comme,,
fleuves & montagnes, en fin le Soleil les attire &,,
esleue, qui est la cause des grandes pluyes qui ad-,,
uiennent en ce pays là. Et se faict mesmement ce-,,
cy és lieux, esquels est telle reflexion du Soleil, sur,,
tout aux regions montueuses, d'autant que la se-,,
treuve asses de froidures: d'ou aduient que les va-,,
peurs ne sont dissoutes si tost, ains s'vnissent & re-,,
froidissent, se conuertissans en la nature de l'eau:,,
cest auant chose notoire, que le soleil estant en son,,
Equateur cause à ceux qui sont dessous par son at-,,
traction, de tres grandes pluyes, ainsi que l'ay expe-,,
rimenté courant fortune par les Regions qui sont,,
sous la ligne, là ou l'hyuer se passe tout en telles,,

„ tempestes orages , & rauines d'eaux impetueuses.
 „ le conclud donc , que le Soleil , esta t en Gemini,
 „ c'est lors que la matiere est disposée pour les pluies
 „ prochaines:& entrant au Cancer, cette attraction
 „ taicte desia s'effectue , sans qu'elles soient absor-
 „ beés de la terre , ains se precipitent tellement les
 „ eaux dâs les fleuues,& riuieres , que le Nil engrof-
 „ si d'icelles,arrouse, & s'espend par les regions qui
 „ luy sont voisines.

*D'aucuns autres Fleuues ou riuieres lesquels croissent
 & décroissent ainsi que le Nil inco-
 gneus des anciens.*

CHAP. XXV.



E mesme voyageur moderne, duquel j'ay
 rapporté cy dessus de mot à mot les de-
 ductions touchant les causes & effects
 des source & inondations du Nil , a en-
 cor pouruiuy en ses mesmes voyages ce que s'en-
 „ suit. Il me faut maintenant discourir de plusieurs
 „ fleuues lesquels ont pareils effects que le Nil , &
 „ qui croissent & diminuent pour mesmes occa-
 „ sions & toutefois ne participent rien de luy , ny
 „ de sa source , & n'en approchent en sorte aucune:
 „ ne me souciant point de ce qu'Aristote ou autres
 „ pourroient icy dire du contraire , ayant la verité
 „ & experience de mon costé , ce qu'ils n'ont peu
 „ auoir. Pource ie dy qu'aucuns ont estimé , que les
 „ fleuues de Manicongre & de Senega venoient de la
 „ mesme source du Nil comme j'ay dit par cy de-

uant : ce qui est autant eslongné de la verité, cōme
 sont ces fleuves l'un de l'autre : & que si on consi-
 dere leur accroissement & décroissement, on verra
 qu'il est tout different à celuy du Nil, lequel se faict
 durāt le solstice d'Esté: là ou cestuy-cy aduient lors
 que le Soleil passe de l'Equateur au Tropique de
 Capricorne: car cest lors que ces montagnes plei-
 nes de neiges & de vapeurs sentans les chaleurs
 causees de la proximité du Soleil passant d'un tro-
 pique à l'autre les torrens se desbordent avec telle
 & si grande impetuosité, que l'on iuge oit, que le
 monde deust abismer, & que les bouches de toutes
 les riuieres fussent là assemblees pour lauer & ra-
 uager la terre vniuerselle, cōme du temps du delu-
 lige aduenü du tēps de Noé. Mais le Soleil ayant
 passé onze ou douze degrez plus outr, les eaux de
 Senega commencent à baisser & à se couir, ren-
 dant le pays apte pour le labourage, fertile, & abon-
 dant, tout ainsi qu'en l'Egypte faict le Nil, à cause
 des inondations, que telles riuieres desbordees ap-
 portent, qui seruent de graisse à aucunes terres, ou
 au contraire il aduient souuēt, que les ruines sont
 si excessiues, qu'en lieu de profiter aux champs,
 elles emportent ce qui y est bon, y laissant vn sa-
 blon sec & sterile, le malheur d'un pays seruant
 par ce moyen de bien & aduancement à l'autre. Or
 ces fleuves ne sont pas seuls qui ont telle force &
 vertu, veu que la grāde riuere d'Euphrate qui ar-
 rouse l'ancienne ville bastie par Semirame, iadis
 Babylone Assyriene, & maintenant Bagadath, a
 tout tel accroissement & décroissement que le Nil:
 & partie en trois canaux tous nauigables, s'españt
 par la terre voisine, l'arrouse & engraille de sorte

„ qu'il n'y a fumier ne amandement si proffitable
 „ aux champs, que l'inondation qu'elle faict, nō tou-
 „ tefois qu'elle s'espande avec telle inōdation d'eaux
 „ & qu'elle demeure si longuement sur la terre, cō-
 „ me l'autre, l'Euphrate donc engraisse la Mesopo-
 „ tamie par son annuel desbordement, s'escoulant
 „ sur les terres, & ainsi rendant fertils les champs du
 „ pays: ce qui aduient presque en mesme temps que
 „ celui du Nil, à sçauoir le Soleil estant au 10. degré
 „ de Cancer & diminue lors qu'ayant passé par le
 „ Lyon, il entre au signe de la Vierge. D'où s'ensuit,
 „ que ces deux fleuues sont p^{re}sez touz mesme radia-
 „ tion perpendiculaire iacoit qu'ils sourdent en pla-
 „ nes & regions diuerses ayans mesmes causes de
 „ leurs vrayssimens & decroissimens. Il se voit en
 „ oultre vne riuere dictée des Barbares *Infantah* au
 „ royaume de *Cumia*, tirant ~~de~~ le Midy, venant
 „ s'engoulpher en mer au ~~cap~~ de bonne esperance
 „ laquelle a pareille creuē & retraicte que la susdi-
 „ cte, non en force, & pense que c'est faute, que la
 „ terre de soy est sterile, & pleine de sablons blancs,
 „ & areines fort seiches. Les montagnes de *Cumia*
 „ d'ou elle sort sont appellees en langue Ethyopien-
 „ ne, *Zeflin Cacouf*, qui est à dire *Monts infertils*, si-
 „ tues au Royaume de *Zimbrachin*, de la part de l'Est.
 „ Ce pays porte le nom d'une ville, laquelle fut iadis
 „ fort grande & populeuse: mais ayant esté destrui-
 „ cte par le Roy de Botongas, ne s'est peu oncques
 „ redresser: & est tout le pays desert, & presque sans
 „ habitation. En ceste riuere se faict vn grand Lac
 „ large de 87. lieues, & long de 105. le riuage duquel
 „ regarde vers le Leuant, & se nomme *Zelbodin*. En ce
 „ Lac & riuere se treuuent force poissons mon-
 „ strueux,

strueux, comme aussi par toute la contrée. Le fleu-
ue s'en va vers le Sud se rendre dās la Mer, par trois
bouches situées entre le promontoire des Aiguil-
les, & la rivière des fumées qui luy est distante de
sept degrez. Je serois trop long, si ie voulois m'a-
muser à vous descrire toutes les rivières, qui se des-
bordent, & puis diminuent, apres auoir arrousé les
pays bien auant en plaineure par l'Afrique ; & par
ainsi ie passeray en Asie, ou il y en a quātité, faisant
pareils desbords, bien que ce ne soit en mesme sai-
son que le Nil, ou le fleuve de Manicōgre. En pre-
mier lieu le grand fleuve de Tacalize, qui arrouse
plusieurs pays & Prouinces de la grande Asie, a
mesme naturel que les susdictes : & est aux Indes
Orientales, procedant d'une montagne portant
mesme nom: cōbien qu'il change fort souuēt d'ap-
pellation, les vns le nomment *Radaphal*, à cause
d'une ville & royaume par où il passe, ainsi appel-
lez: d'autres *Guzare* & *Canabage*: lequel se rend en la
Mer Indique par six bouches, la principale des-
quelles s'appelle Tacalise retenant le nom premier
du fleuve, & m'ont asseuré les Indiens, qu'il n'y a ri-
viere plus pleine de monstres, que celle là. Quand
à icelle, les Barbares obseruent le temps qu'elle se
retire, & lors ils prennent des poissons fort grands
& monstrueux, desquels ils se nourrissent & trafic-
quent avec leurs voisins. Mais que diray-ie de ces
belles rivières, qui sont en ce large & spacieux con-
tinent & terre ferme, allant presque d'un pôle à
l'autre: il n'est aucun qui me puisse nier, qu'en ce
demy monde, ne se voyent les plus beaux fleuves
qui soient sous le Ciel, & desquels les anciens n'eus-
sent oncques cognoissance, tant pource que le

„ pays n'estoit encores descouuert, n'osans les hom-
 „ mes se hazarder à faire si longues nauigations,
 „ qu'aussi les plus sçauans persuadez par les astro-
 „ nomes, estimoient le reste du monde estre inhabi-
 „ table. Je puis bien assurer les Lecteurs, qu'en ce-
 „ ste terre se treuve telle riuiera, ayant plus de soi-
 „ xante lieues de large. Et qu'il soit ainsi, ceux qui
 „ ont veu celle de Plate m'en feront tesmoignage:
 „ laquelle est nommée des sauages du Pays ou i'ay
 „ esté, *Paranagacu*, qui vaut autant à dire, comme
 „ grand fleuve : les Geants tirans plus bas vers le
 „ Pole luy donnent le nom de *Semidah*, comme s'ils
 „ vouloient dire bras de Mer, & a vingt-cinq lieues
 „ d'embouchure, faisant plusieurs Isles & Illestes
 „ bien auant, & pleine riuiera. Elle a trentedeux de-
 „ grez trois quarts, & gist sa course au sud est, & au
 „ sud iusques au Nord. Sa source vient
 „ de certaines montagnes, chargées en tout temps
 „ de neiges, posées entre son embouchure, & le
 „ Tropique de Capricorne, ou i'ay demeuré, & croist
 „ & décroist comme les dessusdits, lors que le Soleil
 „ approche dudit Tropique. Ces montagnes sont
 „ nommées par les Sauages *Carcas* & *Pingua*. La
 „ riuiera se diuise en deux, l'un des bras se nomme
 „ *Paragua*, & l'autre *Parama*. Il y a encor celle, que
 „ l'on dit des negres, à cause que le peuple de ce pays
 „ est plus bazané & noirastre, que les autres circon-
 „ uoifins, ou le Soleil à son tropique, & conuersion
 „ qui est en Decébre. Lors que nous auons les plus
 „ courts iours, c'est à eux les plus longs de l'année, voi-
 „ re à tous ceux qui sont de la part du Pole Antar-
 „ tique, qui est du costé de midy. Car il faut noter,
 „ que le Soleil est six mois du costé du Nord, puis

tourne autre six, de la part du Su, faisant sa reuolu-
tion & cours annuel, lors qu'il enuironne le cer-
cle du Zodiaque. Dieu sçait lors que les neiges,
commencent à fondre ces montagnes, d'ou ceste
ruiere procede, comment elle s'espād par la cam-
paigne: & certes ny le Nil, ny Senega ny font rien.
Il est bien vray, que la Mer à son flux & reflux en-
uiron vingt cinq lieuës au dedans, comment ont les
autres goulphes proches de l'Ocean. Je n'aurois
iamais faict si ie voulois deduire ce que faict la ri-
uiere de Maraguon, descouuerte l'an 1512. & celle
d'Orellame, qu'aucuns estiment estre la mesme: en
quoy toutefois ils s'abusent, veu qu'Orellame est
fort distante du cours de l'autre, elle ay^{26.}
degrez de longitude, & cinq minute^{17.} degrez,
deux minutes ^{de} latitude, & celle de Maraguon,
327. degrez minute ^{de} latitude, & quatre
degrez minute nulle de latitude: argument assez
suffisant pour prouuer la distance de l'un à l'autre.
I'obmettray celle des basses, des deux bouches, &
le grand fleuue dict Panuque, la grandeur & lar-
geur desquelles est admirable, & toutefois il ny en
a pas vne telle, qui n'aye cours & decours tout
semblable à celuy du Nil vne fois l'an, & selon que
le Soleil est approché ou reculé des regions, ou el-
les courent.

*Des Viciſſitudes & mutations de la Terre, en mer, &
de la Mer en Terre, & autres choſes fai-
ſans à ce propos.*

CHAP. XXVI.



LE grand Aristote liure premier chap. 14. des meteores, & quelques Philosophes apres luy ont tenu que tout ainsi que les Arbres, plantes, herbes, animaux & autres choses viuantes qui sont sous le Ciel prennent leur premier estre naturel, & la cause de leur accroissement, & grandeur, dureté, & fin du Soleil & des corps celestes, ainsi qu'il est lors qu'ils sont naiz, qu'ils commencent à estre, puis apres à venir à vn accroissement & fin: Pareillement & par mesme raison les parties de la Terre recoiuent vne grande & differente vertu & puissance: De faict icelles commencent à estre dès leur commencement humides, & demeurent quelque temps remplies de douces eaux, ce qui est leur perfection, puis en fin deuiennent du tout seiches & arides, ce qui est leur vieillesse. Et poursuiuent les susnommez Philosophes, que la terre continente est quelquefois faicte & rendue Mer, & au contraire que quelquefois aussi la Mer est faicte & rendue terre continente, & qu'estant tres-certain que les cours & mouuemens de la Mer dependent de la force & puissance des corps celestes, aduenant qu'ils estant en conionction humide apte & propre pour esmouuoir des agitations & tempestes de flots & d'eaux en icelle, il aduient alors que la Mer est

faiſte & rendue telle, qu'elle occupe en vn temps vne partie du continent de la terre, puis en vn autre le laiſſe & l'abandonne du tout; & que les Iſles de Dele & de Rhodes ont eſté au temps iadis toutes couuertes d'eaux de la Mer, enſemble l'Iſle Anape, ou Namphio, vers Crete, entre Lemnos & l'Helleſpont l'Iſle Nio, entre Lebedos & Theon, l'Iſle Alo-ne, & entre les Cyclades, Thera, Therafia, & Hiera. Et que par meſme cauſe il y a eu de la terre continēte qui a eſté faiſte & rendue Iſle, comme la Sicile, laquelle a eſté ſeparee de l'Italie, la Cypre de la Syrie, l'Oeuber ou Negrepont de la Bertie, & l'Iſle anciennement appelee Beſbycus à preſent Calonie de la Bythinie ou Burſe, & ainſi quelques autres Iſles, & que la meſme Mer a adiouſté au continent de la terre ferme quelques autres, comme à Methelin, Antinay, Halicarnaffe, & Chirius: à Munde, Ethuſe, à Milet, & Perue; & au Promontoire Parthenius. Narthecufe; Et qui plus eſt que la Mer, comme ſi elle vouloit rendre la pareille, en oſtant d'un coſté ce qu'elle a autrefois donné à vn autre, & rendant puis apres à vn autre coſté ce qu'elle auoit rauy & emporté au parauant d'un autre, à autrefois engloutty dans ſes ondes quelques villes comme Pyrrhe, Antiffe, Elice Bure & quelques autres. A ce propos Strabo liure 14. de ſa Geographie, a dit ce que ſ'enſuit. *Quoniam circa Mundi, medium ſolidiſſimum, dentiſſimumque eſt terra, quam circundat aqua. non totam quidē ſed tanta extat terra portio, quantā hominum generi, ceteriſque animalibus ac ſtirpibus, ad vitæ ſalutem videtur neceſſaria, Sed quoniam omnia continuè mouentur & tranſmutantur (aliter enim talia, ac tanta recte adminiſtrari non poſſent) exiſtimandum eſt,*

„ nec terram semper ita permanere , vt semper tanta sit
 „ nec quicquam sibi addatur aut adimatur , sed nec aquam:
 „ nec eandem sedem ab ipsis obtineri , præsertim cum trans-
 „ mutationi & cognata sit & naturalis. Quin immo terræ
 „ multum in aquam conuertitur & aquæ multum , in ter-
 „ ram transmutatur. Et quemadmodum in terra hæ diffe-
 „ rentiæ inueniuntur vt alia est fragilis , alia solida , &
 „ petrosa & ferrea & sic deinceps. Eodem modo in humi-
 „ da essentia. Nam alia est salsa , alia dulcis , alia potulen-
 „ ta , alia salubris & medicam vim habet alia perniciosa ,
 „ & frigida , & callida. Quare minimè mirandum est si
 „ quas terræ partes quæ nunc habitantur , olim mare occu-
 „ pabat. Et quæ nunc Pelagus sunt prius habitabantur.
 „ Et quemadmodum de fontibus alios deficere contigit , alios
 „ velantem & flumina & lacus , sic montes & cam-
 „ pos par est incommutari. Voila que dict ce per-
 „ sonnage de la question cy dessus. A si uant ice-
 „ luy mesme en la question de rapporter plu-
 „ sieurs exemples d'icelle, ce que fait Pline aussi liure
 „ deuxieme de son histoire vniuerselle lesquels ie pas-
 „ seré pour le present sous silence à fin de esuiter pro-
 „ lixité me contentant d'amener seulement en ieu
 „ ce que le gentil Poëte Ouide en a laissé par escrit au
 „ 15. de la metamorphose , sous l'auctorité de Py-
 „ thagore.

*Vidi ego quod fuerat quondam solidissima terra,
 Esse fretum, vidi factas ex equore terras:
 Et procul a pelago conchæ iacuerè marinæ,
 Et vetus inuenta est in montibus anchora summis,
 Quodque fuit Campus, vallem denosus aquarum,
 Fecit, & cluuiè mons est deductus in aquor,
 Et quæ paludosa siccis humus aret arenis,*

*Quæque sitim tulerant, stagnata paludibus humum.
Fluctibus ambita fuerant, Antissa, Pharosque:
Et phœnissa Tyros, quarum nunc insula nulla est.*

Et qui est chose plus esmerueillable il y a eu quelques anciens Aucteurs qui ont creu toute la Mer Mediterranée estre procedée de l'Ocean, qui s'est coullé & espandu par le destroit de Gilbraltar dans le continent des terres de l'Afrique & Europe, lequel elle occupe a present. Les mesmes personages cy dessus alleguez, ont tenu qu'il est tresasseuré que la Mer a accoustumé de couvrir de ses eaux durant quelque temps, quelques endroicts de la terre, & puis apres qu'elle les laisse à sec & descouverts, & qu'il est indubitable en la nature, que les grandes rivières de la terre qui sont a present couverte par les eaux de la Mer se font en quelque jour ou tout secs & descouverts d'eau. Les mesmes personages veulent preuver par l'Egypte laquelle, ainsi qu'ils disent, fut en vn certain temps toute couverte des eaux du Nil, puis en vn autre, fut toute descouverte des eaux de ce fleuve. Ce que le grand Poëte Homere a tesmoigné en ses œuvres disant qu'autre fois ou est l'Egypte Thebes auoit esté, & que en ces temps là Nemphis n'estoit point. Et qu'une telle & certaine vicissitude & mutation de choses aduint en Hella de region des Argiviens, & a Micene region de Peloponese au temps de la Guerre de Troye: Car icelle region Hellade estoit lors toute marescageuse, & si sterile qu'elle ne pouvoit nourrir & alimenter ses habitans, au contraire de Micene, laquelle estoit lors fertile & temperee, Mais que en son temps Micene estoit toute maresca

geuse, & Hellade du tout fertile & temperée. Mais si on demande comment est ce que les causes de ces choses ne sont visiblement cogneues & remarquées des hommes? on peut respondre que ces choses aduenans dedans plusieurs longs siecles & centaines d'annees, & la vie des hommes estant fort briefue & peu durable, & laquelle est le plus souuēt alteree & diminuée par les famines les guerres, les pestes, & autres infirmitiez & maladies mondaines, ce n'est de merueille si icelles choses ne peuvent visiblement estre cogneues & remarquées par iceux hommes. Voire il aduiet le plus souuēt qu'iceux hommes soit à cause de la sterilité de leurs terres, & à cause de la grande multitude de leurs semblables passant & vont de pays en pays, & de regions en regions auant qu'ils s'arrestans au premiers pays ou Regions esquelz ils arriuent, & les autres tirans tousiours plus auant: ce qui fait que ceux qui sont aux pays ou Regions ou ces choses aduiennent, ne peuvent viure iusque au temps que telles vicissitudes & mutations cy dessus par nous deduiçtes soient faictes par les loix de nature. Et ceux que leurs propres pays & regions ne peuvent retenir, se transportent communement en d'autres pays & regions, esquelles le plus souuent ils perissent & finissent par les guerres & par les diuisions qui se sement entre eux: ce qui fait que la memoire de telles vicissitudes & mutations s'esuanouit & se perd à la longueur des temps & des ans, quoy que ce soit ne peut paruenir iusques à la cognoissance de la posterité: que si iceux hommes en retiennent entre eux quelque temps aucune souuenance, en fin l'antiquité d'icelle peu à peu l'efface & la pert aux ans qui suivent par apres. Ce


qui a meu certains tres-grands & sçauans personnages de dire autrefois, que le Monde se regeneroit de nouveau, & que ceste regeneration d'iceluy, estoit cause de telles vicissitudes & mutations: mais cela n'est pas, parce qu'il est tres-certain & asseuré que telles vicissitudes & mutations, ne sont que des parties du monde, & non du total d'iceluy: Car la terre vniuerselle à l'entour des parties de laquelle telles choses aduiennent & sont faictes, estant rapportee & comparée au Monde, n'est qu'un tres-petit poinct ou plustost cōme vne chose indiuisible: C'est pourquoy vn grand personnage de ce temps a dit ce que s'ensuit. Il ny a rien perpetuel en la terre, quelque-
fois la Mer, ou autre eau enclose dedans, sort & se retire. Les riuieres & fontaines tarissent, & en four-
dent ailleurs de nouvelles. Aucunes contrées sont
muees en estangs & maraiz, les autres en deserts, sablonneux, les autres en boys, puis defrichées & laboureées, deuenans fertilles de sterilles, & au contraire de fertilles sterilles. Les montagnes s'applanissent, les plaines s'esleuent: aucuns lieux sont englouttis par tréblemēs, ou bruslez par les ardeurs. Quand elle est longuement cultiuée, elle se lasse, puis par repos & engressement, reprend vigueur. Elle vieillit en long espace de temps, sinon au total, au moins en ses parties, puis se renouuelle & reieunnit. Nous voyons par chacun an comment à la Primevere & l'Esté, elle arrousee de menues pluyes esmeues par doux vents, & moderément, eschauffee de terre les semences de toutes choses, qu'elle auoit encloses, & pousse les vnes en herbes chaumes & espics: les autres en tiges & goul-

„see les autres en boutons, les autres en ceps ten-
 „dres les arbres iettent bourgeons, fleurs, feuilles,
 „& fruiçts, les forests & bocages reuerdissent, ni-
 „chantés brâches & rameaux les oyseaux espoints
 „du desir d'engendrer qui desgoisent à l'escart leurs
 „chants melodieux, les poissons frayent, & les au-
 „tres bestes par les herbages bondissent à grands
 „sauts enflammez d'amour: Bref, tout naist, tout
 „croist, tout embellist, tout fleurit & fructifie, tout
 „est renouuellé au contraire l'Automne & l'Hyuer
 „retournant tout est plein d'horreur & de tristesse,
 „de froidures, pluyes, fanges, marées, bouillons, nei-
 „ges, gelées, glaces, frimats, brouillards, nuicts lon-
 „gues & obscurité presque perpetuelle. Nous la
 „trauaillons iour & nuict, plus pour satisfaire à nos
 „plaisirs qu'à nos aliments. Et neantmoins semble-
 „roit tollerable, si elle enduroit si peu de mal, si elle
 „sine la fouillons si auant, en cherchant en ses entrail-
 „les or, argent, airain, cuiure, plomb, estain, fer,
 „pierres a bastir & precieuses. Et n'est seulement
 „trauaillée par les hommes, mais semblent que
 „les trois autres elemens ayent conspiré la ruine
 „d'elle seule, sans parler du Ciel mesme, qui par
 „son intemperie en a beaucoup retranché. Ne de-
 „uoit il pas suffire à la Mer, de la circuir, & en auoir
 „couuett vne partie, sans s'estendre dedans en tant
 „de goulphes peu distans les vns des autres, rom-
 „pant montagnes, & faisant çà & là ouuertures
 „violentes, comme si elle vouloit s'espandre par
 „tout. Puis tant de fleuues, tant de lacs, tant de ma-
 „rais, tant de riuieres, tant d'estangs qui sont par-
 „my elle, tant de sources & ruisseaux, tant de tor-
 „rens soudains & impetueux. L'air l'esmeut luy

faisant perdre ce qu'elle a de propre d'estre immo-
bile n'abyssât seulemēt champs, maisons, bourgs,
villes ains les nations & regiōs entieres, n'en lait-
sant souuent apparence aucune, par où l'on puisse
veoir que elles ayent esté. Puis le feu estant si fertil-
le qu'il s'engendre de luy mesme, & croist de peti-
tes estincelles, deuenant à l'instant grand & impe-
tueux la bruslé en plusieurs endroits au dehors &
au dedans espandu par les fonts, tortât des cailloux,
& bois froissez, apparoiſſant par les nuées, venant
des foudres, allumé par les miroirs ardants oppo-
sez au Soleil, lequel aussi avec les autres estoilles
la desseiché & rotist excessiuement en aucunes sai-
sons & contrees. C'est merueille que tant vexee
de toutes parts, elle ne soit pieça cōsommée. Mais
tant s'en faut que ces calamitez si grandes & vio-
lentes la destruisent, que plustost elles aident à sa con-
seruation car les tremblemens, par les ouuertes
qu'ils font, tirent les vents corrompus reseruez
en ses entrailles, causans leans les tintamarres e-
stouffez: les inondations en nettoient les ordures,
les ardeurs digerent ce qu'elles y trouuent trop
gros, comme les geleés moderent ce qui y est en-
flambé. Voyez ce que nous auons escrit cy deuant
au chapitre. 1. de ce present discours.

Des Causes & effects des Deluges, & combien il y a eu de Deluges en la terre depuis le commencement du Monde iusques a present.

CHAP. XXVII.



E plus grand & merueilleux miracle, par lequel les escritures saintes ont voulu louer & magnifier la toute puissance de l'Eternel : est celuy qui est par nous descrit en ce present chapitre. C'est à sçauoir qu'iceluy Eternel a des le commencement de cest vniuers tellement limité & borné les flots & les eaux de la Mer, qu'icelle ne peut ouïr passer ses limites & bornes, en aucune forme & maniere, sans l'expres commandement & puissance de son Createur : ainsi que confirment le grand Prophete Royal Dauid au Pseume 104. le Prophete Hieremie chap. 5. & Iob en son chap. 38. Mais il est aduenu quelquefois par le commandement & puissance du Createur, pour & a cause des pechez & offences des hommes viuans sur la terre, qu'icelle Mer est sortie de ses limites & bornes au long & au large d'icelle, ainsi que nous auons touché cy deuât voire il est aduenu par plusieurs & diuers siecles, des deluges : qui ont longuement couuert & occupé grandes parties de la terre ferme. A ce propos nous lisons dás les Commentaires Hebrieux de Rabi Selomoh sur le chap. 7. du Genese que les Hebrieux enseigne par leur Cabale croyoient que du temps d'Enos il y eust vn

grand deluge ou desbordement de l'Ocean, lequel perdit la troisieme partie des hommes viuans sur la terre, mais qu'iceluy ne fit entrer les suruiuans à aucun remords de leurs consciences, ny aussi a aucune pœnitence. Les escritures saintes font mention du deluge vniuersel qui fut faict & causé par continuelles & assiduelles pluyes descendans du Ciel durant quarante iours & quarante nuicts depuis le dixseptieme, du second moys qui reuiet au dixseptieme du moys d'Octobre, iusques au vingtseptieme iour de Novembre, selon l'opinion de Rabi Eliezer, & autres Rabins Hebrieux : ou bien depuis le dernier iour de Decembre iusques au neuvieme iour de Fevrier selon autres Rabins Hebrieux : lequel deluge vniuersel couurit & occuya toute la surface de la terre : au temps du Patriarche Noë. Inspace de cent cinquante iours entiers, apres lesquels les eaux commencerent a décroistre petit à petit dessus la terre, Ce deluge estant aduenü 1656. ans, & 6. iours apres la creation du monde, iceluy Noë estant aage de six cens ans, ainsi qu'afferment les Iuifs en leur composé escrit en langue Hebraique, & en leurs grandes & petites chroniques Hebraiques fondez & appuyez sur les propres parolles du chap. septieme du Genese bien interpretez : ce que remarquent fort bien Iosephe chap. 3. du 1. liure de ses antiquitez iudaïques. B.Ærias Montanus en son Daniel ou discours des siecles. G. Genebrard liu. 1. de sa Chronol. & L. Scaliger en son 5. & 7. liures de l'Emendation des temps. Et est ce Deluge vniuersel fort bien décrit par ce grand Prophete Moysse en son chap. 7. du Genese cy dessus allegué, & aussi par Hierome

l'Egyptien tres-ancien Aucteur Grec en ses antiquitez des Phœniciens, par Mnaseas Damascenen liure 96. de ses histoires, Berosé liure des temps, Alexâdre Polyhistor Melon, Eupoleme anciens Historiens, & par vn Abydenus dont font mention Plutarque au traicté que les bestes ont raison, Xenophon liure des Equiuocq. Censorin liure du iour natal & saint Cyrille liure premier contre Iulian. Qui plus est, il est faict mention d'iceluy par le Pseudoprophete Mahomys en son Alchoran ou Elphurcan azoare 64. & par les Indiens des Indes occidentales en leurs chansons anciennes, qui leur ont esté delaissees de tous temps & si eles par leurs predecesseurs ainsi que le confirme E. Lopez de Gomara liure 5. chap. 5. de l'hist. generale des Indes. Outre lequel deluge vniuersel cy dessus, il est fait mention de quatre autres deluges: Le premier, desquels fut faict & causé par le desbord du Nil du temps de Promethée, ainsi que cōfirme Diodore sicule liure 1. de sa bibliotheque & lequel deluge dura vn mois entier. Le second, aduint sous Ogyge l'attique durant soixâte iours, & selon Solin cha. 17. de son Polyhistor durant plus de neuf mois. au territoire d'attique, ainsi qu'apres les Samothraces le rapporte Diodore liure 6. & M. Varron liu. 5. de la chose rustique. Le troisieme aduint sous Deucalion nommé Deluge Thessalique, lequel fut tout vn Hyuer occupant la Thessalie, durât le regne de Sparete septieme Monarque d'Assyrie, du temps de Moysé, enuiron l'an du monde 2440. au rapport d'Eusebé liure de la Chronolog. duquel deluge faict mention Aristote au liure 1. des meteores chap. dernier, Lucian

au traité de la Deesse Syrie, & Iustin au liure 2. de ses histoires. Le dernier fut du temps de Prothée en Pharos enuiron la guerre de Troye, ou est a présent Alexandrie ville des principales d'Egypte: Mais ces quatre Deluges n'ont couuert & inondé que certaines parties ou contreés diuerſes de la terre vniuerſelle, au contraire du premier qui fut ſi grand & eſmerueillable, par l'inondation de l'Ocean, de routes les Mers, de tous les fleues, riuieres, Lacs, fontaines, & ruiſſeaux sortans de leurs ſieges, & des concauitez de la terre vniuerſelle, par le vouloir & cōmandemēt del'Eternel, des cataractes des Cieux ouuertes nommées en Hebrieu *Arnoth*, & par les iudiciaires Portes, nuees, & vapeurs fondues en bas, qui ~~se~~ ^{se} ~~ur~~ ^{ur} ~~it~~ ^{it} & occupa toute la surface de la terre vniuerſelle, & pour ne laisser rien qui ſerue en l'explication de ceste matiere, nous apprendrons qu'aucuns Theologiens ont entendu par les cataractes des Cieux cy deſſus; les eaux qui ſont par deſſus le ciel eſtoillé, deſquelles eſt faiēt mention au premier du Geneſe en ces mots. *Diſiſit aquas, quæ erant ſuper firmamentum ab ijs, quæ erant ſub firmamento*, Ce que confirment Eugubinus en ſes recognitions, Oleaſter en ſon explication ſur ce paſſage, & autres deſquels ſont mēt ion tant Beda liure de la nature des choſes rom. 1. que l'Auēteur des eſmerueilles de l'eſcriture ſaincte liure 1. chap. 6. Vray eſt que la plus grande & ſeine partie des Theologiens ont interpreté ces cataractes des Cieux, pour des nuees ſolues & ouuertes comme des fenestres, deſquelles paruint vne grande abondance d'eaux pluuiales, à quoy adherent S. Ambroise au liure de Noë & de l'Arche, chap. 14. Rupert liure 4. chap. 20. ſur le Geneſe,

Sainct Thomas sur les Pseaumes & sur le Genese Lyranus, Abulensis, Dionisius & les gloses ordinaires sur ce passage. Et pour retourner a nostre premier propos, nous remarquerons que certains meschants & malheureux Astrologues, entre lesquels ont esté les premiers Albumasar liure des grandes conionctions, Aoniar en ses liures des natiuitez, & l'Auicéne en ses œuures, ont osé, mais trop temerairement & audacieusement, asseurer que par la conionction des planettes froids & humides aduenant en mesme temps, vn deluge vniuersel pourroit aduenir, tel que celuy qui aduint en ces signes, du temps du Patriarche Noë. Ce qui a esté aussi escrit & confirmé par ~~celuy~~ ^{celuy} ainsi que recite Senecque liure 3. de ses questions naturelles, disant estre impossible en nature qu'un deluge vniuersel puisse aduenir autrement qu'en la conionction des Planettes au signe du Capricorne. Mesme il me souuient auoir leu dans les plus anciens memoires des Grecs, que Belus Babylonien affermoit vn deluge vniuersel pouuoir aduenir, lors que les corps celestes, ayant maintenant cours diuers & dissemblable, conuiendroient au signe de ce Capricorne, tellement posez sous mesme endroit qu'une ligne droicte peut passer par tous les Cercles d'iceux. Qui plus est quelques vns ont asseuré que l'Aristote liure des proprietéz elementaires & apres luy Olympiodorus aucteur Grec, les propos duquel sont recitez dans A. Turnebe liure 1. chap. 18. de ses aduers. ont esté si hardis de dire que les grandes inondations & deluges sont faicts & causez en nature qu'ad les Planettes sont conioincts & assemblez aux signes d'Aquarius ou des poissons, au contraire des grandes seicheresses & ardeurs qui aduen

aduient aux signes du Lyon ou du Cancre, à quoi semble adherer le Poëte Lucain liure 1. de ses poëmes. D'abondant le mesme Berosé cy dessus escrit que Noë predict le deluge vniuersel deuoir aduenir, par la cognoissance des astres qu'il auoit en luy, ayant fait & construit septante & huict ans deuant ledit deluge vniuersel son Arche, si grande & si ample, pour obuier à la ruine & inondation vniuerselle d'iceluy. Guillaume de Paris en son liure de l'Vniuers a escrit que Moysé a entendu par les Cataractes des Cieux, les parties des Cieux, propres a produire & engendrer les grandes & demesurees pluyes & inondations d'eaux, telles que sont celles que les Poissons, les Pleyades, les Hyades, Mars, Venus, la Lune & Orion occupent, à quoy semblent prier Rabi Eliezer & autres Hebrieux ainsi qu'il est contenu en la chronologie des Hebrieux: Pierre d'Alliac Cardinal en ses questions sur le Genese en dit autant. Mesme vn certain grand Astronome nommé Henric Mechnius disciple de Albert le grand, en ses Commentaires sur les grandes conionctions d'Albumasar se vante d'auoir treuvé par supputation astronomique de Iuppiter & de Saturne estans en grande conionction à la fin du Cancre à l'endroit de l'asterisme de la nef celeste. le Deluge vniuersel auoir esté fait au temps du Patriarche Noë, l'opinion duquel a esté ya bien soixante & plus proposée & disputée publiquement, & deffendue par liures & escrits d'un certain Personnage nommé Tiberius Calabrois Philosophe, mais icelle comme peruerse & heretique refutée du tout par vn Hierome Armelin en vn sien volume composé pour cest effect, que i'ay autrefois veu en vne des plus belles & rare biblio-

theque de ce royaume. Donc nous Chrestiens, ne ferons aucun estat ou conte de ceste Philosophie astronomique cy dessus deduite, touchant la cause du deluge vniuersel, comme estant icelle du tout contraire à elle mesme: veu mesme que nous sommes bien assurez que le Prophete Moysè au chap. 6. du Genese attribue la preuoyance du deluge vniuersel qui deuoit estre faict, à la seule declaration du grand Dieu, lequel estant offencé par la malice & meschanceté des hommes viuans sur la Terre, delibera de ruiner ce bas monde par sa seule puillance, en faisant vn tel deluge vniuersel par dessus toute la terre, lequel par la nature, ne aussi par l'influence ~~de la~~ ^{de la} puissance des Astres ne pouuoit iamais se faire & aduenir, ~~ve~~ ^{car} que, comme dit le grand Aristote liur. premier chapitre 14. des meteores ~~deux~~ ^{deux} occupant vne partie de la terre où elle n'auroit iamais esté, il faudroit necessairement que celle où elle estoit au parauant, demeurast seiche ou descouuerte, à cause que la nature ne peut permettre qu'en vn coup toute la terre soit couuerte d'eaux, veu que mutuellement les elements sont engédrez & corrompus par succession de temps. Et faudroit que les eaux fussent engédrées des elemēts, ce que s'il estoit faict, il s'enfueroit vn deperissement d'iceux ce que enseigne doctement S. Damascene liure 1. chap. 3. de la foy orthodoxe. Aucuns Aucteurs comme Berosè Ane Vuittebirense son Cōmentateur, Pierre d'Elliac en ses questions sur le Genese, Guillaume de Paris en la premiere partie de son vniuers cy dessus alleguez, assurent que les Chrestiens peuvent croire le deluge vniuersel aduenu au tēps de Noë estre prouenu des causes de la nature, ensemble de la diuine puillan ce

laquelle auoir en son haute sapience déterminé depuis le commencement du monde par vne conionction des astres le deluge vniuersel qui deuoit aduenir quelques siecles apres. Mais ceste doctrine est vn peu chatoüilleuse pour n'estre fondée sur aucune raison philosophique, ains estre du tout contraire à l'escriture sainte, laquelle attribue la seule cause de ce deluge à la seule puissance de Dieu, & non a aucune conionction d'astres, à propos dequoy faut lire ce que tres doctement en a escrit *Sixtus Senensis* liure 5. de la bibliotheque sainte. Et est vne chose digne de remarque que les Atheniens croyans ce deluge vniuersel celebrioint au rapport d'Apollonie vne feste appellée par eux, en leur langue grecque *ὑδρποτοφία* Portement d'eau durant leur moys *Anthesterion* qui vient a nostre moys de Novembre, ce que confirme Plutarque en la vie de Sylla, & ce est memoire & souuenance de ceux qui estoient peris lors d'iceluy deluge vniuersel, mesme les Romains faisoient les Lupercales en signe du deluge vniuersel selon ce qu'en escrit S. Augustin liure 18. chap. 12. de la cité de Dieu : ces Peuples Payens estant de meilleure foy & croyance que le melchant & impie *Auerroes* liure troisieme de l'ame, lequel avec quelques petites raisons apparentes, mais non certaines & asseurées à tasché de pouuoir prouuer qu'il n'y a iamais eu de deluge vniuersel parce qu'il n'e pouuoit estre vn en nature en aucune forme ou maniere, ce qui est traicté apres luy par Cœl. Rhodiginus liure 2. chapitre 29. de ses diuerses leçons. Et à fin que nous n'oublions aucune chose digne de cōsideratiō en ceste matiere nous apprendrons que certains peruers Astrologues de ce siecle tant en Asie, en

Afrique, que Europe auoient escrit contre l'eypresse parolle de Dieu inserée au chrpitre 9. du Genese que en l'an 1524. il y auroit à cause des constellations celestes, vn deluge vniuersel ce qui mit vn certain President de ce temps là de faire construire & bastir des arches pour s'y sauuer & sa famille lors que ce deluge aduiendroit. Il me semble veoir quelqu'un en cest endroit demander d'ou viennent les deluges particuliers? mais ie ne luy respondray que l'Aristoteliure 1. des meteores à tenu qu'il aduient en nature certains temps anniuersaires, ou certains grands circuits de temps fataux, lesquels causent & produisent de grands Hyuers, & de grandes & demelurees neiges & pluyes, lesquelles causent tels deluges particuliers ou elles aduiennent. Vray-est que ce grand personnage n'a declaré lierement quels sont ces temps anniuersaires, ou certains grands circuits de temps fataux, et quels ces choses se font. Alexandre le Philosophe a referé la cause de tels deluges particuliers à certaine fatalité des temps, ou certains circuits d'Astres, mais iceluy n'a déclaré aucunement quels sont ceste fatalité des temps ou certains circuits d'astres. Olympiodore voulant declarer cela plus clairement, à dit que les grands Hyuers aduiennent quand toutes les estoilles vagues occupent quelques signes brumaux ou hyuernaux tels que sont les signes du Verseau & des Poissons: car si par l'absence du Soleil de certaines contrees ou regions, il se faiet tous les ans des Hyuers en icelles, il est donc de necessité, toutes les estoilles vagues, lesquelles par leur proximité reschauffent icelles contrees ou regions, & y apportent de la chaleur & seicheresse: se retirans d'icelles,

& s'en allant en autres lieux & autres signes brumaux & hyuernaux fort eslongnez, estre faicts & causez de grands hyuers & de grandes inondations d'eaux: ainsi qu'il aduient par contraire, icelles estoilles s'en retournant en des Signes estiuaux à sçauoir les signes du Lyon & du Cancre plus proches d'icelles contrees ou regiõs, estre faicts & causez de grãds Estez, & de grandes seicheresses. Et parce que ces estoilles vagues se retirent par nature necessitante en certains temps, en ces signes brumaux & hyuernaux, il est credible (ainsi que dit ledit Olypiodorus) que le Prince des Philosophes a entendu parler de ce que dessus, quand il a faict mention seulement de ces temps anniuersaires, ou certains grands ~~ex-~~ cuits de temps fataux, Qui en voudra veoir dauantage lise Senesque liure 3. chap. 27. 28. & 29. de ses ~~quel.~~ *natur.* Origine liur. 4. contre Celsus Lactance firmian liure 2. de l'Origine de l'erreur chap. 14. Iosephe liure 1. contre Appion, Eusebe liure 9. chap. 4. de sa preparat. Abensina liure des deluges saint Augustin liure 18. chap. 8. & 10. de la Cité de Dieu, L. Viues liure 1. de la verité de la foy catholique, Isidore liure 14. saint Damascene liure 1. chap. 3. de la foy orthodoxe. Felician Capito en ses Catholiques explications Iacques Faber & F. Vicomercatus en leurs Comment. sur les meteores d'Aristote 1. Pic de la Mirande liure 4. chap. 14. contre les Astrologues H. Cardan liure 2. de la subtilité, Oronce Finee, liure 9. chap. 16. de la marguerite Philosophique P. de morné discours de la verité de la religion chrestienne chap. 26. I. Bodin chap. 8. de sa method. de l'histoire G. Genebrad. liure 1. de sa chronograph. Charion en l'abbregé de ses Chroniques G. Contaren en ses

liures des quatre Elements, B. Arias Montanus en son discours des siecles P. Boisteau surnommé l'Aunay liure rchap, 10. des histoires prodigieuses, B. de Vigenere en son arguement sur le tableau de la Thesale de Philostrate, F. des Caures liure premier chapitre 53. des œuvres morales, F. de Belleforest troisieme tomé des histoires prodigieuses chapitre 15. & les Auteurs des Commentaires de l'Escholle Conebriffence sur les meteores d'Aristote chapitre des deluges, & autres auteurs modernes que l'obtiens pour elater prolixité.



DE L'ARCHE DE NOE,

CHAP. XXVIII.



E croy, qu'il y a peu de personnes fa-
sans estat de lire les bons liures, qui
ignorent y auoir eu autrefois du temps
du Patriarche Noë ainsi que j'ay ^{xi-} rap-
porté au chap. precedēt, vn deluge uni-
uerselle couurit & occupa route la terre uni-
uerselle durant plusieurs iours & nuicts, & par ce
moyen fit mourir rous les hommes, & rous les ani-
maux d'icelle, fors & excepté ledit Patriarche Noë,
sa femme, ses fils, & ses brux, & les animaux qui
eurent leur retraicte dans l'Arche faicte & cōstrui-
te long temps au parauant par le commandement
expres de l'Eternel comme il est amplement conte-
nu aux chap. 6. & 7. du Genese. Et d'autant que cest
vne fort belle deduction, mais non cogneue de plu-
sieurs que celle qui a esté faicte par les Anciens de
cette Arche, nous rapporterons en ce chapitre par-
ticulierement les choses que nous iugerons estre
plus dignes de remarque en icelle.

Les Hebrieux ont en leur langue Hebraique deux
mots propres pour signifier vne Arche, le pre-
mier נח *Thebach*, l'autre ארון *Aaron*, lesquels deux

mots signifient & emportent autant que le mot latin *Arca* (que M. Varro dict auoir esté ainsi appelée en latin, *quod ab ea clausa fures arceantur*) au lieu desquels mots, les septante deux interpretes Grecs ont vsé, du mot Grec *Κιβωτόν*. *Arō* est vne Arche faicte & construite pour garder & conseruer les choses priuees d'ame, & de vie, telle, qu'estoit celle du vieil & ancien testament, consacree à Dieu, pour garder & conseruer les tables de la Loy diuine, le Pentatheuque de Moyse, le Vase plein de manne & la verge d'Aaron: ou telle encor que celle qui fut faicte par le commandement de Ioas, & posée au deuant des Portes du temple de Hierusalem, dans laquelle l'argent qu'on donnoit pour l'entretienement & reparation dudit temple estoit mis & renfermé. *Thebath*, estoit l'Arche construite par le commandement de Dieu, par Noë & les siens, pour la conservation de luy, de sa femme, de ses fils de ses bons, ensemble des Animaux, lesquels Dieu auoit resolu ne deuoir perir par le deluge vniuersel. Ce mot *Thebath*, ne se treuuant en l'escriture Hebraïque autrement, qu'en ceste signification. Les mesmes Hebrieux disent que ceste Arche fut construite de boys appelé en leur langue Hebraïque גפר *Gopher* qu'aucuns Rabins interpretent pour vne sorte de Pin, ou pour vne espece de Cedre resistant aux eaux, & à la pourriture, selon l'opinion des Chaldeés, vray est que les Thalmudistes font quatre especes de Cedre, mais les vns & les autres Auteurs conuiennent, que *Gopher* est vne espece d'Arbre, ou bois leger propre a faire nauires: Autres Auteurs que les dessusdits, interpretent ce mot, *Gopher*, bois parez, mais I. Buter en son discours de l'Arche de Noë dit que ce mot doit estre

interpreté selon les septante interpretes, Boys esgarez propres à faire nauires.

Les susdits Hebreux rapportent apres l'escriture saincte que les bois de ceste Arche furent calfeutrez dehors & dedans debitume, qui est vne espece de soulfhre, ou de limon ou terre sulphuree selon Plin-
ne, qui endit ces mots. *Est natura bituminis vicina sulphurea, alibi limus, alibi terra. Limus à Iudea lacu emergens, cui nomen Alphatides, ab Alphato voce greca bituminis. prater quod nihil aliud gignit. Terra in Syria circa sydonem oppidum maritimum. Spissantur hæc utraque, & in glebas densitate coeunt. M. Vitruue Pellion en a dit cecy. Item loppe in Syria, Arabiaque, Numidarum Lacus sunt immansi magnitudine, qui emittunt bituminis maximas moles. Et ibi crebra sunt lapidicina bituminis duri. Gignitur et virgæ, liquorisque oleacei in Cicilia, Acraganthe, fonte inspicuus riuum, eoque vtuntur incolæ ad lucernarum lumina, olei vice, in reliquo usu aramentis illinitur, firmatque ea contra ignes. Placet & in Ferrariis Fabrorum officinis tingendo ferro, clauorumque capitibus. Adhuc incorrupta vis bitumini, aquisque contumax. Ideoque ligna conseruat ne combibant humorem noxium, neque patitur cariam penetrare, tineas, teredinem, termitumque prohibet, propterque diuturnitatem operibus maxime præstat. Sed & virtus in eo præcipua copulandi præter materiam etiam corpora. Colligat enim vulnera, neruosque glutinat. Calcis quoque præbuit usum Semiramidi Regina: ita ferruminatis latere testaceo Babylonis muris. Propter has itaque tam opportunas operi nostro virtutes existimo, præter tignorū frontes intus, & extra, tota quoque latera iun- Eturarum dum inter se committerentur, & denique totum opus intestinum linita bitumine. Quod non solum ad coagmenta valuit, sed etiam ad seculi durationem ante cata-*

„ *clysmum*, quo tenuit fabrica post quem etiam (vt prodit
 „ *Iosephus*) in Cordico Armenia monte ubi sidentibus aquis
 „ nauigium confederat, quedam reliqua ad ipsius historici
 „ tempora perdurabant & egressory nomen a re ipsa, hoc est
 „ ab egressu Noe loco remāsit. A diluuiio autem ad Iosephum
 „ supputatione etiam minima tempus annorum plusquam
 „ trium millium inuenies. Lequel passage cy dessus de
 Iosephe, inferé au 5. liu. chap. 5. de la guerre des Iuifs,
 est illustre par ce que en dit Egésippe liur. 4. chap. 18.
 de la Guerre des Iuifs, & Frere Brocard Moyne en
 sa description de la terre sainte, avec lesquels faut
 veoir Galen liu. 4. & 11. des medicamēs simples apres
 Herodote en son Erato, Solin liu. 4. Corneille Tacite
 liure 21. Diodore Sicule liur. 3. Strabo liur. 16. Dio-
 nysius Afer liure de situ orbis Iustin liure 1. Dion en
 la vie d'Vlpus, Ouide au 4. de sa Metamorphose.
 Outre les Aucteurs susnommez George Agapola
 homme tres-sçauant en ce siecle en ses liures des mi-
 neraux recognoist plusieurs differentes especes de
 ce bitume l'un estant blanc de genre de nāphte, du-
 quel fait mention Pline liure 2. chapitre 10. de cou-
 leur de cendre, l'autre de couleur rousse: l'autre de
 couleur semblable à la Cire: l'autre, au miel: l'autre,
 à l'ancre, l'autre, au pourpre, l'autre, au violet, & l'au-
 tre, estant roux, & noir. Dioscoride liure 1. chap. 84.
 & 85. nombre entre les bitumes le Pissaphalton sen-
 tant la poix & le bitume. Aucuns disent que le Cam-
 phora est vne espece de bitume, car celui qu'on ap-
 porte en l'Europe est plus souuent falsifié de bitu-
 me cuit dans vn vase de veoir. Les modernes
 Voyageurs & Nauigateurs nombrent de *Succinum*
 nommé Ambre iaune entre les especes de bitume,

ensemble l'Ambre gris falsifié, Estant chose tres-certaine & asseurée que la plupart de l'Ambre gris qu'on vend pour le iourd'huy est composé de *ben-ion*, cire neufue, pourriture de fresne, miscq. d'arbres Styrax, ladaue, racleures de bois d'encens avec vn peu de muscq & Ziuette. destrempee en eau de rosee, mais cela est aisé à cognoistre, car quand il est falsifié, il se dissout incontinent qu'il est ietté dans de l'eau. Les Anciens Auteurs n'ont cogneu de leur temps toutes les sortes de bitumes qu'on cognoist de present, encor que Nicandre en ses the-riacques face mention du bitume terrestre. par luy nommé en son langage Grec, *εγγύγιον* *πέρπλου*. & par son Scoliaſte *γoxyſſιον*, Theophraste l'appelle *εὐπαργος* *γαδάς*, Dioscoride, Gagatem; Pline, *Gemma Samotraciam*, Xenocrate; *Lepidem obsidiacum*, Strabo, *Gangitens*, ou *terram ampulicem* autrement en François Geays. A propos dequoy voyez A. Matheole en ses Commentaires sur le 1. liure de Dioscoride chapitre 9. 84. & 85. H. Cardan liure 5. de la subtilité Iules Cæsar Scaliger exercitat. 104. de la subtilité. Philander en ses Commentaires sur le huietieme liure chapitre 3. de Vitruue cy dessus allegué, Reimerius Solinander en son liure premier, *de caloris fontium medicamentorum causa* cap. 10. Goncal Fernand Ouiede liure 17. chapitre huietieme, de son histoire generale des Indes. François de Belle-forest chapitre quinziesme du 1. liure de sa Cosmographie & Ætheus chapitre 9. du 6. liure & chapitre 16. & 10. liure de sa Cosmographie. Mais oultre ce que dessus nous apprendrons que pour le iourd'huy la ville de Mesopotamie, est arrousee d'un fleuve

portant le mesme nom d'Is , auquel on void plusieurs pieees de Bitunie , tout ainsi qu'en la Mer morte de Palestine , la Region babylonique abondant en ceste liqueur bituminense , y ayant pres Diascira villed'icelle Region , vne fontaine vomissant à present en mode de cailloux & grosses masses, le Bitume.

Les susdits Aucteurs Hebrieux cy deuant alleguez asseurent que ceste Arche de Noë estoit diuisee en plusieurs Mansions , ou demeures , nommees en Hebrieu *Kinim*, cest à dire *Nids*, seruans pour la retraicte des animaux qui y entrerent à cause du deluge. Mais ceux qui en ont mieux parlé , ont tenu, ainsi que le remarque le grand Origene en ses questions sur le Genese, que ceste Arche auoit trois contignations ou Estages, à sçauoir, la basse, celle du milieu, & la superieure: la basse, seruant de demeure, celle du milieu, pour la demeure des Animaux doux, & furieux , & la superieure pour la demeure des hommes à sçauoir de Noë, sa femme , ses fils, ses brus , sa famille, ensemble , des oyseaux, herbes, & fruiçts pour la nourriture desdits hommes & animaux retirez en icelle, comme plus particulièrement l'expliquent apres les anciens Theologiens Hebrieux, Grecs , Latins & autres I. Buter en son discours de l'Arche de Noë, & Arias Montain en son Noah, ou discours de l'Arche de Noë , demonsttrans clairement par viues raisons trop longues a rapporter pour le present, que ceste Arche en ses contignations ou estages estoit trop plus que suffisante pour contenir vne paire de tous les animaux avec lesdis Noë, sa femme ses fils, ses brus & sa famille. Bref lesdits Aucteurs cy dessus alleguez ont laissé par escrit que ce-

ste Arche se rapportoit du tout à la symmetrie ou
modelle de la mesure d'un homme mort estendu
tout de son long & de son large sur la terre selô que
le recitent plus particulièrement S. Augustin liu. 15.
de la cité de Dieu chap. 26. & 27. Sainct Ambroise
liure du deluge. Cornel. Agripp. liure 2. chap. 27. de
la Philosoph. occult. & ledit B. Arias montain cy
leuant allegué au cha. 61. de son Ioseph, ou discours
lu propos secret, & en sondit nohal, ou discours de
a fabrique de l'Arche de Noë.

La fenestre d'icelle Arche estoit en la superieure
contiguation nommee en Hebrieu שֹׁהַר *Szohar*,
mot procedant de la plus grande lumiere du iour
qu'on receuoit par icelle, enuiron le midy, & non,
comme disent aucuns Rabins, qu'elle fut d'une grã-
de pierre precieuse nommee escarboucle, laquelle
d'elle seule rendoit vne grande clarté par toute l'Ar-
che, ou bien estoit appelée autrement חֶלֶן *Halon*,
mot Hebrieu plus commun, pour donner à enten-
dre l'ouuerture par laquelle le iour pouuoit entrer,
& estre veu par le dedans & par le dehors: car *Szohar*
differe de *Halon*, parce que le premier signifie vne fe-
nestre faicte d'un corps lucide & sapphyrin receuât
la lumiere, comme de verriere, Chrystal, ou autre
matiere lucide, & transparente, & le dernier, denote
toute sorte de fenestre ou ouuerture. L'escriture
saincte Hebraique au chap. 7. du Genese contient
que la longitude de ceste Arche auoit. 300. couldees,
la largeur d'icelle. 50. coudees & le haut d'icelle 30.
couldees: Mais combien contenoit chacune coul-
dee d'icelle, il est asses cōtrouerse entre les Hebrieux
& les Theologiens Grecs, & Latins. Les Anciens
Hebrieux auoient deux sortes de couldees, l'une ap-

pellée *Legale*, l'autre, commune ainsi que j'ay treuuié dans les escrits des dits anciens Hebrieux. La couldee *Legale* ayant tousiours esté vne & semblable à sçauoir de six *Tephahhim* ou paumes, ce qu'enseigne Moysè Gerundense en ses Comment. sur le 6. chap. du Genèse; La couldee commune ayant esté de cinq paumes plus ou moins grandes selon la grandeur des homes d'alors, depuis le coude iusques au bout des doigts; icelle couldee n'estant vne & semblable pour la difference des grandeurs des hommes qui ont esté aux temps anciens plus ou moins grands & hauts-en stature. Quelques Aucteurs Hebrieux veulent que a ceste sorte de Couldee on doit referer ce que Moysè a laissé par escrit du liét de Og, Roy de Basan, long de neuf couldees, & large de quatre, entendant de la mesure de ~~l'homme~~ de l'homme différente de la legale, & semble que ce liét contenoit presque en long quarante & quatre communes paumes des nostres, & en largeur, vingt paumes. Et par la distinction cy dessus faut entendre le passage de la Meschue chap. 17. ou il est faict mention du *Cholain*, à sçauoir qu'il y auoit deux sortes de couldees a *Suse* ville principale de l'Empire des Medes: Oultre plus Camhius sur le chapitre 41. de l'Ezechiel nous assure que la Legale couldee contenant six *tephahhim* estoit nommée d'aucuns Hebrieux *אזילא* *Azilah*, & en latin *Axilla*, & que sous ceste mesure de Couldee nous deuons entendre l'ancien tabernacle, & le temple de Hierusalem auoir esté construits & edifiez ainsi qu'il est plus particulièrement contenu en la Mischue cy dessus alleguee traicté *Beruroth*, chapitre 8. & que

le confirme B. Arias Montain en son Tuballain ou discours des mesures sacrees. Quelques autres Auteurs Hebrieux assurent que chascque couldee de ceste Arche de Noë estoit vn pied & demy : Aucuns autres y adioustent encor vn demy pied, quelques autres disent que elle estoit de neuf pieds. Et quelques autres la diuersifient selon la diuersité de la hauteur des corps des hommes viuans auant le deluge vniuersel, lesquels il est credible auoir esté beaucoup plus hauts & grands que ne sont les hommes de ce temps. Vn ancien Heretique nommé appellez disciple du tresmeschant Marcion ayant orgueilleusement voulu calomnier de mensonge les escrits de Moysé donna occasion aux Peres anciens, spécialement au grand Origene de traicter entre autres points de la capacité de ceste Arche de Noë, & de dire que chascque couldee estoit geometrique, c'est à sçauoir que chascque couldee, estoit de six autres couldees quarrées. Et que toute la solidité de ceste Arche, suiuant ceste mesure, contenoit quatre cens cinquante mille couldees cubitales quarrées : car il est certain, (ainsi que disent lesdits Peres anciens & Origene) que la longueur de la base d'icelle Arche, contenoit six fois la largeur d'icelle, & la base d'icelle pouuoit estre diuisee en six quarrés egaux. Le costé commun desquels, estoit de cinquante couldees, lesquelles multipliées en elles mesmes font deux mille cinq cés couldees quarrées ce qui estoit la sole d'un des six quarrés, en la base. Et derechef les couldees dudict quarré est de deux mille cinq cens, multipliées en trente couldees du haut d'icelle, se treuuent monter à septante & cinq mille couldees des cubitales,

ce qui estoit vne sixieme du corps d'icelle Arche Parquoy comme disent lesdits Peres anciens & Origene vne chacune de ces couldees estoit diuisee en six, parce que six fois septante & cinq mille Cubes cubitales, font quatre cens cinquante mille, qui estoit toute la capacité de ladite Arche ainsi que le rapportent apres lesdits anciens Peres & Origene, I. Buter cy dessus allegué en l'arche de Noë. I. Goropius en ses Origenes liure 2. & B. Arias Montanus sus-allegué en ses discours intitulez Tubalcain, & Noah, & Gilbert Genebrard liure 1. de sa Chronograph. Quelques autres Auteurs veulent que ceste Arche à prendre simplement la Couldée en sa commune signification de pied & demy, considerant la longueur de la base d'icelle, la largeur & hauteur d'icelle, estoit assez spacieuse pour ~~loger au large~~ ^{loger au large} Noë, sa femme, ses fils & ses brus & leur famille, avec toutes sortes de animaux au nombre que Moyse remarque generalement à sçauoir masse & femelle de chaque espece non nette, & des nettes sept de chaque espece, masse & foemelle. Et à fin qu'il ne semble incredible à aucun, que ceste Arche de Noë aye esté si grande & si immense que nous auons deduit cy dessus: nous dirons que Athenée liure 5. de ses dypnosophistes chap. 6. 7. faict mention que les Roys d'Egypte & Syracuse firent de leur temps construire des nauires estranges & esmerueillables en grandeur & vastité, presque esgalles à l'Arche de Noë. Plutarque repete vne de ses histoires en la vie de Demetrius ou il dit que Ptolomee Philopater Roy d'Egypte fit faire ce nauire long, de deux cens quarante couldees, de large, de 38. couldees, & de haut, de 48. y ayant esté employé pour le construire

la matie

la matiere bastante à cinquante Galeres. A propos dequoy faut veoir ce que Chalcondile a laissé par escrit liure 9. de son histoire des Turcs des grands & enormes vaisseaux de Mehemet, des Venitiens, & d'Alphonse Roy de Naples. Mesme en ce Royaume de nostre temps il fut construit vn tres-grand & tres-spacieux Nauiresur la coste de Bretagne lequel faute d'esprit & industrie à le remuer demeura inutile a Brest ou en fin il se pourrit & perdit par apres. Les mesmes Buter, Genebrad, & Arias Montain, aux lieux sus-alleguez font mention apres les Auteurs anciens, de plusieurs Auteurs qui assurent l'Arche de Noë auoir esté construite en forme cubique d'aucuns autres Auteurs, qui disent qu'elle estoit de forme quarrée, aucuns autres, de forme presque pyramidale. & autres, de partie, quarrée, & partie, pyramidale. Rabbi Selomoh en ses Commentaires Hebreux sur le Genese escrit que Noë commença à faire construire ceste Arche cent ans deuant le deluge vniuersel, estant ce Patriarche pour lors aagé de cinq cens ans, & de six cens ans quand il entra en icelle, ce que semble assurer Moysè en son chap. 7. de Genese, & que ceste Arche fut construite tant par le labour & diligence des enfans de ce Patriarche, de ses domestiques, que des charpentiers & autres bons ouuriers de son temps. Quelques autres Hebreux tiennent que Noë demeura cent vingt ans entiers à faire paracheuer ceste Arche ainsi que deduit le mesme Rabbi Selomoh au lieu sus allegué. Rabbi Iosua tient qu'iceluy Noë entra en icelle Arche le 17. du mois second à sçauoir liar, cest a dire Apuril lors que les pluyes commencerent à s'estendre sur la terre vniuerselle durant 40. iours, &

40. nuiëts iusques au 27. de May, les eaux occupans toute la terre durant 150. iours, qui reuiennent à cinq mois entiers, iusques au 17. mois du septieme mois de *Tisri*, ou Septembre; les 40. iours durant, lesquels il pleust en abondance sur la terre, deuant estre compris & contenus dans le nombre des 150. iours cy dessus specifiez, quoy que tiennent le contraire Rabi Salomon & Lyranus sur le Genes. Depuis ce temps iusques au premier iour du mois dixieme *Tebet* ou Decembre les eaux decreurent & diminuerent au sommet des montagnes, Quarante iours apres le Corbeau fut enuoyé hors de l'Arche sçauoir le 10. iour du 11. mois *Sebet* ou Ianuier: sept iours apres la Colombe fut enuoyee sçauoir le 17. du mesme mois de Ianuier, & sept autres iours encor apres icelle estant encor enuoyee ne retourna pas, à sçauoir apres le 24. iour dudit mois de Ianuier. Tout ce qui fut fait depuis ce iour cy dessus iusqu'au premier iour du premier mois de *Nisan* ou Mars, à sçauoir durant 35. & 36. iours il n'en est faicte aucune mention en l'escriture: Donc au premier iour du premier mois de Mars cy dessus mentionné les eaux furent diminuees en leur superficie seulement; & fut ouuerte l'Arche par le dessus pour recevoir l'air, le vent, & le Soleil. Mais Noë ne laissa encor de demeurer 56. iours en icelle; c'est à sçauoir tout le mois de *Nisan* ou Mars, avec 27. iours du second mois *Iar* ou Auri, auquel la terre fut seiche ainsi qu'il est escrit au chapitre 8. du Genes. Le 17. duquel mois, vn an parauant, iceluy Noë estoit entré en ladite Arche pour se sauuer, sa femme, & ses-fils & brus ensemble les animaux destinez à c'est effect: Parquoy suiuant ce calcul cy dessus nous

apprendrons que Noel & les siens furent en l'Arche douze moys lunaires, & dix iours lesquels reuiennent à vn an solaire entier & parfait. Iosephe liur. contre Appion & liure 1. chap. 3. de ses antiquitez Iudaiques faict mention que ceste Arche de Noë s'arresta premierement apres que les eaux du deluge furent diminuees sur la montagne Cordiée en la region d'Armenie, surnommee depuis *saleh Noah* en Hebrieu, ἀποβατήριον, en Grec, c'est à dire *la descente de Noe*, en François autrement appelée *Baris*, ou *Paraponisus*; & assure cest Aucteur que du temps d'Alexandre les pieces & fragments de ceste Arche se voyoient encor sur ceste montagne & que Hierome Egyptien auoit faict mention de cela en ses antiquitez des Phœniciens, Mnaseas & beaucoup d'autres. A l'opinion desquels se conforme Nicolas Damascenien au liure 96. De ses histoires, le mesme Iosephe parle encor de ceste matiere liure 20. chapitre 2. disant qu'en la Region de Ceron on gardoit les reliques de l'Arche, de Noe, en laquelle on disoit que Noe fut preserué du deluge, & que on monstroit de son temps ces reliques à ceux qui les vouloient veoir. Berosé Chaldean en son premier liure des tēps a escrit ces mesmes discours, lesquels Philippe Bergomense en son premier liure du supplement des chroniques à repeté. Alexander Polyhistor, & Abydenus allegué par saint Cyrille ont laissé par escrit que de leur temps, les reliques de l'Arche en laquelle *Xysuthrus*, qui en Assyrien est autant que Noe se sauua, estoient gardees curieusement par les Armeniens lesquels s'en seruoient à la guarison de plusieurs maux & maladies. Iean de

Maudeuille Cauallier vivant en l'an de salut 1322. en ses voyages composez en langage romanesque, non encor imprimez chap. de l'Arche de Noe. Haiton Armenien liure de l'histoire des Tartares chap. 9. Marco Paulo liure premier chapitre quatrieme de ses histoires de Tartarie, Iosapha Barbaro chapitre vingtseptieme de son voyage en Perse, & Ambroise Contarem chapitre troisieme de son voyage en Perse escriuent qu'au milieu de la grande Armenie il y a vne montagne fort haute en rout temps, couuerte de neige, dont le circuit contient deux bonnes iournees de chemin, au haut de laquelle les Armeniens asseurent que l'Arche de Noe s'arresta apres le deluge vniuersel, laquelle montagne on appelle encor *Thoura Aram Noe*, la montagne de Noe, Quelques Auteurs Hebrieux veulent que ~~cette~~ montagne ayét esté nommée en Hebrieu dans l'escriture Sainte, אררט par les septante deux interpretes en langage grec *Αραρτ*, par le Paraphraste Chaldaïque *Aon Kelos*, *Cardu*, ce que selon aucuns modernes geographes nous deuons interpreter pour les montagnes *Gordyes*, desquelles Ptolomee fait mention en son cinquieme liure chapitre troisieme table troisieme d'Asie en sa Geographie, à propos dequoy faut veoir G. Genebrad liure premier, de sa Chronograph. André Theuet liure huietieme chapitre quatorzieme de sa Cosmographie, & François de Belleforest chapitre huietieme du troisieme liure du second tome de sa Cosmographie vniuerselle. Qui voudra veoir plusieurs autres belles & grandes recherches concernans l'Arche de Noe qu'il lise apres les anciens Peres I. Buter B. Arias Montain & G.

Genebrard cy dessus alleguez, Huguo en son discours de Arca Noë, L. Vines en ses Commentaires sur le vingt-septieme chapitre du quinzieme liure de la Cité de Dieu de Sainct Augustin I. Scaliger liure troisieme & cinquieme de la correction des temps, & B. Pererius en ses questions sur le Genese.

F I N.

In magnis voluisse sat est.

D'auoir osé, suffit aux grandes choses.

D d ij

11. 10. 1911



Calicut



Intro. le. 15.

des

55/60
200

